













*Comp. G. 15*

Digitized by the Internet Archive  
in 2011 with funding from  
University of Toronto

# ANALECTA HYMNICA

MEDII AEVI.

---

XIII.

HISTORIAE RHYTHMICAЕ.

## Liturgische Reimofficien.

Zweite Folge.

Herausgegeben

von

**Guido Maria Dreves,**

S. J.



Leipzig.

O. R. Re i s l a n d.

1892.

HISTORIAE RHYTHMICAE.

---

Liturgische Reimofficien  
des  
Mittelalters.

Zweite Folge.

Aus  
Handschriften und Wiegendrucken

herausgegeben

von

**Guido Maria Dreves,**

S. J.



Leipzig.

O. R. Re i s l a n d.

1892.





JUN - 8 1938

10793

## EINLEITUNG.

---

Im fünften Teile dieser Sammlung ist eine erste Folge rhythmischer Officien zur Veröffentlichung gelangt, der sich die hier mitgeteilte zweite Serie in allem anschließt. Über Wesen, Inhalt und Form dieser liturgischen Poesien ist ebendort einleitend das Nötige bemerkt worden; nur bezüglich des Auftretens und der Verbreitung derselben sei es erlaubt, einiges wenige hier beizufügen.

Der Grundstock der mittelalterlichen Breviere ist das Römische, dem Karl der Große die Kirchen seines weiten Imperiums unterwarf. Die durch diese Maßnahme erzielte Einheit war indes von kurzer Dauer, da der gemeinsame Fond bei der damals in liturgischen Dingen herrschenden Freiheit von den einzelnen Diöcesen, Kollegiat- und Kloster-Stiften rasch und in weitem Maße verändert ward und zwar vor allem durch Hinzufügen von einer Wolke lokaler und provinzialer Heiligen und Patrone. Der bis tief in die Tage der Renaissance hinein stets wachsenden Liebe zu Rhythmus und Reim ist es zu danken, daß diese den einzelnen Bistümern und Abteien eigentümlichen Officien, zu einem großen Teile metrisch, beziehungsweise rhythmisch waren. Wir besitzen solche Officien aus dem neunten und zehnten Jahrhundert, so daß wir wohl nicht fehl gehen, wenn wir als Quelle des späterhin so mächtigen Stromes die von der „karolingischen Renaissance“ ausgehenden Impulse ansehen. Sind diese metrischen Offizien bis an und über die Grenze des zwölften Jahrhunderts noch seltener, so mehren sie sich in demselben Maße, als das Metrum dem Rhythmus, die Endassonanz dem Reime weicht; sie blühen mit der Sequenz vom halben zwölften ins halbe vierzehnte und wuchern und wildern weiter bis ins sechzehnte Jahrhundert hinein.

Während unsere *Historiae* ihren Ursprung meist lokalen Bedürfnissen und persönlichen Liebhabereien verdanken, gelingt es gleichwohl nicht wenigen, eine ansehnliche Verbreitung zu erlangen. Dies gilt vor allem von jenen, die ihren Weg ins römische Brevier fanden; von älteren sei beispielsweise an die des hl. Gregor, von jüngeren an das Heimsuchungsoffizium erinnert. Weite Verbreitung erlangen ebenso die Offizien des einheitlich geregelten Brevieres der Bettelmönche, der Franziskaner und Predigerbrüder. Über ganz Deutschland und über seine Grenzen hinaus verbreitet sich das Offizium der hl. Elisabeth; gleiche, ja gröfsere Verbreitung hätte die *Historia* der hl. Ursula (*Analecta* V, Nr. 78) erlangt, hätte nicht die Mannigfaltigkeit der Ursulaoffizien ihm Abbruch gethan.

In der Regel jedoch sind die Reimoffizien provinzial, ja lokal; nicht nur jedes Diöcesan-, nein, jedes Mönchs-Brevier weist derselben einige auf. Ja, das letztere kann man recht eigentlich als die reichste Fundgrube bezeichnen. So oft es gelingt, ein neues Klosterbrevier (nicht einzuschliessen die Bücher der Bettelorden) aufzufinden, wird man meist auch mit einem, wo nicht mehreren neuen Reimofficien belohnt. Leider sind aber die uns erhaltenen liturgischen Handschriften monastischen Ursprunges, aller scheinbaren Fälle ungeachtet, nur ein geringer Bruchteil von dem, was dem Zahne der Zeit und dem Unverstande der Menschen zum Opfer fiel. Welche Unzahl von Klöstern bedeckte nicht beispielshalber den englischen Boden. Wer sich davon überzeugen will, werfe, falls ihn das monumentale *Monasticum Anglicanum* erschreckt, einen flüchtigen Blick auf die primitiven Karten, die Gasquey seinem Werke über die Unterdrückung der klösterlichen Anstalten in England angefügt<sup>1)</sup>. Man wird aber schwerlich handschriftliche Breviere auch nur von einem Dutzend englischer Abteien nachweisen. Was wir somit an Reimofficien englischen Ursprungs besitzen, ist geradezu minimal im Vergleiche zu dem, was verloren ist. Es ist wichtig dies zu konstatieren, um sich einen annähernd zutreffenden Begriff von der Reichhaltigkeit des uns beschäftigenden Litteraturzweiges zu machen.

Und da wir auf England zu sprechen kommen, sei es erlaubt,

---

<sup>1)</sup> Henry VIII. and the English Monasteries. London. Hodges 1888—89.



bei dieser Gelegenheit einige anglikanische Reimofficien nachzuweisen, die uns verloren sein dürften. Die Handschrift 28 der Stadt Köln, ein Devotionale des 15. Jahrhunderts, enthält Bruchstücke einer großen Menge von rhythmischen Officien, darunter eine beträchtliche Zahl solcher, die theils noch nicht aufgefunden, theils nicht mehr aufzufinden sind. Von englischen Heiligen mit rhythmischen Officien gehören hierher: Osmundus, Simon Graf von Leicester, Thomas Graf von Lancaster u. a. Leider sind die hier mitgetheilten Bruchstücke nicht so umfangreich wie bei andern Heiligen, beschränken sich vielmehr auf nur eine Antiphon; weil aber bei sämtlichen anderen Heiligen diese Bruchstücke aus dem liturgischen Officium entlehnt sind, unterliegt es keinem Zweifel, daß dies auch hier der Fall ist. Von Thomas (comes Lancastriae, 22. März) lautet die Antiphon:

Ave, Thoma, gemma militiae,  
Dux in castris coelestis gloriae,  
Anglicanae miles ecclesiae,  
Tuae fave semper familiae.

Hierauf folgt sogleich die Kollekte: Deus, qui beatum Thomam, militem tuum inclitum, pro pace et statu Angliae dirae decollationis martyrium subire voluisti, concede nobis, quaesumus, ut ejus passio gloriosa sit nobis remissio scelerum et contra mundi pericula firmamentum. — Von dem Grafen Simon von Leicester mit Genossen (4. August):

O decus militiae Gentium Anglorum,  
Comes Leicestriae, Dextra oppressorum,  
Miles regis gloriae, Apotheca morum,  
Posce nobis miseris vitam beatorum.

Die Kollekte lautet: Deus, pro cujus pace et veritate gloriosus sanguis beati Simonis martyris effunditur, concede propitius, ut, qui ipsius sociorumque ejus beneficia implorant, pace perfrui mereantur aeterna. P. D. — Auch von Osmund, Bischof von Salisbury, findet sich nur eine Antiphon:

Christe, nostrum refugium,  
Salus, honor et praemium,  
Eduium coelestium,  
Via, ductor et bravium,  
Osmundi per suffragium  
Esto nobis praesidium

Hostile contra proelium  
Et duc post hoc exsilium  
Nos ad perenne gaudium.

Ein Officium, das ebenfalls verloren, ist das des hl. Gerlach Grafen von Valkenburg. Vergeblich sucht man in Houthem-Saint Gerlache, Meerssen oder Maastricht nach Spuren desselben. Das Kölner Devotional erhärtet aber die Existenz durch folgende Trümmer:

Invitatorium.

Adoremus Dominum laudabilem,  
In sanctis suis semper mirabilem.

Antiphonae.

1. Delicatum credens statum Esse cum hominibus,  
Statum vitae eremitae Praelegit omnibus.
2. Cilicii tenus cute Et loricae post indutae Vestis est asperitas.  
Panis hordeum et cinis, Quidquid lautum, dat vicinis  
Larga sancti caritas.
3. Hildegardis visio Singularem solio  
Coelesti notat sedem Sancti viri mercedem.
4. Ora, sancte confessor, Legum Dei professor,  
Tu, qui post tot certamina Inter sanctorum agmina  
Laeta decantas(ti) carmina,  
Post vitae hujus terminum Transire nos ad Dominum.

Bei einer Reihe anderer Officien, deren Existenz aus dieser Handschrift nachweislich ist, bleibt eine, wenngleich schwache Hoffnung, dieselben noch aufzufinden, so die Officien des hl. Albanus (21. Juni), Paulinus Diakonus (4. Mai), Notburgis, Gangolpus u. a.

In der Vorrede zum fünften Teile dieser Analekten war auch Rede von den metrischen Verskünsten des Mittelalters, denen namentlich die Reimofficien einen dankbaren Tummelplatz boten. Anschließend an das dort Gesagte sei es gestattet, hier ein Beispiel anzuführen, das zwar nicht einer Historia entlehnt ist, das aber wie kaum ein anderes darthut, bis zu welchem Raffinement die mittelalterliche Verskunst in den Zeiten der Nachblüte sich verirrt. Zeigt dasselbe auch einerseits das Überwuchern der Form über den Inhalt, so weist es doch auch andererseits, hierin an die spätgotische Plastik lebhaft gemahnend, eine geradezu staunenswerte technische Fertigkeit und Formgewandtheit auf. Es handelt sich um die Sequenz Lebuine confessorum,

die schon Kehrein aus der 1495 zu Deventer gedruckten Sequenzen-  
sammlung mitgeteilt hat. Ich werde zunächst den Text nach  
Kehrein und der Darmstädter Handschrift 521, einer Sammlung  
von Gebeten, Hymnen und Sequenzen, wiederholen, die 1462 zu  
Kloster Camp geschrieben worden<sup>1)</sup>.

- |   |   |
|---|---|
| <p>1. Lebuine, confessorum<br/>Praecellens flos, qui polorum<br/>Regna scandis ardua<br/>Linquens orbem, validorum<br/>Cor plenum portasti morum,<br/>Tu pandis miracula.</p> | <p>5. Huc transit confessor gratus<br/>Patria, gaudet vexatus,<br/>Daventren credit pia<br/>Plasmatori terrenorum,<br/>Qui justo sua coelorum<br/>Dat praeclara gaudia.</p>   |
| <p>2. Domini voces audisti:<br/>Transi mare, leges Christi<br/>Resera Saxonibus,<br/>Alme pater, sic fecisti<br/>Jussum, Trajecto tulisti<br/>Verba; dum Gregorius</p>        | <p>6. Lebuinus, vir sensatus,<br/>Prudens, mitis et beatus,<br/>Signa fecit plurima,<br/>Diffidentes superavit,<br/>Quorum mentes permutavit<br/>Per verba salubria.</p>      |
| <p>3. Praesul novit Lebuinum,<br/>Servum direxit divinum<br/>Huc toto conamine.<br/>Populus cis Yslam credens,<br/>Deitati mox accedens,<br/>Servit personae trinae.</p>      | <p>7. Saepe turbae convenerunt,<br/>Generale dum fecerunt<br/>Pariter consilium<br/>Illuc presbyter transivit,<br/>Hunc laessissent, sed abivit<br/>Reliquitque populum.</p>  |
| <p>4. Numine templum fundatur,<br/>Quod Wilpen convocitatur,<br/>Fecit hoc gens credula;<br/>Sanctus vitiosos mundat,<br/>Baptizatis promissum dat,<br/>Cluit dia gratia.</p> | <p>8. Tandem illaesus meavit,<br/>Namque rex illum salvavit<br/>Cordis noscens condita,<br/>Fiet quaevis caro cinis<br/>Viva, venit cito finis,<br/>De dulci migrat vita.</p> |

<sup>1)</sup> Fol. 0 b lesen wir die Schicksale der Handschrift betreffend: Notum sit omnibus librum praesentem inspecturis, quod anno Domini millesimo quadringentesimo sexagesimo secundo conscriptus fuit pro majori parte a diversis fratribus per quaternos divisus, eo quod exemplar ad sufficiens tempus, ut ab uno scriberetur, retineri non potuit. Ex quibus etiam quaternis sic scriptis postea per exortum inopinatum incendium aliqui combusti fuerunt et sic opus imperfectum remansit. Sed rursus sub anno Domini 1478 talis defectus possetenus recuperatus fuit. Et sic ex corrupto et integro liber collectus per diversos scriptores apparet, ut saltem pro aliquali exemplari ad perfectius et melius transcribendum in posterum haberetur. Appositae sunt praeterea orationes aliae in diversis locis nec non et de patronis altarium hujus monasterii Campensis, quae in exemplari non erant. Emendet igitur, qui potuerit et voluerit, adaptando singula locis suis, incorrecta caritative corrigendo et alias orationes, quae non hic habentur, si notabiles et devotas invenerit, adscribendo.



9. Christi nomini formavit  
Oraculum, plebs quo locavit  
Valde corpus nobile  
Confessoris Lebuini;  
Nos conducas recto fini,  
Rex plenus dulcedine.

10. Preces funde cunctis horis  
Genitrici salvatoris  
Quo poenas sumpsit duras,  
Crimina quod tollat verus  
Plasmator, validus herus  
Disponat mentes puras<sup>1)</sup>.

Hiezu fügt die Darmstädter Handschrift folgende Note:  
Fertur de praescripta sequentia, quod cum olim quidam egregius  
poeta Daventriam casu venisset, et canonici ibidem, ut eis  
sequentiam de sancto Lebuino, eorum patrono, dictaret, ab eodem  
poeta petissent, ipse poeta ab eisdem canonicis quaesivit, quali  
stilo, rigmatico videlicet an metrico eam habere vellent. Et  
cum alii rigmaticam, alii metricam praelegissent, respondit, se  
utrumque servare velle. Quod et fecit, quia sequentiam hanc a  
capite deorsum rigmaticam et a cauda sursum metricam fecit, ut  
patet diligenter intuenti. Et nota, lector, quod ultimus versus  
pentameter est sic legendo eundem:

Puras mentes disponat herus validus.

Ceteri sursum ascendendo sunt hexametri, prout parvae virgulae  
indicant. Unde versus:

Si legis a capite, tunc ista sequentia rigmus,  
A cauda sursum si legeris, est bona metra.  
Quorum quinque pedum postremum, cetera sex sunt;  
Hinc, qui composuit hanc, jure poeta vocatur.

Die parvae virgulae, von denen die Note redet, mögen in  
der Vorlage der Camper Mönche gestanden haben, in ihrer Ab-  
schrift stehen sie nicht. Was die Verse selbst betrifft, so ist ja  
zweifelloß, daß die Rhythmen dieser Sequenz keinen Adam von  
Sankt Viktor, die Hexameter gerade keinen Ovid verraten, wie  
schon der cäsurlös an der Spitze marschierende Pentameter  
genugsam insinuiert; allein wenn kein Kunstwerk, ein Kunststück  
bleibt die Sequenz gewiß, die a cauda gelesen also lautet:

Puras mentes disponat herus validus,  
Plasmator verus, tollat quod crimina, duras  
Sumpsit poenas, quo salvatoris genitrici  
Horis cunctis funde preces. Dulcedine plenus  
Rex fini recto conducat nos. Lebuini  
Confessoris nobile corpus valde locavit

<sup>1)</sup> Lesarten: 3, 4 cis Yllam (sic!), Kehrein. — 6, 1 vir censatus, Kehrein. —  
6, 4 Diffitentes, Kehrein. — 9, 2 Oraculum Kehrein u. Cod. Campen. —  
10, 3 Qui poenas sumpsit, Campen. — 10, 4 Criminaque tollat, Campen.

Quo, plebs oraculum formavit nomine Christi.  
 Vita migrat dulci de, finis cito venit,  
 Viva cinis caro quaevis fiet; condita noscens  
 Cordis, salvavit illum rex, namque meavit  
 Illaesus, tandem populumque reliquit, abivit.  
 Sed laessissent hunc, transivit presbyter illuc,  
 Consilium pariter fecerunt dum generale.  
 Convenerunt turbae saepe, salubria verba  
 Per permutavit mentes quorum, superavit  
 Diffidentes, plurima fecit signa beatus  
 Et mitis, prudens, sensatus vir, Lebuinus  
 Gaudia praeclara dat coelorum sua justo  
 Qui, terrenorum plasmatori pia credit  
 Daventren, vexatus gaudet patria, gratus  
 Confessor transit huc, gratia dia cluit, dat  
 Promissum baptizatis, mundat vitiosos  
 Sanctus; credula gens hoc fecit, convocitatur  
 Wilpen, quod fundatur templum numine trinae  
 Personae; servit accedens mox deitati  
 Credens Yslam cis populus conamine toto.  
 Huc divinum direxit servum Lebuinum,  
 Novit praesul Gregorius dum. Verba tulisti  
 Trajecto, jussum fecisti sic, pater alme.  
 Saxonibus resera Christi leges, mare transi,  
 Audisti voces Domini; miracula pandis;  
 Tu morum portasti cor plenum validorum.  
 Orbem linquens ardua scandis regna polorum,  
 Qui flos praezellens confessorum, Lebuine.

Rücksichtlich der in diesem Bande mitgetheilten Texte sei noch bemerkt, daß ich Bruchstücke, vereinzelter metrischer oder rhythmischer Antiphonen oder Responsorien, wie sich solche nicht selten in sonst prosaischen Officien finden, grundsätzlich ausgeschlossen habe. War ein Officium gemischt, halb metrisch, halb nicht, enthielt es z. B. nur metrische Antiphonen, aber nur ametrische Responsorien oder umgekehrt, so sind nur die poetischen Teile aufgenommen. War das Officium ganz metrisch, nur mit wenigen Teilen in Reimprosa untermischt, dann sind vollständigkeithalber diese Teile beibehalten. Dies ist stets da geschehen, wo z. B. ein poetisches Responsorium einen prosaischen Versus bei sich hatte und umgekehrt. Mißverständnissen vorzubeugen sei auch erwähnt, daß bisweilen die Versus der Responsorien keinen vollen Sinn zu geben scheinen. Es kommt dies daher, weil nach dem Versus der letzte Teil des Respon-

soriums d. sg. Repetitio wiederholt ward. Wo also der übrigens weniger häufige Fall vorliegt, daß der Versus ein selbständiges Ganze nicht bildet, ist nur die Repetitio hinzuzufügen.

Schließlich sei mir gestattet, an dieser Stelle dankend der lebenswürdigen Zuvorkommenheit zu gedenken, mit der die Verwaltung der großherzoglichen Hofbibliothek zu Darmstadt mir die Benutzung ihrer reichen Schätze erleichtert hat. Gleicher Dank gebührt den Vorständen der kgl. Bibliothek zu Brüssel, der städtischen Bibliotheken zu Metz, Mainz, Frankfurt, Trier, Charleville, Verdun, des historischen Archivs der Stadt Köln, der Bibliotheken der Seminare zu Köln und Mainz, der hohen Domkapitel von Köln und Trier, sowie des ehrwürdigen Gremiums der Socii Bollandiani zu Brüssel.

Rom, den 6. März 1892.

**G. M. Dreves.**



## 1. De sancto Achatio.

### In 1. Vesperis.

#### Antiphonae.

1. Nomen Domini invictum  
Sit in aevum benedictum,  
Quia florent ut lilia  
Martyrum dena milia.
2. Laudate Christum gentes,  
Quia martyrum mentes  
Ipse corroboravit  
Et cruci sociavit.
3. Lauda, anima, Dominum,  
Spreverunt mentes hominum,  
Hi, qui erant compediti,  
Sunt soluti, redimiti.
4. Laudate Deum, quia bonus,  
Namque dedit istis onus,  
Ut portarent post se crucem  
Consequentes ipsum ducem.
5. Lauda tuum, Sion, Deum,  
Istis dedit qui trophaeum  
Ponens pacem fines tuos,  
Sibi sociando suos.
- R. O crucis Christi gestatores,  
Mundanae vitae victores,  
Solutos ab aeterna morte  
Nos jungatis coeli portae,
- V. Ut Dominum caeli  
cernamus mente fidei.

#### Ad Magnificat.

- A. O magnificati  
Laude, fraude circumdati,  
Flagellati, cruciati,  
Agni sanguine ornati,  
Signis dignis decorati,  
Litis sitis advocati,  
Ne damnati ac privati  
Simus Christi gloria.

### Ad Matutinum.

#### Invitatorium.

Ecclesiae plena  
sit laus cum voce serena,  
Vexit ad amoena  
coeli quia milia dena.

### In 1. Nocturno.

#### Antiphonae.

1. Ecclesia mater filia  
Laetetur, quae dena milia  
Luce hodierni diei  
Per crucem dedit requiei.
2. Adriani gemitum  
Gentiumque fremitum  
Superabant et sex reges  
Observando Christi leges.
3. Sanctos suos mirificavit,  
Dum illa signa iteravit,  
Quae sua fecit in passione  
Hos confortando in agone.

#### Responsoria.

1. Adest dies veneranda,  
Digna laude celebranda,  
Qua mundana exsilia  
Transcendunt dena milia.
- V. Ista dies laeta  
conservetur sine meta.
2. Ad examen fit juvamen  
Caesari a sex regibus,  
Ut prostrati, subjugati  
Sint deorum legibus;
- V. Sunt Christo grati,  
quia de terris separati.

3. Caesar vanus Adrianus  
Cogit servos Christi nervos  
Diis flectere gentilium,  
Sed trucidati, flagellati,  
Cruciati, lanceati  
Fatentur Dei filium.

- V. Daemoniis plena  
sunt idola, voce serena;  
Mariae flori,  
Cum pneumate laus genitori.

In 2. Nocturno.

Antiphonae.

1. Scuto voluntatis bonae  
Dux fuisti in agone,  
In aeternum exsultabunt,  
Quia tecum habitabunt.
2. Nomen tuum mirabile  
Confessi sunt Arabiae,  
In crucem eos assumpsisti,  
Nam cuncta eis subiecisti.
3. Ingressi sine macula  
Sunt tua tabernacula,  
Adrianum nam malignum  
Vicerunt per crucis signum.

Responsoria.

1. Currunt in arundinetis  
Ut scintillae voce laeto  
Sustinendo passiones,  
Judicabunt nationes.
- V. In cruce laetantur  
et sic populis dominantur.
2. Plantarum rami acuuntur,  
In quos sancti dum figuntur,  
Feris terrae deputantur,  
Morticina donantur  
Carne de tot milibus  
Coeli volatilibus.
- V. Christus adoratur  
de sanctisque esca paratur.
3. Vere martyres beati,  
Qui, dum caesi, flagellati,  
Memorantur peccatorum  
Pro salute horum;

Nos solutos a pestibus  
Locetis in coelestibus.

- V. Victores vitae,  
Mundi, regnare venite;  
Patri cum nato.  
Laus spiritui quoque grato.

In 3. Nocturno.

Antiphonae.

1. In terris sanctis vis tonantis  
Dedit clare superare,  
Dux Albinus, Elyethes  
Implent ejus voluntates.
2. Haec Christi generatio,  
Hermolaus cum Achatio  
Inquirunt ejus faciem  
Portando crucis aciem.
3. Beati, quorum oratio  
Est cunctorum expiatio,  
Quia pro nobis corde uno  
Orastis die opportuno.

Responsoria.

1. Fructus palmarum crucis almae  
Rubicundos et jucundos  
Eos fecit et refecit,  
Dum certarent, superarent  
Austri flantis gratia.
- V. Hi facti digni  
sunt fructus carpere ligni.
2. Hi, de Edom qui venerunt,  
Rubri cuncti cur fuerunt  
Sicut multifaria  
Calcantes torcularia?
- V. Isti sunt totum  
patiundo sanguine loti.
3. O Achatii, Hermolae,  
Elyethes, Menolae  
Et Albini, duces fortes,  
Impetrate nos consortes  
Esse sempiternae lucis  
Per virtutem vestrae crucis.
- V. Ut Dominus caeli  
tutor sit cuique fideli,  
Regi Domino  
sit laus uni quoque trino.

In Laudibus.

Antiphonae.

1. Dei digna nece ligna  
De hac multitudine  
Innovavit, qui regnavit  
Praecinctus fortitudine.
2. In conspectum praelectum  
Hae Domini militia  
Introivit, quia vivit  
Cum Christo post supplicia.
3. Te de luce, se in cruce  
Laetantes quaerunt, Domine,  
Flagris caesi, ense laesi  
Pro tuo sancto nomine.
4. In fornace ut in pace  
Tres collaudabant Dominum,  
Sic in cruce Christo duce  
Vicerunt minas hominum.
5. Deum caeli in fideli  
Lauda, Sion filia,  
Qui per mortem vexit fortem  
Coelo dena milia.

Ad Benedictus.

- A. Benedictus sis invictus,  
Deus Israelis,  
Visitasti, confortasti  
Martyres Rachelis,  
Quorum prece victa nece  
Nobis dare velis  
Ubertatem, sanitatem,  
Gaudia in caelis;  
Da virtutem, da salutem  
Praemii veracis,  
Nos compunctos tibi junctos  
Duc in viam pacis.

Ad Horas.

Ad Primam.

- A. Beati immaculati  
Sequuntur te, Domine,  
Crucifixi, ramis fixi  
Crucifixi nomine.

Ad Tertiam.

- A. Legem vani Adriani  
Cum deorum numine  
Hi spreverunt, qui fuerunt  
Crucis in cacumine.

Ad Sextam.

- A. Nam defecit, quidquid fecit  
Adriani minatio,  
Nam in mortis stetit portis  
Albinus cum Achatio.

Ad Nonam.

- A. Mira digne, rex benigne,  
Fecisti testimonia,  
Nam in cruce victa truce  
Vincitur lex erronea.

In 2. Vesperis.

Antiphonae.

1. Virgam palmae crucis almae  
Ex Sion cum victoribus  
Exaltavit, reges stravit  
Sanctorum in splendoribus.
2. Benedictum sit invictum  
Regnum Uranicorum,  
In quo clare habitare  
Dat matrem filiorum.
3. In amara crucis ara  
Seminant cum tristitia,  
Christum ducem, coeli lucem,  
Colligunt cum laetitia.
4. Justi torti, dati morti  
Hi sunt pro tuo nomine,  
Habtabunt, exsultabunt  
Cum vultu tuo, Domine.
5. In pressura mortis dura  
Benedixisti filiis,  
Nunc ad pacem nos veracem  
Horum duc auxiliis.

Ad Magnificat.

- A. Magna laude gaude, plaude,  
Ecclesia, totis viribus,  
Fecundata, decorata  
Millenis denis martyribus,  
Qui in cruce Deo duce  
Vicerunt minas gentilium,



Flagellati, morti dati  
Sequuntur Dei filium,  
Quique vera salus mera,  
Spes et rector humilium;

Quem orate, impetrate,  
Ut post carnis exsilium  
Nobis pacem det veracem  
Aeternum et auxilium.

Brev. ms. Trevirense saec. 15. Cod. Treviren. 427. A. — Brev. ms. Trevirense saec. 15. Cod. Cusanus 74. B. — Brev. ms. Trevirense saec. 15. Cod. Cusanus 75. C. — Antiph. ms. Trevirense saec. 15. Cod. Capit. Treviren. 172. D. — Antiph. ms. Trevirense saec. 15. Cod. Capit. Treviren. s. n. E. — Brev. Trevirense imp. Lugduni 1515. F.

In 1. Vesp. **A** 2, 1 Laudate Domini Christum A. — In 1. Noct. **A** 1, 1 sq. mater laetetur filia A. — In 2. Noct. **R** 2, 2 dum felix A.

## 2. De sancto Achatio.

In 1. Vesperis.

Antiphonae.

1. In Dei patris dextera  
Mundi fallacis prospera  
Turba millenorum  
Fide subnixa fugiens,  
Regnum coeli fit cupiens,  
Consors beatorum.
2. Dena sanctorum milia  
Christi jugum subeunt  
Fide roborati,  
Crucis gerunt insignia,  
Spe devota prodeunt  
Jam purificati.
3. O quam felix haec generatio,  
Quam beata sanctorum legio,  
Viam carpens vitae perpetuae,  
Mortem vincens vivunt continue.
4. Excelsum nomen Domini  
Coetus laudat mirificus  
Fortium virorum,  
Coelesti junctus ordini  
Summis adstat glorificus  
Choris angelorum.

V. O quam dignae coetus memoriae,  
Christi passi ferens eximie  
Quaeque ludibria.

Ad Magnificat.

A. O fulgor militiae  
Crucis triumphalis,  
O decus ecclesiae  
Sponsi virginalis,  
Virtutis eximiae  
Coetus praemialis,  
Exaudi nos hodie  
Praeservans a malis.

Ad Matutinum.

Invitatorium.

Triumphum victoriae  
Martyrum laudemus,  
In quo regem gloriae  
Christum adoremus.

In 1. Nocturno.

Antiphonae.

- |   |  |
|---|--|
| <p>R. Fulgent arma Christi clementiae,<br/>Dum sincerum genus militiae<br/>Fide lucens micat in gratia;<br/>Coronantur corona spinea,<br/>Triturantur crucis in area<br/>Mortis angustia.</p> | <p>1. In lege sacra Domini<br/>Vanis despectis idolis,<br/>Turba militaris,<br/>Fidei juncta lumini,<br/>Fraudibus mundi subdolis<br/>Spretis meditaris.</p> |
|---|--|

2. Fremuerunt terreni principes,  
Adstiterunt et reges impii,  
Dum noverunt Christi participes  
Fortes esse triumpho proelii.
3. Invocantes gratiam  
Christus exaudivit,  
Quos partem egregiam  
Sibi conquisivit.
4. Intellexit vota fidelium,  
Quorum flexit rigores mentium,  
Introibunt in domum Domini,  
Sempiterno jungendi lumini.
5. Christi nomen mirabile  
Fatentur dena milia,  
Cujus magnificentia  
Fide firmat cor labile,  
Cui nil impossibile  
Mira coeli dans praemia.
6. Passus dura florens exercitus  
Fide mira mundanos strepitus  
Superavit,  
Ut argentum probatum splenduit,  
Quem nulla faex peccati polluit  
Aut fuscavit.

Responsoria.

1. Gloriosum genus militiae,  
Florens donis mirandae gratiae,  
Mortem subit durans in acie  
Pro rege gloriae.
- V. Christi ludibria tulit eximie,  
Crucis insignia gestans non anxie  
Pro rege gloriae.
2. Florem mundi  
sprevit haec concio  
Millenorum  
fide firmissima,  
Gloriosa  
Christi praeconio,  
Caritate  
fervens amplissima.
- V. Non hanc flectit  
quaevis promissio,  
Non illexit  
fallax ambitio

Nec seducens  
fraus iniquissima,  
Caritate  
fervens amplissima.

3. Summi regis sequens vestigia  
Passionis praefert insignia,  
Flagellatur beata legio,  
Condemnatur crucis opprobrio.
- V. O quam felix ipsa societas,  
Quam poenarum probat varietas.
4. Turba denorum milium  
Christi virtute fortium  
Centena fugat milia  
Montis excelsi vertice  
Fidem capit mirifice  
Mira Dei clementia.
- V. Curae fuit angelicae  
Fidei claros apice  
Christi docere munia.

In 2. Nocturno.

Antiphonae.

1. Coeli tabernacula  
Martyres merentur,  
Qui Jesum per saecula  
Vere confitentur.
2. In coeli pascuis  
Deus collocavit  
Sanctos praecipuis,  
Quos mirificavit.
3. Exsultate, praeclari milites,  
Namque decet vos collaudatio,  
Digna laudis vociferatio,  
Summi patris in regno divites.

Responsoria.

1. Quis ut passum  
Christum sic sequitur,  
Quos feralis  
turma persequitur,  
Nudat, angit,  
flagris insequitur,  
Spinis regum  
jussa exsequitur  
Et cruce terminat.

- V. Pretiosa sanctorum passio,  
Non difformis Christi ludibrio,  
Quam mors examinat.
2. Florens hortus matris ecclesiae  
Decoratur rosis rubentibus,  
Quas a valle Christus miseriae  
Rubicundis junxit martyribus,  
Felix genus tantae militiae.
- V. Gloriosa palma victoriae  
Sancti florent nunc in sublimibus  
Triumphatis hostis agminibus.
3. Summi ducis exercitus  
Summae virtutis inclitus  
Angelicis oraculis  
Ad pugnam docetur,  
Fide sincera praeditus  
Regum non pavet crepitus,  
Fulget in miraculis
- V. Alligatur vinculis  
Tandem in propatulis.  
Ut vita privetur.
4. Sanctos sub serto spineo  
Deridet plebs nequitiae  
Fuso cruore roseo  
Cruci clavatos anxie.  
Regnatueros decet angustia,  
Ut coronae docet materia.
- V. De torrente bibunt miseriae,  
Quos exaltat caput, rex gloriae.

In 3. Nocturno.

Ad Cantica.

- A. O dulcis fraternitas  
Mundi vincens crimina,  
O felix alacritas  
Coeli petens culmina,  
Coetus pretiositas  
Deum temnit numina,  
Sic virtutum germina  
Dat militum sanctitas.
- Responsoria.
1. Mortis sceptrum comminuit,  
Morte crucis dum floruit  
Sanctorum congregatio,  
Carnem pro fide terminat  
Plebs, quam Christus illuminat,  
Fortis, potens in proelio.

- V. Non altera passione,  
Quam qua floret redemptio,  
Sed humana laesione  
Crucis fulget exitio.
2. Flos campi, convallium  
Singularis lilium,  
Christus rex, dux militum,  
Turbae decem milium  
In virtute fortium  
Fructus reddit meritum.
- V. Per certamen inclitum  
Dat pro lucto gaudium  
In sede laetantium.
3. Fulget coeli medio  
Concio millena  
Illustri martyrio  
Degustans amoena,  
Quam Dei fruitio  
Pascit nunc serena,  
Quorum felix passio  
Laudis fuit plena.
- V. Nos horum suffragio  
Christi regat unctio,  
Ne frangant terrena.
4. Almae crucis  
stratis patibulo  
Christus adest,  
summus rex gloriae,  
Qui de carnis  
hujus ergastulo  
Sanctos locat  
in coeli requie,  
Quorum preces  
exaudit sedulo  
Pro devotis  
fusas quotidie,
- V. Ut laxemur a culpae vinculo,  
Delectemur sanctorum titulo  
Meritorum obtentu gratiae.

Ad Laudes.

Super Psalmos.

- A. Gaude, mater ecclesia,  
Nunc tibi dena milia  
Sacra sociantur,



Fortes in fide lucida,  
Stola decori roscida  
Coetus cumulantur.

Ad Benedictus.

A. Tu, Christe, nostrum gaudium,  
Nostris adesto precibus,  
Qui cum sanctorum milibus  
Veniens ad iudicium,  
Apparebis in nubibus,  
Horum festa colentibus  
Regni coeli da praemium.

Ad Horas.

Ad Primam.

A. In coelis jubitant  
Martyres beati,  
Dum mire rutilant  
Luce trabeati.

Ad Tertiam.

A. Vigilarunt fortes in acie,  
Dum pugnarunt in carne fragili,  
Sic virtute divinae gratiae  
Triumpharunt fide mirabili.

Brev. ms. Coelestinorum saec. 15. Cod. Mazarin. 357 (733). — In 1. Noct.  
A. 2, 8 Factos esse Hs. — In 2. Noct. zu je einer Antiphon zwei Psalmen. —  
In 3. Noct. Ad Cant. A, 6 dumm temnit Hs. — Hymnen: Ad Vesp.: Sacrae  
turbae celebremus; ad Noct.: Aeterno regi gloriae; ad Laud.: Felix chorus  
jam sonorus.

### 3. De sancto Adalardo.

In 1. Vesperis.

Ad Magnificat.

A. Gloria sanctorum  
rex unica Christe tuorum,  
Nos in laude tui  
fac convotos Adalardi,  
Ut per eum, cujus  
solemnia concelebramus,  
Te laudando Deum  
mereamur in aethere regnum.

Ad Matutinum.

Invitatorium.

Regis saeculorum,  
Christi venerando triumphum,  
Sancte, tibi laudes,  
Adalarde, sacramus ovantes.

Ad Sextam.

A. Benedixerunt Dominum  
Laude felici carminum,  
Regem majestatis,  
Dum fit vere laudabilis  
Et in sanctis mirabilis  
Corona beatis.

Ad Nonam.

A. In excelsis rex potens gloriae  
Collaudatur a denis milibus,  
Qui supernis adjuti civibus  
Christo sonant voces laetitiae.

In. 2. Vespers.

Ad Magnificat.

A. O collator sedis empyreae,  
Triumphator mortis et zabuli,  
Perpetuae largitor laureae,  
Jesu Christe, salvator saeculi,  
Coetus almi vestis purpureae  
Celebamus festa nunc seduli,  
Cujus prece fructus dent flosculi  
Virtuosos fidelis vineae.

In 1. Nocturno.

Antiphonae.

1. Coelitus acta dies  
illustret festa colentes,  
Festa, quibus sanctus  
coelos petiit Adalardus.
2. Floruit hic clara  
Karoli regnantis in aula,  
Regali cujus  
effulsit sanguine clarus.
3. Pro vitae meritis  
non infimus imperialis  
Aulae magnates  
vincebat honore cluentes.
4. Ludentem mundum  
varia sub imagine rerum,

Ut sensit primum,  
despectans lusit et ipsum.

5. Despectis igitur  
pompis mox jura professus  
Sancta monasterii  
sumpsit juga levia Christi.

6. Sic exercitia  
virtutum nactus ad unguem,  
Ordinis extremus  
erat omni schemate primus.

In 2. Nocturno.

Antiphonae.

1. Patre monasterii  
laxato compede saeculi  
Cunctorum votis  
successor surgit herilis.
2. Praecipuos actus  
sibi commendaverat ejus,  
Ipse loco cujus  
fuerat succenturiatus.
3. Major justitia  
regis vernabat in aula,  
Quam primum pompis  
splendescens illecebrosis.
4. Qualis erat nempe  
discordes conciliare,  
Pax Beneventanis  
probat indita cum Spoletanis,  
Quos discors propria  
furor impellebat in arma.
5. Sic pacem summis  
recreans et foedera regnis  
Aurea per totum  
revehebat tempora mundum.

Brev. ms. Corbejense saec. 12. Cod. Ambianen. 115. A. — Brev. ms. Corbejense saec. 14. Cod. Ambianen. 118. B. — Brev. ms. Corbejense saec. 14. Cod. Ambianen. 116. C. — Nur die Antiphonen, mit Ausnahme der A ad Bened. poetisch. — In 2. Vesp. ad Magn. Coelitus acta dies etc. — In 1. Vesp. ad Magn. A, 4 convotos ABC. — In Laud. A 3, 4 justitium ABC.

#### 4. De sancta Adalberga.

In 1. Vesperis.

Super Psalmos.

A. Dulce festum [sacro]sanctae  
Adalbergae virginis

6. Gaudebat mundus  
tanto sub lumine clarus,  
Gaudebat sanctus  
sic aethra capessere certus.

In 3. Nocturno.

Ad Cantica.

A. Vitae meta dies  
extrudit, nam reliqua spes,  
Terminet ut certum  
digno certamine cursum.

In Laudibus.

Antiphonae.

1. Sanctus Adalardus  
ut ab exilio revocatus  
Redditus est patriae,  
lux terris visa redisse.
2. Omnis in occursum  
coetus ruit, omnibus unum,  
Ob sancti reditum  
Christo dare cantica laudis.
3. Hinc relocat propriae  
regalis jussio curae,  
Cui fore subtractum  
pergrave justitium.
4. Invidit patriae  
tot gaudia fortis inique,  
Vis inimica virum  
duxit ad exitium.
5. Fratribus ista prius  
praedixerat inresolutus,  
Coelitibus superis  
fit socius meritis.

Celebremus applaudentes  
Probae vitae meritis,  
Quibus Jesu Christi sponsa  
Facta est uranica.

Ad Matutinum.

Invitorium.

Quem sequuntur agmina  
Sacrae virgines assidue,  
● Dono ejus virgo laeta  
Haec adiit Adalberga,  
Collaudemus Dominum.

In 1. Nocturno.

Antiphonae.

1. Nomen tuum, Deus noster,  
semper est mirabile,  
Qui fecisti coelo dignam  
Adalbergam virginem.
2. Orta virgo veneranda  
regiis natalibus  
Posuit in summo suum  
sole tabernaculum.
3. Innocentes manus habens  
corque mundum retinens,  
Postposita mole carnis  
scandit montem Domini.
4. Visu gerens pulchram formam,  
pulchriorem animam,  
Ejus labiis superna  
diffusa est gratia.
5. In adversis prosperisque  
sancta semper eadem,  
Erat ei Deus scutum,  
virtus et refugium.
6. Sion sanctam haec circumdans  
amplectensque undique  
Laetabitur et narrabit  
judicia Domini.

Responsoria.

1. Hodiernae lucis festum  
Deus celeberrimum,  
Fac nos pura celebrare  
mente devotissime,
- V. In qua sancta sublimari  
Adalberga meruit.
2. Stirpe carnis virgo felix  
magnum decus attinens,  
Enutrita est majorum  
more liberaliter,

V. Sanctitatis jam perfectum  
obtinens initium.

3. Ceu fructum bonum  
bona dives Scotia mundo  
Dedit Adalbergam  
patre rege genitam;

V. Veneremur genere  
Deo dignam virginem.

4. Nobilis atque sacer  
flos almae virgiuitatis,  
Mater Adalberga,  
famulis rogamus adesto,  
Quatenus his festis  
proprio Domino placeamus,

V. Vocibus expensis  
cui solvimus organa vocis.

In 2. Nocturno.

Antiphonae.

1. Quoniam timebat Deum  
suum plasma nobile,  
Salutare Dei mansit  
[illius] in corpore.
2. Gloriosa Christi sponsa,  
bona mittens semina,  
Est dilecta Deo super  
Jacob tabernacula.
3. Sanctimonialis virgo  
novum cantans canticum  
Domino benedicebat  
ejusque sancto nomini.
4. Amans ignis quem praecedit,  
benedicta femina  
Adorabat ipsum solum  
respuens sculptilia.
5. Recordatus rex coelestis  
suae misericordiae  
Adalbergae misertus est  
ut domui Israel.
6. Aula regis consecrata  
virgo prudentissima  
Jugiter custodiebat  
ejus testimonia.



Responsoria.

1. Cum intraret rex opimam  
cum filia Galliam,  
Venit locum sanctae Farae,  
est quod monasterium.
- V. Natam pater quo dicavit  
servitio Domini.
2. Informata disciplinis  
ordinis monasticis  
Christi virgo corruscabat  
uti lampas fulgida,
- V. Erat enim servitute  
Dei continentia.
3. Ad orationem prior  
et ad mensam tardior  
Veniebat Adalberga  
jam Deo carissima.
- V. In exemplo cunctis erat  
benedicta femina.
4. Pia mater [sancta] Fara  
cum sentiret obitum,  
Dedit ei ad regendum  
concionem virginum,
- V. Dicens ipsam dignam [fore]  
tantae rei apice.

In 3. Nocturno.

Responsoria.

1. Mitis hera curam habens  
animarum maximam,  
Scripturarum sacris verbis  
alebant ac epulis,
- V. Sicque cunctis multimoda  
augebatur bonitas.
2. Die, Deus, in solemnibus  
Adalbergae virginis  
Laudum favos aggregantem  
respice familiam.

- V. Qui gubernas omnem mundum  
aequo moderamine.
3. Prudens virgo Adalberga,  
virtutibus inclita,  
Ad nuptias summi sponsi  
cum ardenti lampade,  
Quo pro nobis intercedat,  
evolavit hodie,
- V. Gratulatur jam choreis  
addita virgineis.

Ad Laudes.

Antiphonae.

1. Veneranda valde nobis  
Adalberga virgo est,  
Est quibus a Deo data  
corporis praesentia.
2. Christus namque per hanc suam  
spiritalem famulam  
Multis fuit animarum  
salus atque corporum.
3. Beata sponsa Domini  
vero militans regi  
Se non implicavit hujus  
saeculi negotiis.
4. Exsultantes collaudemus  
Jesum magnis vocibus,  
Sancta per quem Adalberga  
regnat in coelestibus.

In 2. Vesperis.

Ad Magnificat.

- A. Christi virgo sanctae Farae  
edocta institutis  
Mater exstitit praesenti  
loco benignissima.

Brev. ms. Farense saec. 14. Cod. Mazarin. 349 (761). — Diejenigen Stücke, welche zur Vollständigkeit des Officiums fehlen, wie die **AA** ad Magn. ad Cant. ad Ben. etc., sind nicht in poetischer Form abgefaßt — In 1. Noct. **A** 4. 2 pulchrioris Hs. — **R** 1, 3 sq. pura mente celebrare Hs. — **R** 2, 3 uti est majorum Hs. — In 2. Noct. **A** 5. 2 recordatus est Hs. — **R** 2, 4 ut lampas Hs. — **R** 2. 6 Domini continentia Hs. — In 3. Noct. **R** 2, 2 sanctae Adalbergae Hs. — In 2. Vesp. ad Magn. **A** 2, 2 virginis edocta Hs. — Hymnus in 1. Vesp.: Virginis prolis, in Laud.: Nam hic quiescit.

5. De sancto Agricio.

In 1. Vesperis.

Antiphonae.

1. Hic patriarcha prius  
existens Antiochēnus,  
In Treviri praesul  
successit post duodenus.
  2. Jussu Silvestri  
gentes adiens Treverorum  
Illis fit pastor,  
primas quoque Teutonicorum.
  3. Hic moderatrix  
Helenae carus et aptus,  
Ejus legatus  
exstat per munera factus.
  4. Et merito carus  
Agricius esse feratur,  
Qui pius et prudens,  
humilis castusque probatur.
  5. Est Treveris clavus  
Domini sanctusque Matthias,  
Lata per Agricium  
munera tanta scias.
- R. Age festum, Teutonia,  
De hospite suscepto,  
Quem mittit Antiochia  
Fructu per hunc adepto;  
Tuos colit Agricius  
Agros fertilitatis,  
Remunerandus largius  
Anno benignitatis;
- V. Fructibus emeritae  
coeli replet horrea vitae.

Ad Magnificat.

- A. O pater Agriti,  
cujus festum veneramur,  
Nobis felici  
concludas fine precamur,  
Et ne sit dubius  
finis, des immaculatam  
Vitam propitius,  
quae det sine fine beatam.

Ad Matutinum.

Invitatorium.

Regis adoremus  
magnalia cuncta regentis,  
Qui dedit Agricium  
de partibus huc Orientis.

In 1. Nocturno.

Antiphonae.

1. Est Treveris clavus  
Domini sanctusque Matthias,  
Lata per Agricium  
munera tanta scias.
2. Treveris ad vomitum  
rediens simulacra colebat,  
Cui datur Agricius,  
quem sacrum pneuma re-  
plebat.
3. Non causatur iter  
longum multosque labores,  
Christum morte sciens  
nostros lenisse dolores.

Responsoria.

1. Jucundare, plebs devota,  
Celebris insurge tota,  
Dies adest digne nota  
Praesulis Agricii,
- V. Sion, applaude,  
sancto tu consona gaude.
2. Haec est dies, qua beatus  
Agricius est nudatus  
Veste carnis et translatus  
Ad coeli palatium,
- V. Quem veri solis  
suscipit alta πόλις.
3. Oriens hunc educavit,  
Oriens hunc exaltavit,  
Ipsum nobis delegavit  
Urbe Antiochia;
- V. Partibus occiduis  
dat solem pars Orientis.

In 2. Nocturno.

Antiphonae.

1. Adveniens igitur  
dat verbi semina genti,  
Spondens credenti  
coelos barathrumque neganti.
2. Credula gens rite  
dictis actisque beati  
Ejus mandata  
spondent complere parati.
3. Se fore cultores,  
clamant, et credere Christum,  
Qui talem transmisit eis  
tantumque ministrum.

Responsoria.

1. Deserens patriarchatum,  
Sedem antiquam Graecorum,  
A Silvestro praesulatum  
Sumit urbis Treverorum,  
Primum Cisalpinorum.
- V. Pro merito morum  
sumit regimen populorum.
2. Statim luce veritatis  
Pulsis umbris caecitatis  
Urbs novatur puritatis  
Fonte per Agricum,
- V. Cujus mandata  
spondet complere parata.
3. Celebs mentis otio  
Pater visitatur  
A superno nuntio.  
Qui sanctum affatur:  
Te confecto senio  
Praesul statuatur
- V. Vir Maximinus,  
quasi magnus amore caminus.

In 3. Nocturno.

Antiphonae.

1. Spemunt cultores,  
qui daemonibus famulantur,  
Idola quaeve nihil  
deitatis habere probantur.

2. Inde per Agricum  
gens credula fonte novatur  
Urbsque sacrata Deo  
quondam cultu reparatur.
3. Agros Agricius  
Domini colit officiisque,  
Nomen habet fide,  
quia semina spargit ubique.

Responsoria.

1. Plebem urbis convocat,  
Praefert Maximinum,  
Sede dignum collocat  
Jus sequens divinum,
- V. Moribus ornatum  
sacrat meritisque beatum.
2. Clavus sacrae passionis.  
In Christo sanctificatus.  
Per virum opinionis  
Sacrae nobis est allatus  
Ab Helena sancta datus;
- V. Auget reliquias  
electus sorte Matthias.
3. Vir totius bonitatis  
In virtute caritatis  
Jus solvens humanitatis  
Coronatur coelitus,
- V. Invehitur caelis  
servus bonus atque fidelis.

In Laudibus.

Antiphonae.

1. Laudibus Agricum  
celebres in laude canora,  
Cui per cunctorum  
laus musica concrepet ora.
2. Sacris fundatus  
scripturis et moderatus,  
Coelo discretus  
fuit hic fructuque repletus.
3. Ingeminatus amor  
hunc spesque fidesque beavit,  
Donis naturae  
cum gratuitis radiavit.



4. Plasma Deo dicat  
hymnum, per quem benedicat  
Insimul Agricium,  
nomine reque pium.

5. Illum laudemus,  
quo cuncta creata tenemus,  
Cui laus in sanctis  
laus est hos sanctificantis.

Ad Benedictus.

A. O Agriti, sedulos,  
filios exaudi,  
Depromentes modulos  
Digne tuae laudi,  
Fac beate vivere  
Vita pura, bona

Et potiri propere  
Gloriae corona.

In 2. Vesperis.

Ad Magnificat.

A. Almi Agricii  
precibus da gaudia caeli,  
Christe, tuis et corde tibi  
servire fideli.  
Protege nos, pastor,  
populum, quem tu genuisti  
Et per quem Domino  
dignus praesul placuisti,  
Nosque tuos servos  
meritis precibusque tuere  
Nostrorumque pius  
peccatorum miserere.

Antiph. ms. S. Mariae ad Gradus anni 1477. Cod. Semin. Colonien. 5.  
A. — Antiph. ms. S. Mariae ad Gradus saec. 15. Cod. Semin. Colonien. 9.  
B. — Antiph. ms. S. Mariae ad Gradus saec. 15. Cod. Semin. Colonien. 23.  
C. — In 3. Noct. R 1, 3 collocans A.

## 6. De sancto Aichadro.

In 1. Vesperis.

Ad Magnificat.

A. Inclitus Aichadrus,  
meritis et nomine clarus,  
Dum viget in coelis,  
precibus nos adjuvet almis,  
Ut post hanc vitam  
mereamur habere quietem.

Ad Matutinum.

Invitorium

Surge, Sion, veneranda tuo  
da cantica sponso,  
Aichadrum placido  
et resona jubilo.

In 1. Nocturno.

Antiphonae.

1. Exstitit Aichadrus,  
magno de germine natus,  
Cui pater Anscharius  
fuit Hermena dignaque mater.

2. Qui facit infantum  
linguas sermone disertas,  
Aichadrum studiis  
doctrinae ditat honestis.

3. Transactis lustris  
bis binis actibus aequis  
Pervigil excubias  
in templo semper amabat.

4. Hoc quadam complente die  
vox intonat: ecce,  
Virtutem virtute petent  
sancti specialem.

5. Continuo nullum  
cernens hanc perficit idem,  
Cernetur Deus inque Sion  
dominusque deorum.

6. Angelicis jungens  
dictis sua dicta, sodali  
Alloquio Christi  
Fidei devotior haesit.

Responsoria.

1. Gaudia praesentis  
ducentes maxima festi,  
Cunctorum dominum  
veneremur, qui pie coelum  
Ditavit hodie  
Aichadri flamine patris.
- V. Omnia, quae voluit,  
Dominus virtute creavit.
2. Ut sacer Aichadrus  
monachorum Gemeticorum  
Suscepit regimen,  
dum curat habere laborem  
Pascendi, dat ei  
Christus vexilla salutis.
- V. Temptamenta tulit  
zabuli, sed Jesus ab astris.
3. Florebat vigil in  
precibus, jejunia sectans,  
Tranquillus, patiens,  
castus, bonitate modestus,  
Lampade virtutum  
fultus, pietate serenus.
- V. Omnibus omnia factus erat  
pes ut omnibus esset.

In 2. Nocturno.

Antiphonae.

1. Haeredi sacro  
genitores dant Aichadro,  
Quo locat ecclesiam  
secum plebemque fidelem.
2. Pro sancti meritis  
Aichadri fama beati  
Expetit abbatis  
placidas aures Philiberti.
3. Qui cito discipulos  
mittens praecepit eundem  
Jure salutari  
plene sibi menteque jungi.
4. Praeveniens hos e coelis  
sacer angelus altis  
Infixum precibus  
Aichadrum jure profatur:

Ave, praeceptis  
domini parens Benedicti,  
Pro quibus ecce manet  
semper tibi laus super astra;

5. Ut conforteris  
melius Christo famulari,  
In Christo fratres  
duo cras tibi gaudia dantes  
Partibus ex sancti  
patris venient Philiberti.

Responsoria.

1. Aichadrus, Domini  
confessor, talibus actis  
Ad pretiosa trahens  
cunctos convivia vitae  
Effulsit signis  
multis cum nomine Christi
- V. In factis magnis,  
fidei vestitus amictu.
2. Agmine fraterno  
sudante labore beato  
Ingemit hostis atrox  
quaerensque nocere fideles  
Arbore cum sterili  
perit in crucis obice pulsus,
- V. Abba nam fratres  
firmat niger angelus atque.

3. Vir felix minui  
dum se jubet iste capillis,  
Post horam nonam  
paschalia signa parantem,  
Quod tulit incautus,  
lacrimis reparavit obortis,
- V. Vidit enim hostem  
in hoc gaudere sed idem.

In 3. Nocturno.

Ad Cantica.

- A. Hujus namque loci  
legeris divinitus auctor  
Ac ideo debes  
istis fore laetus ut hospes.

Responsoria.

1. Hic miles fortis,  
geminis cum fratribus optans  
Exorare genu  
flexo, dum cogitat, uni  
Illorum tradit,  
radio solis digitales
- V. Intentis oculis  
coelum tantumodo spectans.
2. Nec dictu facile est  
nec luce capabile carnis,  
Quod post hoc globus igneus  
obtegit illius artus,  
Et, ne discipuli  
spargant haec, valde minatur.
- V. Erectus terra,  
soli quod credidit, aufert.
3. Cum foret excubiis  
commissi pastor ovilis  
Pervigil Aichadrus,  
ipsi nitet angelus index,  
Altera quod pars, quam regit,  
illico flamma laxet;
- V. Ad tantam vocem  
lacrimis perfunditur heros.

In Laudibus.

Antiphonae.

1. Cum dicti fratres  
veniunt, sibi jussa revolvunt,  
Corda ligant patrum  
pariter sua sicque revisunt.

Brev. ms. Gemeticense saec. 12. Cod. Rotomagen. 211. A. — Brev. ms. Gemeticense saec. 12. ex. Cod. Rotomagen. 210. B. — Antiph. ms. Gemeticense saec. 12. ex. Cod. Rotomagen. 248. C. — Brev. ms. Vedastinum saec. 14. Cod. Atrebaten. 229. D.

In 1. Noct. **R** 2, 8 schließt der Sinn nur ab nach der Repetitio: Pascendi etc.; dasselbe ist der Fall mit dem zweiten und dritten Responsorium der folgenden Nocturn. — **R** 4: Agmina sancta . . nur dies, ABC; D de communi. — In 2. Noct. **R** 4: Sancte Aichadre . . nur dies, ABC; D de communi. — In 3. Noct. **R** 4: Miles Christi . . nur dies, ABC; D de communi.

7. De sancto Albano.

In 1. Vesperis.

Super Psalmos.

1. Inclita martyrii  
recolentes jure trophea,

2. Coelitus adventum  
praenoscens tunc pater horum  
Huncque suis monstrans  
recipit, hinc, quod cupit,  
audit.
3. Angelico ductu  
petit Ansoaldum Philibertus,  
Pictavis qui clarus erat  
hoc tempore praesul.
4. Visitat Aichadrum  
tanto jam junctus amico,  
Munitum verbis  
superis et laudibus almis.
5. Collaudant Dominum  
hi tres duo necne priores,  
Gemeticæ justum  
turmae ducunt Aichadrum.

Ad Benedictus.

- A. Dilectum Christi famulum  
procures Aichadrum  
Praeficiunt plebi  
sanctae, cujus prece caeli  
Lumine ut ornemur,  
humili cum corde precamur.

In 2. Vesperis.

Ad Magnificat.

- A. O rex perpetuae  
lucis pax atque perennis,  
Obtineat nobis  
Aichadrus dona salutis,  
Quem hodie summae  
transfers ad culmina vitae.

Laudes, Christe, tibi

pangimus assidui,

Qui pietate tuis

festum solemne dedisti



Albani meritis,  
martyris egregii.  
Qui proprii pro te  
perfusus sanguinis unda  
Splendet in angelica  
perspicuus patria.

Ad Magnificat.

- A. Ave, martyr gloriose,  
Ave, sidus jam coeleste,  
Decorans, Albane, coelum,  
Nos gubernare vincens humum,  
Quo laetemur triumphantes  
Te patronum venerantes.

Ad Matutinum.

Invitatorium.

Nomen, Christe, tuum  
cuncti veneremur in unum,  
Qui das pro meritis  
coelica regna tuis.

In 1. Nocturno.

Antiphonae.

1. Primus in Anglorum  
cito lampas gente refulsit  
Albanus martyr,  
fidei virtute corruscans.
2. Hic regum fremitus  
et inania gentis iniquae  
Agmina contemnens  
se Christo corde subegit.
3. In terris positus  
mundanis rebus opimus  
Moribus angelicam  
curabat ducere vitam.

Responsoria.

1. Sacrosanctum venerandi  
festum sancti martyris  
Christo dignas inspector  
laudes demus pectoris,  
Albanum qui sibi dignum  
sacravit hospitium.
- V. Illustret nostras  
coelesti lumine mentes,

Criminibus vacuas  
sacris virtutibus implens.

2. In terris adhuc  
mundanum lucrum  
Spernere coeperat  
Albanus martyr,  
Pietatem sectans  
sumptus pauperibus  
Dabat, credens,  
in coelis sibi compensandum  
Vitae munera perpetim,
- V. Contemnens multis  
onerari gratis.
3. Lumen sensificum,  
Christe, piorum  
Clemens accumula  
vota precantum  
Et, quibus tribuis,  
solvere festum  
Albani meritis,  
martyris almi,  
Addas supplicibus  
gaudia pacis.
- V. Ipsum glorifica  
morte besti,  
Ipsius precibus  
des quoque nobis.

In 2. Nocturno.

Antiphonae.

1. Alloquio dulcis,  
vultu reverendus honesto,  
Inter sacrilegos  
constans sine crimine vixit.
2. Miles, Christe, tuo  
fidei munimine rectus  
Perstitit impavidus  
voluit nec cedere laesus.
3. Albanus Domini  
laudans mirabile nomen  
Angelicis meruit  
dignanter coetibus addi.

Responsoria.

1. Alme martyr, gemma coeli,  
Forma saeculi, solve supplex

- Vincla plebis  
Christi subditae  
Confer pacem, tolle pestem,  
Vitam da piam.
- V. Audi, Christe, iudex juste,  
Voces supplicum,  
Qui das sanctis aequum semper  
Cunctis praemium.
2. Addictus morti  
venerabilis hostia Christi  
Pectore stigma crucis  
bajulans laborumque salutis,  
Transivit siccis  
fluvialia carbasa planctis
- V. Exemplo Moysi  
psallens magnalia Dei.
3. Benedicimus omnipotentem  
Sua praemia non minuentem  
Aberit licet unctio frontis  
Bona sufficit actio justis.
- V. Tua sic pie, Christe, latroni  
Miseratio contulit olim.

### In 3. Nocturno.

#### Antiphonae.

1. Iste quidem sanctus,  
morum probitate benignus,  
Sumptibus ex propriis  
victum praestabat egenis,  
Implens dilecti  
jugiter praecepta magistri.
2. Alme Dei martyr,  
clamorem suscipe nostrum,  
Exora Dominum  
pro peccatis populorum.
3. Martyr dignus ait  
perflatus flamine Christi:  
O pie me Jesu  
placato suscipe vultu,  
Participem facias  
vitae coelestis et aulae.

#### Responsoria.

1. Iudex indomita perditus ira  
Dixit voce nefanda:

- Albanus gladium sentiat im-  
probus;  
Orat quoque martyr:  
V. Jesu Christe, meus optime con-  
ditor,  
Nunc et semper adesto.
2. O perpetua festivitas,  
O gratissima jucunditas,  
In qua angelorum choris  
Aeterna afflavit hilaritas,  
Cum beatum Albanum  
Sanctorum adscivit consortio  
Adoranda trinitas unus Deus.
- V. Omnis illa coelestis Jerusalem  
Cum magno affectu  
Jucundata est.

3. Gloriose  
ac semper venerande  
martyr Dei, Albane,  
Intercede  
pro omnibus nobis  
ad Dominum Deum nostrum,  
Ut per ipsius misericordiam  
ad coelorum regna  
mereamur pervenire.
- V. Sancte Albane,  
succurre plebi tuae  
atque omni ecclesiae  
sanctae Dei.

### In Laudibus.

#### Antiphonae.

1. Suscipiens martyr  
fidei pia dogmata vere  
Pro Christi voluit  
nomine multa pati.
2. Vincitur diris  
constans athleta catenis,  
Tortus suppliciis  
improbe multimodis.
3. Ad mortem properans  
habiturus denuo vitam,  
Pertransivit aquas  
vi crucis immodicas.

4. Percussor sancti,  
divino tactus amore,  
Caedere dum timuit,  
sanctior occubuit.

5. Cum Domino laudes  
curaret solvere miles,  
Fontem promovit  
arida planities.

Ad Benedictus.

A. Summa Dei virtus  
sancti patuit super artus,  
Caesum perlustrans,  
caesorem lumine frustrans;

Unde tibi perpes,  
sanctorum dextera vindex,  
Laus et honor maneat  
per cuncta saecula saeculi.

In 2. Vesperis.

Ad Magnificat.

A. Grata tibi, pie rex,  
semper jubilatio nostra,  
Munera persolvens  
et corde resultet et ore,  
Ut, qui concedis,  
laetari testis agone,  
Des veniam nobis  
clemens ipsius amore.

Brev. Othinense imp. Lubecae 1497. — In 1. Noct. A 3, 2 optimus. —  
R 1, 9 vacuus. — In 3. Noct. R 3, 5 facies. — In Laud. A 3, 2 habitus.

#### 8. De sancto Altone.

In 1. Vesperis.

Super Psalmos.

A. Dux Deus ex alto,  
te dilexit sacer Alto,  
In toto corde,  
quem salvasti sine sorde;  
Sordibus infectos  
fac nos hujus prece rectos.

Ad Matutinum.

Invitatorium.

Alto salutari  
jubilo facias meditari,  
Nos Christo dare,  
studiosius evigilare.

In 1. Nocturno.

Antiphonae.

1. Lege Dei gratus  
fuit Alto mente probatus,  
Fructiferum lignum  
Deus ornavit sibi dignum.  
2. Jam tibi, rex Christe,  
servivit in omnibus iste,

Noxia solvisti,  
quem coelo constituisti.

3. Voce Dei tractus  
perfectos induit actus,  
Nunc exaudivit,  
in monte Dei modo vivit.

4. Lumen signatum  
super hunc est multiplicatum,  
Noluit irasci  
sed justitiae dape pasci.

5. Jam benedixisti,  
cujus mentem tetigisti,  
Estque coronatus  
coelesti lumine gratus.

6. Gloria cum flore  
fuit alto jam sub honore,  
Constat fundatus  
in coelo magnificatus.

Responsoria.

1. Virtutum clarus ab alto  
Regis natus fuit Alto,  
Ut fertur a patriotis,  
Est certum Scoticis totis.  
V. Jam puer transcendens viles  
Sibi metas pueriles.



2. Hic facta puerilia  
Mutans per bona milia  
Sic factus decus aetatis  
Est cum flore pietatis.
- V. Ecclesiam frequentabat,  
Deum precibus placabat.
3. Prudens erat in patria  
Egenis dans cibaria,  
Arcebat a se sordida,  
Quae captant corda arida.
- V. Magnificus et praeclarus  
Et nunquam fuit amarus.
4. Primordiis vitae clarus  
Fuit iste Deo carus,  
Dulcis erat lux patriae  
Nunc fulgens donis sophiae.
- V. Precibus nobis det vitam  
Semper omnibus cupitam.

In 2. Nocturno.

Antiphonae.

1. Glorificat mentem  
sancte Dominum sitientem,  
Corde suo vera  
loquitur damnando severa.
2. Iste coronari  
cupit, in virtute beari,  
Quem Deus ardentem  
vocat, exsultat vehementer.
3. Arte Dei tractus  
fit in omnibus omnia factus,  
Corde suo mundo  
Dominum placat sitibundo.
4. Laude bona fultus  
prece summa gaudet adultus,  
Lenis, mansuetus,  
est pauper ad omnia laetus.
5. Electus, gratus,  
assumptus ad aethra beatus,  
In virtute bona  
captat coelestia dona.
6. Cedrus plantata  
sed in altum multiplicata,  
Nunc det florere  
prece nos Christoque placere.

Responsoria.

1. Sanctus Alto, Scotus genere,  
Promeruit Christo placere,  
Nos ejus fulti precibus  
Fugiamus a sordibus;
- V. Boni sexus et aetates  
Concurrunt, dant modo grates.
2. Pater iste Christo carus,  
Dilectus et hominibus,  
Dulcem reliquit patriam  
Apprehendens theoriam,
- V. Adiit per visionem  
Germaniae regionem.
3. Quandam silvam est ingressus,  
A rege datur accessus,  
Utiliter extirpavit  
Et Christo sic militavit.
- V. Manuum pastus labore  
In Dei vixit amore.
4. Habita ut hic somnia  
Pro Christo sprexit omnia  
Et statuit sequi ipsum,  
Istum fugiebat mundum;
- V. Ergo multis adunatis  
Domino servivit gratis.

In 3. Nocturno.

Ad Cantica.

- A. Sapientia potatus,  
Justitia est cibatus  
Et post aurum non abiit,  
Coelestia dona quaesivit.

Responsoria.

1. Post ecclesiam construxit  
Et sanctos viros adduxit,  
Cum quibus servivit Christo,  
Dum mundo vixit in isto,
- V. Sanctum celebrantes cursum,  
Ut possent vivere sursum.
2. Praesul magnus Maguntinus,  
Inclitus Bonifatius,  
Per visionem fuit admonitus,  
Ecclesiam consecravit laetus.
- V. Multitudo plausum fecit,  
Cum sanctus cuncta peregit.

3. Post haec mirificus Alto  
Devotus fulsit ab alto,  
Sic omnibus manens gratus  
Per Christum magnificatus.

V. Claruit [insignibus]  
Signis et virtutibus.

4. Plasmator Deus cunctorum  
Donavit Altoni sensum  
Veritatis, quo armatus  
Viceret hostem severum;  
Pro nobis  
Oret per longa dierum.

V. *Suavis est Dominus,*  
*Beatus vir, qui sperat in eo.*

Ad Laudes.

Antiphonae.

1. Magnus Dominus in alto,  
Cui servivit hic Alto  
Compescens marinos fluctus,  
Tenendo animae fructus.

2. Serviens in laetitia,  
Cui aderat munditia,  
Ardens et lucens lucerna  
Gaudet gloria superna.

3. Matutinis meditatus  
In Christo fuit sacratus,  
Jam laetatur in anima  
Per saeculorum saecula.

4. Benedicatur Dominus  
In tribus pueris trinus,

Qui hunc secum collocavit  
Atque justis sociavit.

5. Gaudet Israel in Sion  
Super aurum et topazion.  
Hymnizant coeli coelorum  
Et Alto civis eorum.

Ad Benedictus.

A. Salute visitari nos ab alto,  
Suis precibus juvet pius Alto,  
Quia pressi variis criminibus,  
Absolvi mereamur ab omnibus  
Et perfrui coelestibus.

Ad Primam.

A. Alto, Dei sancte,  
nostri dilecte patrone,  
Respice devotos  
nos tibimet famulos,  
Utque magis prompti  
tibi possimus famulari.  
Ora pro nobis,  
confer opem miseris.

In 2. Vesperis.

Ad Magnificat.

A. Athleta Dei inclitus, Alto,  
Virtutibus cornatus ab alto,  
Unus erat ex Israel fortibus,  
Lectum Salomonis ambientibus,  
Ense fortiter accinctus Dei  
verbi,

Faciat nos calcare actus superbi.

Brev. ms. Wingartense saec. 15. Cod. Fulden. Aa 116. — In 1. Vesp. Super Ps. A, 1 Lies Lux Deus? — In 1. Noct. A 3, 4 Lies Hunc exaudivit? — R 2, 4 Est fehlt Hs. — In 2. Noct. A 4, 1 bona vultus Hs. — In 3. Noct. R 1, 1 Postea ecclesiam Hs. — R 4, 2 Deus donavit Hs. — R 4, 2 Venerunt statt veritatis Hs. — R 4, 4 Vicens hostem Hs. — In Laud. A. 2. 4 in gloria Hs. — A 4, 4 Et justis Hs.

### 9. De sancto Ammone.

In 1. Vesperis.

Antiphonae.

1. Gaudeat ecclesia  
Chorique Leucorum,  
Dum resplendet gloria  
Pastorum suorum.

2. Mansuetum nobilem,  
Qui Leucam curavit,  
Post decessum flebilem  
Ammon tumulavit.

3. Hic, praefato praesuli  
Quasi pro mercede

Ex consensu populi  
Successit in sede.

4. Digne praeeligitur  
Ammon in pastorem,  
Qui moribus sequitur  
Sanctum praecessorem.

5. Vitam eremiticam  
In silvis agebat  
Fidemque catholicam  
Pie confovebat.

R. Felix haec ecclesia  
Crevit in honore,  
Dum Ammonis gratia  
Virtutum dulcore  
Refulsit cum gloria  
Vitaeque decore,

V. Nova nobis gaudia  
Reducit memoria  
De tali pastore.

Ad Magnificat.

A. Ave, gemma sacerdotum  
Tullensis ecclesiae,  
Ammon gerens corde votum  
Ex influxu gratiae,  
Quidquid eras, Deo totum  
Offerens quotidie,  
Cibum coeli, vitae potum  
Conferens familiae,  
Per te coetum hunc promotum  
Duc ad regna gloriae.

Ad Nunc dimittis.

A. Dum sanctus Ammon praefuit  
Leucanis, luce claruit  
Mirandae sanctitatis,  
Cujus virtutum praemia  
Mira probant subsidia  
Diffusae pietatis.

Ad Matutinum.

Invitatorium.

Regi regum praeconia  
Laudis digne reddantur,  
Dum Ammonis solemnia  
Devote celebrantur.

Dreves, Historiae rhythmicae. II.

In 1. Nocturno.

Antiphonae.

1. Ammon legem Domini  
Studuit attente  
Sacro vacans ordini  
Domino favente.

2. Super Sion verticem  
Rector constitutus  
Nullum legis apicem  
Solvit vir beatus.

3. Invasum hostiliter  
Dominus suscepit,  
Cujus vocem dulciter  
Audiens excepit.

Responsoria.

1. Laus, honor, virtus, gloria  
Sit regi saeculorum,  
Dum virtutum insignia  
Pontificum suorum  
Haec recolit ecclesia  
Concentu gaudiorum;  
V. Ex his Ammon cum gloria  
Transiit ad coelestia  
Virtute meritorum.

2. Fidei sparso semine  
Per verbum Mansueti  
Leucani sacro flamine  
Suscepto fiunt laeti  
Novoque plaudunt carmine  
Tali dono repleti.

V. Huic Ammon sine crimine  
Successit in regimine  
Certaminis expleti.

3. Postquam urbem Tullensium  
Domino conquisivit  
Atque turbam fidelium  
Dulciter enutrivit,  
Praesul ad coeli bravium  
Mansuetus transivit.

V. Hunc pium patrem omnium  
Ammon agens officium  
Condigne sepelivit.



In 2. Nocturno.

Antiphonae.

1. Hunc sanctum mirifice  
Dominus honorat,  
Quem virtutis coelicae  
Splendore decorat.
2. Clamor intelligitur  
Hujus praesidentis,  
Dum Deo porrigitur  
Voto piae mentis.
3. Hic honoris gloria  
Digne coronatur,  
Per quem laudis hostia  
Nova immolatur.

Responsoria.

1. Dum Ammon praeeligitur  
Ad regimen pastoris,  
Non in vanum erigitur  
Blanditia favoris  
Sed humilior redditur  
Sacri dono timoris.
- V. Ille felix adstruitur  
Rector, qui non extollitur  
Propter culmen honoris.
2. Ammonem Dei famulum,  
Qui spreto mundi vitio  
Ad eremum perrexit,  
Dignum est Leucae populum  
Laudare cum tripudio,  
Quem Dominus dilexit.
- V. Ad matris Dei titulum  
In silvis grandi studio  
Basilicam erexit.
3. Pastor labem haereticam  
Cernens ortam in gregibus  
Curae suae commissis,  
Per fraudem diabolicam  
Erroris novitatibus  
Simplicibus immissis,
- V. Per veritatem coelicam  
Reduxit lumen mentibus  
Erroribus dimissis.

In 3. Nocturno.

Antiphonae.

1. Justi ferens titulum  
Ammon obdormivit,  
Coeli tabernaculum  
Mundus introivit.
2. Cordis desiderium  
Obtinet beatus  
Super regni solium  
Praesul coronatus.
3. Nos ad montem gloriae  
Ducat per Ammonem,  
Qui dat justo gratiae  
Benedictionem.

Responsoria.

1. Ammon Leucae pontifex inclitus,  
Cujus fuit quam felix exitus,  
In capella Petri repositus  
Praecessoris est tumba conditus;
- V. Per Hermannum hic translatus  
Cathedrali fuit datus.
2. Post vitae sanctae terminum,  
Quam potens apud Dominum  
Sit, clare comprobatur  
Per curam aegritudinum,  
Leprae, febris et luminum,  
Quae per eum donatur.
- V. Hic a filiis hominum  
Concordi sono carminum  
Merito commendatur.
3. De facultate propria  
Reges hunc cum principibus  
Cum magna reverentia  
Coluerunt muneribus.  
Ut Christus ad coelestia  
Nos ducat suis precibus,
- V. Praeclari cum laetitia  
Devotisque concentibus  
Pontificis magnalia  
Laudemus votis omnibus.

Ad Laudes.

Antiphonae.

1. Sanctus hic amabilis  
Ammon mundo splenduit  
Decorem indutus,  
Praesul venerabilis  
Regnum mundi respuit  
Dominum secutus.
2. Orans cum laetitia  
Pro salute populi  
Deo jubilabat,  
Manens in iustitia  
In saeculum saeculi  
Dominum laudabat.
3. Corde Deum sitiens  
Fontem vitae sapiens  
Deo vigilavit,  
Vir beatus Dominum  
Timens labem criminum  
Parendo vitavit.
4. Gratam simul omnia  
Deo reddant entia  
Benedictionem,  
Qui jam a terrestribus  
Sursum cum principibus  
Extulit Ammonem.
5. Sacrae laudis hostiam  
Reddant cum harmonia  
Cuncta creatori,  
Qui jam coeli gloriam  
Induto iustitia  
Contulit pastori.

Brev. ms. Tullense saec. 15. (Privatbesitz). A. — Brev. Tullense imp. Parisiis 1510. B. — Leuca, Leuci, Leucani stets Leucha, Leuchi, Leuchani, Ammon stets Amon B. — In 3. Noct. A 2, 3 Obtinere beatus B. — In Laud. A 3, 5 labere terminum B. — A 4, 2 Deo fehlt B.

10. De sancto Aniano.

In 1. Vesperis.

Antiphonae.

1. Resonet in patulo  
Pectoris arcanum  
Et cum dulci modulo  
Laudet Anianum.
2. Ortus ex nobilibus  
Urbe Viennensium

Ad Benedictus.

- A. Felix Ammon, ave,  
pastor bone, gemma Leucorum  
Solve jugum grave  
labemque munda vitiorum  
Per iter suave  
duc nos ad regna coelorum.

Ad Tertiam.

- R. Leucae felix ecclesia  
Honoris in fastigio  
Excrevit et in bonis,  
Dum mira fulsit gratia  
Claroque vita radio  
Pontificis Ammonis,  
V. Nobis accrescunt gaudia  
Pro suae nunc solemnio  
Commemorationis.

In 2. Vesperis.

Ad Magnificat.

- A. O pastor egregie  
Leucorum civium,  
Tullensis ecclesiae  
Nobile depositum,  
Ammon, vir praeclare,  
Ora regem gloriae,  
Matris almae filium,  
Ut coelestis patriae  
Regnum nobis inclitum  
Dignetur praestare.

Decoravit moribus

Genus natalitium.

3. Spornens luxum saeculi  
In aetate primula  
Locum habitaculi  
Elegit in cellula.
4. Virtutum Evurtii  
Audito rumore

Sancti desiderii  
Uritur ardore.

5. Adjunctus Evurtio  
Minister devotus  
Fungens sacerdotio  
Abbas est promotus.
- R. O conscendens margarita  
De virgineo corpore,  
Apostolis cuncta  
Cum aureolae decore,  
Quae sola es exaudita  
Persecutorum tempore;
- V. Age causam hodie  
Derelicti gregis  
In conspectu curiae  
Sempiterni regis.

Ad Magnificat.

- O praesul egregie,  
Laus et decus praesulum,  
Regula justitiae,  
Caritatis vinculum,  
Ebur pudicitiae,  
Honestatis speculum,  
Forma sanctimoniae,  
Sanctitatis titulum  
Relinquens ecclesiae,  
Esto propugnaculum  
Praesentis familiae,  
Conservans in saeculum  
Assistentem hodie  
Tuae laudi populum.

Ad Matutinum.

Invitatorium.

- Plaudat devotio  
Coetus Christiani  
Sistens praeconio  
Patris Aniani.

In 1. Nocturno.

Antiphonae.

1. Evurtius sanctus obitui  
Jam approximatus,  
Anianum petit substitui  
Carae praesulatus.

2. Puer loquens erigit  
Breve de altari,  
Sic plebs sanctum eligit  
Ex consensu pari.

3. Agrippinus supplicanti  
Sancto respondens tumide  
Corripitur in instanti  
Grandi percussus lapide.

Responsoria.

1. Vergens ad vitae vespere  
Sanctus praesul Evurtius  
Anianum presbyterum  
Jam mortis suae praescius  
Successorem et posterum  
Fore monet attentius.

- V. Quod Moyses Josue

Senio gravatus,  
Hoc egit praecipue  
Praesul memoratus.

2. Ad divinum oraculum  
Fidelium devotio  
Recurrere per infantulum  
Trinae vocis indicio  
Audit Dei famulum  
Dignum pontificio.

- V. Pandit ecclesiae

In usu sermonis  
More Zachariae  
In ortu praeconis.

3. Agrippino supplicat  
Pro incarceratis,  
Pietatem praedicat  
Et jus libertatis,  
Quod confestim indicat  
Usus dignitatis.

- V. Nam quos denegaverat  
Pontificis precibus,  
Hos subito liberat  
Lapis sine manibus.

In 2. Nocturno.

Antiphonae.

1. Sanctus oculos abbatis  
Liniens ex sputo  
Vellit squammam caecitatis  
Visu restituto.



2. In extremi spiritus  
Labore compertum  
De portis interitus  
Revocat Mamertum.

3. Lapsus aedificio  
Corpore confracto  
Redditur officio  
Signo crucis facto.

Responsoria.

1. Urbis Genabensium  
Hunna gens incredula  
Minatur excidium,  
Tunc fugit gens tremula  
Ad pastoris gremium  
Metuens pericula;  
V. Non hasta vel clipeo  
Praesul hanc armavit  
Sed cum Macchabeo  
Verbis animavit.

2. Dum muri vallant ambitum  
Attila cruentus  
Et cum eo satellitum  
Malignans conventus,  
Sanctus opponit sonitum  
Suavis concentus.

V. Opponit obviam  
Verba cantionis  
Clangens in Madium  
More Gedeonis.

3. Divinae potentiae  
Sentiens auxilium  
Spreta gentis rabie  
Conspuit in medium,  
Sic triduae pluviae  
Redundat profluvium.

V. Quod Elias potuit  
Passibili corpore,  
Hoc sanctus obtinuit  
In hostili tempore.

In 3. Nocturno.

Antiphonae.

1. Dum sanctorum merita  
Muro decantans invocât,  
Irridentem mors subita  
Virum blasphemum suffocat.

2. Mox ut Attila circuit  
Civitatis moenia,  
Sanctus in Hunnos expuit  
Et inundat pluvia.

3. Anno quo sanctus expulit  
Populum praefatum,  
Tellus accolis attulit  
Fructum duplicatum.

Responsoria.

1. Christi miles inclitus  
Cingulum militiae  
Deponit emeritus  
Ad bravium patriae  
Evocatus coelitus.  
V. Sol egressus nubilo  
Transit hemisphaerium,  
Cum sanctorum jubilo  
Scandens regit solium.

2. Purgatum habens oculum  
Vir anachorita  
Raptum in mentis culmine  
Videt in hac vita  
Translatum Dei famulum  
Apostolorum ordine  
V. Assumptus cum Deo,  
Contemplans hunc facie  
Stat cum Mardocheo  
Inter primos acie.

3. In virtutum tumuli  
Miranda frequentia  
Catervatim populi  
Currunt ad suffragia  
Reportantes singuli  
Dei beneficia.

V. Ossa Joseph pullulant,  
Ubi visitantur,  
Impetrant, quae postulant,  
Hi, qui venerantur.

In Laudes.

Antiphonae.

1. Post transitum praesulis  
Merita praeambula  
Testantur in populis  
Secuta miracula.

2. Robertus, rex Franciae,  
Per sancti subsidium  
Triumphat in acie  
Belnae Lingonensium.
3. Mater, quae transmittitur  
Per regem Francorum,  
Salutem assequitur  
Trium puerorum.
4. Qui balneo moritur  
Puer suffocatus,  
Sanus matri redditur  
Sancto devotatus.
5. Gillebertus desipit  
Incurrans amentiam,  
Atque sanctus corripit  
Ejus insolentiam.

Ad Benedictus.

- A. Ave, stella matutina,  
Vero soli convicina  
Stellato palatio,

Laesae mentis medicina,  
Vero morum disciplina,  
Rege nos in stadio  
Nos conservans a ruina  
Et a morte repentina  
Tuo patrocinio.

In 2. Vesperis.

Ad Magnificat.

- A. O vas auri solidum,  
Vas inviolatum,  
Omni dono lapidum  
Coelitus ornatum,  
Qui servasti candidum  
Vitae coelibatum,  
Mentis nostrae horridum  
Detergens reatum,  
Fractum cor et tepidum,  
Meritis orbatum,  
Redde Deo placitum  
Per tuum precatum.

Brev. ms. Atrebatense saec. 14. Cod. Atrebaten. 717. A. — Brev. ms. Atrebatense saec. 15. Cod. Atrebaten. 1034. B. — In 1. Noct. A 2, 10 praeconiis A. — In 3. Noct. R 3, 10 His qui venebatur A.

## II. De sancto Annone.

In 1. Vesperis.

Super Psalmos.

- A. Sursum corda suscitentur  
In laudum praeconia,  
Ut condigne celebrentur  
Annonis solemnina.

Ad Magnificat.

- A. Ave, sanctae fidei  
Fide praedicator,  
Ave, domus Domini  
Magne propugnator,  
Famulorum te colentum  
Attende precamina,  
Ut per te peccaminum  
Sublevemur sarcina.

Ad Matutinum.

Invitatorium.

- In Annonis annua  
Veneratione  
Adoremus Dominum  
Cum devotione.

In 1. Nocturno.

Antiphonae.

1. Ortus ex Alemannia  
Praelustri de prosapia,  
Virtutum Anno schemate  
Fulsit, non minus stemmate.
2. Praeditus ingenio  
Profecit in studio,  
Praelatus in regio  
Ceteris palatio.

3. Pius, prudens, humilis  
Et provisor utilis  
Est Agrippinensium  
Nactus pontificium.

Responsoria.

1. Gratuletur laetabunde,  
Laetetur gratulabunde,  
Pangat melos sine fine  
Clerus urbis Agrippinae,  
V. Cujus erat talis  
pater Anno pontificalis.  
2. Tantae fretus dignitatis  
Sacro ministerio  
Et divinae pietatis  
Suffultus praesidio  
In ecclesiasticis  
Viguit et publicis,  
V. Omni corde Deum  
laudans, qui condidit illum.  
3. Homo quidam caecitatis  
Defessus angustia  
Viri mirae sanctitatis  
Apprehensa fimbria  
Loca fricans oculorum  
Lumen recepit eorum.  
V. Justus in operibus  
Honoravit Deum  
Et in mirabilibus  
Excrevit per eum.

In 2. Nocturno.

Antiphonae.

1. Sanctus Anno pernoctabat  
In orationibus,  
Loca sancta frequentabat  
Caris comitantibus.  
2. Nudi pedes, uber fletus  
Et latens cilicium,  
Mentis actus, Dei metus  
Praebabant indicium.  
3. Munificus clero,  
monachis, civi, peregrino,  
Felici, misero,  
complacuit Domino.

Responsoria.

1. Dum sanctis operibus  
Sanctus insistebat,  
Caritas sincerius  
In eo fervebat,  
Erexit monasteria  
In Dei ministeria  
V. Quintum consummans numerum  
Memor tot Christi vulnere.  
2. Alter item oculorum  
Usu destitutus,  
Coram sancto ad sanctorum  
Sancta constitutus,  
Quem petebat, est dolorum  
Finem consecutus.  
V. Irrigatus, quo beatus  
Manus lavat, latice  
Oraturus et sumpturus  
Libamen ex calice.  
3. Qui nocturna visione  
Non fraudatus in Annone  
Praedicat mirabilem  
Deum, cui tres personae,  
In stellata regione  
Nunquam terminabilem  
V. Cujus et nos per Annonem  
Mereamur visionem.

In 3. Nocturno.

Antiphonae.

1. Mulier in egestate  
Laborans et caecitate  
Vixit in miseria  
Tot flagris obnoxia.  
2. Haec ad Dei famulum  
Deducta per bajulum  
Sublevare petiit,  
Quam clemens exaudivit.  
3. Primum pedes ejus lavit,  
Post famelicam cibavit,  
Genis manum superduxit,  
Quibus ex hoc lux illuxit.

Responsoria.

1. O virtutum speculum,  
Anno, gemma praesulum,



- Tuo nos precamine  
Purgatos a crimine  
Ad intransitorias  
Transmitte laetitia.
- V. In cujus potentias  
Jam introivisti,  
Deo nos concilia,  
Quem emeruisti.
2. Adolescens deformatus  
Morbo tympanicio,  
Viri famam perscrutatus  
Rumore jam publico,  
Scandit montis cumulum  
Tractus per vehiculum.
- V. Abscondi non potuit,  
Qui ut lampas splenduit  
Et ut thus redoluit.
3. Pontifex immanitatem  
Languoris exhorruit,  
O miram benignitatem,  
Dolenti condoluit,  
Adoptavit sanitatem,  
Quam Deus adhibuit.
- V. Aquae benedictio  
Et ejus adpersio  
Curat atque potio.

Ad Laudes.

Antiphonae.

1. Vir beatus Deo gratus,  
Postquam rite cursum vitae  
Consummavit, frequentavit  
Praelectum, praedilectum  
Montem magis solito.
2. Illic sese victimam  
In oratione  
Deo mactans sedula  
Fletus fusione

- Preces pro ecclesia  
Fudit cum instantia.
3. Regressus Coloniam  
In pestem podagricam  
Dextro pede incidit  
Et ibi occubuit.
4. Sic purgatum transiit  
Vas electionis  
Ad coeleste solium  
Summis plenum bonis,  
Commotans terrestria  
Pro aeternis donis.
5. Venerandus merito  
Saeculis futuris,  
Qui suis temporibus  
Nec a verbis duris  
Principum pertimuit  
Nec eis succubuit.

Ad Benedictus.

- A. Collectis ecclesiae  
Cunctis magistratibus  
Et uni sententiae  
Praebitis assensibus  
Futura Colonia  
Patrem in visceribus  
Pandit sinum filia  
Dignis sepulchralibus.

In 2. Vesperis.

Ad Magnificat.

- A. Mutatur propositum  
Deo sic volente,  
Recipit depositum  
Navis et repente  
Contra nisum gurgitis  
Cursum explet serio  
Nec veli nec remigis  
Acta ministerio.

Antiph. ms. S. Mariae ad Gradus anni 1477. Cod. Semin. Colonien. 5.  
A. — Antiph. ms. S. Mariae ad Gradus saec. 15. Cod. Semin. Colonien. 53.  
B. — Antiph. ms. S. Mariae ad Gradus saec. 15. Cod. Semin. Colonien. 23.  
C. — Antiph. ms. S. Mariae ad Gradus saec. 15. Cod. S. Georgii Colonien.  
s. n. D. — Brev. ms. S. Mariae ad Gradus saec. 15. Cod. Darmstadien. 977. E.  
In 1. Vesp. folgen nach der ersten noch folgende vier Antiphonen:  
2. Laus sit Christo et gloria Pro Annonis memoria, Quem consummatum  
virtutibus, Associatum coelestibus Tantis signis gratiae Commendat ecclesiae.

3. Mirabilis nimirum Deus In Annonis virtutibus, Dum per illum caeci visum, Claudii recuperant gressum, Morbi curantur, Pericula vitantur.

4. Gaudens ergo, ecclesia, Tanti patris solemnia Gratulabunda suscipe Prece, votis et laudibus Devotionis intimae.

5. Vere hujus orationes et eleemosynae ascenderunt in coelum, quem noctibus lumina sancta lustrantem victus et vestitus egenorum prosequabantur.

Da dieselben teilweise unrhythmisch sind und in A und B, ursprünglich fehlend, erst später nachgetragen scheinen, wird die 1. Vesper, wie so oft, nur eine Antiphon gehabt haben.

## 12. De sancto Ansgario.

### In 1. Vesperis.

#### Ad Magnificat.

A. Pastor apostolice,  
lux Danorum Sueonumque,  
Sedis Romanae  
legatus in ultima terrae,  
Ansgari, nobis  
pius in Christo pater adsis.

#### Ad Matutinum.

#### Invitatorium.

Aeterno regi,  
cum quo regnas, Ansgari,  
Laudum nostrarum  
fer Domino jubilum.

### In 1. Nocturno.

#### Antiphonae.

1. Flos innocentiae,  
Puer Ansharius mente  
Pura revelationibus  
Divinis erat assuetus.
2. Ne puerili cederet  
Levitati sanctae Dei  
Genitricis voce per visum  
Meruit admoneri.
3. Altius erudiendus  
In divino timore,  
Eductus de corpore  
Examinatus est  
Purgatorio igne.

### Responsoria.

1. Lucifer Ansharius  
de Corbejensi coenobio  
Lux nova emicuit  
in barbarorum ergastulo
- V. Destinatus ad gentes  
sub sancti Petri patrocinio.
2. Apparuit Dominus  
beato Anshario per visum  
Et consolabatur  
servum suum
- V. Super misericordia  
et veritate sua.
3. Animam pueri  
innocenter occisi  
Vidit pius magister coelitus  
inter martyres coronari,
- V. Quem pie in Christo docuerat  
sublimiter contemplatus est.

### In 2. Nocturno.

#### Antiphonae.

1. Assumpta hinc splendide  
Anima in luce  
Claritatis aeternae  
Exhibetur regi gloriae.
2. Prae ineffabili gaudio  
Concinentium sanctorum  
Obliviscebatur jam  
Omnium dolorum.
3. Reversus in corpus omnem  
Spem mundi abdicat penitus,  
Aeternae gloriae  
Amore jam saucius.

Responsoria.

1. Fonte fluens vivo  
divini sanctus amoris,  
Errantum vitam  
votis sitiebat anhelis,
- V. Gentis barbaricae  
quo pectora sicca rigaret.
2. Primus in ecclesia  
factus metropolitana  
Pastorale decus  
subit archipontificatus,
- V. Ut candelabro  
late lux spirat ab alto.
3. Visum est sancto Anschario  
Christum Dominum flagellari  
Et se opposito verbera  
accepisse pro ipso.
- V. *Hinc didicit, quod flagella  
exprobrantium pro Christo  
passurus esset.*

In 3. Nocturno.

Antiphonae.

1. Orante in spiritu  
Beato Anschario  
In fulguranti facie  
Visus est Dominus  
Jesus Christus.
2. Mox procidens  
Coram Domino  
Justificari meruit  
Ei confitendo.
3. Missus in salutem gentium  
Peregrinari gaudebat  
Pro Christo concius sanctorum.

Responsoria.

1. Vir beatus se frustrari  
gloria martyrii  
Dum lugeret, super eum  
facta est vox Domini:  
Parce metu, non est dolus  
apud regem saeculi,

- V. Quidquid tibi repromittit  
visio, percipies,  
Ad coeleste, inquit, regnum  
Cum corona venies.
2. O sancte Anschari, quamvis  
sanguinem non fuderis,  
Tamen bibisti calicem  
dominicae passionis,
- V. Inter tot fremitus  
Barbarorum,  
Inter tot discrimina vitae.
3. Hodie Nordalbingorum  
pontifex, Anscharius,  
Christe, tuis gloriatur  
repromissionibus,  
In sanctorum sempiternis  
triumphans splendoribus.
- V. Corbejae civis,  
primas in finibus orbis,  
Coelica regna tenet.

Ad Laudes.

Antiphonae.

1. Sanctus adhuc mortis  
spirans in agone supremo  
Cor oculosque pios  
levat ad Dominum pietatis.
2. Mysteriorum vivi  
sumens placabile pignus  
Per Christi calicem  
patrem rogat omnipotentem.
3. Da nobis, Domine,  
pacem, dixit, veniamque  
Per pretium mundi,  
quo nos tibi conciliamur.
4. Inter carorum  
lacrimantia cantica fratrum  
Spiritus emigrans  
mox lucis in arce corruscat.
5. O felix obitus,  
cujus pia vita probatur,  
Inde pios fletus  
simul et pia gaudia miscent.



Ad Benedictus.

- A. Anscharius Domino  
 se libans corde benigno:  
 Hanc animam commendo tibi,  
 Jesu pie, dixit,  
 Et flatum mittens  
 in coelica gaudia fudit.

Brev. ms. Bremense saec. 15. Cod. Oldenburgen. 36. A. — Diurn. ms. Bremense saec. 15. Cod. Bremen. C 60. B. — Brev. Bremense imp. Coloniae 1486. C.

Die Form dieses Officiums, das mit Teilen in Reimprosa stark untermischt ist, spricht für das hohe Alter desselben. In 2. Noct **R** 2, 4 subit fehlt C. — In 3. Noct. **A** 2, 1 profidens C. — Ad Laudes **A** 1, 2 agone summo C.

In 2. Vesperis.

Ad Magnificat.

- A. Respice nos, pater Anschari,  
 stella aurea nostri,  
 Et facie rutila,  
 qua solem conspicias altum,  
 Illustra tenebras  
 nostras, dux lucis ad ortum.

13. De sancto Ansuero.

In 1. Vesperis.

Antiphonae.

1. Adesto, pater gloriae,  
 Nobis, ut victoriae  
 Laudes tuorum martyrum  
 Digne possimus promere  
 Ansueri et ejus sociorum.
  2. Cordis ex secretario  
 Gens omnis symphonizat,  
 Nam in tormento vario  
 Ansuerus stephanizat.
  3. Coeleste viridarium  
 Jucunde tunc stipatur,  
 Cum felix per martyrium  
 Hic mundus irrigatur.
  4. Avete, sancti martyres,  
 Ansueri comitiva,  
 Orate ne nos febriles  
 Mors tangat recidiva.
  5. Sancte Ansuere,  
 Martyr Dei inclite,  
 Cum tuis consortibus  
 Ora pro nobis omnibus.
- R. Pange terra Holsatiae  
 Nobilis et generosa,  
 Nam de tua progenie  
 Prodiit rubens rosa,

Ansuerus, qui nobiliter

Ex te generatur,  
 Per quem ineffabiliter  
 Multa mirabilia  
 Deus operatur.

- V. Ex cujus odoris fraglantia  
 Tota redundat Slavia.

Ad Magnificat.

- A. *Sanctus Ansuerus,  
 innocens ab infantia,  
 mansuetus in pueritia,  
 sobrius in adolescentia,  
 secutus parentum vestigia  
 tantis virtutum moribus  
 est adornatus, ut usque ad  
 aetatem  
 virilem, qua perfecte vixerat,  
 propter suae perfectionis culmen  
 possit beato Job comparari.*

Ad Matutinum.

Invitatorium.

Regi regum Domino  
 venite jubilantes,  
 Qui sanctos in martyrio  
 confortat agonizantes.

In 1. Nocturno.

Antiphonae.

1. Ansuerus in consilio  
Non abiit pravorum,  
Quapropter nunc collegio  
Sortitur beatorum.
2. Cur in sanctos Domini  
Gentes fremuerunt,  
Quos nece valde flebili  
Flebiliter straverunt?
3. Invocantes, Domine,  
Sanctos exaudisti,  
Quos in tuo nomine  
Pati voluisti.

Responsoria.

1. Ansuerus spreuit scoriā  
Terrenae dignitatis,  
Ut usurparet gloriam  
Coelestis civitatis,  
Dereliquit patriam  
Juventutis flore.
- V. *Elegit abjectus esse in domo  
Dei sui magis, quam habitare  
in tabernaculis peccatorum.*
2. Ut rosa vel lilium  
Constipat viridarium,  
Sic aequali forma  
Per Oswaldi filium  
Fuleitur monasterium  
Sub Benedicti norma.
- V. *Sicut novellae plantationes a  
juventute sua.*
3. Eja, Rachel, sponsa Christi,  
Militans ecclesia,  
Quae tot proles edidisti,  
Quot ad coeli gaudia  
Animas tu transtulisti  
Per tormentorum genera,  
Quorum neces tu flevisi  
Per sancta desideria,
- V. *Filii tui sicut novellae oli-  
varum in circuitu mensae tuae.*

In 2. Nocturno.

Antiphonae.

1. Bonae voluntatis scuto  
Coronasti, Domine,  
Quos ex hujus mundi luto  
Extraxisti hodie.
2. Ex ore patientium  
Vis, Christe, collaudari,  
Ut virtus innocentium  
Possit comprobari.
3. In Dei tabernaculo  
Habitat Ansuerus,  
Qui in Slavorum populo  
Fuit doctor verus.

Responsoria.

1. In patrem dum elegitur  
Ansuerus, vir discretus,  
Ex hoc non erigitur  
In corde sed mansuetus  
In pietatis opere  
Permansit indefessus,  
Quod docuit summopere  
Aliis, est aggressus.
- V. *Hic accipiet benedictionem a  
Domino et misericordiam a  
Deo salutari suo.*
2. O sacratissimi amatores  
Trinitatis deificae,  
Abraham in montis radice  
Tres viros vidit et unum  
adoravit,  
Sic Ansuerus ex uno ore  
Tres simul et semel  
Emitit melodias.
- V. *Abraham vidit tres viros et  
unum adoravit.*
3. Sicut non potest civitas  
In montibus celari,  
Sic et nequit sanctitas  
In sanctis occultari.  
Hoc in Ansuero panditur  
Sancto sufficienter,  
Cui de coelo mittitur  
Virga non latenter

In circumque vertitur  
Valde competer.

V. *A Domino factum est istud  
et est mirabile in oculis nostris.*

In 3. Nocturno.

Antiphonae.

1. In te sperantes  
hos et pro te morientes,  
Coelorum Domine  
conservabis benedicte.

2. In mundo corde  
permanserunt sine sorde,  
In terra Domini  
consistunt ergo locandi.

3. Pro plebis facinore  
Te Christe deprecantur,  
Qui in suo sanguine  
Pro te rubricantur.

Responsoria.

2. Ex terrenis inquilinis  
Fiunt cives coelici,  
Dum necantur a lupinis  
Viris viri angelici,  
Per quos Slavi sunt doctrinis  
Docti roris mellici  
Et erepti a latrinis  
Carceris Eumenici.

V. *Vindica, Domine, sanguinem  
sanctorum tuorum, qui effusus  
est.*

3. Eja vos triumphatores  
Pro nobis intercedite  
Et perversitatis mores  
In nobis corrigit,  
Ut adjutos vestra prece  
Deus, creator omnium,  
Et ablutos ab hac faece  
Perducat in empyreum.

V. *Apud Christum vota nostra  
promovete precibus.*

1. O militantis ecclesiae  
Capitanei fortissimi,  
O triumphantis militiae,  
Phaleratores doctissimi,

Sancte Ansuere cum tuis sociis,  
Hos precibus vestris defendite,  
Quos in vestro servitio  
Humiliter

Cognoscitis permanere.

V. *Apud Christum patrociniis  
vestris adjuvemur semper.*

Ad Laudes.

Antiphonae.

1. Praecinctus fortitudine  
Dominus regnavit,  
Qui suos pulchritudine  
Sanctos decoravit.

2. Serviet in jubilo  
Deo plebs fidelis,  
Qui sanctos a periculo  
Liberat et a poenis.

3. Adhaeserunt Domino  
Martyrium sitientes,  
Cujus in servitio  
Steterunt vigilantes.

4. Sancti et humiles corde  
Hymnum dicite Deo.

5. In collegio sanctorum  
Laudetur rex eorum.

Ad Benedictus.

A. Gaude, Ratzeburgensis ecclesia,  
Divinitus inspecta,  
A deitatis clementia  
Medullitus electa,  
Quae sanctorum sanguine  
Pulchre rubricaris,  
Quorum nunc juvamine  
Mire gubernaris.

In 2. Vesperis.

Ad Magnificat.

A. Mirantur cives coelici  
Et spiritus tartarei  
Stupent, quod haec fragilis  
Natura sit tam agilis,  
Quod cum tanta gloria  
In passionis victoria  
Ad coeli transit gaudia.



O Ansuere, vir nobilis,  
Cum quater septem sociis  
Pro nobis preces fundere

Velis et intendere,  
Quod annuis devotionibus  
Tua festa recolimus.

Brev. Sleswicense imp. Parisiis 1512. — Dasselbe Officium befand sich auch in dem 1506 zu Lübeck gedruckten Breviarium Ratzeburgense, von dem ein Exemplar nicht mehr bekannt ist.

#### 14. De sancto Armagilo.

In 1. Vesperis.

Ad Magnificat.

A. Armagili meritis,  
Christe, da demeritis  
Promereri merito,  
Ut sint cum emerito  
In coelesti curia,  
Ubi laus et gloria.

Ad Matutinum.

Invitatorium.

Exsultantes adoremus  
Christum regem et laudemus,  
Qui hodie coronavit  
Armagilum, quem amavit.

In 1. Nocturno.

Antiphonae.

1. Gloriosa prosapia  
In majori Britannia  
Traxit natalitia  
Beatus Armagilus.
2. Vir magnae scientiae,  
Vas omnis munditiae,  
De bono in melius  
Crescebat quotidie.
3. Christi cultor jugiter  
Ordinatus presbyter  
Contra cuncta vitia  
Dimicavit fortiter.

Responsoria.

1. Puer dum adhuc scholarum  
Exerceret studia,  
Operatus est suarum  
Virtutum primordia,

V. A sodali, quem presserunt,  
Frigus, febris, abscesserunt  
Solo tactu pallii.

2. Prorsus dimissis omnibus,  
Quae obviant coelestibus,  
Britannorum in partibus  
Transfretat cum sodalibus;

V. Prece regis est profectus  
In Galliam et effectus  
Ejus secretarius.

3. Deo placens, cunctis gratus,  
Regali palatio  
Moram fecit vir beatus  
Sex annorum spatio,

V. Per quem Deus magnalia  
Multa fecit in Gallia  
Sex annorum spatio.

In 2. Nocturno.

Antiphonae.

1. Cunctis membris impotentem  
Curat claudum deposcentem  
Ejus alimoniam.
2. Vir benignus caeco flenti  
Visum reddit confidenti  
De ejus auxilio.
3. Signis sancti divulgatis  
Adsunt, quo it, villis, stratis  
Infirmorum agmina.

Responsoria.

1. De regis licentia  
Redonensi patria  
Dato oratorio  
It festinus cum gaudio,
- V. Quo spretis mundi [gaudiis]  
Signis effulsit variis.

2. Villa quaedam, per quam ibat,  
Tota fere plebs peribat  
Nec non animalia  
Aquarum penuria;

V. Quo audito baculo  
Terra fixo populo  
Fons divus exsiliit.

3. Die quadam expectabat  
Opem sancti, quam optabat,  
Multitudo languentium  
Stans ante domus ostium;

V. Vir benignus pietate  
Hos remisit sanitate  
Cunctis prius reddita.

In 3. Nocturno.

Antiphonae.

1. Juxta montem habitabat  
Serpens ingens, qui, dum flabat,  
Suo flatu morti dabat  
Terrae ejus incolas.

2. Prece plebis inclinatus,  
Qui reclinat declinatus,  
Monstrum stola colligavit  
Et in aqua suffocavit.

3. Timens vitam maculari  
Una laude populari  
Ad desertam Britanniam  
Pergit linquens Redoniam.

Responsoria.

1. Ad Britannos transmeando,  
Verbum Dei seminando  
Multas gentes baptizavit  
Et idola conculcavit;

V. Aedes sacras fabricavit  
Jesu Christo noviter  
Et in fide roboravit  
Servos Dei firmiter.

2. Quidam habens daemonium  
Sancti petens auxilium  
Ejus sensit suffragium  
Tactu lecti straminis.

V. Tactu vestis est sanata  
Quaedam diu fatigata  
Propter fluxum sanguinis.

3. Ubicunque procedebat,  
Opem petens accedebat  
Infirmorum concio,  
Quae ejus auxilio  
Sospes recedebat,

V. Qualicunque tenebantur  
Aegri morbo, curabantur  
Ejus medicamine.

In Laudibus.

Antiphonae.

1. Vir illustris genere,  
Illustrior ex opere,  
Opem dabat omnibus  
Bestiis et hominibus.

2. Quadam die sentiens  
Morbo se gravari  
Intrat oratorium  
Deum deprecari.

3. Statim adest angelus  
Dulci modo intrans  
Hunc affatur:  
Tibi Dei gratia  
Supererogatur  
Locus tibi debitus  
Cum sanctis paratur.

4. Genitricis [Domini]  
Completo solemnio  
Deo reddens spiritum  
Et sanctorum praemio,  
Quod est tibi debitum,  
Frueis cum gaudio.

5. Dicta die reddito  
Missali officio  
Et instructo populo  
Divino eloquio  
Discens obitum suum  
Deo reddit spiritum.

Ad Benedictus.

A. Impetrator veniae,  
Vas omnis munditiae,  
Coelos scandens hodie  
Pulsa regem gloriae  
Pro lapsis quotidie.

In 2. Vesperis.

Ad Magnificat.

- A. Vir immensae caritatis,  
Fons totius honestatis,  
Summi regis palatio  
Duc nos tuo suffragio  
Sanctorumque consortio  
Tua jungat oratio.

Brev. Briocense imp. Redonibus 1548. — In 1. Noct. A 1, 3 Ortus traxit. — In 2. Noct. A 2, 1 Si quis sancti.

15. De sancto Arnulpho.

In 1. Vesperis.

Ad Magnificat.

- A. Vapincensis laetetur civitas  
Novi solis lustrata radio,  
Vernet in te fides, spes, caritas,  
Omnis culpae cesset occasio  
In hoc tui patris solemnio,  
Quem commendat  
carnis integritas,  
Norma vitae morum frugalitas,  
Verbi vigor, sacra confessio.

Ad Matutinum.

Invitatorium.

Regi regum creatori  
Psallat plausus hujus chori,  
Qui trasvexit ad decorem  
Coeli suum confessorem.

In 1. Nocturno.

Antiphonae.

1. Gallicanis ortus de partibus  
Clarifulsit Arnulphus patribus,  
Ortu sacro minister Domini  
Decoravit castrum Vendocini.
2. Hic ab annis adolescentiae  
Literali datur scientiae,  
Mox divinis insistens actibus  
Admirandis fulsit virtutibus.
3. Spretis puer carnis illecebris  
Et mundanis fugatis tenebris  
Artae vitae sequens propositum  
Monachalem suscepit habitum.

Responsoria.

1. Simoniae pollutus macula  
Praesulare Ripertus desiit,  
Vapincensis mox ope sedula  
Clerus papam Romanum adiit  
Et ab ipso supplex expetiit  
Virum dignum pastoris infula,
- V. Vult sibi praeberi  
supplex devotio cleri.
2. Alexandri  
vigil industria  
Dat Arnulphum  
se postulantibus,  
Quem virtute,  
quem praerogantia  
Praeferendum  
censet hominibus;  
Hunc honestis ornatum moribus  
Vapincensis colit ecclesia.
- V. Maxima sacrorum  
lux fulget in hoc meritorium.
3. Dum Valernae castri basilicam  
Venerandus sacraret pontifex,  
Ab excelso  
per partem lubricam  
Lapsus quidam jacebat artifex,  
Cui pius levamen opifex  
Dat per aquam  
crucemque medicam;
- V. Fons scelus enervat,  
crux quaeque fidelia servat.



In 2. Nocturno.

Antiphonae.

1. Regulari velatus habitu  
Christo carne vixit et spiritu,  
Christi jugo devote subditus  
Praeter Christum  
nil ambit penitus.
2. Pro fervore gravisus pueri  
Sumptus parat abbas itineri  
Volens Romam secum deducere,  
Quem prae cunctis  
amabat tenere.
3. Alexandri coram praesentia  
Tanta fulsit Arnulphus gratia,  
Quod per ipsum  
totum, quod voluit,  
Ejus abbas gratis obtinuit.

Responsoria.

1. Celebrato praesul encennio  
Manus lavit infuso latices,  
Cujus sacro respersus fluvio  
Visum caecus recepit publice,  
Mox adstantes laeti mirifice  
Claro Christum  
laudent praeconio.

V. Voces in caelis

attollit turba fidelis.

2. Miles solo motu malitiae  
Blasphemare  
sanctum non timuit,  
Vindicandae tempus injuriae  
Christus diu differre noluit,  
Nam de templo  
mox lignum corruit,  
Qui multatur confracta facie.

V. In qua peccavit,

linguam sibi dente putavit.

3. Visu carens homo Teutonicus  
Observabat  
sepulchrum praesulis  
Orans supplex, ut vir mirificus  
Lumen ejus infundat oculis,  
Quem depulsis  
umbrarum nebulis  
Dat videre coelestis medicus.

Dreves, Historiae rhythmicæ. II.

V. Luce fervens caeli  
grates agit ore fideli.

In 3. Nocturno.

Antiphonae.

1. Postulatus a summo praesule  
Pius senex obedit sedule,  
Jussionem tristis exsequitur,  
Dum sodalis sibi subtrahitur.
2. Hunc in Priscæ beatæ gremio  
Sacro papa junxit collegio,  
Commendatum  
fratres suscipiunt  
Et suscepto devote serviunt.
3. Indefessæ mentis constantia,  
Pius actis, dulcis facundia,  
Morum formam  
supplet in omnibus,  
Dat exemplar vivendi fratribus.

Responsoria.

1. Ob delenda culparum vitia  
Monialis catena stringitur,  
Sed a sancto collata venia  
Sponte ferri ligamen frangitur,  
In quo plene facto perpenditur,  
Quod sanatur  
mens prius saucia.

V. Squalorem sordis

lavit contritio cordis.

2. Mutilatus in dextro brachio  
Mutilantem antistes arguit,  
Nam in somnis horrenda visio  
Huic mirando minax apparuit,  
Qua conspecta reus contremuit  
De supremo timens judicio:

V. Hac me scire datur,

quæ pravis poena paratur.

3. Pater sanctus rebus dispositis  
Est sublatus a nequam saeculo,  
Terra tanti susceprix hospitis  
Sepulturam dedit corpusculo,  
Vapincensis clerus cum populo  
Damna deflent amissi capitis.

V. Plaudit gravisus

pro cive suo paradisus.

Ad Laudes.

Antiphonae.

1. Regnaturus in stola duplici  
Jam Arnulphus  
gaudet in simplici,  
Qui vestitus decore gloriae  
Delectatur fructu justitiae.
2. Infinita fretus laetitia  
Jam cum sanctis  
gaudet in patria,  
Ubi jugis est exaltatio,  
Summa quies et Dei visio.
3. Separatum granum a palea  
Paradisi jam tenet horrea,  
Et, quam frequens  
sitivit lacrima,  
Coeli luce repletur anima.
4. Coelum, terra,  
pontus et aethera,  
Benedicant factorem opera,  
Sustentando dans jura singulis  
Praedicatur Deus in saeculis.
5. Seniores cum junioribus  
Vita, voce, votis et moribus,  
Regnum cujus  
non novit terminum,  
Collaudemus in coelis Dominum.

Brev. Vapincense imp. Vapinci 1499. A. — Brev. Narbonense imp. Carcassonae 1535. B. — In 1. Noct. R 1, 1 Simonis pollutus B. — R 1, 2 Praesulari B. — In 2. Noct. R 2, 3 Vindictam de tempus A. — R 2, 5 de felicitate A.

16. De sancto Autore.

In 1. Vesperis.

Antiphonae.

1. Ave, jubar matutinum,  
Flos et decor patronorum,  
Autor, redolens oliva,  
Te per tempus vespertinum  
Ut tutorem populorum  
Jam laudamus voce viva.
2. Vere felix pater iste,  
Plenus morum fructu,  
Fit praesul per te, rex Christe,  
Trevirorum ductu.

Ad Benedictus.

- A. Veneranda justae memoria  
Clarior fulget signorum titulis,  
Claudis gressus  
datur constantia,  
Mutis sermo, lux caecis oculis,  
Vincti gaudent solutis vinculis,  
Surdus audit, cedunt daemonia,  
Et defunctis vitalis gratia  
Redit pulsus  
morborum stimulis.

In 2. Vesperis.

Ad Magnificat.

- A. O lucerna plebis catholicae,  
Cleri clarens,  
Arnulphe, speculum,  
Clerum clemens  
adstantem respice,  
Rege cives, conserva populum,  
Ut post hujus  
mortis articulum  
Resurgentes in stola duplici  
Repromissum  
coenae dominicae  
Te juvante sumamus epulum.

- R. Surge, pater, dignus laude  
 Pro tuis adoptivis filiis  
 Munda laesos hostis fraude  
 Tua prece, tuis auxiliis;  
 V. Pro nobis Christo applaude  
 Ut salvet stantes in exiliis.

Ad Magnificat.

- A. O fons inundans veniae,  
 Qui omni in progenie  
 Das bonum indeficiens,  
 Dites, purges esurie,  
 Bonis coelestis curiae  
 Mendicantes reficiens;  
 Hanc catervam tibi servam  
 Coeli junge tricliniis,  
 Autoris patrociniis  
 Ipsam salvam efficiens.

Ad Matutinum.

Invitatorium.

- Concrepet oda chori,  
 regi jubilando venite,  
 Qui dedit Autori  
 coelestis gaudia vitae.

In 1. Nocturno.

Antiphonae.

1. Jubilemus Deo in gloria,  
 Nam beata adest memoria  
 Sancti Autoris pontificis,  
 Praeornati signis mirificis.
2. Cui nomen datur  
 Autor, quo certificatur,  
 Quod sit prae mille  
 sanctis autenticus ille.
3. Hic sanctus quinque talenta  
 Traditis superlucratur  
 Per virtutum incrementa,  
 Dum in terris vegetatur.

Responsoria.

1. Dum in terrenis luctibus  
 Autor per te, Domine,  
 Fuerat vivificus,

In gratiarum fructibus  
 Vita, re et nomine  
 Vixerat autenticus.

- V. *Vitam petiit a te et tribu-*  
*isti ei.*

2. Qui virtutum praxibus  
 Devotus mirificus  
 A mundo diligitur,  
 Quod Trevirorum taxibus  
 Ut pater deificus  
 In praesulem eligitur.

- V. *Constituit eum Dominus super*  
*excelsam terram, ut commen-*  
*deret fructus ejus.*

3. Trevirensi praesulatu  
 Pio, justo, sancto statu  
 Plebi suae praeerat  
 Et sic fidem Christi rectam  
 Plebemque suam perfectam  
 Deo impliaverat.

- V. *Qui non egit dolum in lingua*  
*sua nec fecit proximo suo*  
*malum.*

In 2. Nocturno.

Antiphonae.

1. O pietas nati,  
 patris sapientia veri,  
 Autoris grati  
 meritis dignare tueri.
2. In pauca fuit fidelis,  
 Supra multa constituitur,  
 Ergo Autor est in caelis,  
 Ut per nomen innuitur.
3. Abba, tu laudis  
 orantes qui pius audis,  
 Nostratum fautor  
 et tutor sis, sacer Autor.

Responsoria.

1. O Autor, flos pontificum  
 Auctoris aeternitatis,  
 Nomen habens autenticum,  
 Tuae vi auctoritatis  
 Vultum placa deificum,  
 Ut vivamus cum beatiss.



V. *Multum enim valet in conspectu Domini deprecatio iusti assidua.*

2. Hic verus Israelita  
Miris signis stante vita  
Coram plebe claruit,  
Regem Attilam delusit,  
Hostes baculo exclusit,  
Dum plebs guerris aruit.

V. *Iste pauper clamavit, et Dominus exaudivit eum.*

3. Hodie patronorum,  
Flos et decus auctorum,  
Autor in terris moritur,  
In coelis tamen oritur,  
Christo junctus in gloria  
Pro saeculi victoria.

V. *Quoniam ingreditur sine macula et operatur iustitiam.*

In 3. Nocturno.

Antiphonae.

1. Autor fautor sis illorum,  
Qui te rite florem florum  
Colunt horis matutinis  
Digne cantibus divinis.

2. Hic pius antistes  
nos laetificat bene tristes,  
Nam prece dum plaudit  
gens, orantes pius audit.

3. Pastoris forma  
legis iste, Dei quoque norma  
Treviros rexit,  
post haec mundum pius exit.

Responsoria.

1. Laetetur coeli regio,  
Sanctorum plaudent legio  
De Autore egregio,  
Quem auctor in coelestibus  
Assumpsit de terrestribus  
Exutum mundi vestibus.

V. *Placita enim erat Deo anima illius.*

2. Gaude et laetare,  
Praesens sacra civitas,  
Nam refulget clare  
Praesulis festivitas,  
Qui te cunctis praelegit,  
Quod Deus in ipso egit,

V. *Memor congregationis suae, quam possedit ab initio.*

3. O auctor summe coelorum,  
Qui Autorem Trevirorum  
Pro salute das tuorum,  
In suis nos miraculis  
A cunctis munda maculis  
Et hostis pravi jaculis.

V. *Egressus est enim in salutem populi tui cum Christo tuo.*

In Laudibus.

Antiphonae.

1. Autor ut palma florebit  
Cum Domino glorioso,  
Coronam enim habebit  
De lapide pretioso.

2. In gratiae pabulo  
se pontificem quia gessit,  
Devicto zabulo  
de mundi carne recessit.

3. Deus, Deus meus, tui  
Ad te de luce vigilant,  
Ut beato queant frui,  
Laudibus cui jubilant.

4. Benedicant omnia  
Deo Dei opera,  
Qui Gertrudi somnia  
Mira dedit opera,  
Ut esset datura  
Nobis sancti crura.

5. Laudate Dominum de caelis  
Devotionibus celsis,  
Qui Autorem coeli velis  
Circumcinxit in excelsis.

Ad Benedictus.

A. Benedicto dono Dei  
Hic exsultent greges regi,

Nam nobis sidus oritur,  
Quod in Treveri moritur,  
Autor, praesul beatus,  
Deo auctorisatus.  
Pie pater et patrone,  
Te devote rogitamus,  
Apud Christum sic dispone,  
Ut coelum introeamus.

In 2. Vesperis.

Super Psalmos.

- A. Surgat in nobis caritas,  
Nova refulget claritas,  
Nam auctor hierarchiae  
Coelesti galaxiae  
Autorem praesentavit,  
In terris quem beavit.  
O auctor summi generis,  
Autoris juva meritis.

Brev. ms. Lubicense (ol. 62) saec. 15. — In 1. Vesp. A 2, 3 Sit praesul  
Hs. — In Laud. A 1, 2 Cum Deo Hs.

### 17. De s. Augustino Cantuariensi.

In 1. Vesperis.

Ad Magnificat.

- A. Augustinus a beato  
Electus Gregorio  
Juncto secum venerando  
Sanctorum collegio,  
Ut fructum ferret Domino  
Ex Anglorum populo,  
Nunc fulget ut sol in coelo  
Lucro centuplicato.

Ad Matutinum.

Invitatorium.

Pastorum summo principi  
Jubilemus Domino,  
Qui beatum confessorem  
Elegit Augustinum.

In 1. Nocturno.

Antiphonae.

1. Legis divinae  
vir hic medicamine fretus

Ad Magnificat.

O mirae spei  
Pontifex, Autor,  
Magnae fidei,  
Nostratum fautor,  
Qui Trevirorum  
Praesul fuisti,  
Et nostrum forum  
Visitavisti,  
Ut nostrae laudis  
Participares  
Ab hoste fraudis  
Et defensares.  
Ergo pater  
noster vocaberis,  
Veni, veni,  
veni, praesul  
Alme, pastor  
bone laudaberis.

Protulit eximium  
verbi de semine fructum.

2. Anglorum populis  
cultor dicebat herilis:  
Deservite Deo  
mentis habitu tremebundo,  
Ejus justifica  
ne depereatis in ira.
3. In montem Domini  
positus pastor reverendus  
Orans pro populis  
curam satagebat ovilis.
4. Augustinus ait  
Satanæ cultoribus: Ut quid  
Corde gravi colitis  
hominum mendacia nati,  
Sacrificate Deo  
cordis libamine vero.
5. Orabat sanctus  
Dominum pro plebe sacerdos:  
Juste Deus, ne permaneant  
hi semper iniqui,

Sed tibi subdantur  
credentes corde fideli.

6. Vir Domini quantum  
perfecerit ille laborum,  
Testantur pueri  
divina laude canori.

Responsoria.

1. Augustinus, vir modestus,  
Miraculis praecipuus,  
A beato Gregorio  
Sacratu episcopo  
Anglorum genti vividam  
Verbi monstravit lucernam.
- V. Doctrina fretus mystica,  
Virtute apostolica,  
Subjectis sibi plebibus  
Ut tuba evangelica.
2. Romulea sancti  
digressi protinus urbe  
Nomine pro Christi  
alta petunt pelagi,  
Quos Augustinus,  
divino dogmate plenus,  
Ornabat gestis,  
moribus, eloquiis,
- V. Exercens jugibus  
jejunia longa diebus  
Commendata sibi  
jura ministerii.
3. Insignis pastor  
de summo culmine puppis  
Prospiciens arvum  
perverso germine comptum  
Orans cum sociis  
lacrimis ita fatur obortis:  
Christe, sator rerum,  
vim comprime daemoniorum,  
Ut tibi complacitam  
possimus gignere plebem.
- V. Introitum nostri  
tu lumen dirige verum,  
Lucrandis populis  
auditum praebe benignum.

4. Cum pietatis opus  
plantaret cultor opimus,  
Humani generis  
rugiebat pestifer hostis,  
Dum nimium frendens  
vacuas dum territat auras  
Faucibus ex rabidis,  
depellitur agnus herilis.

- V. Suscipit ecclesia  
vitae documenta perennis,  
Idola depereunt  
mortis Satanaeque furentis.

In 2. Nocturno.

Antiphonae.

1. Sancte carens macula,  
vitae laetaris in aula,  
Augustine, gregi  
veniam deposce precanti.
2. Actibus innocuis  
et corde piatus et ore,  
Confessor Domini  
transivit ad gaudia coeli.
3. Lumen sensificum,  
totius palma salutis,  
Hujus nos precibus  
protege pontificis.
4. Et qui consortes  
non possumus esse decoris,  
Effice nos, Domine,  
participes veniae.

Responsoria.

1. Vera salus populorum  
Per beatum Augustinum  
Sanavit gentem Anglorum,  
Qui per verbum veritatis  
Languidos oblatos sibi  
Restituit sanitati.
- V. Baptizato quoque rege  
Ac plurimis fidelium  
Congaudebat quotidie  
De numero credentium.



2. Confessor Domini bonus  
praedicans instantius  
Minas sprexit barbarorum  
graviter furentium,  
Insuper ab ipso rege  
colitur magnifice.
- V. Daemones verbo fugabat,  
ordinans ecclesiam  
Insistebat officiis  
juxta ritum mysticis.
3. Inter falsiloquos  
forte recumbens  
Verbis pontificum  
jure coactus  
Sanctus vir Domini  
percitus inquit:  
Jam nunc sufficiunt  
plurima verba,  
Sed virtus Domini  
vera probetur.
- V. Curatoque dehinc  
corpore caeco  
Importuna fugat  
agmina dicens.
4. O meritum justi  
nimium laudabile testis,  
Quos nec vis hominum  
valuit superare nec arma,  
Hos Augustinus  
solo sermone subegit.
- V. Armatus verbi  
gladio galeaque salutis  
Indomitos adiit  
doctrinae viribus Anglos.

Ad Laudes.

Antiphonae.

1. Augustinus ecclesiae  
Restaurator Angliae,

Docebat Christum colere  
Idola respuere.

2. Armatus cruce nobili  
Stabat verbo fidei,  
Regem saevum prae ceteris  
Christi junxit discipulis.
3. Praebeat sanctus  
cunctis exempla salutis  
Ecclesiae sacro  
deditus officio.
4. In conspectu populorum  
Per sancti viri meritum  
Confesso Christi nomine  
Caecus gaudet de lumine.
5. Ad hujus sancti tumulum  
Curantur membra languentum,  
Per cujus summum studium  
Cognoverunt altissimum.

Ad Benedictus.

- A. Hodie pater Anglorum  
Consors factus angelorum  
Migravit ad Jesum Christum.  
Gaudet mater ecclesia  
Verbo Dei fecundata,  
Quae beatum pontificem  
Praemisit in Jerusalem.

In 2. Vesperis.

Ad Magnificat.

- A. Magne praesul, doctor gentium,  
Pater Anglorum,  
Alme Augustine,  
Intercede pro populo,  
Quem lucratus es Domino,  
Veniam posce famulis,  
Quibus donasti verbum salutis.

Brev. ms. Coloniense saec. 13/14. Cod. Londinen. Harl. 4664. — Nach der 4. Antiphon der 2. Nocturn folgen folgende Anränge von Antiphonen de communi: Amavit eum Dominus; In fide; Collaudabunt. Antiphon und Responsorien der dritten Nocturn sind alle prosaisch und de communi, weshalb nur die Anfänge angegeben. Diese Lückenhaftigkeit legt den Gedanken nahe, daß wir es mit einem Officium zu thun haben, dem die monastische Form nicht ursprünglich ist.

18. De sancto Augustino.

In 1. Vesperis.

R. O decus ecclesiae,  
lux mundi, salus quoque  
terrae,

Augustine pater,  
dilecte Deo vehementer,  
Pro nobis Christum  
supplex deposce benignum.

V. Ut vitiis mundos,  
virtutum lumine claros,  
Reddat nos patriae  
coelestia dando supernae.

Ad Magnificat.

A. Augustine, summe doctor  
Et cultor justitiae,  
Pietatis propugnator,  
Bellator perfidiae,  
Sapientiae per vias  
pulchras et pacificas,  
Quas trivisti, duc nos tecum  
ad sua palatia.

Ad Matutinum.

Invitatorium.

Exsultemus Deo nostro,  
laetemur in Domino,  
Qui dedit nobis insignem  
doctorem justitiae,  
Cujus nimbus orbe toto  
fructus est tam multiplex.

In 1. Nocturno.

Antiphonae.

1. Vere beatus iste vir,  
Summus amans legis Dei  
Signumque tam fructiferum,  
Ut toti det mundo cibum.
2. Rupit malorum vincula,  
Jugum rejecit improbum,  
Sublimis in monte Dei  
Superna jussa docuit.

3. Vanos, graves, falsiloquos  
Sanctum arguentem filios  
Terris Deus mirificans  
Transfert ad coeli requiem.

4. Benedixisti, Domine,  
Justo, qui tam dilexit te,  
Quo totus dum replebitur,  
Aeternum gloriabitur.

5. Mirabilis es, Domine,  
Donans honorem gloriae,  
Hostes tuos qui destruis  
Potentis oris gratia.

6. Arcum, sagittas tenebris  
Rectis pararunt improbi,  
Vicit fidens in Domino,  
Justus amabilis Deo.

Responsoria.

1. Civitas nobis Tagaste  
regionis Africae  
Augustinum turrim dedit  
fidei catholicae,
- V. Honesta et christiana  
editum progenie.
2. Maxima parentum cura  
literarum studiis  
Brevi puer eruditus  
insignis emicuit,
- V. Sacris enim et divinis  
aptandus officiis.
3. At rudis adolescentis  
ingenium docile  
Errore Manichaeorum  
capitur Carthagine,
- V. Ut post revelata magis  
veritas dulcesceret  
Et tenacius comperta  
pectori insideret.
4. Cumque plures docuisset  
primitus in Africa,  
Oratoriam docturus  
Romam quoque navigat,
- V. Ut doctrinam tanti viri  
Probet et Italia.

In 2. Nocturno.

Antiphonae.

1. Justus, verax, innocuus  
Altis quiescit sedibus,  
Per quem maligni ad nihilum  
Haeretici deducti sunt.
2. Desideravit, fruitur  
Gaudens coelo vultu Dei,  
Fructum semenque pessimum  
De terra qui disperdidit.
3. Rex gloriae bello potens  
Per mundicordem militem,  
Suam quaerentem faciem,  
Dolosam stravit aciem.
4. Conventus malignantium  
Iniqua perscrutatus est,  
Alti venit cordis homo  
Et Deus exaltatus est.
5. Verbosa pestis praevalens  
Domum Dei mirabilem  
Pressit, beatus lectus est,  
Illa cadente haec uber est.
6. O palma mire florida,  
Dei perornans atria,  
Augustine, scientiae  
Profundae conscientiae  
Factura, quae dives manus,  
Altis jucunda sensibus,  
Per te perennis illa sit  
Senecta nostra uber bonis.

Responsoria.

1. Inde Caesaris praecepto,  
immo nutu divino  
Transfertur Mediolanum  
quasi rhetor docturus,  
V. Ad urbem, cui praesidebat  
sacerdos Ambrosius.
2. Igitur catechizatus  
per tantum antistitem  
Liberatur ab errore,  
lavatur baptismate,  
V. Diligentius instructus  
catholico dogmate.

3. Spiritus sancti renatus  
et repletus gratia  
Omnibus saeculi pompis  
statim valere nuntiat  
V. Fidei ad Deum tendens  
et amoris passibus,  
Ne quid animum devotum  
terrenum praepediat.
4. Mox in Africam regressus,  
ordinatus presbyter,  
Cuncta morum et doctrinae  
circumlustrat lumine,  
V. Cum quibusdam sibi junctis  
vivens apostolice.

In 3. Nocturno.

Ad Cantica.

- A. Hic tibi quam fuerat  
sapientia dulcis amica,  
Augustine, suam  
dum gemis ad patriam,  
Susceptum supera  
tandem solatur in aula  
Et carum proprio  
confovet in gremio;  
Hanc nos corporeo  
fac delectamine spreto  
Sic ardendo sequi,  
sic et habendo frui.

Responsoria.

1. Processu quoque temporis  
Factus antistes Hipponis  
Publice atque privatim  
docet verbum salutis  
V. Contra haereses Africanas  
maxime Donatistas.
2. Aliquantum post elapso  
temporis curriculo  
Africam triplex pervasit  
Barbarorum invasio,  
V. Ferro, flammis cuncta perdens,  
Fide favens Ario.
3. Videns ergo urbem suam  
hostibus circumdatam,



- Lacrimosa Deum prece  
indefessus postulat,  
V. Ne depopulationem  
illius conspiciat,  
Ut ab hac se miseratus  
luce jam recipiat.
4. Tertio obsidionis  
mense febre decubat,  
Transitu beato functus  
laetus coelos superat,  
Intimus Dei amicus  
ipso nunc perfruitur.  
Apud quem nobis patronus  
perpes sit, deposcimus.
- V. Debellatis usquequaque  
veritatis hostibus  
Miles Dei gloriosus  
Triumphans eximitur.

Ad Laudes.

Antiphonae.

1. Domino regnanti semper  
psallamus suppliciter,  
Cum quo praesul Augustinus  
regnat in coelestibus.
2. Felix migrans ad superna  
doctor summus atria,  
Introivit in conspectu  
Dei cum laetitia.
3. Quem sitivit in hac terra  
Augustini anima,  
Satiatur fonte vitae  
nunc in poli patria.
4. Domino benedicamus  
corde, verbis, actibus,  
Cui benedicit in coelis  
Augustini spiritus.

5. Laudemus universorum  
conditorem Dominum,  
Cujus donis Augustinus  
fulsit tot virtutibus.

Ad Benedictus.

- A. Laudibus magnis te Deum  
in magni pontificis  
Benedici constat dignum  
Augustini meritis,  
Cujus illustratur sancta  
doctrinis ecclesia,  
Quo intercedente duc nos  
ad aeterna gaudia.

In 2. Vesperis.

- R. Lucifer ut coelo  
solet effulgere sereno  
Inter sidereas  
nocturno tempore flammās,  
Sic Augustinus  
toto nitet orbe beatus.
- V. *In medio ecclesiae aperuit os  
ejus, et implevit eum Dominus  
spiritu sapientiae et intellectus.*

Ad Magnificat.

- A. Augustine, nitens  
doctorum gemma per orbem,  
Clarus et reliquis  
rutilans ut sidus in astris,  
Sis memor et salves  
nostri, deitatis amice.

Alia Antiphona.

O lingua sancti spiritus,  
Fluens doctrinae imbribus,  
Contra errorum machinas  
Turris David fortissima,  
Nobis semper tu succurre,  
Alme doctor Augustine.

Antiph. ms. S. Martialis Lemovicens. saec. 13. Cod. Parisien. 1088. A. —  
Brev. ms. Valentinense anni 1420. Cod. Parisien. (Arsen.) 105 B.

Das Brevier von Valence bietet das Officium nicht monastisch. Es beginnt in 1. Vesp. Ad. Magnif. A: O palma mire florida = In 2. Noct. A 6. Es fehlen ihm In 1. Vesp. R: In 2. Noct. AA 4, 5, R 2; In 3. Noct. Ad Cant. A, RR. 1, 2, 3. In 2. Vesp. R und beide AA ad Magnif. statt deren: Augustine, summe doctor etc.

In 1. Noct. **A** 1, 4 Ut et toti mundo det cibum B. — **A** 3, 2 argumentum B. — **A** 4, 3 Quo dum totus A. — **A** 5, 2 gloriam A. — **R** 1, 1 Civitas nobilis Targasten B. — **R** 1, 3 turrem A. — **R** 3, 1 Ad rudis B. — **R** 4, 6 Polleret Italia A. — In 2. Noct. **A** 2, 4 De terrae B. — **A** 6, 3 scientiae summae B. — **A** 6, 4 felicitas A. — **A** 6, 6 jucundat A. — **A** 6, 7 Par te B. — **R** 1, 4 quasi rector AB. — **R** 3, 4 alere nuntiat A; lies: vale renuntiat? — In 3. Noct. **R** 1, 2 Factus episcopus A. — **R** 1, 4 lies: verbum salutis docet? — **R** 1, 6 lies: Donatistas maxime; die Hs. fügt noch bei: Manichaeos atque paganos, was spätere Zuthat scheint. — **R** 4, 9 neque quaque B. — In Laud. **A** 3, 3 Satiatus A, satiavit B. — **A** 4, 3 benedixit A. — Ad Bened. **A**, 3 Benedicti constat B.

## 19. De sancto Baldo.

### In 1. Vesperis.

#### Antiphonae.

1. In sanctorum splendoribus  
Natus ante luciferum  
Signis micantem pluribus  
Sol nobis misit Hesperum.
2. Ut Hesperus enituit  
Baldus morum fulgoribus,  
Se Deo, sua tribuit  
Et dispersit pauperibus.
3. Ut eum cum principibus  
Sui colloquet populi,  
Christus hunc a tumultibus  
Hujus exserit saeculi.
4. Cordis optans ex intimo  
Passionis instantiam  
Sese laudis altissimo  
Sacrificavit hostiam.
5. Ut sancti sic effloreat  
Baldi fructificatio,  
Coelestis hunc lux trabeat,  
Virtutum plena radio.

#### Ad Magnificat.

- A. Ave, praesul eximie,  
Virtutum florens floribus,  
Qui carnis liber nexibus  
Coelum conscendis hodie,  
Tuis nos, Balde, precibus  
De maris hujus fluctibus  
Transfer ad portum patriae.

### Ad Matutinum.

#### Invitatorium.

Adsunt Baldi pontificis  
Veneranda solemnia,  
Laudis sono multiplici  
Plaudat mater ecclesia.

### In 1. Nocturno.

#### Antiphonae.

1. Quasi natus aut plantatus  
Rivi secus alveum  
Fructum temporaneum  
Protulit Baldus beatus.
2. Praedicavit et servavit  
Dominicum praeceptum  
Et coelitus acceptum  
Talentum multiplicavit.
3. Dum obivit, obdormivit  
Soporatus requie  
Et a carnis carie  
Liber coelum introivit.

#### Responsoria.

1. Ad honorem opificis  
Summi Baldi pontificis  
Laudibus insistamus,  
Ut ad coeleste bravium  
Per ejus patrocinium  
Post cursum attingamus,
- V. Votis hymnis et canticis  
Viri sancti praeconium  
Laetantes attollamus.

2. Clara stirpe progenitus  
Baldus, antistes inclitus,  
In lege meditari  
Solerter studuit,  
Unde promeruit  
Coronam sibi dari.
- V. Letaeis culpaе penitus  
Expers in istis renuit  
Caducis prosperari.
3. Aevum adolescentiae  
Donis praeventus gratiae  
Modeste pertransivit,  
Locum parans virtutibus  
Christi mandatis omnibus  
Devotus obedivit,
- V. Praecurrens castimoniae  
Vias pudicis gressibus  
Carnis motus attrivit.

In 2. Nocturno.

Antiphonae.

1. Illustratus et signatus  
Dei vultus lumine  
Fruitur interminae  
Somno pacis vir beatus.
2. Liber satis a peccatis  
Factus praesul inclitus,  
Coronatus coelitus  
Scuto bonae voluntatis.
3. Minoratus vir beatus  
Paulo plus quam supera,  
Dei rexit opera  
Letalis expers reatus.

Responsoria.

1. Cruce carnem attenuat,  
Multa ne lapsa minuat  
Stipendia laborum;  
Hanc caro nutrit fomite,  
Ne fortassis a tramite  
Declinet praeceptorum.
- V. Hic libido non aestuat,  
Quae nullo constat comite  
Stipata vitiorum.

2. Attritus parsimonia  
Non injectu sed gratia  
Coelesti provocatus  
Metropolis Turonicae  
Conscendit honorifice  
Sedem pontificatus,
- V. Sanctum fore praeludia  
Signo monstrant multiplici  
Finis et incolatus.
3. Dum maris in periculo  
Sanctum rogatu sedulo  
Martinum invocaret,  
Illi Martinus adfuit,  
Moxque sanctus obtinuit.  
Tempestas ut cessaret;
- V. Vociferante zabulo  
Turbari nunquam potuit,  
Ut a prece vacaret.

In 3. Nocturno.

Antiphonae.

1. Supergressus vitae gressus  
Hujus sine macula  
Tua tabernacula,  
Deus, tandem est ingressus.
2. Gloriatur et laetatur  
In virtute Domini  
Honorisque gemini  
Serto quoque coronatur.
3. Mundo corde sine sorde  
Deum generatio  
Haec quaesivit studio  
Manuque misericorde.

Responsoria.

1. Divino mundum semine  
Replens, ardore geminae  
Succensus caritatis.  
Aëgris affert remedia.  
Mendicis et obsequia  
Praestat humanitatis;
- V. Praeclarus sanctitudine  
Coeli tandem in gloria  
Laetatur cum beatis.



2. Quae sit beati sanctitas,  
Viri signorum claritas  
Per orbem divulgavit,  
Ad ejus nempe tumulum  
Defunctum mater parvulum  
Vivum recuperavit;  
V. Quem tangebatur infirmitas,  
Sanum bovellus oculum  
Exsultans reportavit.
3. O virtutum vas odorum,  
Balde, felix Christicola,  
Coetu gaudens in doctorum  
Praemiatus aureola,  
Pro salute servulorum  
Precum libamen immola.
- V. Gemma nitens, flos in florum  
Pulchre vernans areola,  
Recta via, norma morum,  
Balde, coelestis incola.

Prosula.

1. Solaris consors luminis,  
Coeli sidus, irradiat  
Interioris hominis  
Nostri visens praecordia.
2. Exilis modulaminis  
Accepta tu praeconia,  
Quae tui pangit nominis  
Haec in laude familia.
3. Nostri culpam peccaminis,  
Balde confessor, expia  
Precumque proli virginis  
Pro nobis sacrificia  
Immola.

In Laudibus.

Antiphonae.

1. Praecinctum fortitudine  
Cum decore virtutum,  
Coeli Baldum in agmine  
Colamus constitutum.

2. Jam in conspectu jubilat  
Beatae trinitatis,  
Ubi splendore rutilat  
Divinae claritatis.
3. Suscepit Dei dextera  
Sibi compatiens  
Et evexit ad sidera  
Post se sic adhaerentem.
4. Cuncta nunc benedicite  
Creatura creatori  
Melosque Baldo pangite,  
Beato confessori.
5. Exutus carnis sarcina  
Deum laudat in caelis,  
Cui laudum modulamina  
Plebs impendat fidelis.

Ad Benedictus.

- A. Precis opem suffragio  
Nobis, o Balde, porrige,  
Rege stantes in stadio,  
Culpa prostratos erige,  
Tui, sacer opilio,  
Mores ovilis corrige  
Nosque te duce praevio  
Pacis in viam dirige.

In 2. Vesperis.

Ad Magnificat.

- A. O praesul eximie,  
Vas virtutum omnium,  
Lochensis ecclesiae  
Nobile depositum,  
Balde, praeco Christi,  
Adstanti memoriae  
Tuae plebi gaudium  
Da coelestis patriae,  
Quod tibi per meritum  
Ingens acquisisti.

„Regalis et collegiatae ecclesiae Sanctissimae Dei genitricis et virginis  
Mariae Lochensis, sanctae sedi Apostolicae immediate subjectae, Breviarium.“  
Imp. Turonibus 1536. — Hymnen siehe Analecta IX, p. 81 sq.

20. De sancto Barnardo.

In 1. Vesperis.

Antiphonae.

1. Adest dies celebris,  
Qua servus fidelis  
Ab his migrans tenebris  
Corruscat in caelis.
2. Peregrinus patriam  
Obtinet coelestem,  
Gloriae primariam  
Ubi sumpsit vestem.
3. In nuptiis regiis  
Decenter ornatus  
Affluit deliciis  
Supernis beatus.
4. Corde, lingua, manibus  
Domum fabricavit  
In locis coelestibus,  
Quam inhabitavit.
5. O pastor egregie,  
Adsis semper gregi  
Commendans quotidie  
Nos aeterno regi.

Ad Magnificat.

- A. Magnificat animam  
Deus sui militis,  
Virtute mirificat,  
Amplificat meritis,  
Praemii glorificat  
Deliciis abditis,  
Secum cor laetificat  
Barnardi antistitis.

Ad Matutinum.

Invitatorium.

- Collaudemus singuli  
Divinam clementiam,  
Qui Barnardo praesuli  
Dedit tantam gloriam.

In 1. Nocturno.

Antiphonae.

1. Nobilis prosapiae  
Tamquam vitae lignum  
Barnardus Burgundiae  
Dedit fructum dignum.
2. Super Sion positus  
Jussa Dei praedicat,  
Moribus compositus  
Ut sol lucens emicat.
3. Deus, ejus gloria,  
Hunc clamantem eripit  
Et secum in patria  
Exaltatum suscipit.

Responsoria.

1. Stirps Barnardum  
producit nobilis,  
Radix florem,  
fructum flos utilis,  
In quo Deus patet mirabilis,
- V. Crescit puer simplex et humilis,  
Virtutibus magnis laudabilis.
2. Avulsus a scholarum studiis,  
Praesit in patris patrimoniis,  
Summi patris haerens consiliis
- V. Emit summa de rebus patriis  
Et aeterna de transitoriis.
3. Factus miles impugnat vitia,  
Monachorum fundat coenobia,  
Vana mundi calcata gloria
- V. Fit monachus tenens humilia,  
Ad virtutum volat fastigia.

In 2. Nocturno.

Antiphonae.

1. Verbis, signis, actibus  
Barnardum magnificat  
Coram magnis regibus  
Deus et mirificat.

2. Hunc Deus exaudiens  
Perdidit mendaces,  
Errorum aperiens  
Laqueos fallaces.

3. Dei mirabilia  
Videns in coelestibus  
Omnia terrestria  
Subjecit sub pedibus.

Responsoria.

1. Dum humilis latere nititur,  
In abbatem invitus sumitur,  
Hinc Viennae praesul efficitur;

V. Dum, quis fiat  
praesul, discutitur,  
Puer de hoc decennis loquitur.

2. Cum Barnardus in alto ponitur,  
Esse bene nardus ostenditur,  
Cujus mundus odore trahitur;

V. Solis jubar late diffunditur,  
Per hoc caecus  
error confunditur.

3. Beatus vir  
post longum proelium,  
Multiplicem  
post fructum messium,  
Sciens cursus  
propinquum stadium,  
Se praeparat,  
utumat bravium,

V. Ut Rachelis assumat studium,  
Romanense subit coenobium.

In 3. Nocturno.

Antiphonae.

1. Dei tabernaculum  
Merito justitiae  
Habet habitaculum  
In aeterna requie.

2. Cordis desiderium  
Tu das ei, Domine,  
Cujus est judicium  
Missa vox cum lumine.

3. Quod in montem Domini  
Innocens ascendit,  
Ordo junctus lumini  
Desuper ostendit.

Responsoria.

1. Viri probat peringens meritum  
Vox militem vocans emeritum,  
Fragrans odor,  
lumen viis praestitum:  
Haec testantur beatum exitum.

V. Suscipiunt beatum spiritum  
Laeti chori coelorum militum.

2. Dum thesaurus  
occultus quaeritur,  
Almi patris  
sepulchrum frangitur,  
Inde mirus odor egreditur,  
Sancti virtus  
suppressa panditur;

V. Salus membris  
aegrotis redditur,  
Barnardi laus  
longe diffunditur.

3. Gaude, Romanensis ecclesia,  
Tanti patris dotata gloria,  
In te victor transit ad praemia,

V. Cujus te fundavit industria,  
In te virtutum fit frequentia,  
In corporis sancti praesentia.

In Laudibus.

Antiphonae.

1. Laudes nostras suscipiat  
Vox in altis mirabilis,  
Quas gratas Deo faciat  
Barnardus, vir laudabilis.

2. Jubilate, jam jubilat  
Deum videns in jubilo  
Barnardus, cui laus rutilat  
Dei lux absque nubilo.

3. Hunc suscepit dextera  
Dei, quem sitivit,  
Dans huic super sidera  
Potum, quem cupivit.



4. Sacerdotes Domini  
Deum benedicant,  
Cujus laudes homini  
Per Barnardum micant.

Devotae familiae  
Per tuum suffragium  
Impetres quotidie  
Divinum auxilium.

5. Laudent simul omnia  
Dominum de caelis,  
A quo sunt magnalia  
Barnardi fidelis.

In 2. Vesperis.

Ad Magnificat.

A. O decus Burgundiae,  
Ambroniacensium  
Fundator ecclesiae  
Atque Romanensium  
Et praesul egregie  
Gregis Viennensium,

A. Solemnizet laetabundus  
In Barnardi festo mundus,  
Nostri sacri praesulis,  
A valle fletus jucundus  
Exit et a mundo mundus  
Liber carnis vinculis,  
Regnat meritis fecundus,  
Fontis vitae sitibundus  
Sociatur poculis.

Brev. ms. Brivatense saec. 15. (Privatbesitz) A. — Brev. ms. Deense saec. 15. Cod. Gratianopolitan. 134. B. — Brev. ms. Deense saec. 15. Cod. Avenionen. s. n. C. — Brev. ms. Valentinense saec. 15. Cod. Atrebaten. 1142 (552). D. — Brev. S. Barnardi in Romanis imp. Romanis 1518. E.

In 1. Vesp. beginnen Ad Magn. BC; die fünf AA super Psalmos in 2. Vesp. C. — Ad Magn. A, 5 Praemiis A. — Invit., 4 Tantam dedit B. — In 1. Noct. A 1, 2 vitae fehlt A. — In 2. Noct. R 1, 6 de hoc deormus loquitur A. — In 3. Noct. A 3, 1 Quid in A. — R 1, 6 Laeti chori angelorum A. — R 3, 6 In fehlt A. — In Laud. A 5, 4 Bernhards de coelis A; der Name wird in ABC stets Bernhards geschrieben. Ich behalte die Form Barnardi nach E bei zur besseren Unterscheidung.

## 21. In Octava s. Barnardi.

In 1. Vesperis.

Ad Matutinum.

Super Psalmos.

Invitatorium.

A. Gaude, Lugdunum, praesulis  
Barnardi festi gaudio,  
Quem cum virtutum titulis  
De tuo territorio  
Mittis Viennae populis,  
Omni dignum praeconio.

Adsunt sanctissimi  
patris solemnina,  
Laudet et jubilet  
nunc haec ecclesia.

In 1. Nocturno.

Ad Magnificat.

Antiphonae.

A. Gaude, parens alta prosapia,  
Tantae prolis refulgens gloria,  
Monachorum  
prorumpant gaudia,  
Viennensis plaudat ecclesia,  
Sed tu magis. Romanis, grandia  
Sancti tui agens solemnina.

1. Lugdunensem provinciam  
Valde Barnardus extulit,  
De qua ducens originem  
Fructus beatos protulit.  
2. Alta natus progenie  
Virtutibus dum emicat,  
Genus suum quam nobile  
Plus et plus sic magnificat.

3. Felix haec nobilitas,  
Quae virtutum florem  
Profert sui nominis  
Reddentem odorem.

Responsoria.

1. Ex illustri natus prosapia,  
Mundi sanctus declinans vitia,  
Totum transfert cor ad coelestia  
Ex Dei gratia.  
V. Mundi divitias, carnis delicias  
Generis gloriam, spernit et  
curiam.  
2. Inter mundi fulgentem gloriam  
Et Karoli regalem curiam  
Servat sanctus cordis munditiam  
Et conscientiam.  
V. Extra mundi portans imaginem  
Intus sanctum gerebat hominem.  
3. Felix miles,  
qui vanum saeculum  
Sic contempsit,  
ut esset speculum  
Sanctitatis  
atque spectaculum  
Morum cunctum  
illustrans populum.  
V. Ut coelum ornant sidera,  
Sic hunc virtutum opera.

In 2. Nocturno.

Antiphonae.

1. Hic mundum dum considerat,  
Intrat in monasterium,  
Quod prius ipse fecerat  
Monachorum refugium.  
2. Perfectionis culmine  
Universos exsuperat,  
Quos sub Maria virgine  
Jam ante congregaverat.  
3. Voto communi omnium,  
Quibus gratus efficitur,  
Licet invitus nimium  
In abbatem extollitur.

Dreves, Historiae rhythmicæ. II.

Responsoria.

1. Mundi caute timens contagia,  
Quae mundi sunt, reliquit omnia,  
Manum mittens ad claustrum  
Christi vestigia.  
V. Omne saeculi disrumpens vin-  
culum,  
Regi Christo se dat in famulum.  
2. Claustralis factus humilis  
Et vas virtutum omnium  
Et gratia mirabilis  
Cunctis fit in solatium;  
V. Cunctis gratus cunctos laetificat,  
Cunctis placet, cunctos aedificat.  
3. Domus hujus, quam ipse fecerat  
Et maximis donis dotaverat,  
In qua fuit ipse discipulus,  
Pater abbas fit Dei famulus.  
V. Felix habens tu, Ambroniacum,  
Talem patrem et talem mo-  
nachum.

In 3. Nocturno.

Antiphonae.

1. Ex abbatis officio  
Mire fuit vocatus,  
Puerili indicio  
Ad culmen praesulatus.  
2. Factus praesul sollicite,  
Quae sunt praesulatus,  
Exsequitur assidue  
Digne vir beatus.  
3. Romanis aedificat  
Locum requiei,  
Quo tumultus fugiat  
Homo sanctus Dei.

Responsoria.

1. Pontificis ascendens culmina  
Sancte vivit, expugnat crimina  
Et commissar eformat agmina,  
Nulla sanctum frangunt dis-  
crimina.

V. Nocte coeli perlustrans lumina  
Die terris dat vitae semina.

2. Granum exsussum palea  
Nexu solutum luteo  
De mundiali area  
Coeli locatur horreo.

V. O cum quanto receptus gaudio  
In doctorum fulget consortio.

3. Gregem tuum, pastor egregie,  
Festum tuum colentem hodie  
Tuis sanctis defende precibus  
A malorum cunctis incursibus,

V. Ut sub tuo nunc patrocinio,  
Tuo tandem sit in consortio.

Ad Laudes.

Antiphonae.

1. Adest dies memoriae,  
Qua Barnardus mirificus  
Transit ad regem gloriae,  
Civis effectus coelicus.

2. O cum quanta laetitia  
Receptus est in caelis,  
Cum de mna lucra varia  
Reportat vir fidelis.

3. In terris in modicis  
Gerens se fideliter,

Brev. S. Barnardi in Romanis imp. Romanis 1518.

## 22. In Translatione s. Barnardi.

In 1. Vesperis.

Antiphonae.

1. Congaudeat ecclesia  
Summa cum devotione,  
Laeta psallens praeconia  
Barnardi translatione.

2. Vivens in mundo fundavit  
Templum istud mirifice  
Et locum amplificavit  
Adjacentem magnifice.

3. O Barnarde, pastor pie,  
Aperi tuos oculos.

In coelis in maximis  
Ascendit sublimiter.

4. Felix iste . . . . .  
Quem Christus, quando venit,  
Super gregem suum sollicite  
Vigilantem invenit.

5. Laus Deo sit pro tali famulo,  
Quem laudandum a suo populo  
Christus fecit in omni saeculo.

Ad Benedictus.

A. Transit praesul ad coeli solium,  
Dux ad sceptrum,  
cursor ad bravium,  
Mors in vitam, labor in otium,  
Praesens cedit  
luctus in gaudium.

In 2. Vesperis.

Ad Magnificat.

A. O praesul eximie,  
Norma sanctitatis,  
Pietatis vasculum,  
Homo veritatis,  
Tua per suffragia  
Veniam peccatis  
Et vitam in gloria  
Praesta cum beatis.

Respice nos hodie  
Ad te clamantes famulos.

4. Sicut miles arma sua  
Custodit a rubigine,  
Sic, Barnarde, ossa tua  
Praeservas a putredine.

5. Nam Reinaldo praecepisti  
Corpus tuum exhumari  
Nec non illud mandavisti  
Honestius collocari.

Ad Magnificat.

A. Puerum suum suscepit  
Israel devotissime,



Dum Barnardi corpus cepit  
Redolere dulcissime;  
Omnes ergo voce pia  
Decantemus Alleluja.

Ad Matutinum.

Invitatorium.

Translatus est in gloria  
Pastor noster, Alleluja.

Ad Nocturnum.

Antiphonae.

1. Ad laudem tui nominis  
Barnardique sit haec dies,  
Christe, pater, fons luminis,  
Cunctorum conditor qui es.
2. Dum thesaurus occultus quae-  
ritur,  
Puerilis manus conteritur,  
Vino sacro post haec adspargitur  
Et illaesa per cunctos cernitur.
3. In die translationis  
Sanitatis obsequia  
Data pluribus personis  
Sunt divina potentia.

Responsoria.

1. Visione multis apparuit  
Sacer praesul lapsis temporibus,  
Ipsos quoque dulciter monuit  
Pro levandis ipsius ossibus.
- V. Finaliter uni de fratribus  
Beatus vir comminatus fuit.
2. Romanensis populus gaudeat  
Videns patrem suum exaltatum  
Et patronum sibique studeat  
Exhibere dignum famulatum.
- V. Sacerdotum sidus irradiat,  
Quis est homo, qui nunc suf-  
ficiat  
Exhibere dignum famulatum?
3. O Barnarde, pater egregie,  
Ad te puris spiramus cordibus  
Rogantes, quod conserves hodie  
Locum tuum cum habitantibus.

Brev. S. Barnardi in Romanis imp. Romanis 1518.

- V. Festum tuum devote colimus,  
Ut gubernes semper, deposci-  
mus.

In Laudibus.

Antiphonae.

1. Indutus fortitudinem  
Contra malignos spiritus  
Dat odoris dulcedinem  
Barnardus, praesul inclitus.
2. Servite in laetitia  
Barnardo, nostro praesuli,  
Ut impetret cum gratia  
Salutem sui populi.
3. In terra deserta fuit,  
Invia et inaquosa,  
Et per tempora latuit  
Margarita speciosa.
4. Benedicite omnia  
Opera Dei Domino,  
Qui Barnardum in gloria  
Posuit sine termino.
5. In hoc festo tuba cum tympano,  
Psalterium, chorus cum organo  
Et cithara resonent vocibus  
Cum cymbalis bene sonantibus.

Ad Benedictus.

- A. Jusjurandum, quod juravit,  
Hunc se locum servaturum,  
Usque nunc ipse servavit  
Et servabit in futurum,  
Si pro posse honoremus  
Eum in hac ecclesia;  
Ergo, fratres, nunc clamemus  
Simul omnes Alleluja.

In 2. Vesperis.

Ad Magnificat.

- A. Cum Barnardus in alto ponitur,  
In brachio fecit potentiam  
Deus, salus aegris impertitur,  
Ad praesulis laudem et gloriam,  
Et beatum perenniter omnes  
Dicunt ex hoc generationes.

23. In Translatione s. Benedicti.

In 1. Nocturno.

Antiphonae.

1. Dilectus Dei Mummolus,  
Pastor gregis Dominici,  
Amicus coeli civibus,  
Ut transferret in Galliam  
Patris Benedicti glebam,  
Divinitati placuit,  
Qua admoneri meruit.
2. Inter ceteros igitur,  
Quos normali imperio  
Dogmate fovebat sacro,  
Quidam Aigulphus nomine,  
Flos candens innocentiae,  
Pollebat privilegio  
Disciplinae monasticae.
3. Hunc pater ille Mummolus,  
Ut meruit oraculo  
Edoceri divinitus,  
Direxit ad Italiam,  
Beneventi provinciam,  
Quae tunc patris corpoream  
Retinebat praesentiam.
4. Tandem perveniens ad oppidum,  
Quod incolae vocant Casinum,  
Prostratus orabat ad Dominum,  
Qui visionis auctor fuerat,  
Monstrari sibi thecam placeat  
Thesauri sui, quem promiserat.
5. Intuens annosus homo  
Hunc explorantem sedule:  
Si, inquit, fidei meae  
Tuam placet committere,  
Puto me ocius dare  
Finem tuae solertiae.
6. Tanti secreti conscius  
Ille senex angelicus  
Huic inquit: vigil lectulo  
Primo noctis crepusculo  
Splendore notabis locum,  
Ubi tui reperias  
Laboris desiderium.

In 2. Nocturno.

Antiphonae.

1. Personae senilis fidem  
Vir Dei probans stabilem,  
Visionis historiam  
Et tanti laboris viam  
Beato seni texuit  
Et promissionis memor,  
Ut fieret, obtinuit.
2. Cordis amore credulus  
Senis promissionibus  
Noctem pervigil excubat,  
Precibus coelum penetrat,  
Hinc sanctorum reliquiae  
Claro monstrantur jubare.
3. Nondum sol per orbem suos  
Coelo fundebat radios,  
Aigulphus venerabilis  
Ovanter locum adiit,  
Cujus notator extitit,  
Coelorum regi jubilat  
Reperto, quod quaesierat.
4. His inventis vir Domini  
Latus apertum loculi  
Sancto thesauro vacuat,  
Quem texta palmis sportula  
Includit, quam paraverat,  
Mox magno cum tripudio  
Pede fertur retrogrado.
5. Jam securi pacifice  
Fines intrabant patriae,  
Insinuatur praesuli  
Furto felices insequi,  
Coelesti mox oraculo  
Moras vetantur nectere  
Potiti desiderio.
6. Cumque ministri Domini,  
Reliquiarum geruli,  
Ut coelitus didicerant,  
Romanum papam fugerent,  
Divinitas hos protegit,  
Hostes tenebris abigit;

Intrant securi patriam,  
Adventum patris nuntiant  
Laetificantes Galliam.

In Laudibus.

Antiphonae.

1. Gloriosus Christicola  
Rediens ab Italia  
Cum thesauro, quem repperit,  
Gallias ovans rediit,  
Patrem Mummolum repetit  
Gestans sanctorum corpora,  
Gallis aeterna gaudia.
2. Facti hoc imperio  
Securi Dei famuli  
Ab hostium periculo  
Amoenis tandem floridi  
Requiescunt praedioli,  
Quod Bonodium dicitur,  
Aurelianensis pagi.
3. Ecce, privatus lumine  
Ab utero matris suae

Interpellat sanctissimum  
Dum Benedicti meritum,  
Caecitatem deseruit,  
Solem cernere meruit  
Orans: sancte, propitius  
Adesto nostris precibus.

4. Infertur quidam languidus,  
Nervis membrorum perditus,  
Poscens Dei auxilium  
Per Benedictum famulum;  
Cujus ut sportam attigit,  
Gaudens in pedes constitit,  
Hinc benedicit sedulus,  
Per quem sibi est redditus.
5. Procedens pater Mummolus  
Obviam sanctis ossibus  
Cum monachorum agmine  
Et sacro plebis ordine  
Laudum Deo praeconia,  
Dat Benedicto cantica,  
Per quem juvari poscimus  
Suis ovantes laudibus.

Brev. ms. Tutelense saec. 11/12. Cod. Parisien. 1256. A. — Brev. ms. S. Petri de Cultura saec. 13. Cod. Cenomannen. 188. B. — Brev. ms. Sammaglorianum saec. 15. Cod. Mazarin. 346 (767). C. — Brev. ms. Nobiliacense saec. 15. Cod. Burdigalen. 85. D.

Nur die Antiphonen der Nocturnen (mit Ausnahme der vierten und der Antiphon ad Cantica) und der Laudes bewegen sich im jambischen Dimeter und bilden zusammen eine fortlaufende Erzählung; die anderen Teile des Officiums sind in Reimprosa abgefaßt, die in der zweiten Nocturn sich der gebundenen Redeweise stark nähert. Das erste Responsorium enthält z. B. unter 9 Zeilen 6, das zweite unter 7 Zeilen 2, das dritte unter 9 Zeilen 5, das vierte unter 8 Zeilen 5 jambische Dimeter. Der Inhalt der dritten Nocturn bezieht sich zu vier Fünfteln gar nicht auf die Translation, das letzte Responsorium ist sogar dem Officium des Hauptfestes entlehnt, weshalb nur die Antiphonen hier wiedergegeben sind. — In 1. Noct. A 2, 2 Quod normali A. — A 4, 2 incolentes A. — A 6 = A 1 Noct. 2. BC. — In Laud. A 4, 1 Infectus quidam A. — A 4, 2 perditis A.

24. De sancto Bertrando.

In 1. Vesperis.

Super Psalmos.

A. Laudibus exsultet  
coelum mundusque resultet,  
Cantica Bertrandi  
festiva dies canit anni.

Ad Magnificat.

A. Magnificet Dominum  
plebs omnis voce sonora,  
Magnificet Dominum  
sanctorum turma canora.  
Cum quibus, alme pater,  
pro nobis omnibus ora.



Ad Matutinum.

Invitatorium.

Sanctorum regem  
trinum veneremur et unum  
Ut pastor gregem  
revocans conservet in unum.

In 1. Nocturno.

Antiphonae.

1. Impia consilia  
vitans actusque malorum,  
Felix mente pia  
sectando exempla bonorum  
In Domini lege  
meditatur nocte dieque.
2. Supra Sion montem  
tu rex a rege statutus  
Te geris insontem  
Domini praecepta secutus.
3. Contra te datur  
hostis et multiplicatur,  
Susceptor clipeus  
tuus ipse Deus.

Responsoria.

1. O quam glorifica  
Bertrandus luce corruscat  
Et quam magnifica  
plebs ejus laude resultat;  
V. Nos prece mirifica  
Deus ejus in astra coronet.
2. Plebs devota Deo  
laudes attolle canendo,  
Dic tua vota Deo  
Bertrandi festa colendo,  
V. Ut te ducat eo  
salvet et ipse regendo.
3. O pie confessor,  
a nobis saepe vocatus  
Sis intercessor  
nostros solvendo reatus,  
V. Coeli possessor,  
coelum largire rogatus.

In 2. Nocturno.

Antiphonae.

1. Te pater orantem  
Deus audit teque vocantem  
Lumine signavit,  
te signis magnificavit.
2. Scuto virtutis  
tegit hunc galeaque salutis  
Christus, ut antiquum  
procul expellat inimicum.
3. O quam mirandum  
nomen Domini venerandum,  
Qui meritis donat,  
hunc coelo laude coronat.

Responsoria.

1. Dulcia corde pio  
resonemus cantica Christo,  
Munere propitio  
mundo nos servet in isto,  
V. Post vitae cursum  
perducat ad aethera sursum.
2. Gemma sacerdotum,  
populum nunc respice totum,  
Qui se devotum  
reddit, fac crimine lotum,  
V. Hostibus ignotum  
coelestibus exhibe votum.
3. Sanctus Bertrandus,  
clemens, dulcisque benignus,  
Prudens et justus,  
fortis, mitisque modestus,  
V. Solvat vincla reis  
et reddat lumina caecis,  
Infirmos sanet  
cunctisque petita ministret.

In 3. Nocturno.

Antiphonae.

1. Qui maculas nescit,  
virtutum culmine crescit,  
Lumine clarescit,  
in sancto monte quiescit.

2. In virtute tua  
se rexit rexque vocatur,  
Qui, Deus, assidua  
prece nos regat ac tueatur.
3. Hic manibus mundus  
et mundo corde jucundus  
In montem ascendit,  
nobis sua dona rependit.

Responsoria.

1. Confessor Domini  
claris natalibus ortus,  
Cujus sermo bonus,  
bonus actus, pura voluntas,  
Assidui mores  
signantur nobiliores;
- V. Hinc claustrum petiit,  
mundum cum flore reliquit.
2. O felix pastor,  
servos audi famulantes  
Erige lapsos, corrige pravos,  
dirige justos,
- V. Omnia pelle mala,  
cuncta precare bona.
3. Inclite Bertrande,  
vitae meritis venerande,  
Mente Deo carus  
et mundo sanguine clarus,  
Plebs tibi devota  
sua gestit promere vota,
- V. Pro cujus venia  
tu prece posce pia.

In Laudibus.

Antiphonae.

1. Regnavit Dominus,  
semper regnabit in aevum,

Qui regnare facit  
sanctum virtute decorum.

2. Omnis terra Deo  
jubilet, qui cuncta creavit,  
Lumine sidereo  
qui sanctum glorificavit.
3. Ad te de luce  
vigilat, Deus, hic fide dignus,  
Quo largire duce  
nobis aeterna benignus.
4. Coelorum Domino  
benedicite, coelica cuncta,  
Cunctorum Domino,  
benedicite cetera cuncta.
5. Coeli coelorum  
laudent et virtus eorum  
Sanctum sanctorum  
donantem regna polorum.

Ad Benedictus.

- A. Israel est dictus  
Deus et Dominus benedictus,  
Qui primo fecit,  
post nos redimendo refecit;  
Bertrandi meritis  
det nobis dona salutis.

In 2. Vesperis.

Ad Magnificat.

- A. O pie, nos serva,  
cui psallit juncta caterva,  
Hostes enerva,  
nos protege nosque gubernava.

Brev. ms. Tolosanum saec. 14. Cod. Tolosan. 74. A. — Brev. Tolosanum imp. Parisiis 1553 B.

Ad Matut. Invit. 3 sq. Pro pastore gregem reuctans A. — In 1. Noct. A 3, 4 tuus ipse tuus A. — In 2. Noct. A 2, 2 tegat A. — In 3. Noct. R 2, 3 lapsos corrige fehlt A.

A hat vor den Lektionen der ersten Nocturn folgendes in rubro: „Incipit vita sancti Bertrandi episcopi ad instantiam Dompni Jacinti, sacrosanctae Romanae ecclesiae diaconi Cardinalis, et mandatum Dompni Guillelmi, archiepiscopi Auxitani, nepotis ejusdem sancti, edita tempore Sancti Alexandri papae a magistro Vitale, notario apostolicae sedis, qui de provincia Auxitana oriundus fuit; vitam et miracula beati confessoris ex relatione dicti

archiepiscopi et ab aliis, qui eum viderunt in ecclesia sua et plene noverunt gesta ipsius, et a fratribus Scalae Dei, Cisterciensis ordinis, quae scripsit, se asserit veraciter et fideliter accepisse.“ Ob wir in dem Verfasser der Vita auch den Dichter des Officiums zu suchen haben, bleibt ungewiß.

## 25. De sancto Bertulpho.

In 1. Vesperis.

Ad Magnificat.

A O Bertulphe,  
Confessor Domini venerande,  
Cui pro vitae merito  
Illuxit columna ignis  
Incensa de coelo,  
Exora pro tuis  
Christum famulis.  
Ut nos suis  
Condonet amicis.

Ad Matutinum.

Invitatorium.

Voce pari regem  
laudemus cuncta regentem,  
Qui superis castris  
Bertulphum junxit in astris.

In 1. Nocturno.

Antiphonae.

1. Prodiit ex Hunnis  
Bertulphus uti rosa dumis,  
Nam patre gentili  
genitus nec matre fideli,  
Ad fidei portum  
genuinum transtulit ortum.
2. Amplectens Abrahæ  
sacri exemplum patriarchæ  
Ad loca Francorum  
transiit de sede suorum,  
Fonte salutari  
quo possit eo renovari.
3. Fluminis in lavacro  
purgatus pneumate sacro  
Detonsisque comis  
pro causa religionis

Regis amat veri

cultor studiosus haberi.

4. Egerat Archatum  
dux Wambertus Morinorum  
Bertulphumque sibi  
sociavit amore fideli  
Oeconomum clarum  
rerum statuendo suarum.
5. Daemonis accensi  
quidam livore maligni  
Principis in facie  
jaciunt mendacia mille  
Ejus et expensum  
male fingunt a patre censum.
6. Actio nota patris  
ne forte pateret iniquis,  
Panis adest lignum,  
pallestit ut unda Falernum  
Glorificante suum  
coelesti numine sanctum.

Responsoria.

- Ergo stupenda viri  
nimium miracula sancti  
Aemula turba sacros  
cujus dum prodidit actus,  
Vina imitantur aquam  
panis lignique figuram  
Ordine naturæ  
coelestia jura stupente.
- V. Quid ferat in gremio,  
monstrare jubetur ab hero,  
Ecce per altithronum  
species patet altera rerum.

In 2. Nocturno.

Antiphonae.

1. Hic bonus athleta  
stabilitus mente quieta



Servat equos pratis,  
dum nocte et imbribus atris  
A pluviae guttis  
aquilae defenditur alis.

2. Egregium dictu,  
nimii splendoris in ictu  
Ante patrem clarus  
radiavit ab aethere pharus,  
Per cujus radium  
fertur legisse libellum.

3. Comperiens sanctum  
Wambertus glorificatum  
Lucis ad adspectum,  
quia desuper alite tectum,  
Pergit adire virum,  
quem suscepit peregrinum.

4. Promeruit vere  
vir clarus et ipse videre,  
Luce pater quali  
steterit sub turbine tali,  
Corpore curvato  
prosternitur ecce beato.

5. Sanctus Wamberto  
replicat sermone disertus,  
Quod Christi causa  
migrarit sede paterna  
Atque fide sana  
contempserit idola vana.

6. Bertulphum donans  
princeps et rebus honorans  
Haeredem carum  
firmaverat ecclesiarum,  
Cultu praestanti  
quas constituit dominanti.

Responsoria.

Lumine dum phari  
meruit pater irradiari,  
Et codicem solvit,  
vitae quo verba revolvit,  
Stat pernix aquila  
crispanti desuper ala  
Imbres arcendo  
sanctum caput atque tegendo.

V. Horrida tempestas  
hiemes dedit undique mae-  
stas,

Illi sub forma,  
Johannes qua petit astra.

In 3. Nocturno.

Ad Cantica.

A. Talibus ex factis,  
Christi virtute peractis,  
Gloria Bertulphi  
crevit per compita regni  
Oblectans cunctos  
fidei signamine functos,  
Omnia servanti  
quare sit doxa tonanti.

Responsoria.

O pater insignis,  
virtutibus aucte benignis,  
Te pie poscentes  
audi, Bertulphe, clientes,  
Cum Christo civis  
quia summus in aethere vivis,  
Qui secum clare  
statuit te glorificare,  
Quapropter cantum  
pius accipe te modulantum.

V. Te patriarchatus,  
te colligit ille senatus,  
Qui Sanctus Domino  
semper canit ordine miro.

Ad Laudes.

Antiphonae.

1. Omni Bertulphus  
virtutum laude probatus  
Suscipit ecclesias  
prece Wamberti moderandas,  
Firmo jure quidem  
sibi dux quas contulit idem.

2. Praelatus vero  
tanto reverenter ab hero

Non formidari  
sed plus quaesivit amari  
Et cura vigili  
deico praesedit ovili.

3. Fortis agonista,  
dum carne manebat in ista,  
Pulcher erat vultu  
virtutis et undique cultu  
Actibus atque bonis  
trivit caput ipse draconis.

4. Is ubi jam sciret,  
quia finem carnis obiret,  
Divinis epulis  
obdulcans intima cordis,  
Corpore transivit,  
Christum gaudenter adivit.

Brev. ms. Blandiniense saec. 14. Cod. Londinen. Add. 29253. — In jeder Nocturn nur ein **B.** in Versen, die übrigen in Reimprosa gleich der **A** ad Magnificat.

5. En pater elatus  
coeli super alta beatus  
Gaudet cum Domino  
sine termino temporis ullo,  
Audit et ex astris,  
qui se venerantur in arvis.

Ad Benedictus.

A. Coelicolas hodie  
meruit Bertulphus adire,  
In Christi dextra  
ceu stella nitens matutina.  
Coelestis valvae  
nunc praecluis incola, salve,  
Mente simul tota  
quae fundimus, accipe vota,  
Ut sanctae triadi  
nos conciliesque monadi.

## 26. De sancta Bilhilde.

In 1. Vesperis.

Antiphonae.

1. Ave, gemma mulierum,  
Radix sancta, semen verum,  
Favus, uva, dulcor mellis,  
Universas tu praecellis.

2. Bilhildis pia, nobilis  
Et regalis sobolis,  
Loci sancti monialis,  
Cujus idem stat sub alis.

3. Francorum de genere  
Talis re et nomine  
Affectabat vivere  
Felici sub omine.

4. Haec in laudem salvatoris  
Universis suis horis  
Expandit vires animae,  
Sursum sunt potentiae.

Ad Magnificat.

A. Te magnificantes  
collaudemus Dominum,  
qui respiciens humilitatem  
Bilhildis, ancillae tuae,

Ei gratuito praestitisti munere  
candidam baptismi stolam  
ante tuum tribunal  
immaculatam perferre,  
Ut aeternam mereamur  
in coelis vitam habere.

Ad Matutinum.

Invitatorium.

Templum sanctum hoc intrantes  
Te in ipso venerantes,  
Rex pie, exaudi Domine.

In 1. Nocturno.

Antiphonae.

1. Beata in trivio  
Jens, sedens stadio,  
Juncta Dei filio  
Proprio principio.

2. O quam pulchra, nobilis,  
Casta, verecunda,  
Ut in astris lucifer  
Fulgens semper munda.

3. Ejus cordi viluit  
Mundus hic immundus,  
Christum mente induit,  
Qui est pure mundus.
4. Quanto sese deprimebat  
Humilis nobilitas,  
Tanto magis elucebat  
Nobilis humilitas.
5. Plura loca dotat sancta,  
Inter quae praecipuum,  
Cui donat se in tanta,  
Vetus monasterium.
6. Baro magnus in hanc votum  
Offert se et sua totum,  
Nihil flectit hanc invitam,  
Donec patris sors fert vitam.

Responsoria.

1. Bilhildis clara, nobilis,  
Tota lux spectabilis,  
Cujus caro, cor et vita  
In excessu exquisita,
- V. Pulchra nimis et decora,  
Salva tuos sine mora.
2. Haec est illa, quam rigavit  
Fons divinus, dum perflavit  
Auster hortum pietatis,  
Rosa, junge nos beatiss;
- V. Benedicta mulierum,  
Contemplaris Deum verum.
3. Tu es illa Salomonis  
Veri nata, quae in thronis  
In vestitu deaurato  
Jam conregnas Dei nato.
- V. Audi, domina, et vide  
Et inclina aurem tuam.
4. Mater larga loci  
nostrae modulamina voci  
Imprime devota,  
clementer suscipe vota,  
Pro meritis gaudes,  
cantant coeli agmina laudes.
- V. Coeli regina,  
mentis dulcedo, rosina.

In 2. Nocturno.

Antiphonae.

1. Defuncto patre filia  
Virginitatis lilia  
Quoad se non mutat,  
Sed mater meticulosa  
Imperat, quod rubens rosa  
Hoc votum commutat.
2. Cum esset jam tenera  
Sub annis juvencula,  
Detestatur munera  
Maris ut sponsalia.
3. Status demum conjugalis  
Adfuturus salutaris  
Fructum fert eximium  
Per hoc dotalitium.
4. Celebratis nuptiis  
Fluit parum temporis,  
Regionem deserit,  
Casu conjux interit.
5. Quae fulgens castimonia,  
Ob viri copulam ingemuerat,  
A peste mox curatur,  
Qua misere languerat;  
Paucis quippe hic diebus  
Lapsis moritur,  
Sed Dominus ignivit  
Cor ejus incendio  
Ardentissimae caritatis.
6. Sancta praeconia recolentes  
Beatae Bilhildis  
Nostrae prosequuntur voces  
Cum jubilo laudis.  
O alma Christi famula,  
Choris coelestibus juncta,  
Supernorum civium amica,  
Sanctorumque omnium socia,  
Intercede ad Dominum  
Pro nobis,  
Ut tecum mereamur  
Adscribi in coelis.

Responsoria.

1. Flavuit auster, dum Bilhildim  
Castitatis vas elegit.



Et peregit militare  
Caste sancto flamine,  
Liquefecit et refecit  
Resolutam funditus  
Verbum missum coelitus.

V. *Fluminis impetus civitatem  
Dei laetificat.*

2. Aestimari quidem nequit.  
Quae Bilhildis jugiter  
Supra modum intus egit  
Cuncta ferens suaviter.

V. *Trinitati lux perennis,  
Laus et jubilatio,  
Ubi ejus habitatio.*

3. Francorum fulget gloria  
In coelesti curia  
Bilhildis, dux eximia,  
Nobili prosapia,  
Et quanto natu altior  
Tanto vita sanctior.

V. *Nobilitas a Deo  
rationis, exit  
Causa haec fuit, quare  
mare se reflexit.*

4. O mater nostra  
Bilhildis locum requiei,  
Quem possedisti,  
quod praestet gratia Christi,  
Obtineas genti  
te puro corde colenti,

V. *Quod oculus non vidit nec  
auris audivit nec in cor ho-  
minis ascendit.*

### In 3. Nocturno.

#### Responsoria.

1. Gaude, coelestis curia,  
Bilhilde laeta socia,  
Cum qua in throni socio  
Laudas patrem cum filio.

V. *Tres sunt, qui testimonium  
dant in coelo, pater, verbum  
et spiritus sanctus.*

2. Recordare, mater et patrona,  
Ut loquaris pro tuis bona,  
Quae praesentata es praesentiae  
Filii Mariae.

V. *Eloquium tuum dulce commen-  
det nos gratiae filii.*

3. Vide ad nostra piacula,  
Bilhildis, nostra patrona.  
Quibus mors est jam vicina,  
Licet hora dubia.  
Adfuturum redemptorem  
Credimus in tempore,  
Quem digneris mitigare,  
Dum sumus in corpore.

V. *Eja, mater gratiosa,  
Tu quae mitis et formosa  
Super omnes es puellas,  
A te nunquam nos repellas.*

4. O mater nostra,  
ter sancta quaterque beata,  
Cum prece devota  
famulantum suscipe vota,

V. *Jam Christo juncta  
sponsoque tuo sociata.*

#### In Laudibus.

##### Super Psalmos.

A. *Laude Deo debita  
Celebremus inclita  
Bilhildis solemnia,  
Quae nata ex Franconia  
Jubilat in patria.*

##### Ad Benedictus.

A. *Dulcedo festi coelici  
Nec linguis explicari  
Nec ratione conjici  
Nec potest aestimari;  
Visibilis hic deitas,  
Plenitudo bonorum.  
Hic omnium satietas  
Abundat gaudiorum.  
Istic Bilhildis prospere  
Gaudet inthronizata  
Sponsoque Jesu foedere  
Perenni copulata.*

Te deprecamur cernui,  
Piissima patrona,  
Impetra nobis perfrui  
Tecum coeli corona.

Ad Horas.

Ad Primam.

A. Quasi stella matutina,  
Quam illustrat lux divina,  
In conventu cum concentu  
Billhildis coelestium  
Gaudet luminarium.

Ad Tertiam.

A. Nobili de genere  
Sancta Dei Billhildis,

Nobilior fide Christi,  
Contempsit mundi gloriam  
Meruitque obtinere  
Coelestis sponsi gratiam.

Ad Sextam.

A. Quae dum pia mente  
Oleum sumpsisset,  
Sponso cum prudentibus  
Obviam exivit.

Ad Nonam.

A. Circa horam nonam  
fidenter expirat,  
Margaritam bonam  
sursum secum gyrat.

Brev. ms. Veteris Monasterii saec. 16. Cod. Maguntin. 96. — In 2. Noct. **A** 3, 1 status convivalis Hs. — **A** 5, 1 Aue fulgens Hs. — **R** 3, 8 exit rationi Hs. — In 3. Noct. **A** ad Cantica dieselbe wie In 1. Vesp. ad Magn. — In Laud. Super Ps. **A**, 1 Laudem Hs. — In 2. Vesp. ad Magn. **A** dieselbe wie ad Bened. — Einige wenige Bruchteile dieses Officiums bietet auch die Kölnische Handschr. 28. ein Gebetbuch des 15. Jahrhunderts.

27. De sancto Blaano.

In 1. Vesperis.

Super Psalmos.

A. Psalmorum modulos,  
devota cantica,  
Plebs laetis mentibus  
pangat catholica  
Die, quo transtulit  
ad regna coelica  
Blaani spiritum  
phalanx angelica.

Ad Magnificat.

A. Salve gemma  
coelestis gratiae  
Dumblanensis  
praesul ecclesiae,  
Salve decus  
et robur patriae,  
Juva nos in  
valle miseriae  
Ducens tecum  
ad montem gloriae.

Ad Matutinum.

Invitatorium.

Christus adoretur,  
jubilus corde cumuletur,  
Quo sunt praecipua  
festa, Blaane, tua.

In 1. Nocturno.

Antiphonae.

1. Legem Dei meditatur,  
Cujus prece suscitatur  
Defunctus, qui sequebatur  
Ipsum, donec viveret.
2. Dum ignem exstinguerat  
livor malignorum,  
Puer flatu confovet  
summum digitorum,  
Mox scintillae saliunt,  
lumen fert in chorum.

3. Vere virtute praeditus,  
Cujus coxit anhelitus  
Piscem crudum, quem monitus  
Tulit ales divinitus.

Responsoria.

1. Dies ista laudibus  
expendatur tota  
Ad honorem praesulis,  
quem produxit Bota,  
Cujus tot virtutibus  
gaudet plebs devota.  
V. Digitis ignem traxit,  
Piscem crudum matri coxit  
Flatu sacer parvulus.  
2. Senex venerabilis  
Cathanus laudabilis  
Aetate tenerum  
doctrinis imbuit  
Et mores docuit  
Blaanum puerum  
V. Profectu spiritus  
et casti corporis  
Explevit spatium  
mox multi temporis.  
3. Lampas ardoris,  
vas lucis flosque pudoris,  
Moestis solamen  
praebens aegrisque juvamen,  
Stella micans tenebris,  
precibus mala dilue crebris,  
V. Fac cordis sanae  
fiant plagae, sancte Blaane.

In 2. Nocturno.

Antiphonae.

1. Fide stat solidus,  
non corde duplici,  
Defunctum suscitavit  
a morte triplici.  
2. Pavit mirabili  
messores pabulo  
Mentis et corporis  
dans cibos populo.

3. Secundus Moyses  
petram percusserat,  
Fons statim scaturit,  
plebem refrigerat.

Responsoria.

1. Puer navicula  
contexta vimine  
Cum matre ponitur  
absque solamine,  
Sed pio regitur  
divino numine.  
V. Mater cum parvulo  
fretum abhorruit,  
Nam remis, remige  
et velis caruit.  
2. In hoc sancto Dominus  
docet revereri  
Omnes suos servulos,  
quos habet tueri,  
Qui quandoque pii sunt,  
quandoque severi.  
V. Mox ictu fulminis  
prostrati corruunt,  
Qui vaccas praesulis  
injuste rapiunt.  
3. Dum rediret peregre  
vir Deo devotus,  
Filius resuscitavit  
regis pie motus,  
Vitam, visum, speciem  
reddens orat totus.  
V. Laudetur Dominus  
in cunctis populis,  
Per quem Blaanus tot  
fulget miraculis.

In 3. Nocturno.

Antiphonae.

1. Fidem, mores instruens  
Christi dilatavit  
Cultum et, quod docuit,  
signis confirmavit.  
2. Aureo candelabro  
ut lucet lucerna,



Sic Blaanus micuit  
sitiens aeterna.

3. Columna marmorea  
basi stans argenti  
Fuit ejus castitas  
cum fide ferventi.

Responsoria.

1. Gulosos damnat saeculi  
Per disciplinam vituli,  
Cui cum signum apposuit  
Crucis, statim abstinuit,  
Contentus semel sugere,  
Docens nos parce vivere.
- V. Sic columna stabilis  
fulsit dei templum.  
Vitae bonae posteris  
relinquens exemplum.
2. Ignis mirificus,  
ducens populos in amorem,  
Piscis, apri, cervi  
cunctis dant signa stuporem;
- V. Hinc resonent psalmi  
meritis antistitis almi.
3. O felix transitus  
Blaani praesulis,  
Bota nunc jubilet  
prae cunctis insulis.  
Quae talem protulit  
concivem angelis,  
Quo domus Domini  
fulget miraculis.
- V. Jesu, nos adjuva  
Blaani precibus,  
Offensas diluens,  
ditans virtutibus.

In Laudibus.

Antiphonae.

1. Laudes Deo debitas  
devote reddamus,

Qui Blaani praesulis  
festa celebramus.

2. Virum sanctum praedicans  
livor novi fontis,  
Signo satis obstupens  
plebs monocerontis.
3. Mente vigil, corpore  
dormiens ut leo,  
Orans, psallens, praedicans,  
sic adhaesit Deo.
4. Benedicant Dominum  
omnes creaturae,  
Dum pro sanctis singulae  
mutant vim naturae.
5. Prosint nobis merita  
beati Blaani,  
Per quem aegri duplici  
morbo fiunt sani.

Ad Benedictus.

- A. Jesu dulcissime,  
preces considera  
Blaani praesulis,  
non nostra scelera,  
Ejus da meritis,  
ut mens, vox, opera  
Tecum nos collocent  
in parte dextera.

In 2. Vesperis.

Ad Magnificat.

- A. Ardens, lucens, eminens,  
lampas castitatis,  
Alme praesul, oleum  
praebe pietatis,  
Lumen praebe gratiae  
sanans a peccatis,  
Duc nos ad perpetuum  
regnum claritatis.

Brev. Aberdonense imp. Edinburgae 1510. — In 1. Vesp. Ad Magnif. A, 4 praesul fehlt. — Ad Matut. Invit. 3 sq. Quo sunt praecipue festa Blaane. — In 1. Noct. A 2, 1 exstinguerit. — A 3, 1 virtute est. — R 3, 8 fuit plagae. — In Laud. A 2, 4 monocerontis (sic). — A 5, 1 Proposuit nobis. — Ad Bened. A, 7 colloceat. — Ad Magn. A, 5 gratia.

28. De sancto Bonito.

In 1. Vesperis.

Super Psalmos.

- A. Confessor Domini, Bonite,  
adstantem plebem corrobora  
sancta intercessione,  
Ut, qui nostrorum  
pondere premimur,  
Tuae beatitudinis  
meritis sublevemur  
Et te duce aeterna  
praemia consequamur.

Ad Magnificat.

- A. In transitu incliti  
Patris Boniti  
Coeli nobilitantur gaudiis  
Et nos prosequamur laudibus.  
Ave, praesul inclite,  
Ave, Dei amice,  
Concilia nobis regem nostrum,  
Qui te nobis providit patrem  
pium.

Ad Matutinum.

Invitorium.

Surgite demus ei laudes,  
quem laus decet omnis,  
Per quem Bonitus  
bonitate fuit redimitus.

In 1. Nocturno.

Antiphonae.

1. Sanctus iste legi Dei  
insistendo floruit,  
Vitae fructus instar ligni  
salutaris protulit.
2. Sanctitatis in timore  
servivit altissimo,  
Cujus monte cum sanctorum  
nunc gaudet collegio.
3. Vana sprexit corde puro  
ambiens coelestia,

Templum Dei salutare  
factus atque hostia.

4. Gloriose coronatur  
Tuus, Christe, vernula,  
Quia tibi voluntate  
Adhaesit mundissima.
5. Ore, mente benedixit,  
Christe, tuo nomini,  
Qui ubique populorum  
Haberis mirabilis.
6. Aequitatem amplectando  
sectator justitiae  
Ad coelorum tendens regna  
migravit feliciter.

Responsoria.

1. Vir electus sanctitate,  
Bonitus et nomine,  
Genus altum, quo processit,  
extulit egregie,
- V. Summi patris factus haeres  
adoptivus gratiae.
2. Matris alvo clausus infans  
Deo notus pontifex,  
Ut sacerdos salutatur  
a quodam pontifice,
- V. Velut alter Jeremias  
sacratus ab utero.
3. Votis cunctorum favente  
divina clementia  
Ex praefecto insignitur  
praesulatus infula,
- V. Reddens Deo, quae sunt Dei,  
Caesari, quae Caesaris.
4. Bonite, Christi confessor,  
audi rogantes servulos  
Et impetratam coelitus  
tu defer indulgentiam.
- V. O sancte Bonite,  
Sidus aureum,  
Domini gratia  
Servorum gemitus  
Solita suscipe  
clementia.

In 2. Nocturno.

Antiphonae.

1. Dolo caret sancti vita  
veritate lucida,  
Unde Sion montis nactus  
est nunc tabernacula.
2. Cordis ejus voluntatem  
tribuisti, Domine,  
Coronando eum digne  
corona lactitiae.
3. Innocentum iter sequens  
animi munditia  
Jacob scala Hierusalem  
novae scandit moenia.
4. Sequestratus a malignis  
dignis vitae moribus  
Eidem conregnat coelo,  
cujus haesit laudibus.
5. Supernorum jucundatur  
concentu hymnidico,  
Quem in terris promerendo  
suspirabat animo.
6. Arbor cedrus ut odora  
fraglabat virtutibus  
Nocte die insistendo  
divinis operibus.

Responsoria.

1. Quidam claudus tactu sancti  
praesulis erigitur  
Et ex aqua lotae manus  
multis salus redditur.
- V. Erat enim pes lapsorum,  
infirmorum baculus.
2. Hoste captos in eundo  
signo crucis expiat  
Et credenti mulieri  
absens lumen reparat,
- V. Fides enim faciebat  
eum Deo proximum.
3. Matrona quaedam manibus  
pedibusque debilis  
Et privata luce solis  
patentibus oculis

Dreves, Historiae rhythmicæ. II.

Virum Dei licet absens

fide plena petiit

Et, o mira Christi virtus,  
subito convaluit;

- V. Lux refulsit, valens membris,  
non nigrata exstitit,  
Sed patronum mox adiit,  
grates egit, rediit.
4. Miles Christi gloriose,  
Bonite sanctissime,  
Tuo pio interventu  
culpas nostras ablue,
- V. Ut coelestis regni sedem  
valeamus scandere.

In 3. Nocturno.

Ad Cantica.

- A. *In sapientia Dei semper moratus est sacer praesul Bonitus: ideo bona illius stabilita sunt in Christo et eleemosynas illius enarrabit omnis ecclesia sanctorum.*

Responsoria.

1. Romam tendit dum beatus  
vir orandi gratia,  
Ejus prece rex fidelis  
usus est victoria,
- V. Per hunc et nos triumphemus  
cum Christo in gloria.
2. Theoriae volens sanctus  
vacare liberius,  
Successore subrogato  
est effectus monachus,
- V. Sanctior ut sanctus  
melior fieretque beatus.
3. Orans nocte vir beatus  
coeli vidit agmina,  
Quibus summi sacerdotis  
exhibet officia,
- V. Adest simul et Maria  
cum sua familia.
4. De virtute in virtutem,  
gloriose pontifex,





Ad Magnificat.

- A. Deo carnis edidit  
Brigida candorem,  
Relativum reddidit  
Benignus honorem,  
Siccum lignum niveum  
Designans pudorem  
Ad tactum virgineum  
Resumpsit virorem.

Ad Matutinum.

Invitatorium.

- Totus orbis Brigidae  
Plaudat in amorem,  
Puritatis floridæ  
Currat in odorem.

In 1. Nocturno.

Antiphonæ.

1. Rex coelestis humilem  
Ancillam respexit,  
De qua prolem nobilem  
Brigidam provexit.
2. Prolis exordium  
Multa prodigia  
Praecurrunt gaudium  
Praefigurantia.
3. Nocte matris lectulum  
Lux irradiabat,  
Nasciturae meritum  
Prolis designabat.

Responsoria.

1. Felix Hiberniam  
Beat Lagenia,  
Declarat Brigidam  
Gignens prosapia.  
De qua laetitiam  
Sumat ecclesia.
- V. Praesignant Brigidam  
Multa miracula  
Futuram placidam  
Coelesti gratia.

2. Hanc de Britannia  
Praesules praedicant,  
Ejus natalia  
Magi magnificent,  
Hanc luminaria  
Coeli prognosticant.
- V. Nam globus igneus,  
Splendor aethereus  
Sanctam notificant.
3. In albis clerici  
Vestibus coelici  
Natam sanctificant,  
Aquis baptismatis,  
Liquore chrismatis  
Hanc Deo dedicant,
- V. Post vestem candidam  
Collatam Brigidam  
Sanctam specificant.

In 2. Nocturno.

Antiphonæ.

1. Fusa super parvulam  
Gratia coelestis  
Monstrat Christi famulam  
Signis manifestis.
2. Ardens velum niveum  
Multis apparebat,  
Quod caput virgineum  
In cunis tegebat.
3. Candor veli niveam  
Carnis castitatem,  
Praesignavit igneam  
Ardor caritatem.

Responsoria.

1. Lacte, quod premitur  
De vacca candida.  
Per sanctam feminam  
Cibatur Brigida,  
Rejicit omnia  
Magi cibaria.
- V. Lucis ad tenebras,  
Cum sint contraria,  
Non erat aliqua  
convenientia.

2. Proficit in moribus  
     Infra patris septa,  
     In cunctis operibus  
     Gratiam adeptā,  
     Crescit ejus manibus  
     Res quaevis recepta.
- V. Sicut lecytus liquoribus,  
     Hydria farinae panibus  
     Abundat in Sarepta.
3. Virgo decoratur,  
     honor amplius ei cumulatur,  
     Synodus instabat,  
     nova Brigida stella micabat,  
     Sacra cohors plaudit,  
     quia signum coelitus audit.
- V. Presbyter hanc aliam  
     denuntiat esse Mariam.

In 3. Nocturno.

Antiphonae.

1. Vertens in cervisiam  
     Fontanum liquorem  
     Nutricis inopiam  
     Pellit et languorem.
2. Quidquid vidit oculo  
     Vel manu tangebāt,  
     Coelesti miraculo  
     Crementum sumebat.
3. Christo, bis sex apostolis  
     Vaccas devota dedicat,  
     Impletis cunctis vasculis  
     Butyrum se multiplicat.

Responsoria.

1. Larga manus Brigidae  
     Cani carnis avidae  
     Frusta quinque jecit,  
     Grande per miraculum  
     Nullum sibi ferculum  
     In coena defecit.
- V. Horum gestat omnium  
     Hospes testimonium,  
     Quem virgo refecit.

2. Felix virgo viscera  
     Gerens pietatis  
     Ensem patris dextera  
     Domat caritatis.  
     Rex stupet ad opera  
     Tantae largitatis.
- V. Illa voce libera  
     Dixit: Rex. credatis,  
     Hinc vos, vestra cetera  
     Date Christo gratis.
3. Regnum mundi respuit  
     Virgo Deo grata,  
     Mira res, quam voluit,  
     Et est impetrata,  
     Oculus nam crepuit,  
     Ne sit maritata.
- V. Hunc Deus restituit,  
     Postquam est velata,  
     Facies plus placuit  
     Christo reformata.

Ad Laudes.

Antiphonae.

1. Thalamum sponsi Brigida  
     Gaudens introivit,  
     Quem caritate fervida  
     Semper concupivit.
2. Nata lacte calido  
     Signanter est lota,  
     Ut pudore candido  
     Vivat nitens tota.
3. Cella pudicitiae.  
     Brigida, fuisti.  
     Speculum munditiae.  
     Virgo, sponsa Christi.
4. Dum devote sequitur  
     Opus pietatis,  
     Odor late spargitur  
     Tantae sanctitatis.
5. Leprosus subsidium  
     Petens caritatis  
     Sentit beneficium  
     Plenae sanitatis.



Ad Benedictus.

- A. Vera pollens  
 Virgo munditia,  
 Pietatis  
 ferens insignia,  
 Sanitatum  
 dotata gratia,  
 Post mortem carnis  
 vivit in gloria.

Antiph. ms. Clondalkinense saec. 15. Cod. Coll. SS. Trinitatis Dublinen.  
 B 1. 3. A. — Antiph. ms. Kilmoonense saec. 15. Cod. Coll. SS. Trinit. Dublinen.  
 B 1. 5. B. — Brev. ms. Dublinense saec. 15. Cod. Coll. SS. Trinit. Dublinen.  
 B 3. 13. C.

In 1. Noct. R 1, 4 Gignans A. — In 3. Noct. R 2, 10 Dare Christo A. —  
 Ad Laud. A 2, 1 Natam A. — A 4, 3 Odor lacte A.

### 30. De sancta Brigida.

In 1. Vesperis.

Super Psalmos.

- A. Festa piae Brigidae  
 devote praevenientes  
 Christum laudemus  
 solemnī voce canentes.
- R. Fulget dies hodierna,  
 Quam venustat lux Hiberna,  
 Cujus lampas et lucerna  
 Sede micat in superna.
- V. In Brigidae festo,  
 pia concio, pervigil esto.

Ad Magnificat.

- A. Jucundetur prole laeta  
 Virgo Sion filia,  
 Quam cum rosis rubicundis  
 Mire vernant lilia,  
 Quibus juncta jam centenos  
 Fructus metit Brigida,  
 Quae fallaces mundi nexus  
 Mente sprebit rigida.

Ad Matutinum.

Invitatorium.

- Votum, multimodas  
 et puri pectoris odas  
 Auctori vitae,  
 fratres, jubilate venite.

In 2. Vesperis.

Ad Magnificat.

- A. Lux Brigida Lageniae,  
 Character castitatis,  
 Cella patens clementiae,  
 Resina pietatis,  
 Posce tuae familiae  
 Levamen a peccatis,  
 Post transitum miseriae  
 Quietem claritatis.

In 1. Nocturno.

Antiphonae.

1. Coeli jure modulantur  
 Brigidae magnalia,  
 Cujus artus puerili  
 dum reguntur fascia,  
 Quod sit princeps regionis,  
 diva prodit gratia.
2. Vir a sponso commonetur,  
 Ut ancilla venundetur.  
 Ejus prole nam veretur,  
 Haeres suus ut gravetur.
3. Dum vomit ista cibos  
 magici, signatur ei bos,  
 Qua sustentatur,  
 vomica nec abinde gravatur.

Responsoria.

1. Celebremus concinentes  
 Brigidae magnalia,  
 Quae illustri Hibernorum  
 exorta prosapia  
 Christo suae juventutis  
 dicavit primordia.
- V. Prudentum metas  
 puerilis transvolat aetas.
2. Hanc ut regi pater vendat,  
 curru vehit proprio.

Quae miserta paupertatis  
patrem privat gladio,  
Quem offensus rex admirans  
ense pacat alio.

V. Sic ne meretur,  
manus ejus larga meretur.

3. Fracto scypho septiformi  
vir necandus rapitur,  
Pro quo regem praesul orat  
et repulsam patitur,  
Sed collectis hinc fragmentis  
Brigida consulitur,  
Qua signante reformatur  
vas et miser solvitur.

V. Sic dum compescit  
regem, famosa nitescit.

### In 2. Nocturno.

#### Antiphonae.

1. Pia virgo Brith recepta  
Brigida hospitio  
Ejus pedes aqua lavit  
pietatis studio,  
Quo aegrotans virgo sana  
redditur obsequio.
2. Dum cibatur haec, spectatur  
super mensam Satanas,  
Contestatur hic et fatur  
virginis insidias,  
Quae sanatur et sacratur  
Deo reddens gratias.
3. Dumque fovet haec misellas  
balnei obsequio,  
Aegrotantes hoc bis bini  
sanantur officio,  
Caeca videt, lepra cedit,  
obsessa daemonio  
Liberatur, haec curatur  
morbo paralytico.

#### Responsoria.

1. Consecrata virgo parit,  
et Bron pater dicitur,  
Negat insons, mater instat,  
Brigida consulitur,

Consignatur ore rea  
tumens nec vincitur,  
Sed parentem puer jussus  
pandit et cognoscitur,

V. Praesul lactentis  
datur insons ore loquentis.

2. Haec impensas, quas pararat  
Christi natalitio,  
Has egenis erogavit  
ex affectu solito,  
Sed plebeus reparavit  
quaeque sumptu regio,  
Quod rex stupens haec dicavit  
virginis obsequio.

V. Liber signatur,  
plebeus dum famulatur.

3. Hujus equis captis fures  
plena petunt horrea,  
Quos laborant onustare  
multa frugum copia  
Et, dum sperant repedare  
Brigidae tuguria  
Intrant [atque] subseructantur  
et fatentur singula.

V. Hi dum solvuntur,  
fruges Brigidae tribuuntur.

### In 3. Nocturno.

#### Antiphonae.

1. Dumque turbae verbum vitae  
sereret Patritius,  
Taetro die nubes clara  
lapsa patet coelitus,  
Cujus causam jussa pandit  
Brigida quantocius,  
Dicens, bustum hoc signari  
praesulis divinitus.
2. Aqua plenum vas signatum  
lapsum non conteritur,  
Res stupenda, sed nec aquae  
stillula dilabitur,  
Ast servata sacramentis  
divinis infunditur,  
Et perfusus quisque aeger  
hac saluti redditur.

3. Vir insanus dum devotae  
occursaret virgini,  
Jussis parens mox prorumpit  
in haec verba Domini:  
Ama Deum, et amabunt  
te reges et populi,  
Et te Christum venerantem  
contremiscent singuli.

Responsoria.

1. Haec vix virgo vigilando  
moram noctis impetrat,  
Quem deluso sub lictore  
pernox prece liberat,  
Nam dum lictor ferit, vinctus  
Brigidam vociferat,  
Et mox liber et illaesus  
eam versus properat.
- V. Solvitur ecce reus,  
compungitur et basileus.
2. Rex hanc multis ditans donis  
benedici meruit,  
Quem configens hostis ense  
fugam clam arripuit,  
Flent ministri, quos confortans  
rex sanus apparuit,  
Sicque dextra consignantis  
rege salvo claruit.
- V. Haec velut hortatur,  
rex hosti pacificatur.
3. Praesul Hercus et haec virgo  
Herae montem adeunt,  
Atque lassati ministri  
arent et esuriunt,  
Quos, ut virgo docet, quidam  
cibi mox reficiunt  
Et effossa terra fontis  
aquas jussi hauriunt,
- V. Ut jubet haec, undas  
dat tellus jussa profundas.

Ad Laudes.

Antiphonae.

1. Laudum vota, plebs devota,  
Brigidae conjubila,  
Et sonoris odis oris  
Vox transcendat nubila.

2. Haec leprosis ulcerosis,  
Ut se lavent, imperat,  
Et haec unda carne munda  
Obsequentes liberat  
Et sanatum haec elatum  
Lepra recte ulcerat.
3. Hospites deliciari  
coquam virgo praecipit,  
Quae nihil, quo obsonentur,  
in coquina reperit,  
Sed hanc jussa scopis mundat  
et orare incipit,  
In qua cibos hora sexta  
Dei dono suscipit.
4. Ad se turbae properanti  
Nocte silvis et erranti  
Hujus prece lampas luxit  
Et ad aedes hanc perduxit  
Et, ut ipsa prophetavit,  
Horum pedes aqua lavit.
5. Haec affectu pietatis  
patrem suum visitat,  
Hujus aedes comburendas  
prima nocte praedicat,  
Et vix suis hinc eductis  
furens hostis advolat,  
Tecta cremat, ast sic virgo  
se suosque liberat.

Ad Benedictus.

- A. Redemptori Israelis  
Benedicat plebs fidelis,  
Cui soli virgo nupsit,  
Cujus nobis dies luxit,  
Quae soluta carnis mole  
Jam virtutum in decore  
Sponsum suum contemplatur  
Et contemplans jucundatur.

In 2. Vesperis.

Ad Magnificat.

- A. Plebs in festo Brigidae  
Dominum magnificet  
Et exsultans spiritu  
modulos amplificet,



Qui effectos humiles  
nos sibi gratificet  
Ac istius precibus  
in coelis glorificet.

Brev. ms. Anglicum saec. 13. Cod. Parisien. 12036. — In 3. Noct.  
R 2. 4 clam arripuit fugam. Hs.

### 31. De ss. Cantio. Cantiano, Cantionilla.

#### In 1. Vesperis.

##### Antiphonae.

1. Impari qui gaudes  
numero, Deus. accipe laudes,  
Quas pro martyribus  
dat chorus iste tribus.
2. Sunt revera tres,  
quos dat generatio fratres.  
Dictos nominibus  
paene quasi paribus.
3. Nomen idemque fere  
fuit his, quia mente fuere  
Hi tres sicut idem  
corde tenendo fidem.
4. Tempore quo siquidem  
Romae residentia pridem  
His tribus egregiis  
facta fuit sociis,  
Exiit edictum  
gladiis quod in urbe prae-  
ceptum  
Plebs Christi caderet,  
ni sacra dis faceret.
5. Istud ad auditum  
fratrum dum venit edictum,  
Mox iter arripitur  
Romaque deseritur.
- R. Urbs tandem petitur  
Aquileja. sed reperitur  
Plus quam Romae gens  
hic pietatis egens.  
Urbe subintrata  
gens accurrit scelerata,
- V. Quae praecepit eis  
sacrificare diis.

#### Ad Magnificat.

- A. Servi quando feri  
cogunt hos, nolle fateri  
Natum matre Deum,  
plus profitentur eum,  
Christi jussa colunt.  
pro cujus nomine nolunt  
Sic prece sic pro vi  
sacrificare Jovi.

#### Ad Matutinum.

##### Invitatorium.

Cantica solvantur  
Christo, per quem trabeantur  
Certi martyrii  
Cantius et socii.

#### In 1. Nocturno.

##### Antiphonae.

1. Unanimes aequae  
fratres sunt speque fideque  
Et secum geminis  
sic amor vivit in his.
2. Hos Christi inesse  
facit ardentes amor esse.  
Spes reddit stabiles  
atque fides humiles.
3. Christum sectantur,  
Christi magnalia fantur.  
Semper ad hunc clamant,  
quem veneranter amant.

##### Responsoria.

1. Ex tribus ut sensit  
judex, ad quid sua mens sit,  
Ira cor exurit  
ejus et inde furit.

- Tunc Romam misit,  
quod agendum scire sibi sit  
V. Jussaque sunt scribi  
verba remissa sibi.
2. Princeps Romanus  
Jove teste Diocletianus  
Mandat, ni sacra dent,  
quod simul ense cadent.  
Judex hoc lecto  
jubet hos dare sacra profecto,
- V. Nam vult mandatum  
principis esse ratum.
3. His est cura sequi  
Christum fervente fide, qui  
Est a patre datus,  
virgine matre satus,  
Et, quia res sic est,  
judex sententia dicit.
- V. Ut perdant capita,  
jus jubet et ita.

In 2. Nocturno.

Antiphonae.

1. Ut necis auditur  
sententia, currus aditur,  
Junguntur muli,  
sic abeunt simul hi.
2. His via tardatur,  
cum mulus mortificatur,  
Et, quae captatur,  
proxima palma datur.
3. Accelerant servi  
crudeles atque protervi  
Et, quos dant egredi,  
mox faciunt regredi.

Responsoria.

1. Non fuga dicatur  
via fratrum, quae revocatur,  
Nam quasi sic dicat,  
haec via significat:  
Illum, quem colimus,  
sequimur, properate, prae-  
imus,
- V. Sumite, quis prohibet,  
figite tela. libet.

2. Absit eis, fuga sit  
iter hoc, quod mens pia suasit,  
Nec desiderium  
martyrii minuit;  
Ut manifestentur,  
abeunt poenisque parentur,
- V. Sic abeundo patet,  
quod sibi mente latet.
3. Si quaesivissent  
latebras sibi, cum potuissent,  
Iter arriperent  
nocte suum, fugerent;  
Non latebris inhiant,  
Christi sed ut hostia fiant,
- V. Quaerunt, quod cupiunt,  
non igitur fugiunt.

In 3. Nocturno.

Antiphonae.

1. Usum quando viae  
Jezabel obstruxit Eliae,  
Currus aetherei  
contigit usus ei.
2. Martyrii palmam  
dum sic ducuntur ad almam,  
Curru sunt lati  
judicis armati.
3. Si sit bigarum  
collatio facta duarum,  
Aequo conspicuae  
sunt in honore duae.

Responsoria.

1. Ad requiem laetam  
si pertulit illa prophetam,  
Ad palmam pariles  
tres trahit haec pugiles;  
Aeris axe vias  
Ignito scandit Elias.
- V. Catholicae fidei  
tres liquet igne vehi.
2. Inspecto tandem.  
quod tam constanter eandem  
Mentem tres habeant,  
quod retrahi nequeant,  
Ensis vibratur  
magis et superesse negatur,

- V. Instant fata nec his  
maesta fit hora necis.
3. Laudibus immensis  
intenti, dum micat ensis,  
Colla neci tradunt  
sicque sub ense cadunt;  
Miraque res dictu,  
quod in ipso lac fluit ictu,
- V. Res tamen haec liquide  
cognita digna fide.

Ad Laudes.

Antiphonae.

1. O felix omen,  
quod fratrum nobile nomen  
Non est fortuitum  
vel sine re positum.
2. His datur exortus  
a cantu nominis ortus,  
Mens quibus una manens  
est super astra canens.
3. Quos dedit aequales  
mens, nomen, origo sodales,  
Hos res dispariat  
nullave dissociat.
- Cod. Parisien. 17331. saec. 16.

32. De sancto Castore.

In 1. Vesperis.

Ad Magnificat.

- A. Laus tibi, rex aeternae,  
Laus et decus perenne,  
Cujus castus amor,  
Quo exarsit Castor,  
Tulit ipsum mundo  
Et invexit coelo,  
Ubi fulgens gloriosus  
Adsit gregi pastor pius.

Ad Matutinum.

Invitatorium.

- Auctori vitae  
vigiles jubilate venite,  
Cui vigilans pastor  
vivit super aethera Castor.

4. Hi simul occisi,  
simul ad patriam paradisi  
Tendunt, et simul his  
laus datur in populis.
5. Ut simul quorum  
meritorum sicque locorum  
Sunt hi sortiti  
dona quiete siti.

Ad Benedictus.

- A. Ne nos cum reprobis  
damnet sententia, nobis  
Da per martyrrium,  
rex pie Christe, trium.

In 2. Vesperis.

Ad Magnificat.

- A. O Canti, sacer exora,  
quod justitiae rex  
Nos lavet a vitiis  
vilibus et variis,  
Vosque preces reliqui  
duo fundite, nos ut iniqui  
Hostes nequitia  
non trahant ad vitia.

In 1. Nocturno.

Antiphonae.

1. Effloruit tamquam lignum,  
Quod a Deo est plantatum,  
Fructum Castor justitiae  
Suo ferens in tempore.
2. Apprehendit disciplinam,  
Ne perderet viam justam,  
Qua tendebat in directum  
Super Sion montem sanctum.
3. Dum tribulat se gravius  
Suscepit eum Dominus,  
Cui gloria est et salus  
Et exaltans caput ejus.

Responsoria.

1. Sanctus Castor a puero  
Jam praeventus Dei dono



- Non in terra sed in coelo  
Conversabatur animo,  
V. Quia melior est dies una  
In atriis Dei super milia.
2. Praeclaræ puer indolis  
Sacris traditus studiis  
Mox thesauros plenissimæ  
Adeptus est scientiæ;  
V. Quem diligens rex in sua  
Introduxit cellaria.
3. Christum nudus ardens sequi  
Et abnegans semet sibi  
Sanctum petit Maximinum,  
Fama et vita maximum,  
V. Ut cum sancto fiat sanctus,  
Cum electo sit electus.

In 2. Nocturno.

Antiphonæ.

1. Hic vultus tui lumine  
Insignitus, o Domine,  
Ut in pace in idipsum  
Requiescat, fugit mundum.
2. Ergo sperans in te, Deus,  
Cujus scuto stat protectus,  
Voto petit martyrium,  
Ut exsultet in æternum.
3. Arianos gentilesque  
Revincis ejus dogmate,  
Hinc gloria et honore  
Coronas eum, Domine.

Responsoria.

1. Sub praesule Maximino  
Gradu functus Levitico  
Dignissime Castor sanctum  
Exhibuit officium.
- V. Audite et mundamini,  
Qui vasa fertis Domini.
2. Dum pro summis virtutibus  
Dignis effertur laudibus,  
Laudes suas a seipso  
Quodam repellit odio,  
V. Quia nescit gloriari  
Nisi in cruce Domini.

3. O caritas summa viri,  
Qua requirit vultum Dei,  
Quam sacerdos consecratus  
Ut contempletur dulcius,  
Secessit petens eremum  
Quasi quietis lectulum.
- V. Ecce, inquit, tu pulcher es,  
Dilecte mi, et decorus,  
Lectulus noster floridus.

In 3. Nocturno.

Antiphonæ.

1. Confusus est in Domino,  
Quem diligens corde toto  
Transmigravit a patria  
Amoris ejus gratia.
2. En in monte Dei sancto  
Requiescit ex merito  
Operatus justitiam  
Castor et innocentiam
3. O Domine, rex virtutum,  
Qui confessorem tuum  
Dignatus es praevenire  
In tua dulcedine,  
Cui vitam tribuisti  
In saeculum saeculi.

Responsoria.

1. Vir insignis virtutibus  
Vitæ coelestis splendidus  
Ad exemplum sanctitatis  
Ut lampas fulsit subditis,
- V. Quoniam illuminasti  
Lucernam ejus, Domine.
2. Vere crucis Christi servum,  
Qui per crucis signaculum,  
Quos terruit naufragio,  
Mox eruit periculo.
- V. Dexterâ Domini fecit virtutem,  
Dexterâ Domini exaltavit eum.
3. Pretiosus Dei Castor,  
Mundi fortis triumphator,  
Morte sacra per eremum  
Ad supernam scandit Sion,  
Qua coronam gestans vitæ  
Regi conregnât gloriæ.

V. Qui tam sublimis  
prece nos sustollat ab imis.

Ad Laudes.

Antiphonae.

1. Mens pia Castoris,  
lumbos praecincta vigoris,  
Morte triumphata  
fruitur sibi sorte parata.
2. Christo, cui promptus  
servivit cum pietate.  
Conregnat junctus,  
cui laetantes jubilate.
3. Te solum cernens,  
pro te, Deus, omnia spernens,  
Ad te transivit,  
quem toto corde sitivit.
4. Flammis in Domino  
superatis tot vitiorum  
Gaudet cum Domino  
cantans hymnum puerorum.

5. Sanctorum coetus  
tam sancto compare laetus,  
Quo miles gaudet.  
regem pro milite laudet.

Ad Benedictus.

A. Benedictus rex coelestis  
Et in coelis et in terris.  
Qui Castoris sublimia,  
Quae in coelis sunt merita,  
Et in terris angelico  
Declaravit oraculo.

In 2. Vesperis.

Ad Magnificat.

A. O pater beatissime.  
Pastor vigilantissime,  
Gregem tuum continuis  
Serva, Castor. vigiliis,  
Ut Dominum redeuntem  
A nuptiis et pulsanter  
Mox vigilans excipiat.  
Cum quo vitam percipiat.

Brev. ms. S. Castoris ad Confluentes? saec. 13. 14. Cod. Laudunen. 260.  
A. — Brev. ms. S. Florini ad Confluentes saec. 15. Cod. Semin. Maguntin.  
s. n. B. — Brev. ms. S. Castoris ad Confluentes saec. 15. Cod. Capit. Treviren.  
193. C. — In 3. Noct. R 1. 5 Quoniam tu illuminasti A. — Ad Laudes  
A 2, 1 Christus cui A. — Die Herkunft von A bleibt fraglich, weil das  
Kalendarium zum 17. Juli Dedicatio Aquensis, zum 10. Oktober Anni-  
versarium defunctorum fratrum et sororum ordinis nostri einträgt.

33. De sancto Cedda.

In 1. Vesperis.

Antiphonae.

1. Germanorum quatuor  
unus est beatus,  
Cedda, quorum quilibet  
erat consecratus.
2. Summo sacerdotio  
duo consecrantur.  
Praesulari simplici  
duo venerantur.
3. His inerat numerus  
evangelistarum,  
Per quos inde fieret  
horum opus clarum.

4. Omnes evangelium  
Christi praedicaunt  
Et vepres a vineis  
ejus exstirparunt.
5. Cedda tantum ceteris  
erat praeferendus.  
Dignitate meriti  
major est censendus.
- R. O pastor digne.  
miseris concede benigne,  
Quod poscunt a te,  
confessor Cedda beate;
- V. Funde preces Christo  
pro coetu jugiter isto.

Ad Magnificat.

- A. Sis pro nobis intercessor,  
rogamus, ad Dominum,  
Ut nos regat et perducatur  
ad coeli palatium,  
Ubi tecum et cum sanctis  
simus in perpetuum.

Alia.

- A. Pastor vigil  
gregis in medio  
Sacri verbi  
munitur gladio  
Plantans mores  
expulso vitio,  
Sed absente  
caret solatio,  
Cui favet  
ut pater filio.

Ad Matutinum.

Invitatorium.

- In qua vigent  
jugiter solennia,  
Mater virgo  
jubilet ecclesia.

In 1. Nocturno.

Antiphonae.

1. Mundi calcans gloriam  
Cedda declinavit  
Corporis lasciviam,  
Dum sese claustravit.
2. Jugo se supposuit  
Christi, quem dilexit,  
Qui tenendam docuit  
Vitam, quam direxit.
3. Qui cum vitae sanctitatis  
Ut lux se monstravit,  
Eboraci civitatis  
Archipraesulavit.

Responsoria.

1. Hunc quem magnum  
reddit auctoritas,  
Ceddam parvum  
facit humilitas,

Cui nunquam  
deest benignitas.

- V. Non attollit  
illum prosperitas  
Neque frangit  
quaevis adversitas.
2. Hic legati  
verbo paruerat,  
Cedens sedi,  
cui praefuerat,  
Clastrum petit  
et non remurmurat.
  - V. Sed indignum  
fore se dixerat  
Tanta cura,  
quam prae tenuerat.
  3. De quo Deus  
ita disposuit,  
Merciorum  
quod inde praefuit  
GREGI, regens  
hunc sicut decuit.
  - V. Orans nocte  
de die docuit,  
Per quem Christi  
nomen innotuit.

In 2. Nocturno.

Antiphonae.

1. Postes agni sanguine  
in die linivit,  
Crucis memor Domini  
carnem dum punivit.
2. Pugnans contra vitia  
palam acquisivit,  
Armis nudam ferreis  
carnem dum vestivit.
3. Qui sic fontem frigidum  
orans introivit  
Et non corpus calido  
balneo nutrit.

Responsoria.

1. Legem Christi  
qui sic tenuerat,



Ut tenendam  
fore docuerat,  
Ante finem  
scire meruerat;

V. Hinc quietae  
certus transierat.  
Qui coelesti  
regi servierat.

2. Postquam Ceddae  
lux praesens clauditur,  
Laus ipsius  
a plebe canitur.  
Hostes vincens  
hic non devincitur.

V. Vis unguenti,  
dum pyxis frangitur,  
Cunctis patet  
nec plus absconditur.

3. Occurrentes  
ad eum languidi  
Mox curantur  
et epileptici,  
Surdi, caeci  
seu paralytici;

V. Claudii, curvi,  
leprosi, marcidi  
Valent hujus  
virtute medici.

### In 3. Nocturno.

#### Antiphonae.

1. Ab habenis mortui  
mortis excitantur,  
Furiosi vinculis  
confractis sanantur.

2. Et curatis languidi  
dum congratulantur.  
Suis a languoribus  
statim liberantur.

3. Aqua tumbae pulvere  
mixta cum potantur.  
Bibentes a variis  
morbis expurgantur.

#### Responsoria.

1. Hic in carne  
vivens angelice,  
Terram terit  
conversans coelice,  
Christi legem  
servando practice  
Plene quidem  
et non ecliptice.

V. Unde Deus  
eum mirifice  
Collocavit  
in orbis apice.

2. Ceddae sancti  
contactu loculi  
Fantur muti,  
clarescunt oculi,  
Quibus visis  
exsultant populi,  
Christi legis  
tabescunt aemuli.

V. Fama transit  
in fines saeculi,  
Quod sic florent  
divini servuli.

3. Pie pastor  
et pater ovium,  
Merciorum  
gregis solatium,  
Contra mundum,  
carnem, daemonium.  
Adsit nobis  
per te remedium.

V. Ut finito  
cursu praesentium  
Capiamus  
aeternum bravium.

### In Laudibus.

#### Antiphonae.

1. Claustri clausus carcere  
Cedda monachatur,  
Ut divinis libere  
Vacans his utatur.

2. Cujus fama claruit,  
Quod pontificatur,  
Lucerna, quae latuit.  
Ne plus abscondatur.

3. Pastor pavit populum  
Pabulo doctrinae  
Reddens receptaculum  
Regulae divinae.

4. Praesulis officium  
Cedda sic implevit,  
Quod cujusque vitium  
Generis delevit.

5. Deviantes moribus  
Oves informavit,  
Persistentes actibus  
Sacris excitavit.

Ad Benedictus.

A. Praesul pie, sancte Cedda,  
ora Deum pro miseris,  
Ne peccatis aggravati  
tradamur suppliciis,

Sed in coelo perfruamur  
perennibus gaudiis.

Alia.

A. Pastor pie,  
pro tuis ovibus  
Ora Christum  
devotis precibus,  
Ut solvantur  
a lupi morsibus  
Et sint tecum  
in suis aedibus.

In 2. Vesperis.

Ad Magnificat.

A. Qui mores docuit  
purgando vitia,  
Talenta duplicans  
cepit duplicia  
De manu Domini  
regnans in gloria,  
Quo nos ascendere  
det Christi gratia.

Brev. sec. usum Sarum imp. Parisiis 1494. „In festo s. Ceddae episcopi secundum usum Lichfeldensem.“ — In 1. Vesp. **R**, 3 poscunt ad te. — Ad Magn. **A**, 1 Sis pro nobis sancte Cedda statt intercessor. — In 1. Noct. **A** 3, 3 Eboraci civitas. — In 2. Noct. **R** 1, 3 Et tenendam. — In 3. Noct. **A** 3, 1 pulvere tumbae.

### 34. De sancto Colomanno.

In 1. Vesperis.

Antiphonae.

1. Fons et origo boni,  
Deus, haec ad festa patroni  
Ejus ad exemplum  
fac nos fieri tibi templum.

2. Factor lucis sator,  
hominum miserator, amator,  
Martyris in festo  
Colomanni mitis adesto.

3. Nos fragiles, viles,  
Colomanne sacer, bone miles,  
Duc, rege, terge, tuere,  
fave, miseris miserere.

4. Nos mundare, lavare,  
juvare, Deus, memorare  
Martyris atque prece  
vitiorum dilue faece.

R. O crucifer, Colomanne,  
Plebi fave miserandae  
Et coelitus impetratam  
Fer nobis indulgentiam,

V. Ut pium apud Dominum  
Sentiamus te patronum.

Ad Magnificat.

A. Magnificeris, Domine.  
Salutaris spes animae,  
Qui beatum Colomannum,  
Humilem tuum famulum,

Exaltasti in supernis,  
Clemens salva nos meritis,  
Martyris tui precatu  
Solvens ab omni reatu.

Ad Matutinum.

Invitatorium.

Christum laudemus  
istaque die jubilemus,  
Qua scandit superos  
Colomannus, Scoticus heros.

In 1. Nocturno.

Antiphonae.

1. Beatus vir Colomannus,  
In mundo glorificandus.  
Legem meditans Domini  
Reliquit omnia mundi.
2. Ergo in timore casto  
Servire satagens Christo  
Crucem bajulavit mentis  
Indigena occidentis.
3. Unde Deus justitiae  
Hunc coelestis laetitiae  
Spe, fructu mirificavit,  
Pro quo laetus exsulavit.
4. Scuto bonae voluntatis  
Munitus vir pietatis  
Venit in terram Noricam  
Iturus Jerosolymam.
5. O quam est admirabile  
Nomen tuum, altissime,  
In quo sanctus Colomannus  
Tripudiat coronandus.
6. Domino confidens justus  
Impios non est veritus,  
Qui eum sunt persecuti  
Inique falsa locuti.

Responsoria.

1. Jesu sequens vestigia  
Colomannus Scotigena  
It Jerusalem terrestrem  
Morte empturus coelestem,
- V. Mundum reliquit noxium  
Fontem sitiendo vivum.

2. Ex alto Christus oritur  
Orientique providens  
In regionem Noricam  
Transmisit suum athletam,
- V. Curam saluti hominum  
Impendens auctor omnium.

3. Immitis gens Orientis  
Virum deiticae mentis  
Inculpat flagris multatum,  
Quod ierit exploratum,
- V. Pacifice ambulantem  
Cum his, qui oderunt pacem.

4. Post immania tormenta  
Judicis ex sententia  
Assis ovis ustulatur,  
Hinc Colomannus laetatur,
- V. Justus ut leo confidit,  
Qui, dum tortores irrisit,  
Assis ovis ustulatur.

In 2. Nocturno.

Antiphonae.

1. Domine, iste beatus  
Justitiam operatus,  
Dum contra iniquitatem  
Professus est veritatem.
2. Virtute tua, rex Christe,  
Exsultat se peperisse  
Desiderium animae  
Martyr certans legitime.
3. Innocens manu beatus,  
Mundo corde animatus,  
Patientia quam mira  
Pertulit tormenta dira.
4. Exauditus martyr sanctus  
Poenas sprevit, regna petit,  
Laetabitur in Domino,  
Triumphat dum suspensio.
5. In Sion jam nunc coelesti  
Beatus, quem elegisti,  
Votum reddidit hymnizans,  
Quod quaesivit agonizans.



6. Integrum corpus viguit,  
Dependens corta fronduit  
Juxta quod David cecinit:  
Justus ut palma florebit.

Responsoria.

1. Coelesti afflatus rore  
Vinci a persecutore  
Colomannus non poterat,  
Cui mori lucrum erat.
- V. Vincla, carceres expertus  
Persistebat intrepidus.
2. Agonista magnificus  
Isaico more sectus  
Sustinuit et forcipem  
Membratim se discerpentem,
- V. Martyr innocens et justus  
Petris candentibus ustus.
3. Septiformis spiritus  
Dono dives Colomannus  
Tortorum cruciamenta  
Sprevit ut deliramenta,
- V. Per fidem adoptionis  
Ferens vas electionis.
4. Belliger athleta.  
Colomanne, tua nece spreta  
Corda mali sueta  
munda pietate repleta,
- V. Mundi spineta  
resecans da tempora laeta.

In 3. Nocturno.

Ad Cantica.

- A. Hic martyr vere beatus  
Pane vitae est cibatus,  
Qui non abiit post aurum  
Sed Christi evangelium.

Responsoria.

1. Per evangelia dicta  
Colomannus derelicta  
Gente patria et domo  
Coelos scandit suspendio,
- V. Qui dum tantum gloriari  
Appetit in cruce Christi,  
Coelos scandit suspendio.

Dreves, Historiae rhythmicæ. II.

2. Rumaldus viso sanguine,  
Qui de pendentis corpore  
Colomanni profluebat,  
Hunc humari decernebat,
- V. Credens videre suspensum  
Post in terra viventium.
3. Rex Christe, propitiator,  
Colomannus debellator  
Potestatis aereae  
Gaudet se pro te odisse;
- V. Justus ut palma florebat,  
Cujus dum corta fronduit,  
Gaudet se pro te odisse.
4. O lux coelorum,  
Jesu, spes alma bonorum,  
Nos pius exaudi  
meritis sancti Colomanni  
Te nunc laudantes,  
orantes, glorificantes,
- V. Respice de coelo,  
servos serves ut in aevo.

In Laudibus.

Antiphonae.

1. Laudes plebs Christi  
nun athletae sonet isti,  
Ipsius a tumba  
veluti Moysen fugit unda.
2. Tyro beatus  
Mansit humatus  
Non putrefactus,  
Qui bona nactus  
Reddit ovantes  
Et jubilantes  
Se venerantes.
3. Plebs vigil in fossa  
venerantur martyris ossa,  
Sed levat in luce  
te, Deus alme, duce.
4. Te benedicat,  
Christe, beatus,  
Dum probra vicit  
Martyrizatus,

Jam prece servos  
Salvet is heros.

5. Laudent vi mentis  
Dominum cives orientis,  
Martyre qui magno  
fulciti sunt Colomanno.

Ad Benedictus.

- A. Benedictus sit Dominus,  
Per quem martyr Colomannus  
Gratiam dat sanitatis  
Pressis vi infirmitatis,

Brev. ms. Mellicense 1677 saec. 13. add. saec. 14. A. — Cod. Mellicen. 1113 saec. 15. B. — Cod. Mellicen. 934 saec. 15. C. — Cod. Sitanstetten. CCXXXII saec. 15. D. — Brev. ms. Pragense VI F 16. saec. 15. E. — Brev. ms. Scotorum Vindobonen. 52 d 10. anni 1471. F. — Brev. Kimense imp. Venetiis 1516.

Dafs die monastische Form, nicht die kurze, die B aufweist, dem Officium ursprünglich ist, beweist neben dem mutmafslichen Melker Ursprunge desselben der Umstand, dafs es auf Musik und Metrum des Benediktus-Officiums Praeclarum late etc. gemacht ist. — In 2. Noct. A 6. 2 Dependentis A. — R 2, 2 Esayco A. — R 3, 2 Colomannus fehlt A. — Hymnen: In Vesp.: Mare fons ostium: ad Landes: Salve felix miles Christi, Analecta IV, p. 121.

Qui curans caecos et claudos  
Pie nos sanet languidos.

In 2. Vesperis.

Ad Magnificat.

- A. Rex Sabaoth verbigena.  
Colomannus Scotigena  
Bonum certamen certavit,  
Dum te ad mortem amavit:  
Hujus ergo suffragio  
Omnium nostrum memento.

### 35. De sancto Columba.

In 1. Vesperis.

Antiphonae.

1. In Columbae  
sacris solemniis  
Exsultemus  
devotis gaudiis,  
Hunc laudantes  
dignis praeconiis  
Et petentes  
totis praecordiis,  
Ut juvemur  
ejus suffragiis,  
Tantis fulti  
patrociniis.
2. Tanti sancti veneremur  
diem festum singuli,  
A peccatis ut mundemur  
cordis, oris, oculi,  
Cujus prece deputemur  
sempiterno usui,  
Cum malignis ne damnemur  
post labores saeculi.

3. Coelum semper inhiabat  
Hic, dum genti praedicabat,  
Petens coeli gaudia,  
In supernis coeli cives  
Jam effectus Christi miles  
Post mundi luctamina.
4. Columba, pie serve Christi,  
Nos conserva in mundo tristi  
Et succurre cohorti isti  
In die supplicii.
5. Post labores plurimos  
Ad coelos tendens oculos  
Vitam reddit Domino,  
Per ipsius suffragia  
Nobis donet gaudia  
Regnans sine termino.

Ad Magnificat.

- A. O Culumba,  
cultor ecclesiae,  
Virgo, doctor,  
per donum gratiae

Jam securus  
in statu patriae,  
Salva tuae  
gaudentes gloriae.

A d M a t u t i n u m .

Invitatorium.

Columbae sollemnia  
Colit plebs fidelis,  
Par in terra gloria  
Deo sit in coelis.

I n 1. N o c t u r n o .

Antiphonae.

1. Felix terra edidit  
Salutare lignum,  
Columbam, qui reddidit  
Fructum Deo dignum.
2. In timore Domino  
Studuit servire  
Praecavens in termino  
Diem gravis irae.
3. Columbam, cum gerneret,  
Angelus invisit,  
A se quidquid peteret,  
Daturum promisit.

Responsoria.

1. Felix Hibernia  
Columbam genuit,  
Qui de prosapia  
Regali claruit  
Sed morum gratia  
Magis enituit.
- V. A pueritia  
Deo se praeuit,  
Carnis munditia  
Mentisque floruit.
2. Illi datum primitus  
Nomen est vulpinum,  
Sed mutatum coelitus  
Est in columbinum,  
Comprobavit exitus  
Hoc esse divinum.

V. Sicut nomen Barjona  
Transit in petrinum,  
Jacob per luctamina  
Nomen habet binum.

3. De Columba Dominus  
Angelo mandavit,  
Qui in viis omnibus  
Eum conservavit,  
Cujus fultus viribus  
Draconem calcavit.

V. Axal dictus angelus  
sanctum confortavit,  
Ipsius obsequiis  
datum se monstravit.

I n 2. N o c t u r n o .

Antiphonae.

1. Dilatatur varia  
Tribulatione  
Velut auri gloria  
Crebra tunsione.
2. Mane domum Domini  
Sanctus introivit  
Et coelesti numini  
Devote servivit.
3. Columbam per angelum  
Deus visitavit,  
Minoratum paululum  
Coelo coronavit.

Responsoria.

1. Tria sancto  
dantur insignia :  
Virginalis  
pudoris gloria,  
Praedicandae  
salutis gratia,  
Visitandi  
loca distantia.
- V. Magni Pauli  
sequens vestigia  
Plura terrae  
lustravit spatia.



2. Columba moribus  
Mitis et humilis,  
Pius egentibus.  
Cunctis amabilis  
Antiquis patribus  
Est comparabilis.

V. Sacris virginibus.  
Piis doctoribus,  
Peregrinantibus  
effectus similis.

3. Corpus edomuit  
crebris laboribus,  
In maris latuit  
nudus litoribus  
More Jacob  
pro cervicalibus  
Reclinavit

caput lapidibus  
V. Noctes sic dedicans  
devotis precibus  
Et dies explicans  
piis operibus.

In 3. Nocturno.

Antiphonae.

1. Vivens sine macula  
Carnis sanctus iste  
Intrat tabernacula  
Tua tecum, Christe.

2. Cordis desiderium  
Deus illi dedit,  
Cujus per auxilium  
Gloriam possedit.

3. Manibus innocuum,  
Sorde carnis purum  
Servum levat rex suam  
In regnum securum.

Responsoria.

1. Magorum praestigia  
Frequenter detexit,  
Ab inferni janua  
Mortuos evexit,  
Tranquillavit maria,  
Futura prospexit

V. Multorum coenobia  
Monachorum rexit,  
Oppressis angustia  
Dexteram porrexit.

2. Ignis combusserat  
Quoddam coenaculum,  
Sed nullum senserat  
Postis periculum,  
In quo pependerat  
Letale pallium.

V. Juxta primarium  
Christi miraculum  
Aqua vinarium  
Propinat poculum,  
Quam pro sancto  
Deus mutaverat.

3. Columba in patriam  
Gaudens introisti,  
Surdecræ ecclesiam  
Vivens dilexisti,  
Ducens ad memoriam  
Quod hanc coluisti,  
Velis ei gratiam  
Impetrare Christi.

V. Cui specialiter  
Pater praeuisti,  
Illique celebriter  
Esse meruisti.

In Laudibus.

Antiphonae.

1. Adest dies laetitiae,  
In quo Columba Domini  
Thronum conscendit gloriae  
Coelesti junctus agmine.

2. Mundi carens vitio,  
Mundus vita pura,  
Felici commercio  
Coeli tenet jura.

3. Ramum, signum clementiae,  
Columba portavit,  
Dum sanctus hic Hiberniae  
Genti praedicavit.



4. Ostendunt veraciter  
Vita, mors et tumba,  
Quod vixit sinceriter  
Sanctus vir Columba.

Quibus monstras  
viam justitiae,  
Nos divinae  
commenda gratiae.

5. Vita sine macula,  
Mors quam pretiosa,  
Crebra per miracula  
Tumba gloriosa.

In 2. Vesperis.

Ad Magnificat.

A. O Columba,  
qui verbo gratiae  
Illustrasti  
partes Hiberniae,

A. Columba, pacis speculum,  
Vir simplicitatis,  
Puritatis vasculum,  
Forma sanctitatis,  
Tuae nobis rivulum  
Funde pietatis,  
Poscens post hoc saeculum  
Vitam cum beatis.

Ad Benedictus.

Brev. ms. Dublinense saec. 15. Cod. Coll. SS. Trinitatis Dublinen. B 3.  
13. A. — Colgan, Trias Thaumaturga p. 454 sq. B.

A bietet einige Lücken, da die Handschrift bedauerlich angefault; B hat seinen an sich schlechten Text ebenso schlecht abgedruckt aus: Officia SS. Patricii, Columbae, Brigidae et aliorum quorundam Hiberniae sanctorum ex veteribus membranis et manuscriptis Breviariis desumpta atque ad normam officii Romani repurgata. Parisiis 1620. Dies Buch ist mir nicht möglich gewesen aufzufinden. Aus A und B läßt sich glücklicherweise der richtige Text herstellen.

In 1. Vesp. AA fehlen in B, das auch für die Vesper die AA der Laudes ansetzt. — In 1. Noct. A 2, 2—4 weggefault. — A 3, 3 se fehlt B. — A 3, 4 Daturum se B. — R 1, 6 emicuit B. — R 2, 3 coelitus fehlt B. — R 2, 7 sqq. fehlen B. — R 2, 9 prae luctamina A. — R 3, 10 ipsum se monstravit B. — In 2. Noct. A 1, 1 Delectatur B. — A 2, 2 sqq. weggefault A. — R 1, 1 sq. dantur sancto B. — R 1, 7 Visitando A. — R 3, 3 maris jacuit B. — R 3, 4 nudis litoribus B. — R 3, 5 sq. weggefault A. — In 3. Noct. A 1, 4 Tua fehlt B. — A 2, 2 Dominus dedit B. — A 3 lautet in B: Manibus innocuum | Corde purum | Servum levat securum | Rex in suum regnum. — R 1, 1 Magnorum vestigia B. — R 1, 3 In inferni B. — R 2, 1 combusserit A. — R 2, 6 De sale paululum A. — R 3 fehlt B. — In Laud. A 5, 2 sqq. weggefault A. — Ad Bened. A, 5 monstrasti A. — Ad Magn. A, 2 fehlt B.

### 36. De sancto Cuthberto.

In 1. Vesperis.

Super Psalmos.

A. Alme confessor Domini,  
praesul regis aeterni,  
Cuthberte, consors sanctorum,  
concivis coelestium,  
Exaudi preces tuorum,  
sume vota supplicum  
Et pro nobis regem regum  
ipsum posce Dominum.

Ad Magnificat.

A. Oriens sol justitiae  
Dignatus est illustrare  
Per ministros lucis suae  
Cunctos fines orbis terrae;  
Ipsi laus, qui dedit Anglis  
Lucernam suae salutis,  
Cuthbertum, bonum doctorem  
Ac pro his intercessorem.

In 1. Nocturno.

Antiphonae.

1. Auctor donorum spiritus,  
Inspirans vera vatibus,  
Per trinum fatur infantem,  
Cuthbertum fore praesulem.
2. Qui Raphaellem archangelum  
Tobiae dedit medicum,  
Cuthberti genu languidum  
Suum sanat per angelum.
3. Dum jactantur puppes salo,  
Sanctus orans haeret solo,  
Mox ventorum vis mutata  
Naves vertit ad litora.

In 2. Nocturno.

Antiphonae.

1. Edomans corpus juvenis  
In undis pernoctat maris,  
Ibi Deo vota laudis  
Ex affectu reddit cordis.
2. Mirum dictu, hinc egresso  
Et oranti genu flexo  
Membra refovent rigida  
Aequoris animalia.
3. Adest frater curiosus  
Explorans, quid agat justus,  
Quem languore et pavore  
Mox correptum sanat prece.

In 3. Nocturno.

Antiphonae.

1. Quandam vexatam daemone  
Pergit sanctus invisere,  
Sed mox dirus fugit hostis  
Fit mulier incolumis.
2. Multos hic sanavit aegros  
Languores depellens saevos,  
Multas effugavit larvas  
Virtute crucis territas.
3. Sanctus antistes Cuthbertus,  
Vir perfectus in omnibus,  
In turbis erat monachus  
Digne cunctis reverendus.

In Laudibus.

Antiphonae.

1. Christi fortis hic athleta  
Ac verus anachoreta  
Mundi tempsit haec infima,  
Quo coeli caperet summa.
2. Qui de rupe prompsit aquam  
Post in vinum vertens eam,  
Hoc utrumque donum suo  
Caro contulit Cuthberto.
3. In episcopatu suo  
Jam exacto biennio,  
Ut soli vacaret Deo  
Dilecto se reddit antro.
4. Hinc tanguntur artus sacri  
Corporis morbo letali,  
Sciens vero se resolvi  
Confortat ovile Christi.
5. Mox pater suos affatur:  
Quisque vestrum temnat mun-  
dum,  
Amet Christum, colat bonum,  
Sic supernum sumet regnum.

Ad Benedictus.

- A. Languor accrescens in dies  
Artus vexabat fragiles,  
Ipse sacras fundens preces  
Coelicas praegustat laudes.  
Dum terrenus redit, dies  
Aeternus Cuthberto quies,  
Salutares sumit dapes,  
Sic supernas scandit sedes.

In 2. Vesperis.

Ad Magnificat.

- A. O magne praesul Cuthberte,  
Cui Christus fuit vivere,  
Cui mori lucrum perenne,  
Dum post mortem vivis vere,  
Signis divinis inclite,  
Languidos sanans a labe;  
Hinc rogamus pia prece,  
Tu pro nobis intercede.



Cod. Londinen. Harl. 1117. saec. 11. A. — Brev. ms. Anglicum saec. 13. Cod. Parisien. 12036. B. — Brev. ms. Coldoniense saec. 13/14. Cod. Londinen. Harl. 4664. C. — Brev. ms. Wintoniense? saec. 14. Cod. Oxonien. Rawlin. Liturg. e 1. D. — Brev. Nidrosiense imp. Parisiis 1519. E.

In 1 Vesp. Super Ps. A fehlt ABD; C hat statt dessen: Ave praesul gloriose | Ave sidus jam coeleste etc., was eine fremde Anleihe ist. — ACD, die monastisch sind, bringen die AA von Noct. 1 und 2 in Noct. 1, die AA von Noct. 3 in Noct. 2. Ihnen fügen zur Kompletierung AD, drei prosaische AA de Communi hinzu, woraus hervorzugehen scheint, daß die monastische Form nicht die ursprüngliche ist; C komplettiert durch folgende drei AA:

4. Aves sancto obaudiunt, Corvi correcti redeunt  
Lignumque cellae fabricae Nec (!) lectum nautis fert mare.
5. Patris benignam gratiam Linquentes per septimanam  
Maris ligat undositas, Dum petit, fit tranquillitas.
6. Ut Elisaus mortuus Resuscitavit mortuum,  
Ita Cuthbertus aegrotus Sanat dissenteriacum.

In 2. Noct. stellt B A 1 und A 2 um. — In 3. Noct. ad Cantica haben AD wieder eine prosaische, C die folgende A:

Hujus vitali funere Daemoniacus aegerque,  
Paralyticus tumensque, Deformis vultu visuque,  
Diversaeque miseriae Sanantur membris menteque.

A 3, 3 Virtutibus erat monachus. — In Laud. A 3, 4 reddidit BCE. — In 2. Vesp. ad Magn. A, 6 Languidos fehlt E.

### 37. De sancto Dionysio.

In 1. Vesperis.

R. O flos doctorum,  
Dionysi, gemma decoris,  
Alta poli castra  
qui gyras ter tria, quorum  
Empyreis uni  
nos, pater alme, choris.  
V. *Omnis lapis pretiosus operi-*  
*mentum tuum, aurum opus*  
*decoris tui.*

Ad Magnificat.

A. Magna potens humilis  
per saecula magnificavit,  
Quos ad regna fides  
signata cruore vocavit,  
Eximio quorum  
nos, rex aeterne, precatu  
A peccatorum  
condenso solve reatu.

Ad Matutinum.

Invitatorium.

Lux matutina  
dum surgit praevia solis,

Haec hodie trina  
conserit astra polis.

In 1. Nocturno.

Antiphonae.

1. Fructum ligni salutaris  
Viri sancti gustaverunt,  
Voti fideique paris  
Iter justum abierunt.
2. Dum in eos fremuerunt  
Gentes vana meditantes,  
Jugum mortis diruperunt  
Legem Dei praedicantes.
3. Tribulatos dilatavit  
Deus rex justitiae,  
Cor eorum consignavit  
Vultus sui lumine.

Responsoria.

1. Germine sublimi  
Dionysius ortus Athenis,  
Fragrans more thymi,  
Quae in hortis crescit amoenis
- V. *Et quasi flos rosarum in diebus*  
*vernīs.*

2. Floribus astrorum  
decus hic juvenile polivit,  
Diopolim quorum  
fervens in amore petivit.
- V. *Suspice coelum et intueri et  
contemplare aethera.*
3. Quinque gerit lustra,  
dum sol radiis spoliatur.  
Arguit haud frustra,  
quod et ipse Deus patitur.
- V. *Occidet sol meridie et tenebres-  
cere faciam in die luminis.*

In 2. Nocturno.

Antiphonae.

1. Digne justi gloriantur  
Nomen Christi diligentes.  
In quem sperant et laetantur  
Veritatem inquirentes.
2. Inimicum destruxisti  
Cum gloria et honore,  
Laudem tibi perfecisti,  
Deus, martyrum cruore.
3. Nulli malum facientes  
Veritatem sunt locuti,  
Lingua dolum non agentes  
Christum Deum sunt secuti.

Responsoria.

1. Mellifluis pastum  
de venis astrologiae  
Accitus ad fastum  
thronus effert theosophiae.
- V. *Qui appropinquant pedibus ejus,  
accipient de doctrina illius.*
2. Vas Domini gratum  
titulos orbis speculatur,  
Ignotum natum  
passumque Deum cruce fatur.
- V. *In ipso enim vivimus et move-  
mur et sumus.*
3. Mox orbis lucis  
dum lumine mirificatur,  
Mente fideque crucis  
Dionysius irradiatur.

- V. *Dulce lumen et delectabile est  
oculis videre solem.*

In 3. Nocturno.

Antiphonae.

1. In his voluntas Domini  
Est mirificata,  
Quo pars et haereditas  
Sanctorum est conservata.
2. Hi per innocentiam  
Dei montem ascenderunt,  
A quo misericordiam  
Salutarem acceperunt.
3. O florens palma,  
summi decoris agalma.  
Gloria sanctorum  
mercesque laboris eorum,  
Ex rubris undis .  
maris hujus, Christe, pro-  
fundis  
Ad te translatis,  
pie rex, nos junge beatis.

Responsoria.

1. Dum per Clementem  
primas Gallis cathedratur,  
Spargit sementem,  
qua messis multa paratur.
- V. *Videte regiones, quia albae  
sunt jam ar messem.*
2. O fulgens stella,  
fidei fidissime testis,  
Vena fluens mella,  
confer solamina maestis.
- V. *Nomen tuum et memoriale  
tuum in desiderio animae.*
3. Alme sanctarum  
fons vivus deliciarum,  
Ad coetum procerum  
perduc nos coeligenarum  
Et da luce tui  
vultus in aethere frui.
- V. *Quoniam apud te est fons vitae,  
et in lumine tuo videbrimus  
lumen.*

Ad Laudes.

Antiphonae.

1. Laudes, Christe, domus  
tua pangat cincta decore,  
Iustorum bella  
quae sacra mirificat.
2. Sidere jam lucis  
orto Domino jubilemus,  
Pascua qui sanctos  
vexit ad alta suos.
3. In quadro rutili  
lapides tres ordine sculpunt  
Hos evangelica  
luce fideque patrum.
4. Tres cernens fidei  
pater unum pronus adorat,  
Pro tribus illaesis  
sit benedictus idem.
5. Laudemus Dominum,  
quem laudat spiritus omnis,

Brev. Zagrabiense imp. Venetiis 1484. — Ad Matut. Inv., 2 surget praevia  
solis. — In 1. Noct. A 1, 3 que fehlt. — In 2. Noct. A 3, 3 Linguam.

38. In Translatione s. Dionysii.

In 1. Vesperis.

Super Psalmos.

- A. Veni, pater Dionysi,  
Veni de Graecia,  
Veni de Gallia,  
Veni, decus paradisi,  
Ut te Germania  
Laeta foveat cantans,  
Pie Franciam supplantans.

Ad Magnificat.

- A. Gaude, Teutonia, thesaurum  
Pretiosorem jam retinens quam  
aurum,  
Ossa sacra insignis Gallorum  
apostoli,  
Areopagitae, Graeciae didascoli  
Et gentium doctoris quondam  
discipuli,  
Pro cuius laude gaudentes exul-  
tant populi.

Machina quem rerum  
trina tremendo colit.

Ad Benedictus.

- A. In domo David  
sceptrum splendescit honoris,  
Rex pacis stravit  
inimicum vimque timoris.

In 2. Vesperis.

Ad Magnificat.

- A. Ante thronum stantes,  
rerum fontem speculantes,  
Palmas gestantes,  
nova cantica continuantes,  
Testes constantes  
Domini veneremur ovantes  
Et citharizantes  
conclamemus jubilantes  
In aeternum Alleluja.

Ad Matutinum.

Invitorium.

Est huc translata  
Gallorum gloria grata,  
Hinc vigiles Christo  
Templo jubilemus in isto.

In 1. Nocturno.

Antiphonae.

1. Magnificus Imperator,  
Loci praesentis ornator,  
Arnolphus Caesar quaerebat  
Et ad Germanos ferebat,  
Ut Dionysii sacras  
Traduceret reliquias.
2. Usus pia fraude  
Caesar dignus laude  
Perfrui voto meruit,  
Quod solo presbytero aperuit,  
Quem his aptum novit.



3. Clericus cernens affectum  
Tantum imperatoris  
Pia fallacia corporis  
Sacri reliquias furatur,  
Quas imperator Arnolphus  
Germanis invehi collaetatur.

4. Sancti praesulis reliquias  
Dionysii Arnolphus  
A Gallia reductas  
Tempore vitae suae devotius  
Secum ferens glorificavit,  
Sed nostram eis ecclesiam  
Moriens pie locupletavit.

5. Felix Areopagita,  
Gemma Graeciae polita,  
Ratisponae modo pausat,  
Hoc Arnolphus Caesar causat.

6. O felicem dolum,  
Quo Germaniae solum  
Tanto thesauro ditescere,  
Tanto flore nitescere  
Meruit munere Augusti  
Fallendo non injusti.

Responsoria.

R. Primum Athenis  
Dionysius docuit,  
Demum Parisius, illic martyr  
ibidem deponitur  
Et per Arnolphum postmodum  
ad nos devectus,  
Sacris ossibus sacrat locum  
hunc flos electus,

V. Per vas Graeciae,  
Vas electionis,  
Potum Gallis gratiae,  
Transmisit Germaniae  
Nunc cum patronis.

R. Vicit Parisius  
et victor ibi tumultatur,  
Inde Dionysius  
pater hic translatus humatur,

V. Graecia quo prole,  
quo lucet Gallia sole.

R. Coelum perlustrat tertium,  
Hinc ordinat commercium,

Coelorum choros limitans,  
Pauli volatum imitans.

V. Officia hierarchica  
Distinxit et angelica.

R. Ecce Graeciae doctorem  
Et Galliae conversorem  
Urbium foves corona  
Marchiarum, Ratispona,

V. Arnolphi magni per donum  
Nobilem servas patronum.

In 2. Nocturno.

Antiphonae.

1. Doctoris Pauli discipulus,  
Nobilis Dionysius,  
Est Graeciae flos insignis,  
Areopagi didasculus  
Fit Galliae specialis apostolus,

2. Primo fit praesul Atheniensium,  
Post haec Parisiensium  
Gentium doctor.

3. Coelum cum Paulo  
magistro penetrat  
Ejusque secreta  
mundo reserat.

4. O Dionysi  
Tuis resurgant precibus  
A peccati faecibus  
His allisi.

5. Philosophorum doctissime,  
Dionysi,  
Qui secutus magistrum  
Paradisi  
Secreta perlustras  
Fraudes hostis callidas,  
Nunc invisi.

Responsoria.

1. Tecta latent tenebris  
Loca, quae lux orbe celebris  
Deserit ablata,  
qua luget gens viduata.

V. Tu loca Gallorum  
viduasti, gemma polorum.

2. Dum capsâ deponitur,  
Novus fons producitur,  
Fur pius abluitur  
V. Fonte, Dionysi,  
scaturigo potens paradisi.

3. Jubar nobile Graecorum,  
Dionysius, Gallorum  
Doctor, martyr martyri  
Emmeramo praesuli  
Praesul junctus est simili.

V. Sanctus hic et ille  
Manus misericordiae  
Nostrae pandant miseriae.

4. Convertens ad fidem Gallos  
Graecorum radians lucerna,  
Flos Dionysius,  
Pridem Parisius  
Triumpho potitus  
Ibidem est situs,

V. Translatus in Ratisponam tan-  
dem  
Meritâ sacrat eandem.

### In 3. Nocturno.

#### Responsoria.

1. Dum devotio Caesaris  
Per ossa sacrati patris  
Maximum duceret jubulum,  
Loca contegit nubilum,

V. Quae lux tanta deseruit,  
Caligo mox operuit.

2. Corruscat apud nos carnelocatus  
Hierarchiae scriba beatus,

V. In terris scribens angelica  
Pandat nobis nunc coelica.

3. Lumen Grajorum  
praefulgens arte sophorum,  
Areopagi lux,  
quem tu, verae fidei dux,  
Paule, Deo ferens,  
primus qui rexit Athenas,  
Parisius palma  
fretus deponitur alma.

V. Denuo translatus  
apud Imbriopolimque locatus,  
Hanc sacrat ecclesiam  
comes, Emerame, tibi jam.

4. O praedulcis Areopagita,  
Graeciae margarita,  
Qui dum Gallorum patriam  
convertis  
Martyrii palmam adeptus  
Proprium caput manibus detu-  
listi,

In Francia primo sepeliri voluisti.

V. Hinc translatus Ratisponam  
Ultimo die reddendam  
Apud Emmeramum martyrem  
Praestolaris coronam.

### In Laudibus.

#### Antiphonae.

1. Constans veritas inventa,  
Et signis et scripto contenta,  
Nec locum reliquit jam dubiis,  
Dionysii hoc ossa esse in templo.

2. Leo veri signa videns  
Affirmavit rem confidens,  
Omne dubium relidens.

3. Papa rem expertus  
Certo scrutinio,  
In hujus templi scrinio  
Sanctum esse doctorem  
Promulgat mundi confinio.

4. En lapides fiunt testes,  
Teutonium quod honestes,  
Dionysi sanctissime,  
Huc translatus novissime.

5. Per Augustum huc translate  
Et per papam promulgate,  
Nos defendas, hic locate.

#### Ad Benedictus.

A. Te Paulus dedit  
Christo, duce te credit  
Gallia, Machari,  
qua martyr vis tumulari,  
Tandem translatus  
hac pausas aede locatus.

In 2. Vesperis.

Ad Magnificat.

- A. Fidelis Caesar, beatis  
reliquiis potiri  
Gaudens, apud illas  
ipse sepeliri  
Praeelegit, Dionysii  
Sese sperans praesidio  
et tutela fulciri,  
Unde et desiderium  
est impletum in hoc viri.

Hic est ille Arnolphus,  
Qui ad Macharii ferbuit cultum,  
Quem et dilexit multum.  
Hic est enim ille Arnolphus,  
Qui ei, quem vivus coluit,  
Tandem mortuus abesse noluit  
Martyri Christo glorioso,  
Quem in coelis coronatum  
Novit lapide pretioso.

Brev. ms. S. Emmerani saec. 14. Clm. Monacen. 14600. A. — Brev. S. Emmerani imp. 1571. B. — In 3. Noct. Antiphona ad Cantica: Veni pater Dionysi etc. — Hymnus in Vesp. et Laud.: Electus doctor gentium, vgl. Analecta IV, p. 126, wo 5, 2 in somnibus als ein Wort zu lesen ist; ad Noct. Martyr Dei qui unicum.

39. De sancto Dompnolo.

In 1. Vesperis.

Ad Magnificat.

- A. Gloriosi confessoris  
Dompnoli sollemnia  
Coetus noster celebranda  
devote suscipiat,  
Quo superna mereamur  
perfrui laetitia.

2. In quo quanta lux coelestis  
gratiae succreverat,  
Ejus sacri depromebant  
actus et eloquia.

3. Qui fervore inflammatus  
fidei catholicae  
Praepollebat in doctrina  
lucis evangelicae.

Responsoria.

1. Venerabilis confessor  
Christi, sanctus Dompnolus,  
Generosis oriundus  
praedicatur fratribus,

- V. Generosior futurus  
generosis actibus.

2. Ille nondum evolutis  
annis puerilibus  
Rudimentis mancipavit  
sese liberalibus,

- V. Ut superna instituta  
hauriret felicius.

3. Hinc abunde exornatus  
gemina scientia

In pontificali digne  
sublimatur cathedra,

- V. Utriusque testamenti  
suffultus peritie.

Ad Matutinum.

Invitatorium.

Salvatorem mundi omnes  
adoremus Dominum,  
Qui ereptum terris sanctum  
sacerdotem Dompnolum  
Sublimavit laureatum  
ad coeli palatia.

In 1. Nocturno.

Antiphonae.

1. Iste sanctus a primaevo  
jussa sequens Domini  
Omni morum probitate  
insignis enituit.



In 2. Nocturno.

Antiphonae.

1. Et quod praedicabat ore,  
exhibebat opere,  
Ut audire mereretur  
boni servi Eüge.
2. Cumque nimis rutilaret  
caritatis lampade,  
Jure sibi arridebant  
et virtutes ceterae.
3. Dabat enim potum siti,  
cibum fame tabidis,  
Vestem nudis, tectum vagis,  
supplementum languidis.

Responsoria.

1. Qui lucerna constitutus  
jam super candelabris  
Copiose attendebat  
gregem sibi creditum,
- V. Hortans eum ad supernum  
festinare bravium.
2. Caeco visum reparavit  
ejus sparsa oculis  
Lympha stillans ex ablutis  
manibus pontificis,
- V. Quem perfectum probatumque  
colliriis exstitit.
3. Alter caecus postulavit  
ab eo praesidium,  
Cui praesul restauravit  
luminis officium,
- V. Pronus miser acclamabat:  
fer, pater, auxilium.

In 3. Nocturno.

Antiphonae.

1. Rutilabat exornatus  
flore parsimoniae,  
Unde mire redolebant  
fructus abstinentiae.
2. Nam labores et aerumnas,  
sitim et inedias  
Algoresque computabat  
pro Christo delicias.

3. Talibus tantisque signis  
virtutum conspicuus  
Infulatur cleri, plebis  
ordinisque laudibus.

Responsoria.

1. Dum offertur viro Dei  
quidam paralyticus,  
Confestim expulso morbo  
sanitati redditus
- V. Sacerdote pro misello  
orante devotius.
2. Virum quendam agitatam  
furore daemonico  
Dei servus sanitati  
pulso reddit zabulo
- V. Oleo linitum sacro  
crucis cum signaculo.
3. O superni senatorum  
gemma capitolii  
Atque sidus jam coeleste  
victoris eximii,  
Dompnole, nobis aeterni  
iram placa judicis,
- V. Qui conjunctus gloriaris  
coetibus aethereis.

Ad Laudes.

Antiphonae.

1. Ad superni regis laudem  
decus atque gloriam  
Transitus beati viri  
digeramus ordinem.
2. Dissolutionis suae  
imminente tempore  
Diem ejus atque horam  
praedixit certissime.
3. Quo audito confluebant  
ad eum quam plurimi  
Medicinam expectantes  
animae et corporis.
4. Qui exinde redeuntes  
laetabantur maxime,  
Quod nequaquam spei suae  
frustrabantur munere.

5. Jam condigne tumultatus  
sacerdos post triduum  
Daemone fugato sanum  
reddit energumenum.

Ad Benedictus.

A. Quicunque morbo tabidi.  
Cujusvis valetudinis,  
Petebant ejus tumulum  
Salutis ob auxilium.  
Reportabant ad propria  
Incommodi remedia.

Brev. ms. Cenomannense saec. 15. Cod. Parisien. 1302. A. — Brev. ms. S. Mariae in Bello loco saec. 15. Cod. S. Genovefae Parisien. BBl. IV<sup>o</sup> 17. B. — Brev. ms. Vadatense saec. 15. Cod. S. Genovefae Parisien. BBl. VIII<sup>o</sup> 24. C. — Brev. Cenomannense imp. Rotomagi 1492. D.

Invit., 4 sacerdotem fehlt A. — In 1. Noct. A 1, 1 primaevs A. — R 1, 1 sq. confessor Domini Dompnolus A. — R 1, 5 facturus A. — R 2, 1 Ille mundum A. — R 3, 1 Hunc B, Nunc A. — In 2. Noct. A 2, 2 claritatis A. — In 3. Noct. R 2, 5 Oleum A. — Ad Bened. A, 3 Petebant suffragia ejus tumulum A.

#### 40. De sancto Donato.

In 1. Vesperis.

Super Psalmos.

A. Celsa sancti praesulis  
Donati solemnia  
Piis laudum titulis  
Recolat ecclesia,  
Cujus nos a maculis  
Eruant suffragia,  
Quem nec vicit stimulis  
Mors nec mundi gloria.

Ad Magnificat.

A. A progenie in progenies  
Fecit misericordiam Dominus,  
Qui eduxit Abraham  
De Ur Chaldaeorum  
Et de ultimis finibus  
Vocavit sanctum Donatum.  
Ut in hac terra nostra  
Peregrinus esset et advena,  
In illa vero patria coelesti  
Cives sanctorum  
Et domesticus Dei.

In 2. Vesperis.

Ad Magnificat.

A. Recolentes frequentemus  
tanti festa praesulis,  
Qui hac luce fruens multis  
claruit miraculis.  
Ad postremum sociatus  
civibus aethereis,  
In Jerusalem superna  
collocari meruit,  
Ubi ejus mereamur  
adscribi suffragiis.

Ibi nobis datus  
A Deo patronus  
Jugiter intercedat  
Pro hac sancta plebe  
Et universis fidelibus.

Ad Matutinum.

Invitatorium.

Jubilemus vero David  
In psalmorum carmine,  
Qui Donatum collocavit  
Martyrum in agmine.

In 1. Nocturno.

Antiphonae.

1. Erat Romae puer quidam  
Qui ex legis arbore  
Vitam castam, mentem fidam  
Suo dedit tempore.
2. Apprehendit disciplinam  
Cum collega Juliano.  
Qui rejecit spem divinam  
Pro honore mundi vano.

3. Insurgentem Julianum  
In tormenta martyrum  
Fugit ad Hilarianum  
Et antistitem Satyrum.

Responsoria.

1. Cum utraque legis rota  
Vir beatus mente tota  
Ibat nec revertebatur  
Sed cum rotis levabatur,  
V. *Quia lex Dei in ore ipsius nec  
supplantabantur gressus ejus.*
2. Sancti deprecatio  
Opem fert Austerio  
Propulso daemonio.  
V. *Laudavit nomen Dei cum can-  
tico et magnificavit eum in  
laude.*
3. Euphrosynam jam sepultam  
Jubet fiscum prodere  
Viro suo, qui per multam  
Vim artatur solvere.  
V. *Laetatur super inventa pecunia  
sicut qui invenit spolia multa.*

In 2. Nocturno.

Antiphonae.

1. Merito mirificavit  
Deus suum famulum,  
Quia vana non amavit  
Nec mendacem titulum.
2. Scuto bonae voluntatis  
Dei vir innititur,  
Per quod nubes caecitatis  
A Syramna pellitur.
3. Hinc honore coronatur  
Pastoralis gloriae  
Et patrono gloriatur  
Tali plebs Aetiae.

Responsoria.

1. Ex levitae manibus  
Calix lapsus crepuit,  
Quem vir Dei precibus  
Integrum restituit.

- V. *Voluntatem timentium se fa-  
cit Dominus et deprecationem  
eorum exaudit.*

2. In tutelam Dei jecit  
Spem indissolubilem,  
Dum draconem interfecit  
Fontem dans potabilem.  
V. *Eruit a morte animas civium  
suorum alens eas in fame.*
3. Mortuum resuscitavit,  
Qui convicit impium  
Exactorem, cui monstravit  
Scripti testimonium.  
V. *Quia dolose egit in conspectu  
Domini, ut inveniretur ini-  
quitas ejus.*

In 3. Nocturno.

Antiphonae.

1. Confidens in Domino  
Regis Theodosii  
Filiam a laqueo  
Eruit daemonii.
2. Hic in monte studuit  
Dei requiescere,  
Dum cum suis docuit  
Regem Christum credere.
3. In virtute, Domine,  
Tua rex laetatur,  
Dum in tuo nomine  
Credens baptizatur.

Responsoria.

1. Ecce novus hic Elias,  
Per quem terrae siccitas  
Irrigatur per pluvias  
Prece sua traditas.  
V. *Dominus dedit benignitatem  
et terra dedit fructum suum.*
2. Ut Donatus praesentetur,  
Trux Quadratianus  
Jubet, cum quo detinetur  
Et Hilarianus.  
V. *Considerat peccator justum et  
quaerit mortificare eum.*



3. Hodie jubar aethereum  
Per ascensum purpureum  
Ad Salomonis aureum  
Transit reclinatorium  
Bibens passionis fluvium.

V. *De torrente in via bibit, propterea exaltavit caput.*

Ad Laudes.

Antiphonae.

1. Miles Dei se virtute  
Cingens fortitudinis  
Spernit poenas, pugnat tute  
Spe beatitudinis.
2. Ejus os lapidibus  
Tundi dum jubetur,  
In hymnis et laudibus  
Deum confitetur.
3. In te, Deus, anima  
Donati sitivit,  
Per te quaeque maxima  
Pati dum cupivit.
4. Benedicens Dominum  
Carceris ergastulo

Solvit multos hominum  
A languoris vinculo.

5. In excelsis laudans Deum  
Capitis sententiam  
Subit, talem per trophaeum  
Vehitur ad patriam.

Ad Benedictus.

- A. Benedictus Deus, qui nos  
Hoc patrono visitavit,  
Per quem regno coelesti nos  
Nati sui David  
Hujus mundi post declinos  
Decursus haereditavit.

In 2. Vesperis.

Ad Magnificat.

- A. Confractum calicem vitreum  
Donati crationibus  
Redintegravit Dominus,  
Cujus unam partem  
Abstulit diabolus  
Ad suam ignominiam  
Nostraeque salutis gloriam,  
Quia cum desit in fundo calicis,  
Nulla tamen exinde  
Gutta distillat.

Brev. Hallense imp. Lipsiae 1534. A. — Brev. Misnense imp. Lipsiae 1502. B. — Brev. Magdeburgense imp. Norimbergae 1491. C. — In 1. Vesp. Super Ps. A fehlt A. Ibid. 6 Exuant C. — Ad Magn. A, 5 finibus terrae A. — In 1. Noct. A 3, 2 tormentis B. — A 3, 3 Surgit ad B. — R 1, 1 Cum veraque B. — R 1, 3 et revertebatur B. — R 1, 4 fehlt B. — R 3, 4 Vim artatam B. — In 2. Noct. R 1, 4 In integrum C. — R 3, 4 Scripte A. — In 3. Noct. A 3, 1 sq. In virtute tua Domine A. — R 3, 4 Transiit A. — In Laud. A 3, 2 Sitivit Donati A.

41. De sancto Donato.

In 1. Vesperis.

Ad Magnificat.

- A. Jucundare, felix Sistaricum,  
Confessoris tanti solemnio,  
Bene cane, frequenta canticum,  
Dilatetur tua devotio,  
Caput habes pignus mirificum,  
Juste gaudes hoc privilegio,  
Cum sis caput in episcopio.

Ad Matutinum.

Invitatorium.

Christi mirificam  
Laudemus gratiam,  
Qui dedit coelicam  
Donato gloriam.

In 1. Nocturno.

Antiphonae.

1. Annos pueritiae  
Transcendens Donatus  
Dulcedine patriae  
Non est immutatus.
2. Christum sequi nititur  
Mundae puer mentis,  
Mundus vilipenditur  
Cum oblectamentis.
3. Qui vagus et varias  
Circuiens provincias  
Tandem venit per salebras  
Ad montis Lurae latebras.

Responsoria.

1. Servum Dei serpens intuitus  
Sibilans dat horrendos strepitus,  
Non est mirum, si parum territus  
Fuit vir inclitus.
- V. Sancti perniciem  
propinans capitis  
Elevat aciem  
quindecim cubitis.
2. Angulari confisus lapide  
Roboratur fidei casside,  
Opem sperans a summo praeside  
Perstat intrepide,
- V. Manus levans ad coelum poplite  
Flexo gressum figit in cespite.
3. Draco statim toto conamine  
Durentiae labitur flumine  
Repentino praecipitamine  
Sancti precamine,
- V. Multitudo sequens reptilium  
In eundem defluit fluvium.

In 2. Nocturno.

Antiphonae.

1. Sanctus admirans properat  
Et, ubi draco steterat,  
Aedificat tugurium,  
Paupertatis indicium.
2. Basilicam montis in culmine  
Sancti fecit Martini nomine  
Mediante Christi juvamine.

Dreves, Historiae rhythmicæ. II.

3. Hic tempore diutino  
Manente Dei famulo  
Tandem placuit Domino  
Notum facere populo.

Responsoria.

1. Ruricolae terrae fortuito  
Casu cellam viderunt eminus,  
Sed timore serpentum solito  
Non sunt ausi venire cominus.
- V. Sanctus ad se verbo mellifluo  
Vocat eos loquentes mutuo.
2. Praedicat evangelium  
Jesu Christi ruricolis,  
Aeternae vitae praemium  
Spondet relictis idolis,
- V. Verbis ejus omnes obediunt,  
Orthodoxam fidem recipiunt.
3. Egressi votum faciunt  
In illa sanctum finibus,  
Quotquot ad eum veniunt  
Fatigati languoribus,  
Sanitatem recipiunt  
Ejus orationibus,
- V. Aromatum cella detegitur,  
Sanctitatis odor diffunditur.

In 3. Nocturno.

Antiphonae.

1. Taliter Noe  
plantat vineolam,  
Quae non fraudat  
suum vinicolam.
2. Infra parvum spatium  
Vinum profert, unde  
Sanctus sacrificium  
Faciât abunde.
3. Rusticus confunditur  
Uvam portans ore,  
Sed liber efficitur  
Licet cum rubore.

Responsoria.

1. Ebreduni decus, flos, speculum,  
Florentinus contemnens sae-  
culum

- Sancti pergit ad habitaculum,  
Offert se servulum;  
V. Donati magisterio  
Brevi profecit spatio.
2. Fur olerum facto fasciculo  
Tota nocte gyrat per ambitum  
Nec in toto reperit hortulo  
Praedo infer liberum exitum,  
V. Sanctus suo coram discipulo  
Repertum liberat summo dilu-  
culo.
3. Strictum parat iter et horridum  
Ad Donati daemon imperium.  
Restant adhuc acervi lapidum  
Veri facti dantes indicium,  
V. Montem replet quaerelis miseris  
Ob injuncti laborem operis.

In Laudibus.

Antiphonae.

1. Celsus, plenus nequitia,  
Donati jubet latera  
Tundi virgis, praestigia  
Reputans ejus opera.
2. Sexaginta pedibus  
Rupis rima patet,  
Ubi cum discipulo  
Metu Celsi latet.

Brev. Sistaricense imp. Sistarici anno 1513. — In 3. Noct. R 1, 6 profert spatio. — In Laud. A 1, 3 praestigiam. — Ad Bened. A, 4 reputans gloriam.

42. De sancta Ebba.

In 1. Vesperis.

Super Psalmos.

- A. Ave sidus coelestis curiae,  
Flos et decus, Ebba, Britanniae,  
Tuos tuis adstantes laudibus  
Coeli tecum adjuuge civibus.

Ad Magnificat.

- A. Christe, salvator  
et amator hominum,  
Qui es sponsus  
et corona virginum,  
Tua, quaesumus,  
laetetur ecclesia

3. Boves quaerit rusticus,  
quem videns vir Dei:  
Cras, inquit, invenies,  
sic accidit ei.

4. Celsus celsitudini  
timore sublato  
Pro sananda filia  
supplicat Donato.

5. Venit ad infantulum  
Cerva certis horis  
Lactis praebens poculum  
Prece confessoris.

Ad Benedictus.

- A. Sanctus iste plenam victoriam  
Consecutus ad coeli patriam  
Post praesentem transit mise-  
riam,  
Pro labore reportans gloriam.

In 2. Vesperis.

Ad Magnificat.

- A. Florentinus cum sancto Mario  
Sancti corpus tumulant hominis.  
Quorum trium sacro consortio  
Nos societ filius hominis.

Ad Matutinum.

Invitatorium.

- Adoretur  
Christus rex gloria,  
Qui glorificat  
Elbam in aethere.



In 1. Nocturno.

Antiphonae.

1. Sicut florem vitis munera  
Sic Ebbam in stirpe regia  
Felix produxit Britannia.
2. Ethelfridi regis filia,  
Oswiu soror eximia  
Et Egfridi erat amita.
3. Claris exorta natalibus  
Mundum fide, formam moribus,  
Et sexum vicit virtutibus.
4. In urbe triumphans Coludi  
Carne munda et corde simplici  
Caput diri contrivit colubri.
5. Divino conducti foedere  
Et viri simul et feminae  
Sub ea gaudebant vivere.
6. Puellis matrem instantia  
Et viris patrem constantia  
Quam mira se dedit gratia.

Responsoria.

1. Ethelridam instruxit sedula,  
Quae nupta et sine macula  
Relicta regali copula  
Ebbae facta est discipula,
- V. Labori commutans otia,  
Claustro regnum et duris mollia.
2. Dum quidam nolentem nubere  
Raptu molitur opprimere,  
Latenti maris confinium  
Triduo dedit praesidium,
- V. Contra tyrannum superbiens  
Et montem undis praemuniens.
3. Sanctorum Ebba frequentiam  
Optabat ob verbi gratiam,  
Quae exemplis atque monitis  
Formam dabat sibi subditis;
- V. Praeclaris per orbem titulis  
Ex multis effulsit meritis.
4. Cuthbertus Ebbam praecipuo  
Amore complectens assiduo  
Subjectos sibi instruere  
Et hanc gaudebat invisere,

- V. Licet ut virus consortia  
Devitaret muliebria.

In 2. Nocturno.

Antiphonae.

1. Contemnens mundi gloriam  
Per carnis continentiam  
Christo se dedit hostiam.
2. Ut paradisos effloruit,  
Sic ille locus enituit,  
Dum vita sanctorum claruit.
3. Invidit serpens successibus  
Et primis nocendi artibus  
Venenum infudit mentibus.
4. Sicut Eva virum exuit,  
Sic forma viros destituit  
Et stellas in luctum eruit.
5. Dum ita luderet furia,  
Haec hostis inter illudia  
Ebbam latebat injuria.
6. O felix mater et domina,  
Funde pro nobis precamina  
Et nostra terge peccamina.

Responsoria.

1. Adamnpanus noctu fletibus  
In stratu vacans et precibus  
Coelesti accepit nuntio  
De loci hujus excidio,
- V. Ostensa est ei visio  
Crudeli nota praesagio.
2. Revelabat Ebbae postea  
Peritura flammis omnia,  
Sed id habebat solatii,  
Ipsa vivente non fieri,
- V. Tanti quippe erat meriti,  
Quod possent casus tam miseri  
Ipsa vivente non fieri.
3. His virgo verbis admonita  
Corda pavore perterrita  
Ad primos actus erigere  
Salubri instabat opere,
- V. Coelestem iram repellere  
Et vires hostis reprimere.

4. Salvatoris Christi famula  
Post hujus vitae curricula  
Felix perceptura bravium  
Ad regni venit palatium,  
V. Relinquens terrae corpusculum  
Et inferens coelo spiritum.

In 3. Nocturno.

Ad Cantica.

- A. Sicut rosa super  
aquarum rivulos  
Virtutum Ebba  
profudit flosculos  
Et sicut sponsus  
sponsatam monilibus,  
Sic Ebbam Dominus  
ornat virtutibus.

Responsoria.

1. Post mortem matris ad pristina  
Reversi sunt flagitia,  
Quos truci statim incendio  
Divina consumpsit ultio.  
V. Olim Loth egresso Sodomam,  
Sic post Ebbam plebem pessi-  
mam  
Divina consumpsit ultio.
2. Quam mira, quam mirabilia  
Sunt tua, Christe, magnalia,  
Qui tuae Ebbae praeconia  
Ditas multiformi gratia.  
V. Fugantur enim daemonia  
Et regis dantur subsidia.
3. O virgo prudens et inclita,  
Quam tanta decorant merita,  
Veniam nobis pro crimine  
Apud Christum supplex obtine,  
V. Ut mereamur in aethere  
Cum sanctis tecum convivere.
4. De nocte saeculi  
carnis e carcere  
Prudens et vigilans  
et pulchra facie  
Accensa lampade  
conscendit libere

- Ad sponsi thalamum,  
ad thronum gratiae;  
V. Quae pro peccatis hominum  
Intercedat ad Dominum.

In Laudibus.

Antiphonae.

1. Gratuletur pia  
mater ecclesia  
Superni regis  
collaudans magnalia  
In suae virginis  
sacra memoria.
2. Aegrotis exhibens  
salutis opera,  
Quae dum viveret  
in hac carne tenera,  
Super afflictos  
pia gessit viscera.
3. Contractos erigit,  
os mutis aperit,  
Caecos illuminat,  
larvas exterminat,  
Et laesos reparat  
et clausos reserat.
4. Benedicat Ebba Dominum,  
Ebbam exaltet os hominum,  
Quae lucet in choro virginum  
Nec lucis habebit terminum.
5. Quam laudabilia  
Virginis praemia,  
Cujus memoria  
Dat beneficia,  
Moestis est laetitia,  
Salus cunctis et gloria.

Ad Benedictus.

- A. Benedictus Deus  
Israel Dominus,  
Ex altis oriens  
quem nescit terminus,  
Qui Ebbae vitam lucifluam  
Et lucem dedit perpetuam.

Brev. ms. Coldoniense saec. 13/14. Cod. Londinen. Harl. 4664. — In  
2. Noct. A 3, 2 nocendi actibus Hs. — A 4, 3 stellas inclitum. Hs. — In  
3. Noct. ad Cant. A, 6 sponsatam monibus Hs.

### 43. De sancto Edmundo.

#### In 1. Vesperis.

Super Psalmos.

A. Ave, gemma confessorum,  
Ave, dux et doctor morum,  
Salve, sanctitatis rosa,  
Mundi lampas luminosa.  
Gaude, pater pietatis,  
Summae sidus honestatis,  
Vale, vernans flos, Edmunde,  
Et pro nobis preces funde.

Ad Magnificat.

A. Pater pius  
et primas Angliae,  
Consertus est  
angelis hodie.  
Triumphantis  
plausus ecclesiae  
Psallunt ave,  
coelestes curiae  
Novae ducunt  
festum laetitiae  
Congaudentes  
ipsius gloriae.

#### Ad Matutinum.

Invitatorium.

Edmundus ad gaudia  
Migravit aeterna,  
Militans ecclesia  
Plaudat cum superna.

#### In 1. Nocturno.

Antiphonae.

1. Summis erat praeditus  
meritis Edmundus,  
Sermone vel opere  
nemini secundus.  
2. Clerici sub habitu  
clam ciliciatus,

Carnis implacabiles  
domuit conatus.

3. Carnis frangens impetus  
cibo parciori  
Non sumebat omnium  
potum sed honori.

Responsoria.

1. Candida virginitas  
leges calcavit avitas  
Carnis in Edmundo,  
qui casto corpore, mundo  
Corde Deum colere  
studuit casteque timere;  
V. Crimine nam saevo  
non est infectus ab aevo.  
2. Hic Moysis more  
spreto Pharaonis amore  
Pro minimo duxit,  
quidquid cum tempore fluxit;  
V. Annis a primis  
coelestia praetulit imis.  
3. Duras iste vias  
tenuit, quas spernit Elias,  
Exstitit huic testis  
cibus artus et aspera restis,  
V. Displicuit mollis  
byssus et purpura vestis.

#### In 2. Nocturno.

Antiphonae.

1. Hic vir sine macula  
non ivit post aurum,  
Non amavit mammona  
nec aeris thesaurum.  
2. Seminans in lacrimis  
in plausu messurus,  
Carnis erat carnifex  
rigidus et durus.



3. Erat ejus patula  
porta viatori,  
Equestri et pedito,  
seni et minori.

Responsoria.

1. Vixit in hac vita  
velut Jonadab Rechabita,  
Cui census coenum  
fuit et caro florida foenum;  
V. Gaudia terrena  
mundi contempsit amoena.  
2. Carnis vota terens,  
Danielis moribus haerens,  
Usus aqua, pane,  
corpus contrivit inane;  
V. Pro dapibus regis  
placuerunt azima legis.  
3. Mite cor, ampla manus,  
jugis patientia, sanus  
Sermo, fides plena,  
spes ardua, fama serena,  
Mentis vota pia  
dant hunc similem Tobiae;  
V. Dives erat meritis,  
quoniam botrus germina vitis.

In 3. Nocturno.

Antiphonae.

1. Praesulatu Moyses  
Aaron insignivit,  
Hunc ad sacerdotium  
Deus accersivit.  
2. Lacte pastor providus  
parvulos potavit,  
Cibo verbi solido  
fortiores pavit.  
3. Quam speciosi pedes  
pacem praedicantis  
Quam grata vox exstitit  
evangelizantis.

Responsoria.

1. Sal fuit optatum  
terrae non infatuatum,  
Pontificale decus  
cui contulit arbiter aequus,

- V. Ut lux sublimis  
summis luceret in imis.

2. Certator fortis  
superato principe mortis  
Jam fruitur vita,  
cui mors succumbit avita,

- V. Signis testatur  
quo laetus honore beatur.

3. O sol justitiae,  
largiflua vena sophiae,  
Praesulis Edmundi  
meritis mala dele mundi,

- V. Morbos convelle,  
pestes preme, proelia pelle.

In Laudibus.

Antiphonae.

1. Coelestem Jerusalem  
nulla nox confuscat,  
In qua vitro purior  
praesul hic corruscat.  
2. Vivis ex lapidibus  
urbs aedificatur,  
Inter quos hic rutilus  
lapis ordinatur.  
3. Enoch Deus transtulit  
mortem post visurum,  
Hunc in coelum sustulit  
nunquam moriturum.  
4. Ad cujus memoriam  
vitae restaurantur  
Mortui, remediis  
languidi donantur.  
5. Est in coelo jubilans  
jugis et jucundus,  
Quo veris deliciis  
Affluit Edmundus.

Ad Benedictus.

- A. Opem nobis,  
pater, accelera,  
A septena  
nos labe libera,  
Ne plectendos  
post carnis funera  
Desolatos  
ducat ad infera.

In 2. Vesperis.

Ad Magnificat.

- A. Flos in terra  
crevit viventium,  
In quo Rachel  
sumpsit solatium,

Brev. ms. Sarisberiense? saec. 14/15. Cod. Londinen. Sl. 1909. — In 1. Noct. **R** 3, 4 aspera vestis Hs. — In 2. Noct. **R** 1, 2 Jonadab rathamita Hs. — **R** 1, 3 censum Hs. — In Laud. **A** 2, 3 rutilis Hs. — In 2. Vesp. ad Magn. **A**, 3 Rachel plorans gegen den Vers Hs.

44. De sancto Eleario.

In 1. Vesperis.

Antiphonae.

1. A dextris sedet gloriae,  
Nam a dextris justitiae  
Sedit vita mortali,  
Virgam virtutis explicat  
Et nationes judicat  
Conquassans caput mali.
2. Justorum in consilio  
Dulcique contubernio  
Et congregatione  
Mandata dat fidelia,  
Dum salutis utilia  
Jubet Christi sermone.
3. Dispergens dans pauperibus  
Pietatis visceribus  
Commodans miseretur,  
Disponens se judicio,  
Cum recta generatio  
Christi benedicetur.
4. Elearium nobilem  
Respexit Deus humilem  
In terra conversantem,  
Collocans cum principibus,  
Choris quoque coelestibus  
In gloria laetantem.
5. Laudent gentes et populi,  
Illustres magis saeculi,  
Qui manet in aeternum,  
Clarum sequentes comitem  
Per sanctitatis tramitem  
Ad bravium supernum.

Sol refulsit

post umbrae nubium,  
Scandens vitae  
percepit bravium.

Ad Magnificat.

- A. Proles digna Provinciae,  
Stirps generosa comitum,  
Princeps summae clementiae,  
Decus et honor militum,  
Eleari beate,  
Exora dari veniae  
Nobis et vitae meritum  
Tandemque fructum gloriae  
Post hujus vitae transitum  
In coeli claritate.

Ad Matutinum.

Invitatorium.

Regem laudantes omnium  
In psalmis jubilemus,  
In quo et Elearium  
Voce magnificemus.

In 1. Nocturno.

Antiphonae.

1. Beatus vir consilium  
Devitans impiorum,  
Piorum fert vestigium  
Sequens viam justorum.
2. Adversus Christum Domini  
Plangit conventionem,  
Qui vitam dedit homini  
Per suam passionem.
3. Voce clamat ad Dominum  
In morte dormiturus,  
Post vultum plenum luminum  
Monstrat resurrecturus.

Responsoria.

1. Puer beatus cingitur  
Ad carnem chorda dura,  
Adolescensque sequitur  
Sermonum Christi jura  
Familiaeque traditur  
Pia forma secura,  
V. Per quam Deus excolitur  
Et proximus diligitur  
Intentione pura.
2. Carnis horrens delicias  
Cilicio vestitur,  
Corpus sentit angustias  
Amictus, dum sopitur,  
Sic et per abstinentias  
Jejunii nutritur;  
V. Jocos spernit et nuptias  
Et saeculi blanditias,  
Dum Christi crux ambitur.
3. Desponsatur virginitas  
In matre salvatoris,  
In sancto fulget puritas,  
Conjugium honoris,  
Sic et perfecta castitas  
Vim vendicat amoris.  
V. Cor, gestus, vox, activitas  
Per cuncta tenent semitas  
Virginei pudoris.

In 2. Nocturno.

Antiphonae.

1. Cordis signat laetitiam  
Sereni vultus lumen,  
Nam mundam conscientiam  
Sibi dat Christi numen.
2. Verba percipit auribus  
Et pauperum clamorem,  
Quorum necessitatibus  
Se dat intercessorem.
3. Honor, corona, gloria  
Confessori beato,  
Dei magnificentia  
Ad coelos elevato.

Responsoria.

1. Vir lenis, mitis, humilis  
Se clamat peccatorem  
Dulcis, blandus, affabilis  
Nec despicit minorem  
Egenorumque pabulis  
Se praebet servitorem;  
V. Leprosos lavans osculis  
Mulcet cultusque nobilis  
Se monstrat contemptorem.
2. Vir rectus a justitia  
Non novit declinare,  
Amor, vis, munus, odia  
Hunc nequeunt turbare,  
Sic perfecta judicia  
Perfecte scit amare;  
V. Juncta misericordia  
Damnatorum supplicia  
Docebat deplorare.
3. Caritatis incendio  
Salutem animarum  
Verbis sitit et studio,  
Viribus medullarum,  
Hinc nullo pensat pretio,  
Quod mundus habet carum.  
V. Hinc pius in obsequio  
Egenis fit auxilio  
Plenisque viperarum.

In 3. Nocturno.

Antiphonae.

1. In monte sine macula  
Quievit castitatis,  
Hinc Dei tabernacula  
Habitat cum beatis.
2. Invenit tua dextera  
Omnes, qui te oderunt,  
Cunctis dum donat munera,  
Qui mala tibi quaerunt.
3. Cordis habens munditiam  
Et manum innocentem  
Ascendit montis gloriam  
Terrena transcendentem.



Responsoria.

1. In summa vehit spiritum  
Orationis alis,  
Fervescit in contuitum  
Adspectus facialis,  
Devotum fundens gemitum  
Pro retractivis malis;  
V. Sic sentit cor imbibitum,  
Ut cum venit ad redditum,  
Nec paret sensualis.
2. Invicta patientia  
Christi armat athletam  
Contemptus et opprobria  
Mentem vere quietam,  
Rerum quoque dispendia  
Probant pace repletam.
- V. Mors, languor, vis, fallacia  
Nec tristant quaeque tristia  
Animam semper laetam.
3. Dum moritur, conjugii stelleus  
Apparuit  
dicens: comes beatus  
Contritusest permortem laqueus  
Et quilibet  
nostrum est liberatus.  
Tunc claruit factus aethereus  
Miraculis  
in Aptam post translatus
- V. Infirmis fit salutis nucleus  
Afflictisque protegens clipeus  
Devotius  
ab eis invocatus.

In Laudibus.

Antiphonae.

1. Praecinctus pudicitia  
Supra carnis incendia  
Ut dominus regnavit,  
Decorem mentis induens,  
Fortitudinem vestiens  
Corpus terrae firmavit.
2. Servus Dei laetitia  
Clarescit ad convitia  
In exultatione,

Divinum intrat atrium  
In hymnis confitentium  
Laudis confessionem.

3. Sic super stratum proprium  
Memor est per cilicium  
Christi Jesu plagarum,  
In quem sitivit anima  
Et caro sibi proxima  
Luce vigiliarum.
4. Patrem, filium, spiritum  
Per operum circuitum  
Semper benedicamus,  
Sancti et corde humilis  
Cum laudibus et jubilis  
Magnalia canamus.
5. Terrae reges et principes,  
Et juvenes et virgines,  
Coeli laudate Deum,  
Sequentes Elearium,  
Nam rex et princeps omnium  
Ad coelum vexit eum.

Ad Benedictus.

- A. Exsultet Aptā civitas,  
Quam exornat praeclaritas  
Felicium membrorum,  
Tantoque privilegio  
Tu dotata religio  
Ecclesiae Minorum,  
In te sunt ossa condita,  
Quibus aegris est reddita  
Completio votorum.  
Ad te, confessor optime,  
Clamant languentes animae  
Pro venia malorum.

In 2. Vesperis.

Antiphonae.

1. Ex utero principium  
Et generis initium  
Sumens stirpe clarorum,  
Die virtutis claruit,  
Hinc satiari meruit  
Splendoribus sanctorum.

2. In toto corde Dominum  
Confitetur et lumen  
Patrem laude septena  
Sanctumque nomen Domini  
Suo commendat agmini  
Devotione plena.

3. Potens in terra timuit,  
Cujus mandatis voluit  
Beatus obedire,  
Gloria et divitiae  
Non poterant justitiae  
Ipsius contraire.

4. Ex hoc nunc et in saeculum  
Dei per solis circulum  
Sit nomen benedictum,  
Vosque laudate, pueri,  
Puerum suo corpori  
Tenentem fune strictum.

5. Laudate, gentes, Dominum,  
Quo tempus est interminum,  
Veritas manet rata,  
Cujus misericordia  
Est per sancti suffragia  
Super nos confirmata.

Ad Magnificat.

A. O quam felix Provincia,  
Sanctorum viridarium,  
Proferens Elearium  
Virtutum redolentia  
Ut fructum Deo carum;  
Felix et Apta civitas,  
Sancti reliquarium  
Servans electuarium,  
Quo datur aegris sanitas,  
Sepulchrum signis clarum.

Brev. Aptense imp. Lugduni 1532. — In 1. Vesp. A 5, 2 magi. — In 2. Noct. R 1, 7 Leprosi. — In Laud. A 4, 4 humiles. — Das Officium ist auf das Schema des Franciscus-Officiums „Franciscus vir catholicus“ etc. gebaut; die Hymnen siehe Analecta IX, p. 112 sqq.

#### 45. De sancto Eleutherio.

In 1. Vesperis.

Antiphonae.

1. Laetetur chorus Domini  
Sancto congaudens homini  
Praecipuae virtutis,  
Cujus debetur nomini,  
Quod Tornacenses termini  
Sunt in via salutis.

2. Hic est Sereni filius,  
Beatus Eleutherius,  
Verus Christi confessor,  
Corruptionis nescius,  
Praedicator eximius  
Et Pii successor.

3. Hunc Medardus elegerat  
Amicum, cum jam suberat  
In aetate minori,  
Et prophetice reserat,  
Quod hunc Deus praeviderat  
Praesulatus honori.

4. Adeptus nomen praesulis  
Sed ferens sortem exulis  
Pressuris conquadratur,  
Hinc corruscat miraculis,  
Per quem a mortis vinculis  
Blanda resuscitatur.

5. Affectus multo verbere,  
Taetro reclusus carcere,  
Visitatur de caelis,  
Angelus adest propere,  
Reducit eum libere,  
Plebs stupet infidelis.

R. Pontifex virgineo  
Venustatus flore  
Sub ornatu roseo  
Sanguinis decore  
Bino privilegio  
Pollet, Christum bivio  
Secutus, nunc bravio  
Fruitur promisso.

V. Bona conjugatio,  
Rosa nubit lilio,  
Castitas martyrio  
Purpuraque bysso.

Ad Magnificat.

A. Exsultavit spiritus  
Mundo morientis,  
Confortatur coelitus  
In agone mentis,  
Deo laudes replicat  
Manibus exstentis,  
Sic pastor magnificat  
Christum in tormentis.

Ad Matutinum.

Invitatorium.

Regem auctorem omnium  
Laudet chorus fidelis,  
Qui sanctum Eleutherium  
Coronavit in caelis.

In 1. Nocturno.

Antiphonae.

1. Declinans consortia  
Puer impiorum,  
Ut arbor egregia  
Fructum fecit morum.
2. Postulavit Dominum,  
Dedit ei gentes  
Tornacenses, criminum  
Maculis squalentes.
3. Non timebat populum  
Circumdantem eum,  
Spei suae baculum  
Semper habens Deum..

Responsoria.

1. Post aliquantum spatium  
Ab agone Piati,  
Cum ebullisset nimium  
Turpitudine peccati,  
Quidam sunt Tornacensium  
In Christo congregati;
- V. De consensu fidelium  
Praeponunt Eleutherium  
Praesulem civitati.

2. Plus horrentes debito  
Christianos mores  
Infideles inito  
Consensu majores  
Pellunt urbe subito  
Fidei cultores;
- V. Sine culpa merito  
Sancti censu perditio  
Linguunt urbis fores.
3. Aquae multae non poterant  
Fervorem impedire,  
Virtutes, quae latuerant,  
Inceperunt prodire,  
Fideles nulla superant  
Non tormenta non irae;
- V. Blandinium accelerant,  
De fabrica deliberant  
Prompti Deo servire.

In 2. Nocturno.

Antiphonae.

1. Aucta tribulatio  
Justum dilatavit  
Et in sacrificio  
Christo se litavit.
2. Introivit Domini  
Templum in timore,  
Quem vacantes sanguine  
Caedunt cum furore.
3. Laus perfecta profluit  
Per os confessoris,  
Indignatum destruit  
Animum ultoris.

Responsoria.

1. Sanctus enervat vitia,  
Dum carnis contumacia  
Subditur servituti,  
Distillant ejus labia  
Praecepta necessaria  
Fidelium saluti,
- V. Cujus victi solertia  
Pelluntur urbe regia  
Haeretici versuti.



2. Dum sanctus in ecclesia  
Protelabat suspiria  
Christum orans attente,  
Intrat tribuni filia,  
Carnis petit commercia  
Furens vesana mente:
- V. Fugit hic, linquit spolia,  
Moritur temeraria.  
Suscitatur repente.
3. Fontis renata flumine,  
Sancto calescens flamine,  
Postmodum baptizatur,  
Blanda vocatur nomine,  
Multo patris conamine  
Puella provocatur.
- V. Quae vivens sine crimine,  
Tandem victo certamine  
Cum sanctis coronatur.

In 3. Nocturno.

Antiphonae.

1. Christi tabernacula  
Pastor est ingressus,  
Cujus sine macula  
Fuere progressus.
2. Quae petivit avide,  
Jam accepit bona,  
Pretioso lapide  
Rutilat corona.
3. Innocentem opere  
Sed et corde mundum  
Fecit Deus scandere  
Montem hunc fecundum.

Responsoria.

1. Multitudo gentilis populi,  
Laesa peste, vim infert praesuli,  
Caesum claudunt hora crepus-  
culi,  
Reseratur locus vestibuli.
- V. Miro modo sunt conversi  
Per hunc cives universi.
2. Post longum postliminium,  
Quo rexerat Blandinium,

- Sanctus hortatu civium  
Redit ad locum patrium;  
Fit in Tornaco gaudium,  
Pastorem habet proprium.
- V. Illuminat Mantilium,  
Lepra curat Pericium,  
Beatum pandit regium  
Et obtentum remedium.
3. Attendentes haeretici,  
Nomen eorum dejici,  
Satis indigne ferunt,  
In septa templi publici  
Latent, ut possit effici  
Flagitium, quod quaerunt.
- V. Freti fraude multiplici  
Plagas sancto pontifici  
Letales inflixerunt.

Ad Laudes.

Antiphonae.

1. Nimis sunt credibilia  
Praeclara testimonia  
Paternae sanctitatis,  
Monetur Thecla tertio,  
Quod reveletur visio  
Praesuli civitatis.
2. Depulso mentis nubilo  
Vacarunt omnes jubilo,  
Cum puer resurrexit,  
Sic Helisaeus visitat  
Sunamitem, dum suscitatur  
Filium, quem dilexit.
3. Sub alarum velamine  
Sancti plenus dulcedine  
Feriolus exsultat,  
Solvitur a discrimine,  
Catena suo fragmine  
Tribunum morte multat.
4. Benedicamus Dominum,  
Post tempus non diutinum  
Suscitatur tribunus,  
Liber a lapsu criminum  
Contritus vixit, geminum  
Consecutus est munus.

5. Laudat fidelis concio,  
Cum sanctus ab suburbio  
Collocatur in urbe,  
Fit coelesti prodigio  
Sagittarum reflexio,  
Forenses gemunt turbae.

Ad Benedictus.

A. Dum floreret in hac areola,  
Mundum, carnem vicit et idola,  
Quare trina fulget aureola  
Coeli factus civis et incola.

In 2. Vesperis.

Ad Magnificat.

A. Eleutheri  
Confessor inclite,  
Decus cleri,  
Miles emerite,  
Ad te rite  
Suspirant miseri,  
Nos in vitae  
Libro fac inseri.

Brev. ms. Tornacense saec. 14. Cod. Tornacen. XXI. A. — Brev. ms. Tornacense saec. 15. Cod. Tornacen. XXIII. B. — Brev. ms. Tornacense saec. 15. Cod. Insulen. 42. C. — Brev. ms. Tornacense saec. 15. Cod. Valentianen. 98. D. — Brev. Tornacense imp. 1497. E. — In 3. Noct. R 3, 4 In sceptro A. — Die Hymnen siehe Analecta IX p. 194 sq.

#### 46. De sancto Emano.

In 1. Vesperis.

Ad Magnificat.

A. Sancti festa nunc Emani  
veneremur annua,  
Qui factoris sequens jussa  
caelebs liquit terrea,  
Pro quibus est aggregatus  
choreis coelestibus  
Dei jussu et laureis  
proclivis vernantibus.

Ad Matutinum.

Invitatorium.

Salvatoris mundi omnes  
veneremur gratiam,  
Qui Emanum sibi servum  
adscivit mirabilem.

In 1. Nocturno.

Antiphonae.

1. Beatissimus Emanus  
natalibus optimis  
Cappadociae telluris  
oriundus exstitit.

2. Pueritiae sub annis  
adhuc ipse positus  
Bonis coepit regi regum  
complacere moribus.

3. Nam pro posse vestem nudis,  
cibum fame morbidis,  
Potum saepe sitiendi,  
verbum pravis contulit.

Responsoria.

1. Hic Emanus servus Christi,  
ortus Cappadocia,  
Sibi morum honestatem  
sumpsit ab infantia,

V. Nam imprimis literarum  
traditur ad studia.

2. Cum doctorum sibi sentit  
copiam deficere,  
Romam pergit jam decursis  
annis pueritiae,

V. Illic fontem potaturus  
spiritalis gratiae.

3. Hinc Carnotum cum abiret,  
ipse in itinere  
Claudum quendam sopitati  
reddidit celerrime

V. Salvatoris mundi Dei  
invocato nomine.

In 2. Nocturno.

Antiphonae.

1. Cumque flores jam subiret  
hic adolescentiae,  
Romam jussu Christi petit  
causa sapientiae.
2. Quem Romanae Leo qui tunc  
praeerat ecclesiae,  
Susceptum insinuavit  
atque fovit tenere.
3. Ille Christi in doctrina  
studuit tantopere,  
Ut a cunctis probaretur  
strenuus in dogmate.

Responsoria.

1. Dum Carnotum moraretur  
ille Dei famulus,  
Verbum ejus praedicando  
fideliter civibus
- V. Plurimos ad Christi fidem  
convertit divinitus.
2. Audiens quorundam necem  
ille sanctus hominum  
Cupiensque horum vitam  
currit ad periculum,
- V. Quos a fraude liberavit  
circumvenientium.
3. Visu carens et auditu  
filius praedivitis,  
Dum praedicti supplex viri  
praesentiam adiit,
- V. Mox utroque morbo dempto  
decorari meruit.

In 3. Nocturno.

Antiphonae.

1. Ergo nocte quadam ille  
jussus est ab aethere,  
Ut Carnotum verba Dei  
iret innotescere.

2. Cum videret claudum quendam  
ipso in itinere,  
Facto crucis signo illum  
levavit de stercore.

3. Non longe post urbis dictae  
moenia ingreditur  
Et benigne verba Dei  
praedicavit civibus.

Responsoria.

1. Quendam captum morte ejus  
et matrem a daemone  
Atque reum ejus mortis  
detrusum in carcere  
Uno sanctus Dei martyr  
liberavit tempore;
- V. Nam extinctum vitae dedit  
et reum a crimine  
Atque matrem interfecti  
servavit a daemone.
2. Virum quendam sanctus Dei,  
Orfacium nomine,  
Graviter cum adspexisset  
correptum a daemone,
- V. Facto signo crucis illum  
liberavit strenue.
3. O invicte testis Christi,  
Emane sanctissime,  
Regem regum interpella  
pro nobis assidue
- V. Ut, quo vivis, et nos tecum  
valeamus vivere.

In Laudibus.

Ad Benedictus.

- A. Ave, martyr gloriose,  
Emane sanctissime,  
Ave consors angelorum  
atque decus martyrum,  
Ut pro nobis depreceris  
Dominum assidue,  
Te precamur venerantes,  
venerando supplices.



Brev. ms. Carnotense saec. 14. Cod. Carnoten. 588. A. — Brev. ms. Carnotense saec. 14/15. Cod. Cenomannen. 184. B. — Brev. ms. Carnotense saec. 15. Cod. Carnoten. 571. C. — Brev. ms. Carnotense saec. 15. Cod. Parisien. 1053. D. — Brev. ms. Carnotense saec. 15. Cod. Parisien. 13240. E. — Brev. ms. Carnotense saec. 15. Cod. Vatican. 4756. F.

In 1. Vesp. Ad Magn. **A**, 4 celebris liquit D. — In 1. Noct. **R** 3, 4 celerine D. — In 2. Noct. **A** 1, 1 Cum floretiam subiret D. — **R** 1, 6 divinitus fehlt D. — **R** 3, 5 Ut quem vivis BDE. — In Laudibus **AA** super Ps., In 2. Vesp. ad Magn. **A** prosaisch.

#### 47. De sancta Enimia.

##### In 1. Vesperis.

Super Psalmos.

**A.** Supernorum regis sponsa,  
virgo Christi Enimia,  
Peccatorum mole pressos  
tuis leva precibus,  
Ut digni efficiamur  
sanctorum collegio  
Et in coelis gloriemur  
Cum illis in gaudio.

Ad Magnificat.

**A.** Gloriosa solemnitas  
festivum movet gaudium,  
Tibi laudes exsolvimus,  
Christe, lumen fidelium,  
Qui virginem Enimiam  
plenam summis virtutibus,  
Servasti sine macula  
tuis castis amplexibus.

##### Ad Matutinum.

Invitatorium.

Trinum et unum Dominum  
Laudemus, regem virginum,  
Qui transvexit Enimiam  
Ad pacem et ad gloriam.

##### In 1. Nocturno.

Antiphonae.

1. Sancta proles Enimia,  
regione Germania  
A summis mundi regibus  
carnis traxit initia.

2. Crevit regalis soboles  
sexum vincens et saeculum,  
A mundo pedem retrahens,  
manum, mentem et oculum.  
3. Pudoris elegantia  
seu pulchritudo virginis  
Per totam currit patriam  
et per fines regiminis.  
4. Contemnit regum nuptias  
puella sine macula,  
Unam et mundam hostiam  
se Christo vovens sedula.  
5. Uterque parens sobolem  
urget ad matrimonium,  
Sed virgo Christum asserit  
suum sponsum, non alium.  
6. Non patet ullus virgini  
evasionis aditus,  
Sed virgo rogat Dominum,  
ut adjuvetur coelitus.

Responsoria.

1. Laetus chorus fidelium  
Honestum ducat gaudium  
Et festum tantae virginis  
Sonet in mundi terminis,  
Quae post devictum saeculum  
Mercedis gustat epulum.  
V. Jam enim hiems transiit,  
Jam asper imber abiit,  
Nam Hierusalem filia  
Coeli conscendit atria.  
2. Celebremus virginis  
festum cum amore,  
Nec sit modus gaudii  
hujus sub honore

Atque dignis vocibus  
dignam collaudemus,  
Totam diem laudibus  
ejus occupemus,  
Ut nos salvet, protegat  
virgo gloriosa,  
Cujus ante Dominum  
mors est pretiosa.

V. Conlaudemus virginem  
summae sanctitatis,  
Quae subire voluit  
magis lepram gratis,  
Quam ut mundae perderet  
signa castitatis.

3. Beatum dico populum,  
beata est et patria,  
Cui tanta conceditur  
protectionis gratia,  
Virgo mater eximia,  
Sponsa regis et filia,

V. Quae cultum sprexit regium  
Propter coeleste gaudium,  
Sua nos prece maxima  
In parte servet optima.

4. In petra quondam Moyses  
cum Deo foedus pepigit,  
Nunc petrae solitudinem  
puella mitis eligit,  
Ut per mentis munditiam  
Divinam captet gratiam.

V. Columba nitens advolat  
In sanctae rupis ostium,  
Ubi frequenter immolat  
Contritum sacrificium.

## In 2. Nocturno.

### Antiphonae.

1. Virgo regina denique  
gravi lepra percutitur,  
Sic prorsus a contagio  
nuptiali redimitur.

2. Probatur aurum Domini,  
non laeditur incendio,  
Et piam fidem vegetat,  
non fatigat attritio.

3. Monetur virgo postmodum  
divina tacta gratia,  
Ut Burlefontis citius  
petat arcta confinia.

4. Divinis ibi fontibus  
virgo per ter abluitur,  
Et trinitatis balneum  
optata salus sequitur.

5. Remittit ergo socios  
post sanitatis gaudium,  
Cujus haec vallis jugiter  
persentit beneficium.

6. Jesu, decus Enimiae,  
merces, amor et meritum,  
Ancillae tuae precibus  
nostrum absolve debitum.

### Responsoria.

1. Lucerna non sub modio  
Virtutis lucet radio,  
In montium latibulis  
Fulget virgo miraculis  
Ejusque prece languidi  
Sani fiunt et validi.

V. Curat in Christi nomine  
Obsessos aegritudine,  
Nec frustratur remedio  
Ejus fisus auxilio.

2. In oculis videntium  
Salvavit morte filium,  
Virgo leproso cuidam  
Sanavit carnem languidam,  
Et nos sua prece pia  
Salvificet Enimia.

V. Auro caret et opibus  
Virgo, dives virtutibus,  
Inter deserti nemora  
Sanat mentes et corpora.

3. Virgo est Sion filia  
Et virgo est ecclesia,  
Revera Dei gratia  
Et virgo est Enimia,  
Virgo, quae Deum genuit,  
Quod bonum ipsa meruit.

- V. Haec sunt Dei monilia,  
Castitatis insignia,  
Per hanc exsultant angeli,  
Laetantur et archangeli.
4. Salve, mater Enimia,  
Salve, proles eximia,  
De tenebris exilii  
Te clamant tui filii,  
Ut quibus das terrestria,  
Des precibus coelestia.
- V. Te dominam deposcimus,  
Quam coelo dignam credimus.

In 3. Nocturno.

Ad Cantica.

- A. Te, Deus omnipotens,  
Supplici voto deposcimus,  
Ut interventu virginis Enimiae  
Noxia a nobis cuncta depellas  
Et optabilia bona concedas.

Responsoria.

1. Quam felix es, Enimia,  
Quae nunc in coeli curia  
Inter castrorum agmina  
Corona fulges gemina,  
Rosam portans et lilium,  
Quod duplex signat gaudium.
- V. Virginitas est lilium  
Et animi munditia,  
Rosa carnis supplicium  
Et jugis abstinencia.
2. Famem, rupis exsilia  
Pro coelo fert Enimia,  
Parvo se damnat carcere  
De Dei certa munere,  
Nec se prodit in termino,  
Quia se servat Domino.
- V. Fugit cohors phantasmatum  
Virginitatis sabbatum,  
Ut vincat motus sensuum,  
Iter conscendit arduum.
3. Cum Martha totis sensibus  
Versatur circa plurima  
Et cum Maria Domino  
Adhaeret devotissima,  
Nunc portat pondus pauperum,  
Nunc orat Deum iterum.

- V. Plena summis virtutibus  
Sanctis insistit actibus,  
Amans Deum et proximum,  
Carnem domans et animum.
4. O castitatis  
Merces vera,  
Deus, virginis  
Tuæ precibus  
Nobis coeleste  
Tribue regnum.
- V. O mater Enimia,  
pro nobis ora.

Prosella.

Coelestis Dei  
Sis causa nostrae spei,  
O sponsa regis,  
Suscipe tui laudes gregis.  
Enimia,  
Quae post vestigia  
Jam agni curris in gloria,  
Quae noxia  
Contemnens gaudia  
Ad coeli venisti praemia;  
Roga regem hodie  
Misericordiae,  
Ut nos sua gratia  
Salvet per omnia.  
Custos ecclesiae,  
Largitor veniae,  
Lumen verum de lumine,  
Deprehensos in crimine  
Virginis precibus  
A malis omnibus,  
Christe, nos ablue  
Et coeli tribue  
Agmini.

Ad Laudes.

Antiphonae.

1. Virgo prudens Enimia  
Carnis persolvit debitum,  
Laetetur nunc ecclesia  
Ejus extollens meritum.



2. Jam haec est virgo sapiens  
Ferens lucem et oleum,  
Quae sponsi vocem audiens  
Mortis evasit laqueum.
3. O beata Enimia,  
Nostri mater eximia,  
Tu roga natum virginis  
Pro nobis reis criminis.
4. Amica regis gloriae,  
Sponsa Christi eximia,  
Suos conservet hodie  
De summa poli curia.
5. Resultet vox fidelium  
Et laudet regem gentium,  
Qui sic decorat virgines  
Inter electos ordines.
- R. Jesu decus Enimiae  
Merces amor et meritum
- V. Nostrum absolve debitum.

Ad Benedictus.

- A. Declinat noctis nubilum,  
Lucis adspirat radius,  
Catervam nostram visitat  
Sol Christus, Dei filius,  
Nam gustat suum praemium  
Virginitatis gloria,  
Nam cernit regem gentium,  
Suum sponsum, Enimia.

Luce comptam et oleo  
Quam vere judex comperit,  
Secura stabit ideo  
Tunc, cum secundo fulserit.

In 2. Vesperis.

Ad Magnificat.

- A. O beata, quae jam sponsum  
virginem amplecteris,  
Jam quocunque vadit agnus,  
agnum virgo sequeris,  
Fac orando, ne tradamur  
ignibus tartareis,  
Cum frumentum justus judex  
dividet a paleis.

Alia Antiphona.

O virgo Enimia,  
Laus, decus et gloria  
Es in coeli patria,  
Quia per te hodie  
Gaudet regnum Franciae,  
De quo tuus humilis  
Genitor ac nobilis  
Fuit rex et dominus.  
Per te pusillanimes  
Effecti sunt incolumes,  
Sicque Deus miracula  
Facit per te per saecula.

Cod. Parisien. 913. saec. 14. — In 2. Noct. R 2, 2 murte Hs.

#### 48. De ss. Epiphanio et Isidoro.

In 1. Vesperis.

Super Psalmos.

- A. Gaudent sancti de tegmine  
Candidato in sanguine  
Agni, pro cujus nomine  
Passi fruuntur numine.
- R. Nemo posset retexere  
Praeparata martyribus,  
Juvamen horum petere  
Sufficiat mortalibus,

V. Epiphani, Isidore

Beati,  
Nos solvite a corpore  
Peccati.

Ad Magnificat.

- A. Fulget alma confessio  
Felicis Epiphanii  
Isidorique passio,  
Ac pro palma martyrii  
Regnant in solio  
Perennis gaudii.

Ad Nunc dimittis.

- A. Ditati laureis  
Profuso sanguine,  
Subvenite reis  
Vestro precamine.

Ad Matutinum.

Invitatorium.

Regentem exercitum  
Coeli adoremus  
Et pro palma militum  
Ejus jubilemus.

In 1. Nocturno.

Antiphonae.

1. Beatus Epiphanius  
Digne contempsit saeculum  
Agmen multo nobilius  
Lucrans per mortis titulum
2. Isidorus stabilis  
Fuit in agone,  
Ut fieret habilis  
Coelestis coronae.
3. Spiritualis victimae  
Odor gratissimus  
Certantes legitime  
Probat altissimus.

Responsoria.

1. Absterget Deus lacrimas  
Ab oculis sanctorum,  
Dulcor aeternus animas  
Adimplebit eorum,
- V. Non esurient neque sitient,  
Immo sentient, quo se satient.
2. Pro fide Christi  
sanguinem isti  
suum fuderunt,  
Tramite Christi  
in pace sisti  
promeruerunt,
- V. Felici sorte  
certamen forte  
morte vicerunt.

3. Isti sua tradiderunt  
Corpora cruciatibus,  
Nam firmiter crediderunt  
Christi promissionibus,
- V. Firma spe sunt usi  
Et non sunt confusi.

In 2. Nocturno.

Antiphonae.

1. Christus fidelibus  
Fert, ut sustineant,  
Suis militibus  
Dat, quo praevaleant.
2. Profuerunt aspera  
Christi martyribus  
Plus quam mundi prospera  
Horum tortoribus.
3. O mira certamina  
Lotorum sanguine,  
Intrant coeli limina  
Mortis discrimine.

Responsoria.

1. Dum pro Christo sustinuit  
Epiphanius gravia,  
Haereditatem meruit,  
In qua nulla penuria.
- V. Felix haereditas,  
In qua fertilitas,  
Pax et aeternitas.
2. Radix passa pro stipite  
Quia morti praevaluit,  
Mortem vicit in milite,  
Quem pro se mori voluit;
- V. Isidoro Christus, radix Jesse,  
In perenni vita dedit esse.
3. O manna delectabile,  
A quo lac sugitur,  
Quo pulvis corruptibilis  
Morte non vincitur  
Sed libens moritur;
- V. Christi sunt haec ubera,  
Ejus sunt haec munera.

In 3. Nocturno.  
Antiphonae.

1. Auri probatio  
Illud gratificat,  
Martyrum passio  
Eos glorificat.
2. Surgit Christi vinea  
Decursu fluminis  
Et martyrum laurea  
Cursu certaminis.
3. Virtutum studio  
Coeli sunt incolae,  
Horum martyrio  
Dantur aureolae.

Responsoria.

1. Thronos lucis in gyro luminis  
Dedit aeternae quietudinis  
Martyribus suis  
Filius hominis  
Pretio sanguinis;
- V. Cessat ludibrium,  
Manet fastigium.
2. Mors optanda, statim praeteris,  
Tu martyres tollens ab inferis  
Glorificas eos in superis.
- V. Transit labor in otium,  
Luctus et mors in gaudium.
3. Epiphanii precibus,  
Isidori suffragiis  
Liberatos ab hostibus,  
Expurgatos a vitiis  
Nos Christus in coelestibus  
Collocet domiciliis;
- V. Prava gravat nos actio,  
Horum juvet oratio.

In Laudibus.

Antiphonae.

1. Epiphani, Isidore,  
Obsecramus erui

A tenebroso tempore  
Ac aeterno perfrui.

2. Jubilate Domino,  
Pro quo sunt martyria,  
Qui dat sine termino  
Martyribus gaudia.
3. Christo cor nostrum vigilet,  
In prosperis ne tumeat,  
Martyribus se similet,  
In adversis ne timeat.
4. Christi magnificentiam  
Benedicant omnia,  
Qui convertit in gloriam  
Isidori supplicia.
5. Laudate Deum de caelis  
Propter Epiphanium,  
Qui retributor fidelis  
Luctum vertit in gaudium.

Ad Benedictus.

- A. Felicia martyrum corpora  
Isidori et Epiphanii,  
A quibus transierunt tempora  
Cruciatu et exterminii,  
Recipient a Christo foenera  
Vitae, quae perennis est gau-  
dii.

In 2. Vesperis.

Ad Magnificat.

- A. O martyrum quanta felicitas,  
A quorum corporibus claritas  
Aufert tenebras, subtilitas  
Fomitem, obicem agilitas,  
Omnem poenam impassibilitas;  
Hanc nobis donet Christi caritas.

Brev. ms. Bisuntinum saec. 15. Cod. Bisuntin. 68. A. — Brev. ms. Bisuntinum saec. 15. Cod. Bisuntin. 69. B. — Brev. ms. Bisuntinum saec. 15. Cod. Vatican. Ottobon. 672. C. — Brev. Bisuntinum imp. s. l. et a. D. — Ad Magn. A, 5 in coeli solio A. — In 1. Noct. R. 3, 4 Christi passionibus A. — In 2. Noct. A 2, 1 Posuerunt A. — Die Hymnen siehe Analecta XII, p. 114.



49. De sancta Eusebia.

In 1. Vesperis.

Ad Magnificat.

- A. Magnificantes Dominum  
In saecula benedictum  
Laetemur festo celebri  
Eusebiae virginis,  
Cujus obtentu petimus  
Solvi peccatis omnibus.

Ad Matutinum.

Invitatorium.

Gaudens surge, Sion,  
Sponso depronere melos  
Eusebiae, regis  
sponsae, sub honore perennis.

In 1. Nocturno.

Antiphonae.

1. Francorum regis incliti  
Sub tempore Dagoberti  
Orta est Eusebia  
Ex illustri prosapia.
2. E coelo lapso spiritu  
Adspirata interius  
Doctrinali puellula  
Imbuitur solertia.
3. Laudabilis juvencula  
In primaeva aetatula  
Divinitus enituit  
Operibus clarissimis.
4. Juxta sui vocabula  
Nominis Eusebia  
Cultrix Dei erat bona  
Et pietate strenua.
5. Christi succensa amoris  
Alma virgo igniculis  
Digna et honorabilis  
Pollebat elemosynis.
6. Vivam seipsam candido  
Hostiam obtulit agno,  
Virginis matris filio,  
Haec vigilans cum oleo.

Responsoria.

1. Ecce solaris orbita  
Confert nobis solemnna  
Eusebiae virginis,  
Sponsae superni judicis;  
V. Melodias decantemus  
Tripudiis solemnibus.
2. Bonae puella indolis  
Refulgens prosapiis  
Commendata est a matre  
Gertrudi proaviae.  
V. Vocitato Hamatico  
Edocenda loculo.
3. In legis Dei doctrinis  
Educata duodennis  
Post excessum proaviae  
Succedit locum regere,  
V. Caritatis ardens flamma,  
Vigiliis assidua.
4. Ad matris habitacula  
Virgo Eusebia  
Regreditur per transmissum  
A Nantilde mandatum  
V. Sumptis secum plurimorum  
Reliquiis sanctorum.

In 2. Nocturno.

Antiphonae.

1. In loculo regiminis  
Duodennis Hamatici  
Post excessum Geretrudis  
Eligitur a caeteris.
2. Rietrudis sacris genitrix  
Hortatur natam monitis,  
Secum spiritualibus  
Deservire militiis.
3. Geretrudis cum corpore  
Prudens virgo proaviae  
Ad matris habitaculum  
Regreditur haud cupitum.
4. Obsequiis mancipando  
Se genetricis Domino  
Ministravit fideliter,  
Quem dilexit feliciter.

5. Ense cujusdam militis  
Latus tenellae virginis  
Per verbera a capulo  
Laeditur absque merito.

6. Virgo studet excolere  
Persapiens assidue  
Omnes in suo corpore  
Virtutes et occulere.

Responsoria.

1. Officiis celebratis  
Et horarum vigiliis  
Se ipsam mactat superis  
Eusebia cum lacrimis,
- V. Dum quietem in corpore  
Putaretur percipere.
2. Rictrudis, Christi famula,  
Metuens pro filia,  
Hortatur eam propriis  
Interesse cellulis
- V. Mulcendo sermone blando  
Et terrendo aspero.
3. Accepto sic intentio  
Cum nec cessaret modulo,  
Beatae corpus virginis  
Subditur fratris baculis,
- V. Verberibus dirissimis  
Dum se flectit in brachiis.
4. Operibus justitiae  
Haec dedicata coelice  
Ambulabat de virtute  
In virtutem splendide,
- V. Ut mereretur coeleste  
Bravium accipere.

In 3. Nocturno.

Ad Cantica.

- A. Super sponsam monilibus  
Adornatam gaudet sponsus  
Diademate decorus  
Prae universis gentibus.

Responsoria.

1. Ex aromatibus myrrha  
Et thuris pretiosissimi  
Effloruit Eusebia  
Genere nobilis

Quae nobilior ejus disciplinis  
Agnum sequitur  
Cum laude virginitatis.

- V. Praecincta virtutum decore  
Accensa lampade  
Et coronata fide.
2. Abi post gregum Christi vestigia,  
Eusebia, virgo clarissima,  
Flos campi et lilium convallium,  
Introduxit te in secreta coelorum.
- V. Veri solis filia formosa,  
Illius columba,  
Surge et pro nobis orans propera.
3. Veni de Libano,  
Veni coronaberis,  
Virgo Eusebia,  
Ascensum habes purpureum,  
Reclinatorium aureum,
- V. Media caritate constrata  
Inter filias Sion collocata.
4. Oleum gerens in vasis  
Lampadibus acceptis  
Ad nuptias sponsi sponsa  
Intrat Eusebia,
- V. Perenniter Deo nova  
Condecantans cantica.

In Laudibus.

Antiphonae.

1. Benedictae ac decorae  
Eusebiae odore  
Perfunditur mire domus,  
In qua decumbebat corpus.
2. Jubilando introivit  
In conspectu Domini,  
Quem amavit corde claro  
Eusebia virgo.
3. Sitivit virtute plena  
In Deo ejus anima,  
Et ideo laetitia  
Perfruitur gloriosa.
4. Egregia virgo regis  
Per opera superi  
Benedicebat Domino  
Per saecula benedicto.

5. In excelsis laudabilis,  
Quem laudant cives coelici  
Carminis Eusebia  
Illic psallit prosa pia.

Ad Benedictus.

A. Castitatis  
praeulgens speculum,  
Lumbos cingens  
nec solvens cingulum,

Sanctitatis induta titulum,  
Juva tibi psallentem populum.

In 2. Vesperis.

Ad Magnificat.

A. Flos late fragrans, Eusebia,  
O flos ferens pudoris lilia,  
Summi patris flos, fructus, filia,  
Nos tuere, nos prece praeuia  
Rege, fove, Christo concilia.

Brev. ms. Marchianense saec. 12. Cod. Duacen. 134. A. — Brev. ms. Marchianense saec. 13. Cod. Duacen. 138. B. — Antiph. ms. Marchianense saec. 15. Cod. Duacen. 117. C. — Antiph. ms. Marchianense saec. 16. Cod. Duacen. 118. D.

In 3. Noct. **R** 1, 8 Accincta C. — A bietet die Hymnenanfänge, welche de communi sind. — Da Hucbald für die Abtei von Marchiennes mit Abfassung des Rictrudis-Officiums betraut ward, ist man geneigt, in ihm auch den Verfasser des Eusebius- und Maurontus-Officiums zu vermuten. Jedenfalls sind die **AA** ad Bened. und Ad Magnif. in 2. Vesp. jüngeren Datums; ferner ist auffallend, daß der Name Eusebia bald fünfsilbig, bald viersilbig gebraucht ist.

## 50. De sancto Eutropio.

In 1. Vesperis.

Ad Magnificat.

A. Eutropii festiva  
celebremus martyris  
Pastorisque primo missi  
A Roma Xantonis,  
Ut pro eo condonemur  
infinitis gaudiis.

Ad Matutinum.

Invitatorium.

Offeramus Christo summa  
laudum sacrificia,  
Quo fruens sacerdos ejus  
regnat Eutropius.

In 1. Nocturno.

Antiphonae.

1. Vera narrans gesta laudis  
de membris dominicis  
Gloriosum caput Christum  
praedicat in subditis.

2. Ad haec verbis commonemur  
non frustra Davidicis,  
Cum sit horum Jesus noster  
retributor facilis.

3. Colentes ergo triumphum  
magni Eutropii  
Recitemus vitam ejus  
mercedis non dubii.

Responsoria.

1. Ad se Christus praedicandum  
primos legit nuntios,  
Legerunt primi secundos  
ac secundi tertios,  
V. De quibus fuisse sanctus  
fertur Eutropius.

2. Quem successor Petri Clemens  
sacrauit pontificem  
Ac Xantonas veritatis  
fidum misit indicem,  
V. Monuit hunc fore Christi  
testem invincibilem.

3. Dum ad urbem destinatam  
miles sanctus properat,



Invento Simonis ense  
hostes Christi enecat,

V. Vertit Deus auditores  
et per ipsum intonat.

In 2. Nocturno.

Antiphonae.

1. Animas lucratus multas  
sanctus venit Xantonas,  
Errores verus propurgat,  
lux tenebras effugat.
2. Serere nunquam cessabat  
semen evangelicum,  
Unde gaudens Deo fructum  
obtulit vivificum.
3. Nam omnis fere conversa  
regio Xantonica  
Christo laudes referebat  
per fidem et opera.

Responsoria.

1. Quod sobrius fuit, castus,  
mitis et humilimus,  
Testatur elector ejus  
Clemens beatissimus;
- V. Quadriga virtutum vectus  
Satan stravit ocus.
2. Signa multa vivens fecit,  
non est dubitabile.  
Probant haec quae egit mira  
subsequenti tempore,
- V. Publicavit miraculis  
se non falsa prodere.
3. Praeobtusa quidam mente  
lacrimabant idolo,  
Cum luceret valde vita  
signis et eloquio.
- V. Is securi caput caesus  
migravit a saeculo.

In 3. Nocturno.

Antiphonae.

1. Post excessum cujus instat  
tanta persecutio,  
Ut pauci deferrent illi,  
vix qui ejus tumulo.

2. Ipsum unde confessorem  
recolentes posteri  
Decoratum nesciebant  
corona martyrii.

3. Quod ostensum est constructa  
condigne basilica  
Translatoque illuc ipso  
praesule Palladio.

Responsoria.

1. Cum spectarent corpus sancti  
duo ex abbatibus.  
Visa est cicatrix plagae  
securis in capite;
- V. Quibus nocte subsecuta  
sic per visum loquitur;  
Ictu, quem vidistis, sanctum  
complevi martyrium.
2. O martyr praevenere,  
Eutropi, Xantonae,  
Quam celer es miraculis,  
quam benignus miseris,
- V. Sentiat te rogans quisquis,  
pontifex mirabilis.
3. A Clemente papa date  
patriae Xantonicae,  
Eutropi, praesul sancte,  
nos peccatis eripe,
- V. Pro corona tui cursus  
laudes Christo promimus.

Prosella.

Erepti aquae, igneae  
poenae, umbrosae  
Valde et putridae  
ac immensae,  
Tua prece, petimus,  
Dei vitae haeredes  
Simus verae aeternaeque,  
Sic pie a tormentis nos  
Eripe.

Ad Laudes.

Antiphonae.

1. Evangelizatum missus  
praesul Eutropius  
Non tacebat Christi laudes  
diebus ac noctibus.

2. Ostendebat cara Deo  
laudum sacrificia,  
Orthodoxa fide facta  
caritatis opera.

3. Hujus vita Deo laudes,  
idolis opprobria  
Diffamabat circumcirca  
mira Dei gratia.

4. Laudemus Christum in sancto  
cuncti Eutropio,  
Qui pro vita tulit nostra  
corporis dispendia.

5. Auctorem totius laudis  
praedicamus Dominum,  
Qui certare dat electis  
et vincendi praemium.

Ad Benedictus.

A. O quam praestas, gloriose  
Eutropi pontifex,  
Duobus modis vincendi,  
duobus martyrii;  
Eo, nam semper audiris,  
posce danda indigis.

In 2. Vesperis.

Ad Magnificat.

A. O totius bonitatis  
nesciens fons nimii,  
Qui, quod petunt, saepe praebes  
alienis fidei,  
Vitam nobis sanctam sanctus  
oret Eutropius.

Brev. ms. Xanctonense saec. 14. Cod. Parisien. 16309. A. — Brev. ms. Xanctonense saec. 15. Cod. Parisien. 1308. B. — Brev. ms. Xanctonense saec. 15. Cod. Parisien. 1307. C. — Brev. ms. S. Trinitatis Vindocinen. saec. 13. ex. Cod. Vindocinen. 17 E. D. — Brev. ms. Trecense saec. 13. Cod. Trecen. 1147 add. saec. 15. E. — Brev. ms. Trecense saec. 15. Cod. Trecen. 1847. F. — Brev. ms. Lemovicense saec. 15. Cod. Mazarin. 350 (774). G. — Brev. ms. Xanctonense? saec. 15. Cod. Parisien. 13233. H.

In 1. Vesp. super Psalmos hat H folgende A:

(O) Eutropi egregie, O pontifex praecipue,  
O fulgens gemma martyrum, O et sidus eximium,  
In omnibus amabilis Et in cunctis laudabilis,  
Sis nobis clemens ubique, Quibus es praesens Xanctonae.

In 2. Noct. R 1 prosaisch H. — R 2 = R 1 H. — R 3 = R 2 H. — In 3. Noct. R 1 = R 3 der zweiten Nocturn H.

R 2: Intercessor egenorum, Pie potens ad Dominum,  
Eutropi, profutura Quaeque nobis impetra,  
V. Id te posse mundo multis Clarum fit miraculis.

R 3 prosaisch H. — In 2. Vesp. ad Magn. hat H neben der obigen noch folgende Antiphon:

Praefulgens roseis, Eutropi sancte, trophaeis,  
Lux Aquitanorum, rosa propria Xanctonicorum,  
Tu surdis auris, lux caecis, semita claudis,  
Naufragio mersos, vinclis solvens religatos,  
Solve jubente Deo nexus a pectore nostro,  
Namque, quod in terris solvis, solvetur in astris.

Die Erweiterungen des monastischen D haben angesichts der übereinstimmenden Sainter Texte kein Interesse. Zu bemerken ist, daß der Name Eutropius stets fünfsilbig gemessen wird.

## 51. De sancto Finiano.

In 1. Vesperis.

Super Psalmos.

A. Salve, lux Midiae,  
pateretspeculum monachorum,

Cultor justitiae,  
jubar et flos philosophorum,  
Tu defende pie  
nos a fornace dolorum.

Ad Magnificat.

- A. O pater alme, tuum,  
nomen sit sanctificatum,  
Vincens daemonium  
nostrum tu vince reatum  
Ac duc hunc populum  
super aethera magnificatum.

Ad Matutinum.

Invitatorium.

- Exsultemus Finniano  
Jubilemus diluculo,  
Cujus dogma fuit favus  
Praedulcis in populo.

In 1. Nocturno.

Antiphonae.

1. Verbum, mortis pharmacum,  
servit Deo gratus,  
Dum doctoris cathedram  
ascendit beatus.
2. Prece sancti Saxones  
montes obtexerunt,  
Ea re in Britones  
quare fremuerunt?
3. Qui de tuo nomine  
me vellunt ingrati,  
Ut quid, inquit, Domine  
sunt multiplicati?

Responsoria.

1. Dum fervet ad aetherea  
Loca petens siderea  
Summi regis honore,  
In agonis hac area  
Carnem terit terrea  
Castitatis amore.
- V. Sic se cinxit interea  
Zona praedira ferrea  
Scaturiens foetore.
2. Trino fulsit miraculo  
Sanctorum tabernaculo  
Hospitio susceptus,  
Vivum funus oraculo,  
Vinum lympham in vasculo  
De coelo est adeptus.

- V. Vacca gaudet de vitulo  
Redivivo diluculo,  
Quo vir fuit refectus.
3. Regressus in Clonardiam  
Ad cathedram lecturae  
Appronit diligentiam  
Ad studium scripturae,  
Adquirat sapientiam  
Non tamen vi naturae;
- V. Deus in dando gratiam  
Fudit intelligentiam  
Et visionis purae.

In 2. Nocturno.

Antiphonae.

1. In doctrinae poculis  
Vix inveni parem,  
Omnium in oculis  
Te cum invocarem.
2. Ut brutis nasturtia  
Placent vel haec herba,  
Cunctis erant dulcia  
Finniani verba.
3. Qui dedisti in honore  
Te pro homine,  
Providisti de doctore  
Nobis, Domine.

Responsoria.

1. De Roma dum regreditur,  
In terra Britorali  
Inter senes lis oritur  
De cura pastorali,  
Sanctus judex eligitur  
Consensu ex aequali;
- V. Linguam ignotam loquitur,  
David praesul efficitur  
Concordia vocali.
2. Dum pater hunc persequitur  
Comes Lageniensis,  
Haeres saeviens sequitur  
Militibus appensis,  
Collisus natus moritur  
Jam sociis eversis;



- V. Vati comes obsequitur,  
Parenti proles redditur  
Militibus conversis.
3. Infelix turba Saxonum  
Furibunda insania  
In Britones surrexit  
Desolans pacem pectorum,  
Sancti velut inania  
Eloquia despexit.
- V. Orante victore daemonum,  
Quos horruit Britannia,  
Sub montibus contextit.

In 3. Nocturno.

Antiphonae.

1. Omne rerum labile  
quisquis superabit,  
Iste tabernaculum  
pure habitabit.
2. Exile per pabulum  
Vincens se virtute  
Mundum vicit ac zabulum  
Domini virtute.
3. A pestis letiferae  
Liberemur guerra,  
Nobis super sidera,  
Domine, sit terra.

Responsoria.

1. Ex ubertatis hortulo  
Gnarus antistes satiat  
Christi plebem catholicam,  
Ut spiritu proficiat  
Scalam pandit ad gloriam  
Ut suos salvos faciat.
- V. Cunctis datus in speculum  
Multis poenis se cruciat  
Sed adspexit in populo  
Ut ad se nos alliciat.
2. Degens in monasterio  
Vir prioris imperio  
Irrisus subjugavit  
Boves furentes devio,  
Completo ministerio  
Deo dante donavit,

- V. Prior cum improprio  
Sublato monasterio  
De terris evolavit.
3. Hiob ut alter patitur,  
Abel ut fidus graditur,  
Ut Henoch exorabat,  
Ut arca Noe regitur,  
Ut Salomon sic loquitur,  
Ut Paulus praedicabat
- V. Ut Tobias compatitur,  
Ut Helias sic rapitur,  
Ut Moyses minabat.

In Laudibus.

Antiphonae.

1. Finianus haereticos  
Per sermones propheticos  
Constanter informavit,  
Hic simul sacrificio  
Coelorum et hospitio  
Quod Dominus regnavit.
2. Senes cum junioribus,  
Sacris ditati moribus,  
Deum Abrahae laudate,  
Oris apertis faucibus  
In Finiani laudibus  
Excelso jubilate.
3. Opes sparsit pauperibus  
Jesum sequens pro viribus  
Ut alter Zebedaeus,  
Sic ex gratis operibus  
Erexit in sideribus  
Ejus cornu Deus.
4. In hac vita carceris  
Dans exemplum posteris  
Antistes, dum vixit,  
Lingua mane, vespere,  
In adversis, prosperis  
Deum benedixit.
5. Doctus indoctos docuit  
Fidem, mores, ut potuit,  
Constanter praedicare,  
Jesum, quem corde coluit,  
Voce ferventi monuit  
Per orbem collaudare.

Ad Benedictus.

A. O doctor Hiberniae,  
Victor infidelium.  
Thesaurus Clonardiae  
Nec non privilegium  
Cathedrae Midensis  
Dono tuae gratiae  
Fer nobis auxilium  
Ut de donis gloriae  
. . . . .  
Ditemur immensis.

In 2. Vesperis.

Ad Magnificat.

A. Ave lux Clonardiae,  
Pater Finiane,  
Viator Turoniae,  
Ferens iter grave,  
Lima nos vecordia  
Vi virtutis a vae  
Cor daque concordiae  
Gaudium suave.

Brev. ms. Hibernicum saec. 15. Cod. Oxonien. Miscell. Liturg. 215. A. — Colgan, Acta SS. Hiberniae p. 400 sqq. B.

In 1. Vesp. Super Ps. A. fehlt B; dies setzt hier die fünf Antiphonen der Laudes ein; Ave dux Midiae A, was verbessert ist nach Analogie der Antiph. ad Magnif. in 2. Vesp., wo A ebenfalls dux statt lux liest. — Invit. 3 favo A. — In 1. Noct. A 3, 1 Quae de tuo A. — A 3, 2 Me volunt A. — R 1. 4 In agones hac A. In agonis area B. — R 1. 5 Carnem texerat terra B. — R 1. 8 praedita AB. — R 2, sq. Vinum e lympa in vasculo, das andere fehlt B. — R 2, 6 De coelis B. — R 2, 9 fuit privatus B. — In 2. Noct. A 2, 1 narstutia A. — R 2, 1 patrem A. — R 2, 3 Haeres se crucem sequitur A. — R 2, 7 Bī comes A. — R 3, 3 Desolvens A: pacem peccatorum AB; lies Pictonum, was der Reim fordern würde? — R 3, 7 Orante victoriae A. — In 3. Noct. A 3, 4 Deo sit A. — R 1, 2 antistes sociat A, satiare B. — R 2 fehlt B. — R 3, 1 Job ut alter AB. — In Laud. A 1, 4 in sacrificio AB. — A 2, 1 cum minoribus B. — A 2, 5 Non ignavis laudibus B. — A 3, 4 Sic fehlt B. — A 3, 6 Ejus cornu Dominus B. — A 4, 4 Meridie, mane, vesperi B. — A 4, 5 adversis et prosperis B. — A 5, 2 Fidem et mores B. — Ad Bened. A. 2 Lictor infidelium B; 8 donis gratiae B; 9 fehlt AB. — In 2. Vesp. ad Magn. A. 1 dux Clonardiae A; 5 sqq. Juva nos vecordes in virtutis ave, das übrige fehlt B.

52. De sancto Firmino.

In 1. Vesperis.

R. Pro nobis miseris,  
pie pastor, ne pigriteris  
Exorare bonum,  
qui fecit cuncta, patronum,  
V. Ut nos hinc ad se  
trahat, o Firmine beate.

Ad Matutinum.

Invitorium.

Regem Firmini,  
qui nescit cedere fini,  
Semper adoremus,  
laeti sibi jubilemus.

Ad Magnificat.

A. Concinat ordo chori  
patris omnipotentis honori,  
Qui te firmavit,  
Firmine, sibi ditavit,  
Ecclesiae postis  
firmissime victor et hostis.

In 1. Nocturno.

Antiphonae.

1. Moribus et vita  
serieque reluxit avita,  
Sed meritis morum  
titulos transcendit avorum.

2. Ortus Narbonae,  
zabuli pressa ditione  
Deseruit gentem  
gentilia sacra colentem.
3. Et petit Uzeciam  
veram quaerendo sophiam,  
Servos, ancillas  
postponens praedia, villas.

Responsoria.

1. Fratres, laetemur  
sacramque diem veneremur,  
Qua coepit vere  
vitam Firminus habere,
- V. Sit lux haec celebris,  
sit pulsus clara tenebris.
2. Digne Dei fili,  
bone, provide pastor ovili.  
Rite gregem tractans  
pietatis et ubere lactans;
- V. Res probat ipsa datum  
digne tibi pontificatum.
3. Vir casti cordis  
totius et inscie sordis,  
Mirari posset,  
tua qui jejunia nosset,
- V. Pervigil in psalmis  
insistens cantibus almis.

In 2. Nocturno.

Antiphonae.

1. Praesule defuncto  
Firminus ab ordine cuncto  
Poscitur, legitur,  
rapitur, dignus reperitur.
2. In medio gyro  
murorum schemate miro  
Ecclesiam struxit,  
laus cujus ubique reluxit.
3. Altera vero foris,  
non parvi structura decoris,  
Verax est testis  
patris actibus hujus honestis.

Responsoria.

1. Hic vir cum turbis  
dum portas introit urbis,  
Oscula leproso  
dat terribili scabioso
- V. Restituitque cutem  
simul amissamque salutem.
2. Cumque thorum premeret  
noctu languensque jaceret,  
Angelus accedens  
has voces adstitit edens:
- V. Quo deliquisti,  
delevit gratia Christi.
3. Subdidit absque mora,  
quam sit prope funeris hora,  
Cras, ait, in caelis  
concivis eris Michaelis,
- V. Ac florens palma,  
quam concio percipit alma.

In 3. Nocturno.

Antiphonae.

1. Impliciti morbis  
in partibus illius orbis  
Patris virtutem  
sensere merendo salutem.
2. Quadam vero die  
surgit sanctaeque Mariae  
Valvas intravit  
missamque illic celebravit.
3. Dum vero vadit,  
sicut sacra lectio tradit,  
Dulce melos audit,  
quod coelica concio plaudit.

Responsoria.

1. Hunc decet extolli  
vocis moderamine molli,  
Cui Deus hymnorum  
dedit auditum superiorum,
- V. Hunc admiremur  
cantuque sacro veneremur.
2. Cumque boves funus  
traherent, bos occidit unus,  
In bovis occursum  
properans quem sorbuit ursus,



- V. Ejusdemque pari  
didicit fera blanda jugari.
3. Non hunc pauca virum  
reddunt miracula mirum,  
Vita, lege necis  
reparantem lumina caecis.
- V. Erectis claudis  
resonant praeconia laudis.

Ad Laudes.

Antiphonae.

1. Laudibus est dignus  
pastor bonus atque benignus,  
Quem Deus insignit,  
quem sanctus spiritus ignit.
2. Donis florens  
virtutis adhuc adolescens  
In Christo crevit  
semper mundanaque spreuit.
3. De Domino meditans  
et in omni tempore vitans  
Criminibus subigi  
mundo voluit crucifigi.

Brev. Vapincense imp. Vapinci 1499. — In 1. Noct. A 1, 2 serveque  
reluxit ad vita. — A 1, 4 titulos transcendit amoris. — R 1, 3 vere fehlt. —  
In 2. Noct. R 3, 4 conscius eris. — In 3. Noct. A 2, 4 illic ergänzt. —  
R 1, 4 audituri superiorum. — R 3, 3 lege nescis. — Ad Ben. 1 Nauti:  
4 jubet aequor ut: 5 Firminus et vinctus.

53. De sancto Firmino.

In 1. Vesperis.

Super Psalmos.

- A. Coelorum Dominum  
glorificemus  
Firmini celebris  
festa colentes,  
Cujus concelebrat  
voce perenni  
Festum tripudians  
ordo supernus.

Ad Matutinum.

Invitorium.

Adoremus Dominum,  
Confessorum praemium,

4. In Domino crevit  
Dominique in monte quievit,  
Ad laudem cujus  
vox cleri personet hujus.
5. Laus igitur Domino  
resonet clarissimo trino,  
Hic pro quo mundus  
superatur sic furibundus.

Ad Benedictus.

- A. Nautae turba minis  
ad mortem ducta marinis,  
Illico tranquillum  
habet aequor ut invocat illum,  
Firminus dictus,  
Firminus sit benedictus.

In 2. Vesperis.

Ad Magnificat.

- A. Christum laudemus  
laudandoque magnificemus,  
Qui sancto palmam  
Firmino contulit almam  
Et confessorum  
numerum fructumque bono-  
rum.

In 1. Nocturno.

Antiphonae.

1. Stemmata praeclarus,  
vir nomine Faustinianus,  
Doctrinae speculum,  
fidei jubar Ambianensis,  
Ecclesiae genuit,  
quem Firminum vocitavit.
2. Cujus principio  
vita beata

Maturis teneros  
sensibus annos  
Oppressit veterum  
facta sequendo.

3. Ne fervor juvenilis eum  
vacuum superaret,  
Otia diffugiit  
mentem perimentia, sacris  
Saepius insistens  
precibus librisque legendis.

Responsoria.

1. His studiis puer iste  
refertus amore superno,  
Delicias spernens  
mundanae luxuriei,  
Optabat patriae  
coelestis adire senatum,  
V. Moribus egregiis  
praeponens alma caducis.  
2. Aetatis lubricae  
quae poscunt tempora, vitans  
Et magnis modicos  
ornans virtutibus artus,  
In robur meruit  
mundus transire virile,  
V. Quod nullus potuit,  
nisi sacro flamine fultus.  
3. Carnis ab illecebris  
Emerso flore juventae  
Jam vir exstans hic beatus  
Bella parat vitiis  
Fidei circumsit armis,  
Ut corona perfruatur  
V. Multiplices vigil exsuperat  
cuneos vitiorum.

In 2. Nocturno.

Antiphonae.

1. Vestitum nudis,  
dans esurientibus escam  
Munere largifluo,  
parcesibi quaeque ministrans,  
Supposuit pedibus  
crimen avaritiae.

2. Actibus et verbis  
conservans corpus honestis,  
Arcem conscendens  
optandae virginitatis,  
Tutus despexit  
spicula luxuriae.

3. Congaudens laetis  
et moestis compatiendo,  
Exoptans aliis,  
quaecunque sibi cupiebat,  
Vires pestiferae  
subruit invidiae.

Responsoria.

1. Cumque jam salutis auctor,  
electorum gaudium,  
Talis vitae declarandum  
comprobaret meritum,  
Mira coepit operari  
per hunc suum famulum,  
V. Ne lateret indigentes  
luce lumen splendidum.  
2. Hac Johannes, Lugdunensis  
pontifex egregius,  
Fama viri gaudens factus  
claris pro magnalibus,  
Grates rerum patri solvens  
intimis ex sensibus,  
Convocatis Gallicanis  
in unum praesulibus,  
Ambianicis Firminum  
consecravit plebibus.  
V. Ut benignis verbum Dei  
ipsius sermonibus  
Pullularet profanorum  
occultatum vepribus.  
3. Gloriosus hic antistes  
Ambianis remeans  
Tam benigne quam prudenter  
plebem sibi traditam  
Invitavit ad coelestem  
introducens patriam,  
V. Verbis atque factis docens  
eos vitae semitam.

In 3. Nocturno.

Antiphonae.

1. Haec inter Romam  
pergendi magna voluntas  
Accidit illi,  
Ut loca, quae cineres  
Petri Paulique tegebant,  
Viseret orans.
2. Excepit gaudens  
fama volitante patronum  
Advenientem  
Papa Vigilius hunc,  
vigilis quem nomine dignum  
Vita docebat.
3. Expleto voto  
triduoque moratus ibidem  
Cum patre summo,  
Ne comissa sibi  
plebs desolata magistro  
Vim pateretur  
Hostis perdocti,  
reditum, tueatur ut ipsam,  
Poscit ab illo.

Responsoria.

1. Summus ad haec praesul  
Firmino dicta beato  
Sacra paravit:  
Ad patriam regredi  
concedimus atque jubemus,  
Sancte sacerdos,  
Jus et apostolicum  
Romani laude senatus,  
Ecclesiaeque  
Gentibus occiduis  
nostra vice praeficientes  
Praesulibusque,
- V. Agricolam, messis  
Domini quoque multiplicetur,  
Eligimus te.
2. Apostolicis praeceptis  
Exhortatus vir insignis  
Urbem redit Ambianis,  
Ubi plenus sanctitatis  
Post haec vixit multis annis;  
Sicque clarus claris signis

Carnis viribus abjectis  
Coeli jungitur catervis.

- V. Reddidit caecatis visum,  
Claudis gressum,  
Liberavit, quos vexabat  
Vis iniqua daemonum.
3. Adest dies gloriosa  
Annuatim recolenda,  
Qua confessor venerandus  
Carnem reliquit Firminus,  
Ut post carnis vitae lapsum  
Deo vivat in aeternum.
- V. *In lege Domini fuit voluntas  
ejus die ac nocte.*

In Laudibus.

Antiphonae.

1. Sanctus Firminus  
coelestibus adsociatus  
Signis mirificis,  
quantus erat, docuit.
2. Ad cujus sanctum  
languentia membra sepul-  
chrum  
Vires antiquas  
coelitus recipiunt.
3. Creditur aetherea  
pastor Firminus in aula  
Subveniens miseris  
talibus indiciis.
4. Sit, benedictе Deus,  
tibi gloria, quem benedicit,  
Quisquis sanctorum  
festa pie recolit.
5. Laudemus Dominum  
moderantem sceptrapolorum,  
Per quem Firminus  
confessor glorificatur.

In 2. Vesperis.

Ad Magnificat.

- A. Ave, pastor gloriose,  
Ave, confessor inclite,  
Firmine vir sanctissime.



Ave, regi regum tuae  
 Preces, pater, sunt acceptae,  
 Qui te sanctum sanctissima  
 Sua probavit dextera,  
 Cum missarum solemnia  
 Celebrares supplens cuncta  
 Tua manu consecranda.  
 Tuis quapropter precibus  
 Emunda, quae commisimus.

Brev. ms. Ambianense saec. 13/14. Cod. Ambianen. 112. A. — Brev. ms. Ambianense saec. 15. Cod. Ambianen. 113. B. — Brev. Ambianense imp. Parisiis 1520. C.

In 1. Vesp. ad Magn. **A** prosaisch. — In 3. Noct. **A** 1, 1 Haec iter C. — **R** 2, 9 risum A. — In Laud. **A** 4, 2 benedixit C. — Ad Bened. **A** prosaisch. — Das Officium zeichnet sich aus durch eine bunte Mischung verschiedener Versarten innerhalb derselben Strophe. — Es giebt zwei Heilige des Namens Firmin, beide Bischöfe von Amiens, die beide am 25. September verehrt werden, von denen der eine (vgl. das folgende Officium) Märtyrer, der andere Bekehrer ist.

#### 54. In Inventione s. Firmini.

In 1. Nocturno.

Antiphonae.

1. Martyris insignis  
 Firmini inventio, signis  
 Multis famosa  
 multumque Deo pretiosa,  
 Omnibus obsequiis  
 est recolenda piis.
2. Sed ditata bono  
 Domino miserante patrono  
 Munere pro tali  
 merito plausu speciali  
 Urbs Ambianis  
 exhilarata canis.
3. Unde tibi, Christe,  
 laudes referens chorus iste  
 Plaudat et exsultet,  
 variis et in orbe resultet  
 Laudibus ecclesia  
 sedulitate pia.

Responsoria.

1. Cum glacie tellus hodie  
 brumaeque rigeret,  
 Et mediis diffusa viis  
 nix alta jaceret,

Indiciis sensit variis  
 grex religiosus,  
 Quantus erat vel quid poterat  
 pastor pretiosus.  
 V. Obsequium sibi namque pium  
 coelo tribuente  
 Fulsit ei virtute Dei  
 lux missa repente.

2. Lux radio terrae gremio,  
 qua per te nitebat,  
 Reliquias pridem plurimas  
 latuisse docebat,  
 Namque sciens cor prospiciens  
 votum fore dignum  
 Hoc quaerulis tribuit famulis  
 ex grammate signum,
- V. Ut foderent et perciperent,  
 quod tam cupiebant,  
 Et paribus quidem precibus  
 votisque petebant.
3. Ut patuit, locus enituit  
 mox dignus honore,  
 Mirifico satis immodico  
 perfusus odore,  
 Sol etiam torrendo viam  
 copiae glacialis

- Incaluit nec post rigit  
gravitas hiemalis,  
V. Sed tenerum ver florigerum  
caput extulit hora,  
Qua micuit, qua gemma fuit  
producta decora.

In 2. Nocturno.

Antiphonae.

1. Moxque dies, quam temperies  
ea sic decoravit,  
Delicias urbes alias  
sensusse probavit.
2. Belovacum nec Cameracum  
nec Teroanenses,  
Quando fuit, res non latuit  
nec Noviomenses.
3. Sed propria mox quisque via,  
qua sensit odorem,  
Vertit iter Domino pariter  
moderante laborem.

Responsoria.

1. Tunc nimia cum laetitia  
stupuere videntes,  
Sic faciem renovasse diem  
camposque virentes.  
Litigium foret ergo pium  
tibi cernere pulchrum,  
V. Cum properant, ut vota ferant  
tangantque sepulchrum.
2. Tam miri qua parte viri  
sacra membra ferentes  
Substiterant, quando poterant  
penetrare sequentes,  
Ceu variis ibi deliciis  
impressa tenebant  
Ora viae, qua reliquiae  
sanctae veniebant.  
V. His pridem dant scripta fidem,  
sic namque priores  
Delicias mittunt patrias  
ad superiores.

3. Egregii pariterque pii  
miracula tanta  
Qui recolis, cum recticolis  
nova cantica canta,  
Nec dubites, ea si retices,  
mirabilia  
Posse Deum, sed semper eum  
devotus adora;  
V. Qui potuit, quidquid voluit,  
quod saepe probavit,  
Magnificans et glorificans,  
quos ipse vocavit.

In 3. Nocturno.

Antiphonae.

1. Quanto naturalibus  
Operibus  
Magis sunt contraria  
Prodigia.  
Tanto sanctis omnibus  
Major inde gloria.
2. Nihil mirabilius  
Quam nocturnus radius,  
Ut nocte contrarius  
Fiat noctis socius.
3. Tam sacrum ministerium  
Celebrante Salvio  
In Ambianensium  
Suburbio,  
Vicinarum concio  
Supervenit urbium  
Odore solo nuntio.

Responsoria.

1. Stupet horror hiemalis  
Et miratur, quae vel qualis  
Est ista mutatio,  
Quis est iste tam jucundus,  
Pro quo vernat ita mundus  
Hiemis in medio,  
V. Dans naturae fracto jure  
Rosam juncto lilio.
2. Adjacentes populi,  
Quis hujus miraculi  
Detulit rumores,

Ut ita veneritis  
Gressibus tam subitis,  
Ac si habueritis  
Proprios doctores,  
De locis vestris singuli?

V. Odor fuit nuntius,  
Quo perfusi dulcius  
Occurristis seduli.

3. Odor sancti  
non solum cohibet  
Morbos leviores,  
Sanat lepram  
et sanat quoslibet  
Pessimos humores.  
Potens talis medicus,  
Cujus vires operis  
Sensit elephanticus  
Secus ripam Ligeris.

V. In hujus memoria  
Tenet in homagium  
Ab ecclesia  
Vallem gentium  
Haeres sui generis.

#### A d L a u d e s.

##### Antiphonae.

1. Praesul Honoratus nomine  
Et merito ac nobilitate  
Tantae dignitatis munere

Brev. ms. Cameracense saec. 15. Cod. Parisien. 17295. Erste Vesper und Invitat. fehlen. — In 1. Noct. R 3, 6 capie glacialis Hs. — In 2. Noct. A 2, 2 Teroanensis Hs. — A 2, 4 Noviomensis Hs. — In 3. Noct. R 1, 5 Pro quo servat Hs., eine Verwechslung, die sich vielleicht aus dem Hauptwort verna erklärt. — R 3, 12 Tenet in hominum Hs. — In Laud. A 5, 6 ist dem Sinne nach rätselhaft. Ad Bened. A prosaisch.

#### 55. De sancto Folquino.

##### In 1. Vesperis.

##### Ad Magnificat.

A. Exsultemus Deo omnes  
Hunc in sanctis collaudantes;  
O Folquine sacer, ave,  
Preces audi, culpas dele,  
Nos his festis fac adesse  
Et aeternis non deesse.

Meruit honorari,  
Ut sanctorum Fusciani  
Victorini et Gentiani  
Corpora inveniret.

2. Inveniendum  
Beatissimi  
Firmini martyris  
Corpus beato  
Praesuli Salvio  
Digne pro meritis  
Honorando  
Misericorditer  
Reservavit.

3. Odore mellifluo  
Perfusi continuo  
Convalescent aegroti;  
Nec soli, qui veniunt,  
Sed vim ejus sentiunt  
Etiam remoti.

4. Elementis immutatis  
Tempus factus est aestatis  
In horrore nivium,  
Et se totum dedit gratis  
Mundus ad obsequium.

5. Virent prata, florent horti,  
Sed et fructus sunt exorti  
Formae jam plenariae,  
Nec est ante  
Visus tantae  
Calor epidimiae.

##### A d M a t u t i n u m.

##### Invitorium.

Deum magnum Dominum  
Adoremus humiliter,  
Qui Folquinum sanctum suum  
Coronavit perenniter.



In 1. Nocturno.

Antiphonae.

1. In Folquini mente sacra  
Semper fuit lex divina,  
Unde fructum sanctitatis  
In tempore suo dedit.
2. Hic studebat in timore  
Regi Christo deservire,  
Disciplinam apprehendens,  
Viam justam non relinquens.
3. Invocantem exaudivit  
Sanctum suum, quem dilexit,  
Hinc jam nobis, rex, placare  
Eo tibi supplicante.
4. Verba sua ac clamorem  
Dei flectens ad amorem  
Domum ejus introivit,  
Adstans ibi regem cernit.
5. Nomen tuum, o Domine,  
Quam est cunctis mirabile,  
Qui, quem vita decorasti,  
Coelo dignum sublimasti.
6. Aequitatem vultus Dei  
Quia novit contemplari,  
Hunc in monte sancto palma  
Laetum ditat sempiterna.

Responsoria.

1. Ortus clara puer sanctus  
Folquinus prosapia  
Imbuendus liberalis  
doctrinae scientia  
Datur scholis, post nonnullis  
profuturus populis,
- V. Derelictis a superna  
Jesu Christi gratia.
2. Indolis eximiae  
sacra dogmata philosophiae  
Ut primum cepit,  
nil mundi gaudia duxit,
- V. Tota virtute satagens  
tibi, Christe, placere.
3. Ad regimen sancto  
pietatis amore vocato  
Cunctorum votis  
datur infula pontificalis.

V. Virtutum clarus

titulis athleta beatus  
Ordine Melchisedech  
rite locatur ad haec.

4. Constitutus in sublimi  
speculator Domini  
Clamat verbis et exemplis  
et salvantur plurimi,
- V. Ecclesiaeque decus  
simul omnibus omnia factus.

In 2. Nocturno.

Antiphonae.

1. Ad hunc montem suspirare  
Fac nos, praesul sanctissime,  
Ut exutos carne gravi  
Excipiat aula coeli.
2. Vitam ei dulcedinis  
Tribuisti in supernis,  
Longitudinem dierum  
Donans omne per sacculum.
3. Hic animam adhuc vivens  
Non in vano accipiens  
Nunc a Deo salutari  
Suo gaudet coronari.
4. Omnis terra Deo cantet  
Et cum sanctis annunciet  
In populis ejus mira,  
Inter gentes magnalia.
5. Regnat Deus in aeternum,  
Cujus est cum sanctis regnum,  
Unde tibi, o Folquine,  
Lux orta est laetitiae.
6. In conspectu summi regis  
Jubilando sanctus plaudit,  
Hinc cantate exsultantes,  
In cithara psalmum dantes.

Responsoria.

1. Vir beatus sancti glebam  
Audomari inclitam  
Dolet captam sequens eam,  
sed superna pietas  
Corpus sistens hostes fugit,  
hinc praesul tripudiat.

- V. Amborum meritis  
operatur vis deitatis,  
Dum sacer ille suae  
redditus est patriae.
2. Dum vult sanctum supplantare  
praesumptor adveniens,  
Ob reatum hunc percussit  
ira Dei saeviens,
- V. Cum sibi conjunctis  
poenam luit improbitatis.
3. In Sithiu tumulari  
Voto fuit sacerdoti,  
Moxque Deus cunctae plebi  
Sacrum corpus comitanti  
Per aquarum vastum amnem  
Viam parat glaciale.
- V. Cujus in obsequium  
ruit obviam concio fratrum  
Bertinique latus  
est ad dextrum tumultatus.
4. Ad sepulchrum viri Dei  
Quidam pedum sospitati  
Monachorum est donatus,  
Unde illi plus devotus  
Haec in laude scribit ejus.
- V. Folquini veneranda patris  
hic membra locantur,  
Qui praesul Morinis  
exstiterat celebris.

In 3. Nocturno.

Ad Cantica.

Vir beate, te poscentum  
Offer vota regi regum,  
Qui cibaris pane vitae,  
Christo tibi cohaerede.

Responsoria.

1. In occursum sui regis  
Dei servus vigilavit,  
Ut, dum veniens pulsaret,  
Ei statim aperiret.
- V. Ad nutum Domini  
servivit mente fideli.

2. Diem festum solvit sancti  
Insistens quidam operi,  
Quo percusso vi divina  
Contrahuntur ejus crura
- V. Ac repens manibus  
longos traxit cruciatus,  
Cui, Folquine, suum  
reparas sanctissime gressum.
3. Praesul Christi gloriose,  
Servis tuis condescende,  
Tui pignus sit amoris  
Praesentia corporalis,
- V. Post vitae cursum  
trahe nos ad gaudia sursum.
4. Rex coelorum, pie Deus,  
Ad te spectat laus illius,  
Tu per eum nobis parce  
Ac redemptis miserere.
- V. Plasma, Christe, tuum  
defende benignus ab hoste.

In Laudibus.

Antiphonae.

1. In decore tuo, Deus,  
Tecum regnat vir beatus,  
Sanctitudo domus tuae  
Decet eum sine fine.
2. Cuncti Deo jubilate,  
Nomen ejus est suave,  
Cujus portas, o Folquine,  
Meruisti introire.
3. Ad te, Deus, vigilantem,  
In te semper sitientem,  
Suscepisti exultantem  
Tuum sanctum sacerdotem.
4. Sancti Dei et humiles  
Ac Domini sacerdotes  
Cum Folquino regem Christum  
Benedicant in saeculum.
5. Laudet coelum, laudet terra  
Creatoris magnalia,  
Nosque dignos tua laude  
Fac cum sanctis, rex gloriae.

Ad Benedictus.

- A. O Folquine, tuis  
pius pastor coelitus adsis,  
Te memorem nostri  
faciat clementia Christi,  
Ac per eum, Christe,  
nobis petimus miserere.

In 2. Vesperis.

Antiphonae.

1. Gloria sanctorum,  
Deus, accipe vota tuorum  
Nosque tuas laudes  
in Folquino venerantes  
Respice placatus  
nostros solvendo reatus.

2. Hic athleta tuus,  
celebris pietate patronus,  
Post invictorum  
certamina plena laborum  
Migrat ad aethereas  
hodie gaudendo choreas.  
3. Quam laetis donas,  
quem sic, Deus alme, coronas,  
Coelica largiris  
aeternaque pro perituris.

Ad Magnificat.

- A. Rex immense, sanctis palmam  
Praestans nobis da veniam  
Et clementi bonitate  
Cum Folquino nos respice,  
Ut, qui praesens est corpore,  
Nunquam desit pietate.

Antiph. ms. Bertinianum saec. 15. Cod. Audomaren. 204. — Ad Matut. Inv. 4. Coronat Hs. — In 1. Noet. R 1, 1 Ortus inclita Hs. — R 1, 7 Derelictus Hs. — Verfasser des Officiums ist zweifellos Folquinus Abbas Laubiensis (968—990), der auch die Vita Folquini geschrieben. Vgl. Monum. Germ. SS. XV 1, S. 423 ff. Was uns nämlich hier das 4. Responsorium der zweiten Nocturn berichtet, dasselbe erzählt uns die Vita (l. c. S. 429, Nr. 12) von einem Mönche Namens Folquinus, der offenbar mit dem Schreiber der Vita identisch ist und der, quoniam grammaticae erat instructus, auch eine Grabschrift in drei Distichen verfaßte. Die Verskunst des vorliegenden Officiums trägt auch alle charakteristischen Zeichen des 10. Jahrhunderts an sich, wie ein Vergleich mit Officien und Hymnen derselben Zeit, ich erinnere an Hucbald, beweist.

## 56. De sancto Fusciano.

In 1. Vesperis.

Antiphonae.

1. Bis quondam seni  
Roma venere patroni,  
Gallorum populis  
depromere jussa tonantis.  
2. Praeconiis plures  
Christum sanxere vacantes,  
Optatum infirmis  
robur reddendo catervis.  
3. Quos Victoricus  
caelebs inter fuit unus  
Aut Tuscianus  
socio deitate refertus.

4. Cumque Dei cuperent  
Quintino numina fari,  
Vinculis praefecti  
vexantur Rictiovari.  
5. Addicti poenis  
oculorum luce privantur,  
Verticibus sectis  
palmam meruere triumphii.

Ad Magnificat.

- A. Speciosus splendens Christus  
in omnipotentia,  
Qui sanctorum exstas decus  
et fomes sensificus,



Tusciniani nobis atque  
Victorici martyrum,  
Gentiani quique donas  
celebrare praemia,  
Petimus, ipsorum ut nos  
muniant suffragia,  
Quorum tibi gloriosa  
complacuit passio.

A d M a t u t i n u m.

Invitatorium.

Christum suppliciter  
regem regum veneremur,  
Qui donat sanctis  
praemia digna suis.

I n 1. N o c t u r n o.

Antiphonae.

1. Sceptra caduca soli  
cum Maximianus haberet,  
Praesidis ad solium  
provexit Rictiovarum.
2. Tempore quo plures  
Roma venere fideles,  
Gallorum plebi  
coelorum pandere regnum.
3. Quos inter coeli  
Fuscianus, mystica lampas,  
Et Victoricus  
simili fulgore refulsit.

I n 2. N o c t u r n o.

Antiphonae.

1. His inerat fidei  
lumen Christique triumphos  
Dicere, deinceps curae  
Quintinum quaerere sanctum.
2. Regia martyrii  
redimitum munere coeli  
Sed jam Quintinum  
sumpserat emeritum.

3. Nobilitate cluens  
quibus obviis ecce viator  
Gentianus adest  
inclitus atque Senes.

I n 3. N o c t u r n o.

Antiphonae.

1. Alloquio cujus  
sancti dum forte fruuntur,  
Ejus agnoscant  
corda sitire Deum.
2. Ante his jam triduo  
perhibet se corde subactum,  
Ut mentem votis  
cogat amare Deum.
3. Cum vicissim pastu sancti  
solarentur mutuo,  
Praeses plectens mox advenit  
Gentianum capite,  
Reliquos ad capiendum  
deducens martyrium.

I n L a u d i b u s.

Antiphonae.

1. Praeses ait sanctis  
astutus: dicite, cujus  
Estis cultores  
numinis atque Dei?
2. Nos, ajunt, patrem,  
verbo qui cuncta creavit,  
Formavit sancto  
flamine quique suo  
Credimus et veneramur.
3. Sanctos tunc oculis  
frustrata est praesidis ira,  
Clavis ignitis  
antra rimans capitum.
4. Gaudebant sancti  
sese pro nomine Christi  
Affligi poenis  
suppliciisque mori.
5. Corripiens tunc tela manu  
Mavortia praeses  
Transfodit sanctos  
atque necavit eos  
Verticibus sectis.

Ad Benedictus.

A. Membra beata florent  
cum vitae munere quassa,  
Sanctis paratur  
gloria continua.  
Lux emissa polo  
loca [sacra] forte venustans  
Dignos fuisse indicat,  
Quod coeli penetrent  
eorum spiritus aulam  
Christi favente gratia.

In 2. Vesperis.

Ad Magnificat.

A. Tibi, Christe, semper exstat  
laus et jubilatio,  
Fusciani, Victorici,  
Gentiani pariter  
Hodie qui nos laetari  
concedis martyrio.

Brev. ms. Catalaunense saec. 13. Cod. Calmontan. 31. A. — Brev. ms. Meldense saec. 14. Cod. Parisien. 1258. B. — Brev. ms. Meldense saec. 14. Cod. Parisien. 1266. C. — Brev. ms. Catalaunense saec. 14. Cod. Parisien. 1269. D. — Brev. ms. Corbejense saec. 14/15. Cod. Ambianen. 116. E. — Brev. ms. Silvanectense saec. 15. Cod. Parisien. 1268. F. — Brev. ms. Morinense saec. 15. Cod. Parisien. 17997. G. — Brev. ms. Meldense saec. 15. Cod. Parisien. 1054. H. — Brev. Silvanectense imp. s. l. 1486. I. — Brev. Ambianense imp. Parisiis 1530. K.

Die Responsorien aller 3 Noct. sind prosaisch. — In 1. Vesp. A 1, 2 Romani genere patroni H. — A 5, 3 Verticibus septis H. — A 5, 4 palmam monere H. — In 3. Noct. A 2 und 3 umgestellt H. — A 3, 1 Dum vicissim B. — In Laud. A 2, 3 Firmavit B. — A 3, 4 rigans H. — A 5, 5 Verticibus scitis H. — Ad Bened. A, 2 cassa CH; 4 contigua II; 8 quo coeli B, quos coeli penetrarunt CH. — Die Zusätze von E, das monastische Form hat, lasse ich als unerheblich fort. Hymnus in Laud: Speciosus splendens Christe.

57. De sancto Georgio.

In 1. Vesperis.

Ad Magnificat.

A. Gaude, Capadocum,  
nobilis regio,  
Sacro Georgii  
vernans martyrio,  
Cujus ecclesia  
firmata transitu  
Deum magnificat  
exsultans spiritu.

Ad Matutinum.

Invitatorium.

Summo regi summa laude  
Jubilando, vir, applaude,  
Cui servivit spe coronae  
Christi miles in agone.

Ad Nocturnum.

Antiphonae.

1. Clara Georgius  
ortus prosapia,  
Fide conspicuus  
et Christi gratia,  
Nil mundum reputans  
vel mundi meritum,  
Miles efficitur,  
tribunus militum.
2. Dum regum feritas  
sanctos persequitur,  
Et danda gladii  
gens sancta quaeritur,  
Mortis Christicolae  
metu perterriti  
Passim per latebras  
latent absconditi.

3. In tormentis  
sanctus robustior,  
In responsis  
apparet acrior  
Et jam tortus  
ipsum carnificem  
Per sermonem  
torquet multiplicem.

Responsoria.

1. Christianae testis legis  
Et athleta summi regis  
Nil formidans caedem mortis  
In conflictu stabat fortis,  
V. Pro nihilo blanditias  
Ducit vel minas regias.

2. Caesar face  
furoris impii  
Concitatus  
verbis Georgii  
Christi testem  
dat carnificibus  
Cruciandum  
duris verberibus;

V. Caesar preces  
et vota porrigit,  
Deos laudans,  
qui suos diligit.

3. Praesentatur  
vir sanctus Caesari,  
Quem contemplans  
vultu non hilari  
Minis monet  
atque blanditiis,  
Ut ab ejus  
cesset injuriis;

V. Jam securus  
martyr de bravio  
Spreto gaudet  
regis imperio.

In Laudibus.

Antiphonae.

1. Regnatoris,  
qui juste judicat,  
Miles fortis  
virtutem praedicat,

Qua praecinctus  
dignas ex intimo  
Laudes ore  
solvit et animo.

2. Plebs assistens  
huic spectaculo  
Jaculatur  
viso miraculo  
Et contempto  
solis simulacro  
Sacro [fontis]  
se mergit lavacro.

3. Quos suscepit  
divina dextera  
Confitentes  
culpas et scelera,  
Jam corpore  
sopito criminum  
Puras levant  
manus ad Dominum.

4. Sanctus martyr  
conversos instruit  
Et instructos  
baptizans abluit  
Baptizatos  
commendant numini  
Benedicens  
opera Domini.

5. Princeps terrae  
motus invidia  
Promulgata  
mortis sententia  
Virum Dei  
necari praecipit,  
Spiculator  
necandum suscipit.

Ad Benedictus.

A. Deputatum  
sanctum martyrio  
Comitatur  
fidelis concio,  
Sed securus  
sanctus de praemio  
Vitae cursum  
finivit gladio.



In 2. Vesperis.

Ad Magnificat.

A. O Georgi, pater et domine,  
Gemma fulgens in coeli culmine,  
Exorando Dei clementiam  
Servis tuis implora veniam.

Brev. ms. Valentineuse saec. 15. Cod. Atrebaten. 1142 (552). — In  
1. Noct. R 1. 1 legis testis Hs. — R 1, 6 Ducis vel Hs. — R 2, 11 Deum  
laudans Hs.

58. De sancto Gisleno.

In 1. Vesperis.

Ad Magnificat.

A. O pater aeterna,  
Gislene, corruscus in aula,  
Sit tibi quantus honos,  
nunc coelicus inspicis heros;  
Nos quاتمur saevis  
mundo fluctuante procellis,  
Respice per Christum  
lacrinas et vota gementum,  
Luminis ut tecum  
sit fas contingere portum.

Ad Matutinum.

Invitatorium.

Progenies lucis,  
Gisleni plaudite festis,  
Est quia coelicolis  
sociatus in aethere civis.

In 1. Nocturno.

Antiphonae.

1. Inluxit nostris  
coeli miseratio Gallis,  
Attica Gislenum  
tellus ubi protulit alnum.
2. Splenduit in puero  
praeceelsae stirpis origo,  
Sed virtus potior,  
tum morum gratia major.

3. Culmen prosapiae  
divino spreuit amore,  
Ob coeli gazas  
terrae placet omnis egestas.
4. Scholis prudentum  
studio datus inde parentum  
Addidicit propere,  
quae sunt rationes in arte.
5. Junctus Athenis  
post haec veneranter alumnis,  
Quaeque philosophicae  
penetrat fastigia sectae.
6. Inscia sed veri  
quam sit sapientia mundi,  
Mox ubi comperuit,  
animum coelestibus indit.

Responsoria.

1. Ortu Gisleni  
Graecorum sanguine clari  
Fit status ecclesiae  
divina clarior in re,  
Utpote quam meritis  
puer inclitus auxit opimis;
- V. Floruit exili  
sub pectore mente virili.
2. Laude sacerdotii  
venerandus in ordine cleri  
Sanctus, item norma  
praeclarus Basiliana,  
Lustrat honorata  
Francorum saecula Roma,
- V. Lustrat artibus his  
sancti verbo fruiturus.

3. Gislenum dictis  
ubi mulcet praesul amicus,  
Castrilocom migrat,  
operi vigilantior instat,  
Hinc peragenda ratus,  
monuit quae coelestis virtus.

V. Lantbertum sane  
sociat sibi Belliriumque.

4. O pietas Domini,  
o virtus maxima Christi,  
Desinit ira canum,  
petiit ubi bellua sanctum,  
Hic omni latebra  
stat vestis tutior umbra;

V. Ipsi cum ducibus  
miratus rex Dagobertus  
Cedendum statuit,  
ubi tanta negotia discit.

In 2. Nocturno.

Antiphonae.

1. Doctus apostolicis  
mundum superare magistris  
Sese heremi castris  
sociat vir spiritualis.
2. His junctis certat,  
animam virtutibus ornat,  
Nil, quod praetulerit  
majorum norma, relinquit.
3. Ordinibus sacris  
quare veneranter adeptis  
Dignior aeternae  
tractat mysteria vitae.
4. Nec satis est eremi  
contentum legibus uti,  
Exsul uti Christum  
quaerat, decernit agendum.
5. Ergo Dionysii  
volvens exempla beati  
Coenobium linquit  
et Romam visere pergit.
6. Visitet ut Francos,  
mandatur coelitus heros,  
Est locus Ursdungus,  
hic vitae transigat usus.

Responsoria.

1. Quo properet, sanctus  
aquila jam praeduce doctus,  
Cum catulis ursam  
Ursdungi in valle repertam  
Effugat et capsam  
repetit cum veste sacratam,
- V. Ut Christi cultum  
statuat genus omne ferarum.

2. Cella fit interea  
divinis cultibus apta,  
Omnibus evulsis  
sancti sudore nocivis  
Surgit apostolicis  
Petri Paulique triumphis;
- V. Gloria sit trino,  
qui glorificatur in uno.

3. Praesul ut Autbertus  
Gisleni comperit actus,  
Evocat, inquit;  
sum Graecus Christicola,  
inquit,  
Quod videor gerere,  
jussere oracula Romae,
- V. Nunc favcas coeptis,  
cum nos prior ipse vocaris.

4. Antistes sanctus  
divino numine tactus  
Nil fore Gislenum  
cernit mortale secutum,  
Ut dignum fuerat,  
simul amplexatur, honorat;
- V. Instet uti coeptis,  
verbis hortatur honestis,  
Ad benedicendum  
se spondet opusque futurum.

In 3. Nocturno.

Ad Cantica.

- A. Praesago sanctus  
pariter spiramine plenus  
Proclamat gravidam  
partus angore levatam.

Responsoria.

1. Auditis precibus  
Gisleni rex Dagobertus  
Annuit et fundo  
cellam dilatat opimo,  
Ne vivant inopes  
athletae spirituales.
- V. Tum pater: haec vere  
tua sunt beneficia, Christe.
2. Ergo oratorio  
Gislenus rite peracto  
Autbertum geminas  
Et Amandum invitat olivas,  
Ut praestetur ab his  
benedictio pontificalis;
- V. Dant oleum pacis  
et effundunt chrisma salutis.
3. Prolis sidereae  
fervens Gislenus amore  
Waltrudem celebres  
Aldegundemque sorores  
Lucratur Christo  
verborum dogmate vivo,
- V. Vestrum, Montenses,  
insigne, et Malbodienses.
4. Sanctus militia  
felici laude peracta  
Fulgidus et cunctis  
meritorum praerogativis  
Transit in aetheream  
superis mediantibus aedem,
- V. Lucis ut angelico  
gratuletur in arce triumpho

Offic. ms. S. Gisleni saec. 11/12. Cod Monten. 27 (221). — In 1. Vesp. stehen noch fünf **AA** super Psalmos, die aber in Prosa abgefaßt sind und spätere Zuthat zu sein scheinen.

Et ferat aeternas  
vitae per regna coronas.

In Laudibus.

Antiphonae.

1. Quam fuerit celebris  
Gislenus in arce tonantis,  
Claruit ex urna  
signorum luce stupenda.
2. Unde sacri cineris  
furtum struit invidus hostis,  
Ut jubar exstinguat,  
quod prodigiis rutilabat.
3. Dumque cavere putat  
fraudi, se Malbodium aptat,  
Sed sanctum prae se  
digno venerantur honore.
4. Prodidit ergo reos  
per visum mox sacer heros  
Et, ni reddatur,  
mortem pro fraude minatur.
5. Vi tandem Stephani,  
qui praesul erat Cameraci,  
Gemma Dei rapitur,  
cellam cum laude refertur.

Ad Benedictus.

- A. Christe, tibi laudes  
quas possumus aut dare grates,  
Privatos proprii  
grata quos sorte patroni  
Clementer relevas,  
tua sit benedicta potestas.

59. De sancto Goare.

In 1. Vesperis.

Super Psalmos.

- A. Sancte Goar, Domini  
confessor et alme sacerdos,  
Propitius nobis  
tu peccatoribus adsis.

Super Magnificat.

- A. Adsunt haec nobis  
venerandi festa Goaris,  
Qui spernens patriam  
coelorum possidet aulam,  
Ejus apud Dominum  
precibus relevemur in aevum.



Ad Matutinum.

Invitatorium.

Eja, Christicolae,  
Domino jubilando venite,  
Qui confessorem  
vexit super astra Goarem.

In 1. Nocturno.

Antiphonae.

1. Nobilis hic Domini,  
confessor in ordine cleri,  
Moribus egregiis  
decus auxit nobilitatis.
2. Omnia devotus  
Domini praecepta secutus  
Presbyter efficitur,  
quia cunctis dignus habetur.
3. Contemptor patriae  
mercedis amore supernae  
Iste Dei famulus  
petit exsilium venerandus.

Responsoria.

1. Laude Deo digna  
celebremus mente benigna  
Haec confessoris  
solemnia sacra Goaris,  
Ut mereamur eum  
semper habere patronum,
- V. Hunc prece subnixam  
deposcit concio nostra.
2. Hic Domini servus  
generoso sanguine natus  
Terrenas auras  
et divitias perituras  
Deserit, ut regnum  
mereatur adire supernum,
- V. Blanditias vitae  
fugiens et noxia quaeque.
3. Vir Domini sanctus,  
divino munere plenus,  
Culturas veterum  
coepit damnare deorum,  
Hanc firmando fidem,  
quod sit Deus unus et idem.

V. Omnia, quae docuit,  
dictis factisque probavit.

In 2. Nocturno.

Antiphonae.

1. Vir Domini cellam  
Rheni construxit ad undam,  
In qua devotum  
solvit Christo famulatum.
2. Pervigil orando,  
jejunia castus amando  
Creditur angelicam  
vir sanctus ducere vitam.
3. Inter virtutes,  
quas exercere solebat,  
Laetus amore Dei  
peregrinos suscipiebat.

Responsoria.

1. Veri Christicolae  
virtutes non latuere,  
Namque suo Dominus  
est in sermone locutus,  
Moenia praecelsi  
montis non posse recondi,
- V. Sic evangelica  
protestantur documenta.
2. Christus de tenebris  
lumen perduxit honoris,  
Dum sancti meritum  
signis fecit manifestum,  
Claudos curando,  
caecis visum reparando;
- V. Illic etenim cunctis  
est clara lucerna decoris.
3. Serpens antiquus  
tentator et hostis iniquus,  
Invidia ductus,  
fraudis zelo stimulatus,  
Non patitur sanctum  
Domini transire quietum,
- V. Infestando pium  
per inania verba malorum.

In 3. Nocturno.

Antiphonae.

1. Veram justitiam  
sectando noluit illam  
Laudibus humanis  
extolli, ne sit inanis.
2. Hic quia mundanas  
laudes spernit quasi vanas,  
Lumine coelesti  
fruitur cum laude perenni.
3. Dignus laude fuit  
tali, qui sponte reliquit  
Nomine pro Domini  
praesentis gaudia saeculi.

Responsoria.

1. Sanctum perversus,  
justum blasphematur iniquus,  
Mansuetum tumidus,  
odit mitem furibundus,  
Nam fit pravorum  
contritio vita bonorum,  
V. Despiciunt humilem  
versuti simplicitatem.
2. Vir Domini rite  
dispensans semina vitae  
Dogmate de caelis,  
prudens servusque fidelis  
Verba malignantium  
spernebat et insidiantum  
V. Distribuendo Dei  
verbum sermone fidei.
3. Simplicitatis opus  
contestans coelica virtus  
Falsiloquos testes  
devicit et insidiantes;  
Dum quasi provectus  
infans loquitur triduanus,  
V. Justus honoratur,  
confunditur insidiator.

Brev. ms. S. Castoris in Confluentia saec. 15. Cod. Capit. Treviren. 165. A. — Brev. ms. Spirense saec. 15. Cod. Vatican. Palat. 514. B. — Brev. Spirense imp. Venetiis 1509. C. — Den Hymnus zum Officium vgl. Analecta XI, p. 126.

In Laudibus.

Antiphonae.

1. Laudibus est digna  
justorum lux hodierna,  
Qua sanctum Domini  
susecepit regia coeli.
2. Hic sibi commissum  
studuit cumulare talentum  
Hoc referens Domino  
coeli cum foenore bino.
3. Rebus in exiguis  
quoniam fuit iste fidelis,  
Ingreditur Domini  
praecepto gaudia caeli.
4. Omnis factura  
Dominum per saecula cuncta  
Laudet, glorificet,  
benedicat, semper adoret.
5. Cum sanctis Domini  
nos psallimus omnipotenti  
Festa sacerdotis  
sancti venerando Goaris.

Ad Benedictus.

- A. Pastor summe, Deus,  
nos respice propitiatus  
Pro confessoris  
sancti virtute Goaris  
Et nos custodi,  
nos pace tuere perenni.

In 2. Vesperis.

Ad Magnificat.

- A. Exsultet omnis spiritus  
In laude Christi coelitus,  
Qui superbos dum prostravit  
Et mansuetos exaltavit,  
Recordatus est gratiae  
Reformando nos gloriae.

60. De santo Godeberta.

In 1. Vesperis.

Ad Magnificat.

- A. Alma virgo, sponsa Christi,  
cohaeres coelestium,  
Insignis consors sanctarum  
Godeberta virginum,  
Audi voces famulorum  
pariter canentium  
Atque pia nobis tuum  
impetra consortium.

Ad Matutinum.

Invitorium.

- Virgineum decus, aeternum  
regem veneremur,  
Virginis egregiae  
Godbertae festa canentes.

In 1. Nocturno.

Antiphonae.

1. Spiritus alme, tuum  
nostris nunc suggere lumen,  
Cordibus ut hujus  
celebremus virginis actus.
2. Ambianense pago  
Noviomi ad opus veneranda  
Haec Godberta sacro  
fuit edita utroque parente.
3. Utque columba piis  
nitido de fonte renata  
Actibus intendit  
retinens serpentis acumen.

Responsoria.

1. Dulces lingua nostra Christo  
reddat alte jubilos,  
Qui multis locis beata  
plura credens pignora,  
Nos ab hoste munit armis  
Godbertae virginis.
- V. Reddi, Jesu bone, grates  
ore, corde condecet,  
Nam reminiscendo sui  
jugiter auxilii.

2. Ex imbuta lege Christi  
parentela nascitur,  
Quam fide catechizandam  
Godebertam vocitant,  
Rore fontis sic deluta  
illustratur spiritu.

- V. Exorcismis sacris fulta  
domus Dei nitida  
Universali fide[que]  
subarrhata [Domino].

3. A puero Godeberta sacris  
jam moribus haerens  
Ad Christum toto  
concepit tendere voto,  
Cui sese castam  
vovit servarier aulam.
- V. Prudentum numero  
sociatur virgo beata,  
Lampade succensa  
sponso sic pervigil adstat.

In 2. Nocturno.

Antiphonae.

1. Casta volans hujus  
jam pulchrae fama puellae  
Aures nobilium  
pulsat ac dicere tentat.
2. Praevenit hos praesul  
virtutum germine fultus,  
Eligius Christo  
Godbertam sponsat et almo.
3. Rex divina videns  
Lotharius nomine Christi  
Mox dat huic dotem  
donum cupiendo supernum.

Responsoria.

1. Sanctissima sponsa Christi  
Godeberta beati  
Antistitis Eligii  
roborata doctrinis  
Assumens lampadem cum  
laetitiae oleo  
Introivit ad nuptias  
veniente Domino.



V. Memor dominici  
praecepti jugiter  
Commonentis:  
vigilate, quia  
Nescitis, quando  
Dominus veniet.

2. Inclita virgo jugi  
studio Godeberta subegit  
Corporis illecebras,  
animae quaerendo vitellas,  
Deligitque cruces  
sese sufferre tenaces,

V. Post Jesum tollendo crucem  
mactatur in ara.

3. Gestorum titulis  
spatium Godeberta per orbis  
Quae celebris meritis,  
virtutum lumen in actis,  
Te, paradise, tuas  
penetrat comitata choreas.

V. Virginis almae  
Anima linquens  
Carnea claustra  
Migrat ad astra.

### In 3. Nocturno.

#### Antiphonae.

1. Haec inopum miserans,  
lapsis solamina praebens  
Dat visum caecis,  
aegros a clade reduxit.

2. Talibus insignis  
dimissa corporis aula  
Spiritus alta petit,  
niveus quem suscipit agnus.

3. Jam, Godeberta, polo  
sociata perenniter agno,  
Oranus nostras  
deposce resolvere culpas.

#### Responsoria.

1. Magnis laudibus te decet  
Frequentari, o sancta  
Godeberta virgo, cui  
Dominus abundantiam  
Gratiae suae dignatus  
Est conferre, quam plurimis  
Ad te confugientibus  
Infirmis tuo obtentu  
Crebris subveniens medelis.

V. *Diffusa est gratia in labiis  
tuis, propterea benedixit te  
Deus in aeternum.*

2. Sacro mausoleum  
Godbertae corpore comptum  
Gestatur, functis  
quaedam nam femina nervis  
Felici proprium  
repedat mox alite tectum;

V. Venerat Audemia  
cuncta compage soluta  
Virgineis meritis  
ac sospes denique facta.

### In 2. Vesperis.

#### Ad Magnificat.

A. O veneranda,  
O speciosa,  
Compta superni  
Munere regis,  
Te, sacra virgo,  
Corde subacto  
Voceque pura  
Quaesumus omnes,  
Sedula vitae  
Gaudia nobis  
Posce perennis.

Breviarium Noviomense imp. Parisiis 1515. — In 1. Noct. R 2, 9 sq. lückenhaft. — In 2. Noct. A 1, 4 lies: ducere tentant? — A 3, 2 in nomine. — R 2, 5 Deleatque. — R 3, 10 Micat ad. — In 3. Noct. R 2, 10 lies: est sospes? — Die hier fehlenden Teile des Officiums sind prosaisch.

61. De sancto Guillermo.

In 1. Vesperis.

Ad Magnificat.

1. O decus Britanniae,  
Praesul Briocensis,  
Guillherme, qui gloriae  
Praemiis immensis  
Gaudes, nobis gratiae  
Precibus impensis  
Fer opem et veniae  
Pro nostris offensis.

Ad Matutinum.

Invitorium.

- Regem regum hodie  
Adorent omnes populi,  
Qui coronam gloriae  
Dedit Guillermo praesuli.

In 1. Nocturno.

Antiphonae.

1. Beatus vir, qui sequi noluit  
Consilium impiorum  
Nec impulsus moveri potuit  
A semita mandatorum.
2. Super montem Domini  
Sion rex effectus,  
Deo est et homini  
Placens et dilectus.
3. In agone salvatorem  
Deum invocavit,  
Sic se, mundum et furorem  
Hostis superavit.

Responsoria.

1. Guillermus humilis  
Confessor Domini,  
Praesul amabilis  
Deo et homini,  
Lucro laudabilis  
Talentum gemini,  
Prece sit utilis  
Suorum agmini.
- V. Huic sint vicini  
super astra sui peregrini.

Dreves, Historiae rhythmicae. II.

2. In die fervens opere

Vir plenus pietatis

Proventus dignitatis

Egenis distribuere

Studebat et hoc agere

Cum manibus beatis.

V. Gloria praelatis

dabitur, qui dant ita gratis.

3. O quam fervens et sincerus

In oratione,

Quam benignus et severus

In correctione,

Quam fidelis et quam verus

In promissione,

Quam discretus et sincerus

Erat in sermone.

V. Tali personae

sit laus meriti ratione.

In 2. Nocturno.

Antiphonae.

1. Quid vana diligitis,  
O filii hominum,  
Non sic, quem vos colitis,  
Exquisivit Dominum.
2. Vir dolosus et malignus  
Non stat ante Deum,  
Sed Guillermus vir benignus  
Contemplatur eum.
3. Gloriatur hic in caelis  
Et honore colitur,  
Nam in pauca vir fidelis  
Supra multa ponitur.

Responsoria.

1. Hic vi tyrannorum  
Pulsus exsulavit  
Et ad Pictavorum  
Urbem declinavit,  
Ubi commissorum  
Saluti vacavit,
- V. Utque triumphavit,  
ad oves pastor remeavit.

2. Hic virginalē praeſm  
Sui victor obtinuit,  
Sepulta per biennium  
Ejus caro non putruit,  
In quo pudoris lilium  
Violari non potuit.

V. Quam Deus huic tribuit,  
gratia magna fuit.

3. O quam sanctum protestantur  
Sanctitatis opera,  
Per quam morbi tot curantur,  
Languores et vulnera,  
Caeci vident, muti fantur  
Per Guillerſi munera.

V. Quae sunt innumera,  
nobis tamen omnia vera.

### In 3. Nocturno.

#### Antiphonae.

1. Guillerſus sine macula  
Operatur justitiam,  
Intravit tabernacula  
Dei patris et gloriam.
2. Deus, qui vitam gloriae  
Guillermo tribuisti,  
Da nobis ſequi gratiae  
Viam, quam praecepisti.
3. Guillerſus nocens nemini,  
Per gradus caritatis  
Scandens in montem Domini  
Quiescit cum beatis.

#### Responsoria.

1. Per hanc mater in domo filium  
Jam combusta sanum recuperat,  
Naufragantum factus refugium  
Mare ſedat, procellis imperat,  
Naves ſalvat ad ſe clamantium  
Et personas captivas liberat;
- V. In quo qui sperat,  
ejus ſuffragia quaerat.
2. In mamilla misere  
Quaedam aegrotavit,  
Quam corosam ulcere  
Dolens amputavit,

Corde, verbis, opere  
Sanctum visitavit,  
Sano gaudens ubere  
Domum remeavit.

V. Hoc ſibi donavit,  
quem puro corde rogavit.

### In Laudibus.

#### Antiphonae.

1. Domum justī non obruit  
Ventorum importunitas,  
Nec aquis multis potuit  
Ejus exstingui caritas.
2. Guillerſus in laetitia  
Coram Deo ſervivit,  
Cujus portas et atria  
Confessor introivit.
3. Deus, ad te vigilabat  
Sitiens orando,  
Cujus linguae concordabat  
Manus operando.
4. Benedicant creatorem,  
Qui creavit omnia,  
Qui per suum confessorem  
Tot facit magnalia.
5. Coeli, terrae, maria,  
Sonus, vox et sermo  
Dei beneficia  
Laudent in Guillerſo.

#### Ad Benedictus.

- A. O Guillerſe, pastor egregie,  
Tutor gregis, lucerna, speculum,  
Briocensis decus ecclesiae,  
Morum lampas, exemplar prae-  
sulum,  
Ora patrem misericordiae,  
Ut nos ſalvet, clerum et populum.

### In 2. Vesperis.

#### Ad Magnificat.

- A. O magna clementia  
Nostri ſalvatoris,  
Qui tot per ſuffragia  
Sui confessoris



Facit mirabilia,  
Omnis vim languoris  
Pellens et daemonia,  
Cujus nobis gratia  
Cunctis adsit horis.

Brev. ms. Nannetense saec. 15. (Privatbesitz) A. — Brev. Briocense imp. Redonibus 1548. B. — In 1. Noct. R 1, 2 Confessor Christi B. — Die zugehörigen Hymnen vgl. Analecta XI, p. 264 sq.

## 62. De sancto Hermelando.

### In 1. Vesperis.

#### Antiphonae.

1. Ave, pater eximie,  
Summae vas sanctimoniae,  
Morum fragrans odoribus,  
Tuae nunc adsistentibus,  
Hermelande, memoriae  
Pro lapsis dona veniae  
Tuis impende precibus.
2. Castrum exulta Lochium  
Hermelandi praeconium  
Summis attollens vocibus,  
Ut dato fine cladibus  
Per ejus patrocinium  
A turbinosis hostium  
Muniaris incursibus.
3. Salve, pater, pastor bone,  
Noster aegis et patrone,  
Labis expers facinoris,  
Quem tui sacri corporis  
Decorasti praesentia,  
Gregis esto dux in via  
Tui, pater, commemoris.
4. O sacerdotum speculum,  
Mundo relinquens titulum  
Sanctitatis eximiae  
Tuae, pater egregie,  
Lampas, lampetra, labulum,  
Vino redundans vasculum  
Signa sunt sanctimoniae.
5. O lucerna confessorum,  
Quem praeclara meritorum  
Attollit excellentia,  
Tuorum, pater, expia

Piacula famulorum,  
Ut perenni beatorum  
Per te fruamur gloria.

R. Nobis venerandi  
suffragentur preces Hermelandi,  
Quem digne, dum perorat,  
lux coelica fusa decorat.  
Regi vitae vivam  
se dat sanctus hostiam laudis.

V. Tu, grex coeli sanctus,  
de cive coelico plaudis.

#### Ad Magnificat.

A. O sacer, o felix  
confessor, vota tuorum,  
Hermelande pater  
clemens, audi famulorum,  
Ut te donante  
mundi fugiamus amorem,  
Atque, domus Domini  
studeamus amare decorem.

### Ad Matutinum.

#### Invitatorium.

Confessoris ovans  
Hermelandi chorus iste  
Depromat laudes,  
Per quas placeat tibi, Christe.

### In 3. Nocturno.

#### Prosula.

Coelo dignus  
Vir benignus  
Mansionem gloriae

Est sortitus,

Redimitus

Corona justitiae.

Venerandus

Hermelandus,

Spiritualis gratiae

Vas electum,

Sequens rectum

Iter innocentiae,

Sub divina

Disciplina

Zona continentiae

Se praecinxit

Et exstinxit

Fomenta lasciviae;

Lucis templum,

Dans exemplum

Pacis et munditiae,

Ab hac luce

Christo duce

Migrans laetus hodie.

In Laudibus.

Ad Benedictus.

- A. Ad aeternae vitae regnum  
et coelestem patriam  
Duc, confessor Hermelande,  
praesentem familiam,  
Ut laetetur tecum tuam  
possedendo gloriam,  
Quae nunc tuae sanctitatis  
recolit memoriam.

In 2. Vesperis.

Ad Magnificat.

- A. O pie confessor,  
vitae qui munere gaudes,  
Hermelande, preces  
et nostras suscipe laudes,  
Ut, qui devotis  
animis celebrant tua festa,  
Vitae praesentis  
valeant vitare molesta.

Brev. Lochense imp. Turonibus 1536. — Alle übrigen Teile des Officiums sind prosaisch: die Hymnen hiezu s. *Analecta* XI, p. 152 sq.

### 63. De ss. Hermelando et Baldo.

In 1. Vesperis.

Ad Magnificat.

- A. O Christo plebs dedita,  
Sanctorum glebis praedita,  
Gratuleris hodie,  
Tota sis jucunda,  
Erumpens in laudibus  
Sursum erectis cordibus  
Lauda regem gloriae  
Labe mente munda;  
Spem fide corrobora,  
Ecce sanctorum corpora  
Hermelandi Baldique  
Tibi commendantur,  
Votis ergo sedulis,  
Dignis concentus modulis  
A nobis nunc utrique  
Laudes referantur.

Ad Matutinum.

Invitatorium.

Praeoccupemus faciem Domini  
In confessione sanctorum.

Ad Nocturnum.

Super Psalmos.

- A. Laus litetur in sanctorum  
Festo grata numini,  
Nam in lege Domini  
Fuit voluntas eorum.

Responsoria.

1. Mundum ad agni nuptias  
Invitans rex coelorum  
Servos praemisit varias  
Promittens post laborum  
Cursum vitae delicias  
Mercedem meritum.

V. Horum sancti, nunc proprias  
Quorum colis exuvias,  
Typum tenent servorum.

2. Cultu laudum impendia  
Sacrae devotionis  
Prome, praesens ecclesia,  
Paradisi colonis,  
Quorum fulges praesentia  
Congauesque patronis.

V. Laudes ipsorum amplia  
Vitae compescens vitia  
Filiae Babylonis.

3. Te, Christe, laudant supera,  
Terra, pontus et cetera,  
Quaecunque condidisti,  
Qui tot in vitae vespera  
Nobis sanctorum pignora  
Praeclara contulisti.

V. Nobis remitte scelera  
Tibique nos confoedera,  
Christe, quos redimisti.

Ad Laudes.

Super Psalmos.

A. Exuti carnis carie  
Deum laudant in caelis,  
In laude quorum hodie  
Resultat nostra chelys.

Ad Benedictus.

A. Te laudamus, Jesu bone,  
Qui certantes in agone  
Confortas ex munere,  
Dum nos ditas beatorum  
Glebis, fac nos ad eorum  
Gaudia pertingere.

Brev. Lochense imp. Turonibus 1536. — Hiezu der Hymnus Analecta  
XI, p. 153.

#### 64. De sancta Hermeliinde.

In 1. Vesperis.

R. Virgo, puellarum  
decus, observantia clarum  
Sidus, sexennis  
bis calcans saecula, perennis  
Per carnis domitiae  
regnum petit ardua vitae,  
V. Virgo carens fraude,  
celebri dignissima laude.

Ad Magnificat.

A. Virgo magnifica,  
simplex, praecauta, pudica,  
Pallens et macra,  
devota, theorica, sacra,  
Mentis tunc júbilo  
jugi, nunc pacis asylo  
Perpetuae fruitur,  
in quo gaudens stabilitur.

Ad Matutinum.

Invitorium.

Christum, castarum  
decus et tutamen earum,  
Semper adoremus  
et mente pia jubilemus.

In 1. Nocturno.

Antiphonae.

1. Praedita virgo bonis,  
praesens per singula donis,  
Moribus augmentat  
eam perfectamque parentat.  
2. Mens in sublimi  
sua floris tempore primi  
Virtutum plenas  
pure moderatur habenas.

3. Lubrica pro vili  
reputat cursu juvenili,  
Exemplar clarum,  
dux praevia, stella bonarum.

Responsoria.

1. Laetificando locum  
resonet chorus organa vocum,  
Decantet gaudens  
et coeli curia plaudens  
Adsit, ut in plenis  
laudetur virgo camoenis,  
V. Concinat ac oret  
vir, femina, quisque laboret.
2. Crimina cuncta, pater  
vult hoc et sedula mater,  
Vi fugiens tota  
Christo spondet sua vota,  
V. Carnis devexum  
maris omnis provida nexum.
3. A patre villa datur,  
quo pergens virgo moratur,  
Competit esse status  
ad opus proprii famulatus,  
Seque domumque regens  
ibi vivit humillima degens,  
V. Laudibus usque vacans,  
Christum per omnia placans.

In 2. Nocturno.

Antiphonae.

1. Contigit, ut quidam  
duo vellent fallere fidam  
Ancillam Christi,  
cui tutor, Christe, fuisti.
2. Angelus accedit,  
monet et virguncula credit,  
Sic splendorque micat,  
castam sibi castus amicat.
3. Advenit haec eremum  
fido duce credula demum,  
Hic locus aptatur  
sibi gratus eoque moratur.

Responsoria.

1. Haec eremi cultrix,  
quasi facta vulneris ultrix,  
In Christi latere  
Constanter coepit latere,  
V. Herba sibi victus  
et cilicium fit amictus.
2. Christum mente ferens,  
scripturae semper inhaerens  
Fit proba vas doxae,  
totius libera noxae,  
V. In studet aeternis  
nemorum latitando cavernis.
3. Cedit ab hac vita  
post multum sic eremita,  
Homini obsequitur  
plebs coelica, qua sepelitur,  
Fit quoque voce, lyra  
cum lampade latria mira,  
V. Sede libens anima  
superum transfertur ad ima.

In 3. Nocturno.

Antiphonae.

1. Gesta patent justo  
cuidam ceteraque venusto,  
Contigit, ut sciret,  
dum dictum per nemus iret.
2. Coeli nocte chorum  
videt et jubar audit eorum,  
Dulce melos sane,  
loca signat, abit quoque mane.
3. Nocte sequente quidam  
vir pernoctabat ibidem,  
Dignus idem dignum  
vidit memorabile signum.

Responsoria.

1. Vir toto nisu  
divulgat cognita visu,  
Parte domum fundat,  
tumba, res mira, redundat,  
V. Grande rei nomen  
diffunditur hujus et omen.



2. Plebs ruit ad nota  
miracula dans pia vota,  
Vera salus morbis  
datur hic et luminis orbis  
V. Et claudis quisque,  
surdis, mutis rabidisque.

3. Mox duce Pippino  
veniente genuque reclino  
Oscula dante locis  
fiunt pia famina votis,  
Capsa quo teste  
pia membra locantur honeste,  
Qui templum grande  
struit in laudem venerandae,  
V. Remque piam jusque  
statuens sexus utriusque  
Coetum, pro cura  
victus dat praedia multa.

Ad Laudes.

Antiphonae.

1. Laudemus Christum,  
propter quem respuit istum  
Mundum virgo bona  
fulgens radiante corona.  
2. Christum laudemus  
et laudes amplificemus,  
A quo donata  
sic proximat ista beata.  
3. Curet in aeternum  
regem laudare supernum  
Plebs, hanc qui clare  
curavit mirificare.  
4. Christus laudetur  
et in aevum glorificetur,  
Qui tam mirifice  
vitam decoravit amicae.  
5. Laudibus altisonis  
laudetur vi rationis  
Rex, cui mente mera  
servivit virgo serena.

Ad Benedictus.

- A. O benedicta pater,  
o Christe, piissime frater,  
O sanctum pneuma,  
cantus, psalmodia, neuma  
Jure tibi dantur,  
tibi psallunt, te venerantur,  
Hermlindi meritae  
qui das pia praemia vitae.

In 2. Vesperis.

Antiphonae.

1. Inclita virgo decens,  
ad Christum vota profunde,  
Ut vetus atque recens  
scelus abluat, urimur unde.  
2. Virgo dicata Deo,  
pro nobis jugiter ora,  
Ne fontes ab eo  
damnemur mortis in hora.  
3. O virgo clemens,  
da Christo juge precamen,  
Ut nobis clemens  
sit noxae detque piamen.  
4. Id pete subjectis,  
ne nos patris ira molestet,  
Virgo, sed abjectis  
vitiis bene vivere praestet.  
5. Post, modo virgo roga  
Christi pia numen et ora,  
Ut cum luce toga  
potiamur mortis in hora.  
R. Haec morum lima  
se stravit ab indole prima,  
Ad summam vitae  
varia probitate polita,  
Celsa virago, satrix  
virtutum, juris amatrix  
Intima, subjecta,  
patiens, pia, lege referta.  
V. Mirus odor gummi  
coeli replet [atria] summi,  
Quod fuit e messe  
quam sacro severat esse.

Ad Magnificat.

A. O vir verbigena,  
fons manans ubere vena,  
Virginis Hermlindis  
precibus nos exue mendis,  
Ut sua per merita  
potiamur coelibe vita.

Alia Antiphona.

Filia Hierusalem,  
tibi se dedit hic specialem,  
Qui mundi naevum  
tollens nos solvat in aevum

Tuque suo zelo  
flagrans nosingere coelo.

Alia Antiphona.

O virtutum omnium  
Te polit virgo schema,  
O quam expers sordium,  
Quam dignum fandi thema,  
Prece tui  
Fac nos frui  
Omni bono,  
Ditans dono  
Salutis et gratiae,  
Exhinc Dei facie.

Brev. ms. Bethuniense saec. 16. Cod. Atrebaten. 884. -- In 1. Noct. A 2, 4 puere Hs. — R 1, 7 Concinet Hs. — In 2. Noct. R 1, 4 coepit habere Hs. — In 3. Noct. A 1, 2 ceteraque Hs. — In 2. Vesp. A 4, 2 Ne quos hatris Hs.

65. De sancto Honorato.

In 1. Vesperis.

Ad Magnificat.

A. Lux celebris micat in tenebris  
radiusque serenus,  
Est hodie datus ecclesiae  
vir pneumate plenus,  
Quid meruit, quid deseruit,  
si respiciatur,  
Flere pium, gaudere pium  
satis esse probatur.

Ad Matutinum.

Invitatorium.

Patris Honorati  
gaudentes de patre nati  
Festa colant hodie  
summae jubilando sophiae.

In 1. Nocturno.

Antiphonae.

1. Praesul Honoratus  
hodie super astra levatus  
Gaudia post luctum  
metit et post semina fructum

2. Moribus et gestis  
puer informatur honestis,  
Cui comes et testis  
cibus est levis, aspera vestis.

3. Transgrediens metas,  
fragilis quas vendicat actas,  
In puero factus  
jam vir senis explicat actus.

Responsoria.

1. Ecce dies celebris  
celebri dignissima laude,  
Qua micat in tenebris  
tua lux, Somnobia, gaude.

V. Nescia finiri  
tibi fax nova coepit oriri.

2. Hic vir magnificus,  
humilis, pius atque pudicus,  
Quo duce Martha Liae,  
Rachel est sociata Mariae,  
Martha laborando  
fuit atque Maria vacando,

V. Ne premat ecclesiam  
regnum, ne Martha Mariam.

3. Jam superis junctus,  
jam prae consortibus unctus  
Transit Honoratus  
de culmine pontificatus  
Ad superos cives  
factus de paupere dives,  
V. De gremio matris  
translatus ad atria patris.

In 2. Nocturno.

Antiphonae.

1. Quod caro, quod mundus,  
quod et hostis vult furibundus,  
Dum fugit et subdit  
sibi se, tria proelia vicit.  
2. Mole licet pressus  
carnis super ardua gressus  
Rexit et erexit,  
nec eum via prona reflexit.  
3. Exemplum veri  
pastoris in ordine cleri  
Se fieri potius  
statuit quam velle videri.

Responsoria.

1. Aetheris ardorem  
nimium solisque calorem  
Temperat et rorem  
dat civibus uberiolem,  
V. Mundus ei cedit,  
mare, sidera, ventus obedit.  
2. Subveniens multis  
pater in moerore sepultis  
Compedibus fractis  
et carceribus patefactis  
Civibus ingratis  
dissolvit vincla ligatis,  
V. Ut pateat, quanti  
sit ubique potentia sancti.  
3. Melliflue flori,  
qui balsama vincit odore,  
Alternando chori  
succensi cordis amore

- Concentum memori  
digno modulentur honore,  
V. Gratia dat rorem  
flori, Somonobria florem.

In 3. Nocturno.

Antiphonae.

1. Ambianense solum,  
dum coelum sidere ditat,  
Ornans terra polum  
tenebras splendore maritat.  
2. Subvenit aegrotis  
majoraque munera votis  
Dat sibi devotis  
positis prope sive remotis.  
3. Mente vicens munda,  
moriens a morte secunda  
Fugit et ad vitam  
venit fugiendo sopitam.

Responsoria.

1. Luciferi splendens  
radius super aethera tendens,  
Quem colit iste chorus,  
voto, prece, laude sonorus,  
Spes et amor cleri,  
tu nos dignare tueri,  
V. Gloria pontificum,  
pastor bone, sidus amicum.  
2. Splendida stella poli,  
pater inclite, spernere noli  
Nos tibi devotos,  
sed ab omni crimine lotos  
Tecum sorte pari  
fac nos super astra locari,  
V. Maxime pastorum,  
spes, portus et aura tuorum.  
3. O decus ecclesiae,  
matri, pater, auxiliare,  
Quo gaudent hodie  
sidera, terra, mare;  
Nata patrem, natum  
mater, sua sponsa maritum  
Gaudet Honoratum  
jam super astra situm.

V. Quo sibi flore dato  
rediviva virens prius arens  
Prece viro, nato,  
filia, sponsa, parens.

In Laudibus.

Antiphonae.

1. Laudibus immensis  
resonans, plebs Ambianensis,  
Patris in hoc festo  
solito festivior esto.
2. Hic caecis, surdis, mutis  
omnique solutis  
Morborum genere  
tribuit velut ante vigere.
3. Corpora sanctorum,  
quae clausa diu latuerunt  
In latebris nemorum,  
sancti meritis patuerunt.
4. Exusti pueri  
per aquam cutis arida facta  
Sana per hunc fieri  
meruit post vota peracta.
5. Femina, quae voluit  
contendere votaue fregit,  
Optatis caruit,  
donec prius acta peregit.

Brev. Ambianense imp. Parisiis 1554.

Ad Benedictus.

- A. O navitatis opus,  
defuncti corpus honorans  
Crux caput inclinat,  
sanctum reverenter adorans;  
Res manifesta patet  
nec sancti fama laborat,  
Non opus est verbis,  
ubi res sine voce perorat.

In 2. Vesperis.

Ad Magnificat.

- A. Glorietur in hac die  
Mater Somonobria,  
Sonent vocum melodiae  
Cordis ex laetitia;  
Alleluja  
Consonet ecclesia.  
Ambianis jucundetur,  
Psallat chorus, plebs laetetur;  
Alleluja  
Consonet ecclesia.  
Pater pie, peccatorum  
Miserere et tuorum  
Esto memor memorum;  
Alleluja  
Consonet ecclesia.

## 66. De sancto Ivone.

In 1. Vesperis.

Antiphonae.

1. Virga virens virtutibus,  
Almus ramus Britanniae,  
In sanctorum splendoribus  
Ivo locatur hodie.
2. Plebis plaudat devotio  
Sublimato Ivone  
In sanctorum concilio  
Et congregatione.
3. Exortum est in tenebris  
Ivo, lumen praefulgidum,  
Qui fugatis illecebris  
Splendorem dedit humidum.

4. Humilis pauperibus  
Ivo sociatus  
Gaudet cum principibus  
Coeli coronatus.
5. Omnes Christi populi,  
Deum honorate  
Et Ivonis, servuli,  
Merita laudate.

Ad Magnificat.

- A. Gaude, mater ecclesia,  
Plaude, tota Britannia,  
Et Trecorensis civitas  
Ivone decorata,



Per quem tot mirabilia,  
Miracula eximia  
Creatoris activitas  
Est in te operata.

Ad Matutinum.

Invitatorium.

Exsultemus pariter  
Christo jubilantes  
Ivonis alacriter  
Laudes resonantes.

In 1. Nocturno.

Antiphonae.

1. In via non abiit  
Lata peccatorum  
Vir Ivo, sed tenuit  
Viam perfectorum.
2. Mundi hic inania  
Non est meditatus  
Ivo ad coelestia  
Totus inflammatus.
3. Susceptor est Dominus  
Incliti Ivonis,  
Caput ejus terminus  
Exaltans coronis.

Responsoria.

1. Sacrae scripturae foedere  
Coepit Ivo contemnere  
Mundanum florem marcidum  
Et sursum corde cernere  
Non segniter sed propere  
Ad fructum coeli sapidum;
- V. Cor ejus valde fervide  
In cursu nescit sistere  
Sed semper vult proficere.
2. Prae arduo jejunio  
Pro castitatis lilio  
Ivo corpus arctavit  
Circumtectum cilicio  
Et sic in carnis proelio  
Perfecte triumphavit,
- V. Nam fames et rebellio  
Devincitur et ratio  
In eo superavit.

3. Septem diebus rapitur  
Divino juramento  
Et tunc nullo reficitur  
Humano nutrimento,  
Nam intus plene pascitur  
Coelesti alimento.

- V. Ivo tunc alme alitur  
Et ad corpus deflectitur  
Virtus ex ligamento.

In 2. Nocturno.

Antiphonae.

1. Cum invocaret Dominum  
Ivo, vir devotus,  
In divinum silentium  
Reconditur totus.
2. Verba Dei auribus  
Populi pandebat.  
Ivo, quem operibus  
Ad Deum trahebat.
3. Ex ore infantium  
Ivo collaudatur  
De morte surgentium,  
Quo id impetratur.

Responsoria.

1. Moysi assimilatur,  
Eliae et Elisaeo  
Ivo, per quem separatur  
Aqua magna dante Deo  
Signo crucis, quo miratur  
Famulus vadens cum eo.
- V. Via pontis reseratur,  
Hinc et inde desiccatur  
Expresso Christi trophaeo.
2. Igne fervens spiritali,  
Vera Dei caritate,  
Signo crucis triumphali  
Ignem fugat pietate  
Ivo, non vi corporali  
Sed divina potestate;
- V. Dono supernaturali  
Egit in materiali  
Ignis dura qualitate.

3. Viri clausi exitum  
Ivo reseravit.  
Futuri absconditum  
Clare prophetavit  
Et ejus demeritum  
Ante propalavit ;  
V. Lumen est insolitum,  
Quo futurum volitum  
Hominis monstravit.

In 3. Nocturno.

Antiphonae.

1. In coeli tabernaculo  
Ivo habitavit,  
Cum de carnis vinculo  
Spiritus volavit.  
2. In virtute tua, Christe,  
Aeterne laetatur  
Magnus Ivo, sanctus iste,  
Et congloriatur.  
3. Innocens Ivo manibus,  
Mundissimus mente,  
Gaudet cum sanctis omnibus  
In gloriae monte.

Responsoria.

1. Hic pietatis opera  
Ivo cuncta implevit,  
Cum egenorum viscera  
Cibo, potu replevit  
Et nuda horum corpora  
Indumentis complevit,  
V. Sepulchris tradens funera  
Et vivis domus foedera  
Cetera adimplevit.  
2. Dum suis Ivo manibus  
Panem praebet pauperibus,  
Panis multiplicatur,  
Et arca plena frugibus  
Collatis indigentibus  
Iterum cumulatur,  
V. Dispergens dans egentibus  
De suis cunctis opibus  
In coelo lucrabatur.

3. Ligna curta protenduntur  
Et praecisa renascuntur  
Supra vim naturae,  
Subito dum promittuntur,  
Cum Ivoni conferuntur  
Ad opus structurae,  
V. Florent, sursum eriguntur  
Et ad statum reducuntur  
Primaevae naturae.

Ad Laudes.

Antiphonae.

1. Indutus est sanctus Ivo  
Divinum decorem  
Et gustat de coeli rivo  
Aeternum dulcorem.  
2. Ivonem presbyterum  
Cuncti exaltate  
Et pro dono operum  
Deo jubilate.  
3. Ad tuam, Ivo, gloriam  
Sitiuit Deus meus  
Sicut ad victoriam  
Fortis Maccabaeus.  
4. Ivo laude carminum  
In vita beata  
Benedicit Dominum  
Per cuncta creata.  
5. In sanctorum ecclesia  
Laus sonet Ivonis,  
Qui sedet in gloria  
In sanctorum thronis.

Ad Benedictus.

- A. Coeli gaudet rosarium  
Adventu novae rosae,  
Ivonis, cujus folium  
Senarium  
Vitae laboriosae  
Transit ad septenarium  
Stipendium  
Coronae gloriosae.

In 2. Vesperis.

Ad Magnificat.

A. Ivo praebens sacramenta  
Et salutis documenta  
Sibi dato populo  
Corde valde sedulo  
Populum purificat  
Et conducens per crementa  
Et virtutum ornamenta  
Dominum magnificat.

Brev. ms. Andegavense saec. 15. Cod. Massilien. Eb 303. A. — Brev. ms. Andegavense saec. 15. Cod. S. Genovefae Parisien. BBl. VIII<sup>e</sup> 24<sup>2</sup> B. — Brev. ms. Andegavense saec. 15. Cod. Parisien. 1273. C. — Brev. Redouense saec. 15. Cod. Vatican. Ottobon. 543. D. — Brev. Andegavense imp. Rotomagi 1504. E.

In 1. Vesp. A 3, 4 dedit nimium D. — A 4, 1 Humillimus D. — A 4, 3 Sedet cum D. — Ad Magnif. A, 6 miracula fehlt C; A, 7 et civitas C. — In 1. Noct. A 2, 1 Mundit C. — Noct. 2 und 3 fehlen C. — In 2. Noct. R 2, 2 Verba Dei D. — R 2, 3 Furtum absconditum D. — In 3. Noct. R 3, 7 tradens viscera D. — Die zugehörigen Hymnen siehe Analecta XI, p. 163 sq.

67. De sancto Ivone.

In 1. Vesperis.

Ad Magnificat.

A. Qui potens est, exaltans humiles  
Magnam facit Ivonis gloriam,  
Per virtutes innumerabiles  
Monstrans ejus magnificentiam;  
Aegros sanat, solidat debiles,  
Elinguibus praebet facundiam,  
Vinctos solvit, facit damnabiles  
Promereri de culpis veniam.

Ad Matutinum.

Invitatorium.

Aeterno vero et vivo  
Deo regenti saecula  
Jubilemus, in quo Ivo  
Operatur miracula.

In 1. Nocturno.

Antiphonae.

1. Ivo bona dedit ex arbore  
Fructum bonum congruo tem-  
pore.

2. Ivo fuit sanctae ecclesiae  
Architectus bene aedificans,  
Pascens plebem cibo scientiae,  
Dominica praecepta praedicans.  
3. Ivo, cujus est Christus gloria,  
In quo facit tot mirabilia,  
Mala turbant nos multiplicia,  
Accelera nobis remedia.

Responsoria.

1. Ivo, laudis tuae materia  
Tui vera sunt testimonia.  
Complectitur tot laudabilia,  
Qui inopes nos facit copia,  
V. Tot occurrunt menti magnalia,  
Ori quoque tot narrabilia.  
2. Ivo, quis tibi similis,  
Victu, gestu et opere?  
Simplex eras et humilis,  
Mundus ab omni scelere,  
Vestitu despicabilis,  
Quamvis clarus ex genere,  
Pius, cunctis amabilis.  
V. Deum amans sumopere,  
Studens saporibus fugere  
Ac de abjectis vivere  
Et indigentes alere.

In 2. Nocturno.

Antiphonae.

1. Ivo, pro quo tu advocas,  
Promptum sentit auxilium,  
Nam invenis, dum invocas,  
Deum tibi propitium.
2. Ivo, scuto benevolentiae  
Tegit Deus clientulos tuos.  
Lapsos trahit ad vitam veniae  
Et ab ore suscitatur mortuos.
3. Ivo, quam admirabile  
Nomen tuum dignoscitur,  
Nam contra quodvis flebile  
Malum, quod homo patitur,  
Per te confestim utile  
Remedium tribuitur.

In 3. Nocturno.

Antiphonae.

1. Ivo, qui es ad gloriam  
Ingressus sine macula,  
Impetra nobis veniam  
Et gratiam accumula.
2. Ivo, dum tuas psallimus  
Virtutes et miracula,  
Per te nostrarum poscimus  
Culparum solvi vincula.
3. Ivo, in montem Domini  
Meruisti ascendere,  
Praesenti praestes agmini  
Innocenter te colere.

Responsoria.

- Doctor cleri, doctor veri,  
Ivo, bonis nos adstrue,  
Laus sanctorum, lux rectorum,  
Nos illustra, nos instrue  
Et nos a malis erue  
Suffragio precis tuae
- V. Et a vitiis exue  
Ac virtutibus induc.

Brev. ms. Bituricense saec. 14. Cod. Parisien. 745. A. — Brev. ms. Constantiense saec. 15. Cod. Parisien. 1300. B. — Brev. Leonense imp. Parisiis 1516. C. — Die Ant. in 1. Vesp. nur in C. — Ad Noct. A 1, 1 advocas soviel als advocatum agis, patrocinaris. — Ad Ben. A, 4 saevientis; 8 Et dirige nos in viam pacis. A. — Die zugehörigen Hymnen vgl. Analecta XI, 165 sq.

Ad Laudes.

Antiphonae.

1. Mirabilis in altis Dominus,  
Qui Ivonem fecit mirabilem,  
Omne nobis dimittas facinus  
Sese praebens nobis placabilem.
2. Omnis terra resultet gaudiis  
In Ivonis sacris solemnibus.
3. Deus, Deus summae potentiae,  
Servos tuos Ivonis laudibus  
Insistentes audi propitius  
Servans eos a malis omnibus.
4. In Ivone te benedicimus,  
Pie Jesu, dum ipsum colimus.
5. Tympano et psalterio  
Laudemus Dei gloriam  
Sperantes indulgentiam  
Ivonis patrocinio.

Ad Benedictus.

- A. Benedictus Dominus omnium,  
Ivo, tibi dat hanc potentiam,  
Quod protector in te sperantium  
Inimici saevi proterviam,  
Domas, fluctus, demis incendium,  
Rixas tollis, foves concordiam;  
Audi voces ad te clamantium  
Et in pacis dirige nos viam.

In 2. Vesperis.

Ad Magnificat.

- A. In Ivonis solemnibus  
Exsultet noster spiritus  
Poscendo precibus piis,  
Ut nos adjuvet coelitus  
Impetratis remediis  
Et nos liberet penitus  
A malignis molestiis,  
Quibus mundus est subditus.



68. De sancto Ivone.

In 1. Vesperis.

Antiphonae.

1. Gaude, terra Franciae,  
Praesertim Britanniae,  
Nobili pro genie  
Quae dedit Ivonem,  
Ut bonus fons rivulis  
Fundit aquas singulis  
In salutem populis  
Et vitae praeconem.
2. Adhaerendo studiis  
Consortes ingeniis  
Praecedens scientiis  
Perfectus reluxit,  
Pauperum, pupillorum  
Causas et orphanorum  
Gratis et miserorum  
Advocatus duxit.
3. Post haec factus presbyter  
Curatus viriliter  
Parochianis iter  
Docuit salutis,  
Procuracionibus  
Et confessionibus,  
Missis, se dans omnibus,  
Spernens poenam cutis.
4. Ibat ipse pedester,  
Quamvis posset equester,  
Edocens librum Esther  
Cum aliis bonis,  
Per partes sic sunt gentes,  
Senes, adolescentes  
Crudes facti coelibes  
Exemplis Ivonis.
5. Post haec officialis  
Fuit bonis et malis,  
Ita gratusque talis  
Nunquam fuit visus,  
Exhibens justitiam  
Cuilibet propriam,  
Sedando discordiam  
Rixas rixus tollit.

- R. Vas, consolator pauperum,  
Blando vacuum iterum  
Plenum reperisti,  
Ducentos per tempus carum  
Pauperes stans et amarum  
Tuque replevisti  
Septem panibus solidatis,  
Cum non essent centum satis,  
Per virtutem Christi.  
Ivo, nos qui tuae laudi  
Adsistimus, nunc exaudi  
Tales non liquisti,
- V. Ut Deus nos tua prece  
Liberos aeterna nece  
Coeli sedi sine faece  
Jubeat adsisti.

Ad Magnificat.

- A. Ultra quam dici potest, felicius  
Beatus confessor, Ivo  
Haclorius,  
Coelo gaudet superius,  
Qui carnem maceravit  
Asperius,  
Pauperes confortavit  
Benignius,  
Ideo cum Christo regnat  
Laureatus.

Ad Matutinum.

Invitatorium.

- Adoremus et laudemus  
Christum, regem Dominum,  
Qui doctorem et praeconem  
Ivonem dat hominum.

Aliud:

- Aeterno, vero et vivo  
Deo regenti saecula  
Jubilemus, per quem Ivo  
Operatur miracula.

In 1. Nocturno.

Antiphonae.

1. Iste sanctus non abiit  
Impiorum concilio,  
Sed die, nocte subiit  
Sacrae legis eloquio.
2. Hic a Deo constitutus  
Sion in monte Domini  
Praedicavit et docuit  
Christi subdi nomini.
3. Istum Christus rex suscepit  
Exsultans in gloria  
Et suum caput erexit  
Sibi praebens gaudia.

Responsoria.

1. Adest dies celebris,  
Qua Christus de tenebris  
Vocavit Ivonem  
Pro victis illecebris  
Loco justi foederis  
Coeli portionem,
- V. Felici commercio  
Pro cursu in stadio  
Pugnans brevi spatio  
Percepit in praemio  
Dei visionem.
2. Pro cordis munditia  
Et passa moestitia  
Aspicit in gloria  
Regem coronatum.
- V. Fames et penuria  
Cedunt, at contraria  
Succedunt in patria  
Post hunc incolatum.
3. Dispensans fideliter  
Commissum talentum  
In Dei servitio  
Non se fecit lentum,  
Pauperibus prebuit  
Saepe instrumentum  
Et per hoc promeruit  
Sedem praesidentum,
- V. Dum Christo in paupere  
Praebet vestimentum.

In 2. Nocturno.

Antiphonae.

1. Nunc ergo sciant homines,  
Quod ipsum mirificat  
Et ipsum inter angelos  
Dominus aedificat.
2. Hunc devote exorantem  
Non despexit Dominus,  
Nolentem iniquitatem,  
Sed amantem aequitatem  
Exaudivit protinus.
3. Hujus memor altissimus  
Devote visitavit  
Et non minus ab angelis  
Cito coronavit.

Responsoria.

1. Hunc exaltavit Dominus  
In plebe abjectum,  
Per suum adjutorium  
Mandatis subjectum,  
Prae ceteris praetulit  
Curatis electum,
- V. Quem in solitudine  
Curae jam perfectum,  
Spirituali lumine  
Ejus intellectum  
Illustrans, adspiramine  
Inflammans affectum.
2. Ad Dei praeconia  
Opera virtutum  
Fecit et scientia  
Populum imbutum  
Et suis virtutibus  
Mundum fecit tutum.
- V. Mundanas divitias  
Contempsit et sprexit,  
Ejus amicitias  
De corde delevit  
Et Christi consilia  
Firmiter implevit.
3. Hunc servum prae ceteris  
Dominus amavit  
Atque ipsum gloriae  
stola decoravit,

Et in horto patriae  
clare coronavit.

- V. Induit eum Dominus  
veste nuptiali,  
Quae sunt fides, spes, caritas,  
nam ornatu tali  
Intratur ad nuptias  
cum sponso regali.

In 3. Nocturno.

Antiphonae.

1. Hic merito habitabit  
Dei tabernaculo,  
Quia crimen evitavit,  
Dum vixit in saeculo.
2. Isti Deus tribuit  
Cordis desiderium  
Et internam dulcedinem  
Coeli praebens praemium.
3. Innocens fuit manibus  
Et pius sanctis precibus,  
Sic scandit ad Dominum,  
Patrem et fontem luminum.

Responsoria.

1. Hic mandata Domini  
nunquam est transgressus,  
In ipsius requiem  
juste est ingressus  
Fruiturus gloria  
messor indefessus.
- V. Fidelis servitio,  
Humilis obsequio,  
Utilis consilio,  
Christi ministerio  
Firmos tenens gressus.
2. Lumbos continentiae  
cingulo praecinxit,  
Luce sapientiae  
populis illuxit,  
Sic ardens interius  
Et lucens exterius  
Perfectus refulsit,
- V. Hinc secure potuit  
Sponsum expectare,

Cum Christo, dum adfuit,  
Nuptias intrare.

3. Confessor dulcissime,  
O Ivo Haclori,  
Adjutor cognomine,  
Tu nostro corpori  
Nunc fervorem imprime,  
Nostros hostes opprime,  
Succurre labori.

- V. Filiis auxilium  
Fer, dum in agone  
Sunt, frustra remedium  
Datur vel consilium  
Jam facto themone.

Prosula.

1. Apparet in arduis  
Vivis atque mortuis  
Tua intercessio,  
Curta lingua pro ponte  
Ipsa longita sponte  
Edocet mysterio.
2. Non minus pro cathedrali  
In templo sancti Tudguali  
Sonant curta ligna,  
Bipedum curtitudine  
Quatuor longitudine  
Longans laude digna.
3. Possessus a daemonio  
Hunc terrente colloquio  
Laude plaudit sanus,  
Multi defuncti nobiles  
Gaudent atque ignobiles  
Nunc vivi et manus
4. Nautorum et submersorum,  
Hominum et jumentorum,  
Corda restaurata,  
Liberati naufragiis  
Et exstincti incendiis  
Per multa climata
5. Narrant hoc Deum laudantes,  
Ivo, cui affectantes  
Subsequi vestigia.  
Ergo laudes Deo vivo  
Concinat et tibi, Ivo,  
Haec plebs cum laetitia.

In Laudibus.

Antiphonae.

1. Conregnat nunc cum Domino  
Victurus sine termino  
Ejus indutus decorem,  
Cujus fuit pro modulo  
Semper imitatus morem.
2. Hic serviens laetitia  
Deo jubilavit,  
Ei viventem hostiam  
Pure ministravit.
3. Sitivit ejus anima  
Ad te Deum vivum,  
Quem tamquam pater refovens  
Ad proprium sinum.
4. Benedixit te Dominum  
More puerorum,  
Qui evaserunt caminum,  
Flammam Chaldaeorum.
5. Hic tuis gratus gratiis  
Te Deum laudavit,

Quem tua clemens gratia  
Coelis collocavit.

Ad Benedictus.

- A. Qui domos ab incendiis  
Equos submersos fluviis  
Salvastis tuis pluviis,  
Trans ignem, fluxus noxios  
Hujus saeculi et impios,  
Ivo, nos per actus pios  
Transfer coelo innoxios.

In 2. Vesperis.

Ad Magnificat.

- A. Magnificant coeli cives  
Deum, per quem Ivo dives  
Candidior quam sunt nives  
Est vestitus caelo,  
Post labores  
Et honores  
Saeculi et huic dant honores  
Magno cordis zelo.

Officia ms. Trecorensia saec. 15. Cod. Parisien. 1148. A. — Brev. ms. Turonense saec. 15. Cod. Parisien. 1032. B. — Brev. ms. S. Martini de Estoviaco saec. 14. Cod. Parisien. 786. C. — Brev. ms. Parisiense saec. 14. Cod. Parisien. 1024. D. — Brev. ms. Aniciense saec. 15. Cod. Capit. Anicien. s. n. E. — Brev. ms. Aurelianense imp. s. l. et a. F.

In 1. Vesp. beginnen mit **R** DEF; fünf prosaische **AA** super Ps. hat C. — **R**, 4 Duritas per B; dies **R** lautet in DEF: Confessor dulcissime etc. In denselben Hs. lautet die **A** ad Magn.:

Ivo gestans pectore  
Christum crucifixum,  
Macerato corpore  
Caritate fixum,  
Locavit in aethere  
Spiritus enixum.

In 1. Noct. **A** 1, 3 alloquio E. — **A** 2, 1 a Domino E. — **A** 2, 3 et edocuit E. — **A** 3, 1 Justum Christus E. — **R** 2, 1 Prae cordis B; statt dieses **R**: Hic mandata Domini etc. DF. — **R** 3: Completo curriculo etc. DF: diese Quellen haben (der österlichen Zeit wegen) nur eine Nokturn. — In 2. Noct. **A** 3, 4 Scito coronavit B. — **R** 3, 5 a patriae porta B; dies Responsorium lautet in C:

**R.** Completo curriculo temporalis status  
Est Ivo de carcere carnis liberatus,  
Ad coelestis gloriae regnum est translatus.  
**V.** Pro fidei meritis vocitatur jure beatus.

Die Prosula nur in B. — Ad Laudes **A** 1, 5 Semper imitans D. — **A** 3, 3 tamquam fehlt D. — Ad Bened. **A** lautet in C:

Ivo sanete, cultor justitiae,  
Novum jubar fulgens ecclesiae,  
Lux et decus gentis Britanniae,  
Hic nos esse fac vitae coelicae.



Dieselbe lautet in D:

Non talentum tumulavit  
Ivonis solertia  
Sed lucrando reportavit  
Domino duplicia.

In 2. Vesp. lautet die Antiphon ad Magnificat in CD:

O Ivo, incola Britanniae,  
Christi confessor beatissime,  
Qui tuis meritis in coelis  
Obtinuisti residere,  
Ideo te deprecamur,  
Ut pro tuis supplicibus  
Apud Christum Dominum  
Intercedas.

Die zugehörigen Hymnen finden sich Analecta XI, p. 165 sq.

### 69. De sancto Ivone.

#### In 1. Vesperis.

##### Antiphonae.

1. Cunctos presbyteros  
illustrat iste sacerdos,  
Literis inclitus  
moribus atque fuit
2. Cum Christo mens, sensus idem  
eademque voluntas,  
Hic potuit merito  
facere, quod voluit.
3. Qui steriles mentes  
virtutibus aptat opimis,  
Principibus populi  
collocari meruit.
4. Digna Deo vota,  
conspectu populi facta,  
Atriis hic Christi  
Jerusalem imposuit.
5. Doctrinae et morum  
hic plurima semina sparsit,  
Exsultans metit,  
quae lacrimans seruit.
- R. Ivo, ut exsueret  
taetra caligine mundum,  
Doctrinae accendit  
lumen cum regula morum,  
Lacte rigat parvos,  
pane cibatur validos.
- V. Omnes curat, alit,  
justificat, vegetat.

##### Prosula.

1. Decantemus hodie  
Laudes, quae continue  
Depromuntur in coelis,  
Ivonis memoriae  
Continentes animae  
Conformemur angelis.
2. Thema laudis congruum  
Vivorum et mortuorum  
Data dominatio,  
Rerum quoque omnium,  
Coelestium, terrestrium  
Concessa subjectio.
3. Explicant illa ligna  
Pro ponte, ecclesia  
Nimis curta producta,  
Compulsa daemonia,  
Christi domicilia  
Linquentia et devicta.
4. Omne genus hominum  
Sed et subjugalium  
Et quam plura climata  
Requirunt suffragium  
Et ejus praesidium,  
Quo sint subministrata.
5. Ivo, tui magnalia  
Laeta chori praeconia  
Extollunt ad superos,  
Alumnosque nos cogita,  
Infirmos tu nos visita  
Considera devotos.

Ad Magnificat.

- A. Collaetetur turba fidelium,  
Dum sol Christus Ivonem radium  
Luminis dat in mundi gaudium,  
Britanniae in patrocinium,  
Trecoriae juge praesidium,  
Cujus vita, virtus, suffragium  
Est salutis cunctis remedium.

Ad Matutinum.

Invitatorium.

En Ivonis sollemnia  
Corruscant per orbem,  
Stemus in lacticia,  
Demus Deo laudem.

In 1. Nocturno.

Antiphonae.

1. Impiorum sprevit consilia,  
Peccatorum cavit itinera,  
Pestilentum despexit studia,  
Beatorum fulget in gloria.
2. Ivo, Britonum gloria,  
Floruit universis,  
Bonis profuit gratia,  
Fuit virga perversis.
3. Quem hic Christi gratia  
Suscepit in bonis,  
Exsultat in gloria  
Coelestibus donis.

Responsoria.

1. Dulcis justitiae  
bonis hic bona semina sparsit,  
Hilaris fructus  
patrum novalibus hausit,
- V. In agro lacrimae,  
sed horreo gaudia metit.
2. Hic sauctum corpus,  
animam sanctam quoque  
nactus,  
Non carni vixit,  
octennis pugna probavit,

- V. Virgineum sertum  
Ivonem constat adeptum.
3. Doctrinam moresque parat,  
aevo juvenili  
Construit ecclesias,  
ornans aetate virili,
- V. Laurea doctorum  
claret merito decoratus.

In 2. Nocturno.

Antiphonae.

1. Optata tribuit  
sanctus hic omnia, cum vult,  
Ivo, qui studuit  
corde rogare Deum.
2. Hic de promissis  
nihil ambigit, omne dabit rex  
Optatum et meritis  
gratia major erit.
3. Mirabilis Christus  
sancti mirabile nomen  
Fecit, nam evidens  
cunctis populis fuit omen.

Responsoria.

1. Dedit se Christo,  
mundi quoque fastus abegit,  
Aerumnas populi  
scelerumque crimina flevit,
- V. Carnis delicias  
lascivas ipse fugavit.
2. Officialatus  
praefectus in auctoritate  
Servat justitiam  
cum mansueta veritate,
- V. Jus tribuit cunctis,  
pius aegris, asper iniquis.
3. Actibus Ivonis,  
Christe, fons luminis omnis,  
Illuces populis  
tenebrasque detrahis orbis,
- V. Quos docet hic de te  
verbis, meritis trahit ad te.

In 3. Nocturno.

Antiphonae.

1. A mundo mundus  
et justitias meditatus  
Monte Dei sancto  
scandere promeruit.
2. Divinam vitam  
semper es degere visus,  
Deinceps divinum  
consequeris praemium.
3. Ivonis sancti  
precibus, qui cuncta creasti,  
Regno coelesti  
nos fac in fine beari.

Responsoria.

1. Presbyter hic sanctus  
habitus est, sic quoque dictus,  
Binas ecclesias  
successive bene rexit,
- V. Has verbo, exemplo  
subsidioque pavit.
2. Hospes terrenus  
coelestes consulis aulas,  
Civis aethereus  
tu pacis nuntia portas,
- V. Tudgualum affatus  
paradisi pignora gustas.
3. Vixisti sancte,  
felix obis fruerisque  
Aeternis praemiis,  
fulgens praeclarus utrisque,
- V. Semitis his rectis  
nos ducis et protrahis ad te.

In Laudibus.

Antiphonae.

1. Gratia divina  
sanctum praedestinat istum,  
Quoque bonae indolis  
mirabilisque fuit.
2. Mater per spiritum  
praedixit hunc fore sanctum,  
Claraque futura  
produnt exordia pura.

3. Literis imbutus  
divis jurisque peritus,  
Artibus adeptus  
adiit omniscius.
4. Cuncta ecclesia tuque,  
Britannia, Francia tota,  
Ivonis festo  
laetae benedicite Deo
5. Ivo, pro meritis  
celsus te spiritus omnis  
Laudat, tuque tuum  
glorifica Dominum.

Ad Benedictus.

- A. O spem miram, quam dedisti  
Mortis hora te flentibus,  
Dum valedicens dixisti,  
Te profuturum gentibus;  
Imple, pater, promisisti,  
Nos tuis juva precibus  
Et post te fac ope Christi  
Frui cum coeli civibus.

In 2. Vesperis.

Ad Magnificat.

- A. Felix Ivo,  
quem sapientia  
Dei patris  
optavit filium,  
Cujus sanctitatis  
praemittit gaudia,  
Matris ori  
dans vaticinium,  
Cujus infantiae  
ipsa exordia  
Virtutum jam  
sonat praeludium,  
Doctrinae et operum  
merita varia  
Praebent cunctis  
splendidum radium,  
Votorum precumque  
ipsa suffragia  
Cunctis cedunt  
in patrocinium

Et post vitae  
praesentis studia  
Nos conducant  
ad coeli bravium.

Legenda ms. Trecorensis saec. 15. Cod. Parisien. 1148. — In 1. Vesp. A 2, 1 Christus Hs. — Prosula 1, 3 Eudonis memoriae Hs. — 2, 1 Theuma Hs.; vielleicht *ῥαῦμα*? — In 1. Noct. A 1, 1 Ivo impiorum Hs. — R 2, 6 Ivo nomen constat Hs. — R 3, 1 moresque pravas Hs. — R 3, 6 decoratum Hs.; dies scheint in der That der Reim zu fordern, der Sinn indes zu verbieten. — In Laud. A 4, 4 laeti benedic Domino Hs. — Die zugehörigen Hymnen sehe man Analecta XI, p. 166 sq.

## 70. De sancto Ketillo.

### In 1. Vesperis.

#### Antiphonae.

1. Vir Domini prudens,  
meritorum luce refulgens,  
Praeclarus genere  
morumque micans probitate,  
Tempore praeclari  
fertur regis Nicolai  
In lucem sanctus  
mundi prodiisse Ketillus.
2. Sic pius ac mundus,  
ut ei quis in orbe secundus  
Vix foret aut similis  
in commissoque fidelis,  
Mnam meruit Domino  
multiplicare suo.
3. Vir pius ac justus  
verbique lucerna, Ketillus  
Munere multiplici  
meruit Domino famulari.
4. Clarus honestate,  
rutilans mira bonitate,  
Mitis, mansuctus,  
humilis, pius atque modestus  
Induit algentes  
satiavit et esurientes.
5. O felix Christi  
confessor, qui meruisti  
Sic de terrenis  
largiri rebus egenis,

In permansura  
quo mutares peritura  
Et felix frueneris  
eis per saecula futura.

#### Ad Magnificat.

- A. Magnificet Dominum  
voci et carmine laudum  
Plebs laetabunda,  
clerus quoque voce jucunda,  
Athletae Domini,  
recolens sacra festa Ketilli.

### Ad Matutinum.

#### Invitatorium.

In sanctis Dominum  
trinum laudemus et unum,  
Qui meritis rutilum  
transvexit ad astra Ketillum.

### In 1. Nocturno.

#### Antiphonae.

1. Edita nobilium  
proles de stirpe parentum  
Ut radiis sidus  
micuit virtute Ketillus.
2. Simplex, innocuus,  
patiens et corpore castus,  
Igne calens superum  
spernit cum germine mundum



3. In donis crescens  
coelestibus hinc adolescens  
Cognitus est vere  
Domino populoque placere.

Responsoria.

1. Beatus vir Domini Ketillus,  
Ex illustri prosapia ortus,  
Cum adhuc esset in aetate tenera  
Coepit devotus Deo existere  
Utraque innocentia  
Et simplicitate  
Domino hominibusque place.
- V. *Dilexit enim Christi mandatum  
super aurum et topazion.*
2. Contemptis igitur parentum  
opibus  
Divitiis intendebat coelestibus,  
Ut relinquens peritura  
Possideret permansura  
Cum sanctis in gloria,
- V. *Ubi nec aerugo nec tinea de-  
moliuntur, et fures non effo-  
diunt nec furantur.*
3. Sub jugo religionis  
Renitens virtutum donis  
Sacerdos est consecratus  
Et in grege sublimatus.
- V. *Accipiens benedictionem a Do-  
mino et misericordiam a Deo  
salutari suo.*

In 2. Nocturno.

Antiphonae.

1. Forma gregi factus  
per mores atque per actus,  
Quos informavit,  
hos verbi semine pavit.
2. Christum suscipiens,  
Christum per membraque  
pascens  
A Christo pasci  
meruit dape spirituali.
3. Vir sanctus tribuit,  
Dominusque magis superaddit,  
Succrescunt dona,  
succrescit et aucta corona.

Responsoria.

1. Erat hic Dei dilectus,  
Humilitate praeditus,  
Castitate praeclarus,  
Largitate conspicuus,  
Blandus alloquio,  
Firmus consilio,  
Misericordia insignis  
Et caritate inaeestimabilis.
- V. *Dilexit enim ex tota virtute  
Deum et proximum sicut  
seipsum.*
2. Cum orasset vir beatus,  
per crucis signaculum  
Muniendo civitatem  
repressit incendium.
- V. *Mirificavit Dominus sanctum  
suum et exaudivit clamantem  
ad eum.*
3. Tu vitae speculum,  
mundi praeclara lucerna,  
Nos exempla sequi  
tua fac per dona superna.
- V. *Ut illuminemur per illum, qui  
illuminat omnem hominem  
venientem in hunc mundum.*

In 3. Nocturno.

Antiphonae.

1. Qui populo Christi  
vivendi forma fuisti,  
Moribus ornari  
nos et te fac imitari.
2. Ad te clamantes  
famulos veniamque precantes,  
Alme pater, Domino  
Ketille reconciliato.
3. Qui dono Christi  
virtutibus emicuisti,  
Hanc defende tuam,  
pastor venerande, catervam.

Responsoria.

1. Servus Dei nudulum  
Obviam habens leprosum

- Refovet et induit,  
Sed indutus ab ipsius  
Conspectu evanuit.
- V. *Beatus qui intelligit super egenum et pauperem, in die mala liberabit eum Dominus.*
2. Viro sancto nocte quadam  
Recitante homiliam  
Per lumen interius,  
Quod exstinctum prius erat,  
Accendi in manu ejus  
Visum est a fratribus.
- V. *Mirabilis Deus in sanctis suis et gloriosus in operibus suis.*
3. Gemma clara confessorum,  
Norma gregis, forma morum,  
Pro salute devotorum  
Funde preces famulorum.
- V. *Non recedet memoria tua, et nomen tuum requiratur a generatione in generationem.*

### In Laudibus.

#### Antiphonae.

1. Ad laudem Domini  
cantus promantur et hymni,  
Qui tribuit sancto  
virtutum dona Ketillo.
2. Qui variis renitens  
donis signisque refulgens  
Restituit visum  
caecis, claudis quoque  
gressum.

Brev. Roschildense imp. Parisiis 1517. A. — Brev. Aarhusiense imp. Aarhusiae 1519. B. — Brev. Lundense imp. Parisiis 1517. C. — In 1. Vesp. A 2, 5 Nam meruit BC. — A 3, 1 ac prudens B.

C hat noch folgendes R:

Splendida gemma patrum, virtute nitens meritorum,  
Suscipe servorum pia vota precesque tuorum

V. Et prece fer nobis veniam peccamine lapsis.

In 1. Noct. R 1, 1 Ortus ex illustri prosapia C. — In 3. Noct. A 1, 4 fac sociari C; fac fehlt A. — R 3, 1 clara sacerdotum B. — Ad Laud. A 1, 1 Ad laudes B. — Hymnen: Ad Vesp.: Alternatim sonent voces; ad Noct.: Festiva dies colitur; ad Laud: Refulget dies annua.

3. Sordos ac mutos,  
a lepra commaculatos  
Sanos reddebat  
et opem multis tribuebat.
4. Ergo Deum caeli  
benedicite corde fideli  
Atque pium servum  
facientem signa per illum.
5. Cujus erat vita  
morum radio redimita,  
Ejus nunc opera  
lucent virtute referta.

#### Ad Benedictus.

- A. Exsultans celebra  
melodum laude canora  
Sacra patris nostri  
votivaque festa Ketilli,  
Hinc quem sublatum  
feliciter et sociatum  
Coetibus angelicis  
veneratur turma fidelis.

### In 2. Vesperis.

#### Ad Magnificat.

- A. Magni magnifice  
regis bone fideque serve,  
Introgrede Christi  
qui gaudia promeruisti,  
Pro nobis ora,  
quo perveniamus ad illa.

71. De sancto Ludovico.

In 1. Vesperis.

Antiphonae.

1. Ludovicus, decus regnantium,  
Transit felix ad coeli solium,  
Cujus prece coctus fidelium  
Summi regis intret in gaudium.
2. Gaude, regnum Franciac,  
Cui dedit rex gloriae  
Tam excellens donum,  
Quod tu regem proprium  
Habes in subsidium  
In coelo patronum.
3. Te, dum ipse viveret  
Ac coronam regeret,  
Tamquam rex defendit;  
Nunc particeps gloriae  
Factus tuae veniae  
Diligens intendit.
4. Plebs ergo Francigena  
Non tamquam gens advena  
Christo refer laudes,  
In cujus palatio  
Tui patrocínio  
Quondam regis gaudes.
5. In terris regimine  
Ac sub ejus nomine  
Protecta fuisti,  
Modo tibi gratiam  
Impetret ac veniam  
In conspectu Christi.

Ad Magnificat.

- A. Magnifica gesta clarissima  
Sancti Ludovici,  
Divino cultui  
Devotum hodie  
Praesens collegium.  
Cujus sancta conscendit anima  
Sub fine felici  
Regni perpetui  
Cum sanctis patriae  
Sublime solium.

Ad Matutinum.

Invitatorium.

Ludovici laeta solemnia  
Laeta colat mater ecclesia.

In 1. Nocturno.

Antiphonae.

1. Beatus qui solium,  
Iter et consilium  
Malorum vitavit,  
Sanctus ab infantia  
Ludovicus haec tria  
Semper declinavit.
2. Regni sedem consecutus  
Humilem se praebuit  
Et in Sion constitutus  
Cultu Dei claruit.
3. Susceptus ad meritum  
Gloria dotatur,  
Caput Deo subditum  
Coelo coronatur.

Responsoria.

1. Rex regum regi filio  
Regales parans nuptias  
Post certamen in stadio  
Coeli praebet delicias,  
Glorioso comercio
- V. Pro regno temporalium  
Regnum habet coelestium  
Ludovicus in praemium.
2. Felix terra, cujus rex sapiens,  
Justus, clemens, modestus,  
patiens,  
Cujus vultus est malos feriens,  
Bonos alliciens.
- V. Ludovicus sic terris praefuit,  
Quod regnando coelos promeruit.
3. Hunc natura genuit  
Regno fructuosum,  
Voluntas exercuit  
Mundo gratiosum,

- Deus ipsum praebuit  
Caelo gloriosum;  
V. Normam vitae posuit  
Hunc Deus et tribuit  
Signis virtuosum.

In 2. Nocturno.

Antiphonae.

1. Invocantem exaudivit  
Deus regem humilem  
Et praeclavis insignivit  
Signis suum pugilem.
2. Deductus in justitia  
Clemens subjectis praefuit,  
Leges, poenas et praemia  
Sapienter instituit.
3. Coronatur gloria  
Sanctus et honore,  
Quia mundi gaudia  
Duxit in timore.

Responsoria.

1. Gloriosus apparuit  
Non cultu praesidentis,  
Sed cum incultus praefuit  
More David ludentis,  
Nec ex hoc sibi defuit  
Auctoritas regentis;  
V. Virgam virtutis habuit,  
In qua malos compescuit  
Sed sub norma clementis.
2. Coram rege conspicitur  
Liber in praeda perditus,  
Miraculose solvitur  
Rex Sarracenis traditus  
Et hostibus expositus;  
V. Jonas undis eripitur,  
Joseph detentus solvitur  
Et David antro positus.
3. Cum esset in accubitu  
Rex internae dulcedinis,  
Arcens potenti spiritu  
Pestes carnis et sanguinis,  
Bonorum septus ambitu  
Sceptro fulsit regiminis.

- V. David regni sedit in solio  
Salomonis utens iudicio.

In 3. Nocturno.

Antiphonae.

1. Habitabat confidenter  
Rex in monte Domini,  
Quia vixit innocenter  
Omni gratus homini.
2. Rex virtutis in virtute  
Divina laetatur,  
Quia sibi de salute  
Spes firma donatur.
3. Innocens manus praebuit  
Cordis quoque munditia  
Ludovicus, qui meruit  
Regni coelestis praemia.

Responsoria.

1. Fulget signis rex insignis,  
Jam aegrotis ejus votis  
Praestantur remedia,  
V. Dati neci liberantur,  
Claudi, caeci reparantur,  
Fugantur daemonia.
2. Pro se suisque subjectis  
Orans Deum et cum rectis  
Rectum iter faciens  
Domum Dei rex intravit  
Et ad templum adoravit,  
Ut praedixit moriens.  
V. Felix cursus sic viventis,  
Felix finis sic currentis  
Deo semper uniens.
3. Regnum mundi supergressus  
Et ejus ornatum,  
Regnum coeli jam ingressus  
Post hunc incolatum,  
V. Peregre Jacob egressus  
Patris ad mandatum  
Deum vidit sic professus  
Vitae coelibatum.



In Laudibus.

Antiphonae.

1. Ludovicus hodie  
Decorem indutus  
Est coelestis patriae  
Regnum consecutus.
2. Omnis terra jubilet  
Deo laeta serviens,  
Laudibus invigilet  
Novum festum faciens.
3. Ad te, Deus meus,  
Semper vigilavit  
Sicque nunquam reus  
Coelos penetravit.
4. Benedixit creatorem  
In suis operibus  
Ludovicus gerens morem  
Datum coeli civibus.
5. Ludovicus Dominum  
De coelis laudavit,  
Quando vitae terminum  
Coelo dedicavit.

Ad Benedictus.

- A. Benedictus Dominus,  
Qui nobis erexit  
Cornu, quod paulominus  
A David dilexit,  
Hic virtute geminus  
Rex in pace rexit,  
Quem regendi terminus  
Ad coelum direxit.

In 2. Vesperis.

Ad Magnificat.

- A. Magnificat miraculis  
Ludovicum divinitas,  
In quo cunctorum oculis  
David fulsit humilitas,  
Salomonis serenitas  
Et Ezechiae veritas,  
Quem gratiarum titulis  
Solemne fecit populis  
Josiae par benignitas.

Per Octavam.

Antiphonae.

1. Ludovice, rex Franscorum,  
In felice beatorum  
Regno gaudens gloria,  
De hac valle miserorum  
Recto calle nos justorum  
Duc ad coeli gaudia.
2. Magnificat Dominum  
Et exsultet spiritus  
Pauperum et divitum  
In Deo salutari,  
Qui generi hominum  
Hunc regem divinitus  
Ludovicum inclitum  
Dedit pro exemplari.
3. Jam sanctus post laborem  
Recepturus praemium  
Regnaturum majorem  
Exhortatur filium  
Ad matris honorem,  
De fide et moribus  
Testamentum condidit  
Et bonis operibus  
Complementum addidit  
Divinum amorem.
4. O martyr desiderio,  
Quam pie mentis studio  
Crucifixo compateris,  
Cujus crucem in humeris  
Tuis adfixisti;  
Passio tibi deficit,  
Sed martyrem te efficit  
Fervor et zelus Christi.
5. Tu caecorum oculus,  
Debilium baculus,  
Oppressorum clipeus,  
Perversorum malleus,  
Nutritor minorum;  
Miserere populi  
Te laudare seduli,  
Nobilis rex Franciae,  
Ludovice, gloriae  
Consors beatorum.

6. O decus ecclesiae,  
Pie rex Francorum,  
Exemplar justitiae,  
Lex et norma morum,  
Post finem angustiae  
Mortis et laborum  
Praesta dono gratiae  
Regnum beatorum.
7. Magnum magnatum speculum,  
Ludovice rex Franciae,  
Cunctis relinquens titulum  
Sanctitatis eximiae,  
Prece juvans in saeculum  
Commenda regi gloriae  
Devotum tibi populum.
8. O patriarcha procerum,  
Piorum sator munerum,

Curam gerendo pauperum  
Ludovice, rex beate,  
Efficaces sint oblatae  
Tibi preces, impetratae  
Pacis nobis indilate  
Fructum repetentes a te.

9. Ora, pater Ludovice,  
Hac pro gente peccatrice  
Sui reatus conscia,  
Ut pax Dei genitrice  
Tecum nobis adjutrice  
Detur et indulgentia,  
A divina clementia,  
Quae relicta cicatrice  
Carnis palma cum victrice  
Coronavit te gloria.

Brev. ms. Parisiense saec. 14. Cod. Parisien. 1052. A. — Brev. ms. Parisiense saec. 15. Cod. Parisien. 746. B. — Brev. ms. Parisiense saec. 15. Cod. Parisien. 746 a. C. — Brev. ms. Parisiense saec. 15. Cod. Parisien. 1026. D. — Brev. ms. Bituricense saec. 14. Cod. Parisien. 745. E. — Brev. ms. Senonense saec. 13. Cod. Parisien. 1028 add. saec. 14. F. — Brev. ms. Philippi Boni, Flandriae Comitum saec. 15. Cod. Bruxellen. 9026. G. — Brev. ms. Romanum saec. 14. Cod. Vatican. Urbin. 603. H. — Brev. ms. Parisiense saec. 15. Cod. Parmen. Palat. 208. I. — Brev. Fontebraldense imp. Parisiis 1514. K. — Brev. Audomarense imp. Parisiis 1518. L. — Brev. Liciense imp. Venetiis 1526. M. — Brev. Aversanum imp. s. l. 1499 N. —

In 1. Noct. A 1, 2 Iter fehlt E. — A 2, 4 Cultus E. — In 3. Noct. A 3, 3 qui invenit E. — A 3, 4 Regni fehlt E. — R 2, 9 semper vivens E. — In Laud. A 3, 3 Sic quia nunquam E. — Die Antiphonen per Octavam nur ADE. — A 2, 6 Hunc fehlt E. — A 3, 1 sanctis E. — A 4, 4 Cujus fehlt. — A 8, 6 Tibi fehlt E. — A 8, 8 repetes a te E. — A 9, 1 fehlt D. — Nur eine Nocturn hat N; die Zusätze von K, das monastische Form hat, sind belanglos, da das Officium für die Pariser Kirche verfaßt ist. Die zugehörigen Hymnen Analecta XI, p. 177. sq.

## 72. De sancto Ludovico.

- In 1. Vesperis.  
Antiphonae.
1. Lauda, coelestis regio,  
Regem saeculorum,  
Tuo dignus collegio  
Adest rex Francorum.
  2. Collaudent ecclesiae  
Humilem, pudicum,  
Pium regem Franciae,  
Sanctum Ludovicum.
  3. Hostem pestis haereticæ  
Progenitorem habuit,

- Qui fidei catholicae  
Fortis athleta claruit.
4. Mater illustris genere  
Mira pollens peritia  
Docuit eum colere  
Deum a pueritia.
- Ad Magnificat.
- A. Magnifica gesta clarissima  
Sancti Ludovici,  
Divino cultui  
Devotum hodie  
Praesens collegium,

Cujus sancta conscendit anima  
Sub fine felici  
Regni perpetui  
Cum sanctis patriae  
Sublime solium.

Ad Matutinum.

Invitatorium.

Adsunt cum gloria  
Christianae legis  
Sacra solemnia  
Ludovici regis.

In 1. Nocturno.

Antiphonae.

1. Ex strenuo milite  
Patre procreatus  
Sensu matris inclitae  
Crevit educatus.
2. Oritur in gaudium  
Sacrae puer indolis,  
Felix puerperium,  
Felix ortus sobolis.
3. Ab amore saeculi  
Juvenis abstractus  
Ea, quae sunt parvuli,  
Vacuat vir factus.
4. Veritas et misericordia  
Ceperunt habitaculum  
Cordis, pax et justitia  
Convenerunt ad osculum.
5. Evitans mundi strepitum,  
Sedens domatis angulo  
Reficiebat spiritum  
Sacrae doctrinae pabulo.
6. Creatoris injuriam  
Graviter ferebat,  
Blasphemorum perfidiam  
Dure puniebat.

Responsoria.

1. Ludovicus, rex inclitus,  
Regum Francorum gloria,  
A primaevo sollicitus  
Christi sequi vestigia,

Promeruit divinitus  
Aeterni regni praemia.

V. Rex sedens in solio  
Decernens justitiam,  
Contuito praemio  
Dissipans malitiam.

2. Gratam vitae juventutem  
Sapienter incipiens  
Christi jugo supposuit,  
De virtute in virtutem  
Quotidie proficiens  
Vitae coronam meruit.

V. Si legis attentus,  
In Josia figuratur,  
Cujus sic juvenus  
Regi regum famulatur.

3. In fundandis ecclesiis,  
In relevatione pauperum,  
Quam devotus exstiterit,  
Certis patens indicibus  
Praesens nobis adspectus  
operum

Indubitanter aperit,

V. Cum manus justitia  
Devoto mentis studio  
Secum ab infantia  
Crevit miseratio.

4. Verborum moderamine  
Mire circumspectus,  
Grata trahens dulcedine  
Hominum affectus,  
Veritatis examine  
Noscitur perfectus.

V. Concepto sermone sobrius  
Juramentum cavit,  
Est, est, non, non dicens, am-  
plius  
Malum judicavit.

In 2. Nocturno.

Antiphonae.

1. Transit mare rex insignis  
Firma fide fultus,  
Multos graves ab indignis  
Patiens insultus.

2. Occulto iudicio  
Sub crucis signaculo  
Captus infortunio  
Solvitur miraculo.
3. Hinc reversus ad patriam  
Ecclesiam dilexit,  
Veram exhibens patriam  
Semper bonos evexit.
4. Deductus in iustitia  
Clemens subjectis praefuit,  
Leges, poenas et praemia  
Sapienter instituit.
5. Coronatus gloria  
Sanctus et honore,  
Quia mundi gaudia  
Duxit in timore.
6. In omni discrimine  
Reputabat gloriam  
Hic pro Christi nomine  
Pati contumeliam.

Responsoria.

1. Pro catholicae fidei  
Promotione sedula  
Mare transiturus  
Subit ad honorem Dei  
Terra, maris pericula  
De Deo securus.
- V. Ut angelus Domini  
Cum David immobilis,  
Non cedit discrimini  
Vir in fide stabilis.
2. Prorsus jactans in Dominum  
Cogitatus sui curam,  
Mundanorum discriminum  
Nullam metuit pressuram,  
Sperans a patre luminum  
Opem semper adfuturam.
- V. Confidens ut leo,  
Justus, imperterritus,  
Constanter a Deo  
Praestolatur coelitus.
3. Coram rege conspicitur  
Liber in praeda perditus.

- Miraculose solvitur  
Rex Saracensis traditus  
Et hostibus expositus;
- V. Jonas undis eripitur,  
Joseph detentus solvitur  
Et David antro positus.
4. Cum esset in accubitu  
Rex internae dulcedinis,  
Arcens potenti spiritu  
Pestes carnis et sanguinis,  
Bonorum septus ambitu  
Sceptro fulsit regiminis.
- V. David regis sedet in solio  
Salomonis utens iudicio.

In 3. Nocturno.

Ad Cantica.

- A. Beatus est iste dives  
Inventus sine macula,  
De quo paradisi cives  
Deum laudant in saecula.

Responsoria.

1. Corpus ejus confectum macie,  
Subjugatum suo spiritui,  
Monstravere crebra jejunia,  
Disciplinae, fletus, vigiliae,  
Pallor, livor vultus emortui,  
Cilicium, lecti duritia,
- V. Statum poenalem et asperum  
Rex pius elegit,  
Se velut Manassem alterum  
Penitus subegit.
2. De quinque catenis ferreis  
Occulte suscepta verbera  
Manu confessoris  
Benigne forebat in eis  
Devote recolens vulnera  
Nostri redemptoris.
- V. Exutus a poenis  
Carcere solvitur.  
Liber a catenis  
Regnum ingreditur.



3. Imminente mortis articulo  
 Diem vitae clausurus ultimum,  
 Morbo pressus decumbens lectulo  
 Testamentum condidit optimum,  
 Memoriae dignum spectaculo;  
 V. More Jacob liberis  
 Thesaurum doctrinae  
 Profuturum posteris  
 Legavit in fine.
4. Regnum mundi supergressus  
 Et ejus ornatum,  
 Regnum coeli jam ingressus  
 Sibi praeparatum,  
 Nostros ad se regit gressus  
 Post hunc incolatum;  
 V. Peregre Jacob egressus  
 Patris ad mandatum,  
 Deum vidit, sic professus  
 Vitae coelibatum.

#### Ad Laudes.

##### Antiphonae.

1. Adest dies laetitiae,  
 Quo transiit ex mundo  
 Flos dignitatis regiae  
 Cum fructu jucundo.

2. Angelorum choris  
 Defertur in jubilo  
 De valle moeroris  
 Sol egressus nubilo.
3. Luce vigil ad Dominum  
 Prudens et fidelis  
 Servus cum patre luminum  
 Jungitur in caelis.
4. Benedicant opera  
 Cuncta creatorem,  
 Qui dat super sidera  
 Regnum post laborem.
5. Laudes Deo concinit  
 Egressus exsilium,  
 Pressurae non meminit  
 Translatus in gaudium.

##### Ad Benedictus.

- A. Benedictus Dominus,  
 Qui nobis erexit  
 Cornu, quod paulominus  
 A David dilexit;  
 Hic virtute geminus  
 Rex in pace rexit,  
 Quem regendi terminus  
 Ad coelos direxit.

Brev. ms. S. Germani a Pratis saec. 14. Cod. Parisien. 13239. A. —  
 Brev. ms. Sandionysianum saec. 14/15. Cod. Oxonien. Miscell. Liturg. 192.  
 B. — Brev. Sandionysianum imp. Parisiis 1550. C. — Antiph. ms. Hilariense  
 V. anni 1632. D.

In 1. Vesp. nur 1 Antiph. super Ps. BC; mit Ant. ad Magnif. beginnt  
 D. Letztere ist dieselbe wie im vorhergehenden Officium, wie denn mehrere  
 Teile desselben in dieses übergegangen. — In 1. Noct. A 5, 2 dogmatis A.  
 — In jeder Nokturn nur eine Antiphon für alle Psalmen BC; ebenso in den  
 Laudes. — In Laud. A 5, 1 Laudum A. — In 2. Vesp. hat D fünf Anti-  
 phonen, von denen die drei ersten der ersten Nokturn, die fünfte den Laudes  
 entlehnt sind; die vierte kommt nur in D vor:

Audiens utiliter Summum praeceptorem  
 Servavit humiliter Parentum honorem.

A hat nur eine Ant. super Ps. Magnum magnatum speculum, vgl. das  
 vorige Officium. Ad Magn. Ant.: Magnificat miraculis, siehe ebenda, ABC,  
 Magnum magnatum speculum D. — Die zugehörigen Hymnen Analecta XI,  
 p. 178, sq.

73. De sancto Ludovico.

In 1. Vesperis.

Antiphonae.

1. Francorum rex magnificus,  
Ludovicus, vir coelicus,  
Sumopere studuit,  
Soli Deo placere,  
A quo tantam meruit  
Gratiam obtinere.
2. Crucis Christi signaculum  
Contra gentilem populum  
Suscepit primum junior  
Et postmodum provectior  
Ad meritorum cumulum.
3. Hic regnum, matrem, liberos,  
Infantes adhuc teneros  
Reliquit ac sororem,  
Sed post assumptis filiis  
Haerens Christi consiliis  
Dimisit et uxorem.
4. Sanctus hic sprexit omnia,  
Quaecunque transitoria,  
Propter regnum coelorum,  
Tam carnales delicias,  
Quam fallaces divitias  
Cum fastu superbiorum.
5. Hic miraculis rutilat,  
Qui in coelis jam jubilat  
Exsultans cum beatis;  
O Ludovice, rex pie,  
Memento nostri hodie,  
Qui sumus in peccatis.

Ad Magnificat.

- A. Magnificat Dominum  
Et exsultat spiritus  
Pauperum et divitum  
In Deo salutari,  
Qui generi hominum  
Hunc regem divinitus,  
Ludovicum inclitum,  
Dedit pro exemplari.

Ad Matutinum.

Invitatorium.

Laudamus Christum Dominum,  
Qui regem Ludovicum  
Praestat saluti hominum  
Solamen salvificum.

In 1. Nocturno.

Antiphonae.

1. Puer hic defuncto patre  
Nutritus est decenter  
A religiosa matre,  
Cui paruit libenter.
2. Languoris vehementia  
A Deo visitatus  
Est in convalescentia  
Cruce Christi signatus.
3. Tres fratres suos comites  
Secum cruce signavit  
Et regni sui divites  
Ad idem animavit.

Responsoria.

1. Francorum jam exercitu  
Sub rege Ludovico  
Praeparato pro transitu  
In conductu nautico,  
Legato ab ecclesia  
Dato cum indulgentia,
- V. In passagio signato  
Deo primum invocato  
Transivit princeps maria.
2. In Dei fervens opere,  
Statim ut transfretavit,  
Infideles lacerare  
Gravi bello temptavit  
Et Damiatam propere  
Vi captam occupavit;
- V. Quam deserente turpiter  
Populo degenerare  
Ipse potenter intravit.

3. Dum pater clementissimus  
Suum verberat populum,  
Vir iste devotissimus  
Ad Deum levat oculum,  
Ut erat ferventissimus  
Obsequium dans sedulum;  
V. Hic Tobias notissimus,  
Qui mortuos humillimus  
Portavit ad tumulum.

In 2. Nocturno.

Antiphonae.

1. Lassato jam exercitu  
Diurno languore  
Infideles cum fremitu  
Accurrunt et furore.  
2. Populi princeps furiae  
Non cedit effrenati  
Monstrans, se voluntarie  
Pro Christo poenas pati.  
3. Ductus ad locum carceris  
Mire fert ad tentorium  
Sollicito pro vesperis  
Paganus breviarium.

Responsorium.

1. Laus tibi per saecula  
Patri, nato, paraclito,  
Quod rex sine macula  
Per te liberatur,  
Dum in Soldani subito  
Illa gens incredula  
Tuo beneplacito  
Morte effrenatur.  
V. En Dei virtus sedula,  
Pro suis quae tam cito  
Pellendo pericula  
Mira operatur.  
2. Bissenis cum baronibus  
Firmus rex in fide vera  
De pactis juraturus  
Saracenis furentibus  
Respondet voce libera:  
Nunquam sum id factur.

- V. Si non stas his sermonibus,  
Ait illi gens effera,  
Christum es negaturus.  
3. Regressus rex ad propria  
Non destitit insistere  
Operi virtuoso,  
Se mactat pro hostia,  
Egenos levat munere,  
Ministrat leproso,  
V. Visitat monasteria,  
Domos Dei ex opere  
Construxit sumptuoso.

In 3. Nocturno.

Antiphonae.

1. Cor verbis sacrae scripturae  
Sollicitus apponit  
Omniique regali jure  
Verbum Dei proponit.  
2. Bonis semper operibus  
Sanctus rex intendebat,  
Simile facientibus  
Devotus adhaerebat.  
3. Ut regis sancti merita  
Remunerantur natis,  
Iis pia tradit monita,  
Semitas aequitatis.

Responsoria.

1. Toto corde cum rege Josia  
Quaesivit Deum ab infantia,  
David alter misericordia  
Et Salomon est sapientia,  
V. Joseph est providentia  
Et Gedeon constantia.  
2. De largitatis horreo  
Rex misericors tribuit  
Plena manu pauperibus,  
Quos visitando circuit,  
Cibos ori intromittit  
Et pedes supplex abluit.  
V. O quantus et qualis fuit,  
Qui tam pium cor habuit,  
Quod egenis compatiens  
Servitium hoc praebuit.

Ad Laudes.

Antiphonae.

1. Magnus rex gentis Francorum,  
Divinae legis zelator  
Et promotor bonorum,  
Religionis amator,  
Persecutor vitiorum  
Fuit et exstirpator.
2. Justus in judiciis,  
Prudens in consiliis  
Bonis semper favit,  
Stetit pro ecclesia,  
Cui ne injuria  
Inferretur, cavit.
3. In vestitu humillimo  
Atque victu parcissimo  
Fit cunctis in stuporem,  
Virtutes factis praedicat  
Et operibus indicat  
Se perfectum doctorem.
4. Patris natum unicum  
Benedicant Dominum  
Omnes creaturae,  
Qui tot per Ludovicum  
Signis auget hominum  
Vitae spem futurae.

5. Laudet jam felix Francia,  
Tota laudet ecclesia  
Opera salvatoris,  
Et pro tot beneficiis,  
Quot potest, surgat gratiis  
Ad laudem largitoris.

Ad Benedictus.

- A. Jam sanctus post laborem  
Recepturus praemium  
Regnaturum majorem  
Exhortatur filium  
Ad matris honorem,  
De fide et moribus  
Testamentum condidit  
Et bonis operibus  
Complementum addidit  
Divinum amorem.

In 2. Vesperis.

Ad Magnificat.

- A. O martyr desiderio,  
Quam piaie mentis studio  
Crucifixo compateris,  
Cujus crucem in humeris  
Tuis bis affixisti,  
Passio tibi deficit,  
Sed martyrem te efficit  
Fervor et zelus Christi.

Brev. ms. Mariae de Valentia, comitissae de Pembroke saec. 14. Cod. Cantabrigen. Dd. V 5. A. — Brev. ms. Cardinalis Borbonii saec. 16. Cod. Parisien. 1288. B. — Brev. ms. Ebroicense saec. 15. Cod. Ebroicen. 12. C. — Brev. ms. Franciscan. ? saec. 15. Cod. Londinen. Harl. 2864. D. — Brev. ms. Franciscan. saec. 15. Cod. Turonen. 143. E. — Brev. ms. Mantuanum saec. 15. Cod. Univers. Patav. 734. F. — Von diesen Quellen ist leider E arg zerschnitten und völlig verkehrt eingebunden.

In 1. Vesp. A 3, 1 liberos fehlt B. — In 1. Noct. R 2, 8 und 9 scheinen nicht in Ordnung, obschon ABCDEF übereinstimmend lesen wie vor. — Ad Laudes A 1, 3 Ac promotor C. — A 1, 5 sq. Fuit et exstirpator vitiorum B; Vitiorum fuit exstirpator A; Vitiorum fuit et exstirpator E. — Die zugehörigen Hymnen siehe *Analecta* XI, p. 179 sq.

74. De sancto Ludovico.

In 1. Vesperis.

Super Psalmos.

- A. Nunc laudare Dominum  
Debet plebs fidelis,  
Exstirpator criminum  
Regnat rex in caelis.

Ad Magnificat.

- A. Rex, per quam ecclesia  
Fuit sublimata,  
Per quem tota Francia  
Nunc est honorata,



Cui semper justitia  
Fuit comitata,  
Nobis Christi gratia  
Da regna beata.

Ad Matutinum.

Invitatorium.

Ludovici nova solemnitas  
Laeta colat mater ecclesia.

In 1. Nocturno.

Antiphonae.

1. Sanctus voluntatem  
In lege Dei fixit,  
Qui cordis puritatem  
Servavit, cum vixit.
2. A Deo constitutus  
Rex custos innocentiae  
Cum eo consecutus  
Est solium gloriae.
3. Tu sanctum, Domine,  
Regem suscepisti,  
Qui sine crimine  
Cultor fuit Christi.

Responsoria.

1. Rex regum regis filio  
Regales parans nuptias  
Post certamen in stadio  
Coeli praebet delicias  
Glorioso commercio;
- V. Pro regno temporalium  
Habet regnum coelestium  
Ludovicus in praemium.
2. Gloriosus apparuit  
In cultu praesidentis,  
Sed cum in Christo praefuit  
More David ludentis,  
Nec ex hoc sibi defuit  
Auctoritas regentis.
- V. Virgam virtutis habuit,  
In qua malos compescuit  
Sed sub norma clementis.

3. Felix regnum, cujus rex providus,  
Pacificus, pius et pudicus,  
In adversis semper intrepidus,  
Talis fuit sanctus Ludovicus.
- V. Rex erexit terram et patriam,  
Qui diligit sequi justitiam.

In 2. Nocturno.

Antiphonae.

1. Mirificavit Dominus  
Sanctum regem Francorum,  
Cujus nunc est terminus  
In regno beatorum.
2. In misericordiae  
Multitudine  
Deum adorabat,  
Quia conscientiae  
Rectitudine  
Coelis inhiabat.
3. Gloria et honore  
Regnat rex coronatus,  
Qui semper in amore  
Dei fuit firmatus.

Responsoria.

1. Paupertatis larga subsidia,  
Veritatis aequa judicia,  
Honestatis certa indicia,  
Sanctitatis sunt testimonia  
Pii regis.
- V. O quiescentis gregis protectio,  
O discreta recogitatio  
Summae legis.
2. Fulget signis rex insignis,  
Nam aegrotis ejus votis  
Praestantur remedia,
- V. Dati nec liberantur,  
Claudi, caeci reparantur,  
Fugantur daemonia.
3. Regnum mundi supergressus  
Et ejus ornatum,  
Regnum coeli jam ingressus  
Sibi praeparatum,  
Nostros regat ad se gressus  
Post hunc incolatum.

- V. Peregre Jacob egressus  
Patris ad mandatum,  
Deum vidit sic professus  
Vitae coelibatum.

In 3. Nocturno.

Antiphonae.

1. Habitabit in tabernaculo  
Domini gloriose,  
Quia vixit in isto saeculo  
Rex noster virtuose.
2. In virtute Domini  
Rex sanctus laetatur,  
Nunc sanctorum agmini  
Junctus gloriatur.
3. Rex innocens manibus  
Atque corde mundo  
Regnat cum coelestibus  
In regno jucundo.

Responsoria.

1. Cum esset in accubitu  
Rex internae dulcedinis,  
Arcens potenti spiritu  
Pestes carnis et sanguinis,  
Bonorum septus ambitu  
Sceptro fulsit regiminis.
- V. David regis sedit in solio,  
Salomonis utens iudicio.
2. Pro se suisque subjectis  
Orans Deum et cum rectis  
Rectum iter faciens,  
Domum Dei rex intravit  
Et ad templum adoravit,  
Ut praedixit moriens.
- V. Felix cursus sic viventis,  
Felix finis sic currentis  
Deo semper uniens.
3. O sparsor divitiarum  
Erogando pauperibus,  
O spretor deliciarum  
Insistendo laboribus,  
Defensor ecclesiarum  
Tuis tuendo viribus,  
Duc nos ad regnum praeclarum  
Piis fovendo precibus.

- V. Qui tot aegris praestitisti  
Curationum gratiam,  
Nobis confer dono Christi  
Transgressionum veniam.

In Laudibus.

Antiphonae.

1. Ludovicus hodie  
Decorem indutus  
Est coelestis patriae  
Regnum consecutus.
2. Omnis terra jubilet  
Deo laeta serviens  
Laudibusque vigilet  
Novum festum faciens.
3. Ad te, Deus meus,  
Semper vigilavit  
Sicque nunquam reus  
Coelos penetravit.
4. Benedixit creatorem  
In suis operibus  
Ludovicus gerens morem  
Datum coeli civibus.
5. Ludovicus Dominum  
De coelis laudavit,  
Quando vitae terminum  
Coelo dedicavit.

Ad Benedictus.

- A. Ludovicus, decus regnantium,  
Transit felix ad coeli solium,  
Cujus prece coetus fidelium  
Summi regis intret in gaudium.

In 2. Vesperis.

Super Psalmos.

- A. O decus ecclesiae,  
Pie rex Francorum,  
Exemplar justitiae,  
Lex et norma morum,  
Ludovice requie  
Fruens beatorum  
Tuae dono gratiae  
Da regna coelorum.

Ad Magnificat.

A. Ludovice, rex Francorum,  
In felici beatorum  
Regno gaudens gloria,  
De hac valle miserorum  
Recto calle nos justorum  
Duc ad coeli gaudia.

Brev. ms. Praedicatorum saec. 14. Cod. Mazarin. 374 (247). A. — Brev. ms. Praedicatorum saec. 14. Cod. Londinen. Add. 3072. B. — In 1. Noct. R 3, 4 Rex exigit A. — In 3. Noct. R 3, 8 Piis vivendo A. — Die zugehörigen Hymnen vergleiche Analecta XI, Nr. 317—319.

75. In Translatione s. Ludovici.

In 1. Vesperis.

Antiphonae.

1. Exsultemus omnes et singuli  
Diem festum agentes gratiose,  
Ludovicus, cujus nos servuli,  
Translatus est hodie gloriose.
2. Gloriose praefuit  
Regno saeculari,  
Virtuose studuit  
Christo famulari,  
Pauperibus profuit  
Zelo singulari,
3. Singulari pollebat  
Gratia pietatis  
Nec unquam deserebat  
Limam aequitatis  
Sicque regnum regebat  
Virga veritatis.
4. Veritatis doctores  
Ferventer dilexit  
Et ad bonos mores  
Se totum erexit,  
Suos successores  
Ad Deum direxit.
5. Direxit reges Franciae  
Sanctus Ludovicus,  
Nitore conscientiae  
Factus Dei amicus,  
Ob hoc regnum gloriae  
Nunc est sibi vicus.

Ad Magnificat.

A. Dei cultor et amice,  
Judex et ultor malorum,  
Rex Francorum,  
Ludovice,  
Fontem ora pietatis,  
Ut peccatis  
Nostris det veniam  
Nobisque gratiam.

Ad Matutinum.

Invitatorium.

Regem, per quem reges regnant,  
Venite adoremus.

Ad Nocturnum.

Antiphonae.

1. Cujus corpore  
Dionysius  
Abunde ditatur,  
Ejus capite  
Nunc Parisius  
Jucunde dotatur.
2. Dotatur in coelestibus  
Stola jucunditatis  
Ludovicus, qui regibus  
Est norma sanctitatis.
3. Sanctitatis culmine  
Divinitus erectus  
Angelorum agmine  
Jam ad coelos est vectus.

Responsoria.

1. Felix regnum, cujus rex pro-  
vidus,  
Pacificus, pius et pudicus,  
In adversis semper intrepidus;  
Talis fuit sanctus Ludovicus.
- V. Rex crexit terram et patriam,  
Qui dilexit sequi justitiam.
2. Paupertatis larga subsidia,  
Veritatis aequa judicia,  
Honestatis certa indicia,  
Sanctitatis sunt testimonia.
- V. O quies gregis protectio,  
O discreta recogitatio.
3. O sparsor divitiarum  
Erogando pauperibus,  
O spreter deliciarum  
Insudando laboribus,  
O tutor ecclesiarum  
Eas juvando viribus,  
Duc nos ad regnum praeclarum  
Tuis devotis precibus.
- V. Qui tot aegris praestitisti  
Curationum gratiam,  
Nobis confer dono Christi  
Transgressionum veniam.

3. Deus, Deus salutis  
Nostro sancto regi  
Viam dedit virtutis  
Obedire legi.
4. Benedicite, populi,  
Dominum angelorum,  
Collaudate seduli  
Sanctum regem Francorum.
5. Laudate Dominum  
Et patrem luminum  
In translatione,  
Cujus scimus vitam  
Ductam et finitam  
Cum devotione.

Ad Benedictus.

- A. Benedictus Dominus virtutum  
Digne debet modo benedici  
Pro meritis sancti Ludovici,  
Quem novimus coelos assecutum;  
Cujus translatio  
Facta cum gaudio  
Reddat ab hostibus  
Et malis omnibus  
Regnum tutum.

In Laudibus.

Antiphonae.

1. Dominus regnavit  
Ludovicus in mundo,  
Qui peccatum cavet  
Et vixit corde mundo.
2. Jubilate creatori,  
Tota gens Christiana,  
Sed voce jucundiori  
Psalle, plebs Gallicana.

In 2. Vesperis.

Ad Magnificat.

- A. O decus ecclesiae,  
Pie rex Francorum,  
Exemplar justitiae,  
Lex et norma morum,  
Post finem angustiae,  
Mortis et laborum  
Praesta dono gratiae  
Regnum beatorum.

Brev. ms. Parisiense saec. 14. Cod. Parisien. 1024. A. — Brev. ms. Parisiense saec. 14. Cod. Parisien. 1052. B. — Brev. ms. Parisiense saec. 14/15. Cod. Parisien. (Arsen.) 660. C. — Brev. ms. Parisiense saec. 15. Cod. Parisien. 746 a. D. — Brev. ms. Romanum saec. 14. Cod. Vatican. Urbini 603. E. — Brev. ms. Parisiense saec. 15. Cod. Parmen. Palat. 208 F. 7

In 1. Vesp. A 1, 1 Studeamus omnes D. — In Laud. A 5, 6 fehlt D. — Die zugehörigen Hymnen siehe Analecta XI, p. 180 sq.



76. In Translatione s. Mariae Magdalенаe.

In 1. Vesperis.

- R. Benedicta maris stella,  
Magdalena, Dei cella,  
Columbina specie,  
Naufragantum tu fiscella,  
Pia prece fuga bella  
Veteris malitiae,  
V. Rosa rubens et novella,  
Favus dulcis fundens mella  
Virtutis et gratiae.

Ad Magnificat.

- A. Exsultet ecclesia  
Tam praeclaro sidere  
Virtutum ornata,  
Beata Provincia,  
Magdalенаe munere  
Felici dotata,  
Vere digne gloriatur,  
Quae thesauro super auro  
Nobili ditatur.

Ad Matutinum.

Invitatorium.

Decantemus regi Christo  
Magdalенаe praemia,  
Quae ejus praesentia  
Virtutumque gratia  
Gloriatur die isto.

In Nocturno.

Antiphonae.

1. Stella maris  
fulget in aethere,  
Magdalena  
surgit de pulvere  
Gaudet orbis  
de tanto munere.  
2. Karolus, Provinciae  
princeps et corona,  
Alumnus clementiae,  
Flos patriae  
Meruit haec dona.

3. Gemma nitet speciosa,  
Virtus exit radiosa  
Mariae de tumulo,  
Salus datur copiosa,  
Magdalенаe velut rosa  
Corpus fragrat saeculo.

Responsoria.

1. Fulget dies haec serena  
Novae lucis radio,  
In qua felix Magdalena,  
Lucerna sub modio,  
Solemni cum gaudio  
Exaltatur ex arena,  
V. Ut aeterni fontis vena  
Nostra reddit corda plena  
Gratiae profluvio.  
2. Arca legis deaurata  
Fertur in oraculum,  
Floret cedrus exaltata,  
Dat grana manipulum,  
Sole fit amicta  
Mulier signaculum  
Mundo benedicta,  
V. Magdalенаe titulum  
Vox non ficta  
Clamat, ornat sacculum  
Imago relictā.  
3. Sacrum corpus balsamum  
Transcendit odore,  
Sepulturae thalamum  
Virtutum splendore,  
Lingua signat calamum  
Spiritus virore;  
V. Deitatis organum  
Candet super Libanum  
Fronde, fructu, flore.

Ad Laudes.

Antiphonae.

1. Claro coeli matutino,  
Mundi cursu vespertino  
Nova lux apparuit,

Dum in sancto Maximino  
Corpus fulgore divino  
Magdalenae claruit.

2. Tu area testamenti  
Cum júbilo deducta,  
Aurora sacramenti,  
Qua justo cedit lucta,  
Gratia poenitenti.
3. Tu botrus primitivus  
Terras designans optimas,  
Tu parvi fontis rivus  
Crescens in aquas plurimas.
4. Tu ad lucem veniens  
Clausa margarita,  
Salutarem pariens  
Fructum balsamita,  
Ex te virtus exiens  
Probat, quod sit ita.
5. Gloriatur in te Deus  
Affluens deliciis,

Et lactatur per te reus  
Fultus patrociniis.

Ad Benedictus.

- A. Benedictus rex gloriae  
Et omnis coeli concio,  
Benedictum laetitiae  
Festum dignum obsequio,  
Benedicta devotio  
Benedictae Provinciae,  
Quam benedixit hodie  
Magdalenae translatio.

In 2. Vesperis.

Ad Magnificat.

- A. O quam felix, quam delectabilis  
Dies ista, quam venerabilis,  
Magdalena, flos novi germinis,  
Revelatur et gustatur  
Multitudo dulcedinis.

Brev. ms. Aquense saec. 15. Cod. Parisien. 1061. A. — Brev. Aquense imp. Lugduni 1526. B. — Brev. Aptense imp. Lugduni 1532. C. — In Noct. R 1, 7 Ut fehlt C. — R 1, 8 corda fehlt A. — Die zugehörigen Hymnen vgl. *Analecta* XII. p. 164.

## 77. De sancto Mauronto.

In 1. Vesperis.

Ad Magnificat.

- A. O beate Mauronte,  
ad nostras modulationes  
tu respice  
et hanc plebem  
te flagitantem  
tuere,  
quatenus tuis subsidiis  
queat fore tripudians.

Ad Matutinum.

Invitatorium.

Jubilemus Christo regi  
In beati confessoris  
Solemnitate Mauronti.

In 1. Nocturno.

Antiphonae.

1. Vir pius atque sacer  
Maurontus jure refulget,  
Dum fidei pretio  
dederat, quod habebat,  
Amato.
2. Hos fremitus et opes  
meditans Maurontus inanes,  
Disrumpens vinclum  
regem processit ad unum.
3. Gloria cum superis  
Maurontum exaltat in astris,  
Qui sua dando pium  
pie jam suscepit Amatam.

4. Fructus centuplices  
    recipis, Mauronte, perennes  
Ob pietatis opus,  
    a te quod sumpsit Amatus.
5. Res operando sacras  
    te mansit sancta voluntas,  
Per fidei meritum,  
    Mauronte, amplexus Iesum.
6. Praeclaro sonitu  
    nomen mirabile Iesu,  
Quod coluit terris,  
    modulat Maurontus in astris.

Responsoria.

1. Altis ortum parentibus  
Maurontum sacris fontibus  
Dedicavit Richarius  
Sacris sacrandum actibus,
- V. His imbuens primordiis  
Ad laudem summi numinis  
Hunc admotum Christicolis.
2. Solemnibus tripudiis  
Mauronti festum nobilis  
Colentes, Christe, quaesumus,  
Ut nos munda a sordibus
- V. Hujus adjuti meritis,  
Quem sociasti superis,  
Diem ejus obsequiis.
3. Actibus eximiis  
    pollens Maurontus herilis  
Per pietatis opem  
    coeli pervenit ad arcem,
- V. Vir probus iste nimis,  
    bene complens dogmata legis.

In 2. Nocturno.

Antiphonae.

1. Illecebras carnis  
    Maurontus amore tonantis  
Exsuperans superos  
    Coeli comitatur alumnos.
2. Corde, fide, manibus  
    laudabilis atque benignus

Complacuit Domino  
Maurontus dives in ipso.

3. O quam candidulus  
    renitet Maurontus in astris,  
Hos capiens fructus,  
    quos coeli parturit hortus.
4. Mirificans in aeternum  
    sanctum suum Maurontum  
Glorificatio Christi  
    extollatur a nobis.
5. Sacer levita Maurontus  
    pro nostris erratibus  
Coram Deo salvatore  
    exsurgat causicus.
6. Ipsum se sacro  
    dederat Maurontus Amato,  
Praedia praescripta  
    tradens, quae sunt sua, carta.

Responsoria.

1. In laicali schemate  
Sub quodam degens tempore  
Maurontus missa hac specie  
Se contulit ecclesiae,  
In qua susceptis gradibus  
Magnis crevit operibus;
- V. Quaerens supernam speciem  
Per clericatus ordinem  
Virtutum subit apicem.
2. Maurontus hic deicola,  
Amatum pulsum patria  
Postquam pie suscepit,  
Quidquid habebat, contulit.
- V. O quam felix consortium,  
Per caritatis vinculum  
Magistrum notum coelitus  
Carus Deo discipulus.
3. Regna poli sitiens  
Maurontus pectore prudens  
Dona caduca dedit,  
    sibi quis mansura paravit
- V. Ad patriam vitae  
    tendens sanctissimus iste.

In 3. Nocturno.

Ad Cantica.

- A. Exaudiat preces nostras  
summa Dei pietas  
Per sancti levitae clara  
Mauronti oracula.

Responsoria.

1. Vir iste sacris moribus  
Atque fulgens operibus  
Christo processit obviam  
Coelestem intrans januam.  
V. In mundi nocte pervigil  
Maurontus solers exstitit,  
Qui clarus face lampadis.  
2. Accensus igne fidei,  
Divinos jussus prosequi  
Exoptans, hic coelicola  
Spernebat orbis prospera,  
V. Se victimam altissimo  
Fore ratam obsequio.  
3. Mirabilis rex coelitem,  
Sanctorum laus et praeium,  
Hujus patroni precibus,  
Cujus nunc festum colimus,  
Egentes tuo munere  
Digneris nos respicere.  
V. His praesentes solemnibus  
Devotionis cultibus  
Nos, Jesu bone, quaesumus.

In Laudes.

Antiphonae.

1. Indutus speciem  
vitae morumque decorem  
Maurontus habitum  
Christo suscepit amandum.

2. Securus mundi

Maurontus ad atria coeli  
Tendens ecclesiae  
cultor devovit inesse.

3. Actibus et meritis

vitae invigilando periclis  
Maurontus Dominum  
sitiens pervenit ad ipsum.

4. Rex benedicte, tuis

Maurontum nactus in astris,  
Nos rege, sanctifica,  
benedic per saecula, salva.

5. Gloria Mauronto,

superum laus, victima mundo,  
Quas tibi gratifices,  
nostras tu suscipe laudes.

Ad Benedictus.

A. Ad benedicta pie

nos ducens gaudia vitae,  
O Mauronte, preces  
humiles tu respice semper,  
Quas tibi magnificis  
plebs fundit consona verbis.

In 2. Vesperis.

Ad Magnificat.

A. Mauronte alme,

fidelibus tuis succurre,  
ne nos subripiat  
callidus hostis  
insidians,  
pater, juva festinanter,  
ne moreris.

Brev. ms. Marchianense saec. 12. Cod. Duacen. 134. A. — Brev. ms. Marchianense saec. 13. Cod. Duacen. 139. B. — Antiph. ms. Marchianense saec. 15. Cod. Duacen. 117. C. — Antiph. ms. Marchianense saec. 16. Cod. Duacen. 118. D.

In 1. Vesp. Ad Magn. A, 3 prospice A. — In 1. Noct. R 1, 4 Sacer ABC. — R 1, 7 amotum ABC. — R 4 in allen drei Noct. prosaisch. — In 2. Noct. A 1, 4 commutatur BC. — R 1, 2 Degens sub quodam C. — In 3. Noct. R 2, 6 rotam B. — Betreffe der allenfallsigen Autorschaft Huebalds vergleiche das zum Officium der hl. Eusebia Bemerkte.



78. In Decollatione s. Johannis B.

In 1. Vesperis.

Ad Magnificat.

A. Herodis adulterium

Natalis ejus gaudia  
Foedavit convivantium  
Et saltatricis gratia,  
Dum propter matris odium  
Caput Johannis impia  
In sui ludi praemium  
Tulit in disco filia.

Ad Matutinum.

Invitatorium.

Regem praecursoris Domini,  
Venite adoremus.

In 1. Nocturno.

Antiphonae.

1. Herodes in luxuriae  
Turpe dejectus vitium,  
Incestus immunditiae  
Permiscens adulterium,  
Decus virtutis propriae  
Convertit in opprobrium.
2. Dum foede sibi foederat  
Fratris uxorem miseram,  
Et turpis amor imperat  
Turpem non pensans operam,  
Ad mortem libens properat  
Fovens in sinu viperam.
3. Exemplum turpis operis  
Et foeditatis semina  
Ministraverunt posteris  
Non occultantes crimina  
Fratris oblitus foederis  
Et sexus memor femina.

Responsoria.

1. Johannes, praeco judicis,  
Mandatis in dominicis  
Se demonstravit sedulum  
Praeambulum,

A curis mundi lubricis  
Dum revocabat populum,  
V. Quod praedicabat faciens,  
Bonis exemplis condicens  
Sermonis vitae pabulum.

2. Hujus Herodis monitus  
Audire libens solitus,  
Deceptus contubernio  
Nefario,  
Tandem descivit penitus  
Pro turpi lenocinio;  
V. Nam ubi regnat nimia  
Uxoris pravae gratia,  
Locum non habet ratio.
3. Vir sanctus sicut debuit  
Incestum dum redarguit,  
Artes commentans impias  
Herodias  
Ut serpens linguam acuit  
Contra doctrinas sobrias,  
V. Et ut calcata vipera  
Insibilabat aspera  
Virus in aures regias.

In 2. Nocturno.

Antiphonae.

1. Rex ergo victus misere  
Amore, quo non debuit,  
Placere dum adulterae  
Magis quam Deo voluit,  
Horrendo clausum carcere  
Vinctum Johannem tenuit.
2. Quem tenens dum recoleret  
Natalis sui gaudium,  
Jussit, ut satisficeret  
In coena votis omnium,  
Et large vina funderet  
Caterva ministrantium.
3. Egressa tunc in medium  
Herodiadis filia,  
Ante conspectum regium  
Missa saltandi gratia,  
Vultus convertit omnium  
Ad sui ludi gaudia.

Responsoria.

1. Ergo dum illa luderet,  
Et rex libenter cerneret,  
Amoris temerario  
Consilio  
Petendi, quid eligeret,  
Puellae datur optio;  
V. Augmentum namque gratiae  
Contraxit ludus filiae  
De matris lenocinio.
2. Promissa temeraria  
Matri ferente filia,  
Draco cruorem sitiens,  
Haec audiens  
Ad inhumana praemia  
Hortatur illam saeviens.
- V. O gravis ira feminae,  
Crimen defendens crimine  
Et in furorem finiens.
3. Praecepta lascivia  
Per devia  
Inconsulte properans.  
Post casum deliberans,  
Sera poenitentia  
Facta damnat leviam,  
Rem tandem considerans.
- V. Hoc Herodi contigit,  
Quod lascive pepigit,  
Sibi post improperans.

In 3. Nocturno.

Antiphonae.

1. Puella missa reddere  
Responsum matris miserae  
Ad regem cito rediit  
Et pro concessio munere  
Caput Johannis petiit.
2. Funestum petit praemium  
Et munus tam nefarium,  
Funestus rex ut audiit,  
Scelus abhorrens nimium  
Ad se confusus rediit.

3. Et prius dum in dubium  
Rem adduxisset ratio,  
Pudore discumbentium  
Dum timet de perjurio,  
Stultorum improprium  
Redemit homicidio.

Responsoria.

1. Tam tristi quam nefaria  
Sententia  
Damnatum pro iustitia  
Caput Johannis tollitur  
Et dirae matri redditur  
Impia  
Discum gerente filia.
- V. Sic factum regis impii  
Os vertit sapientium  
In murmur improprium  
Et in stuporem gaudium.
2. Pro tanti viri merito  
Corpus honore debito  
Sepelierunt seduli  
Discipuli  
Et regem corde tacito  
Maledicebant singuli  
Rumore tam insolito  
Aures pulsante populi.
- V. Nam pia recordatio  
Cor vulnerabat omnium,  
Quos sancta praedicatio  
Fovebat et consilium  
Dilecti Deo famuli.
3. Annua Baptistae  
sacra festa colat chorus iste  
Exemploque boni  
vitam condire patroni  
Sic satagat festa,  
quod sobria sint et honesta,  
Ut Domino vere  
possint sanctisque placere:
- V. Nam laus est grata,  
voci si vita beata  
Consonet et sordis  
nil celent intima cordis.

In Laudibus.

Antiphonae.

1. Laudibus hunc dignis  
psalmis veneremur et hymnis,  
Qui nondum natus  
quasi jam servire paratus  
Praeconiis dignum  
meruit praetendere signum.
2. Hic Domino gratus,  
ipsi quoque sanctificatus  
Ex utero matris,  
major puerilibus annis,  
Secretum caeli  
concepit mente fideli.
3. Vir vitae celebris,  
nullum partus muliebris  
Fudit majorem,  
cui summum praestat honorem  
Os ipsum Christi,  
quod verbo consonat isti.
4. Virtutum testis  
pauper thorus, aspera vestis,  
Esca levis, potus  
levior, locus ipse remotus  
A turba, vere  
vivendi forma fuere.

5. Unus ei Dominus  
in personis quoque trinus  
Se manifestavit,  
dum natum clarificavit,  
Vox patris in lavacro  
veniens cum flamine sacro.

Ad Benedictus.

- A. Insidiis hostis variis  
ut praevaleamus  
Subque tua prece praecipua  
tuti maneamus,  
Fac tua nos documenta sequi,  
Baptista beate,  
Aspera constanter,  
bona tranctando moderate.

In 2. Vesperis.

Ad Magnificat.

- A. O praecursor summi regis,  
Spes commissi tibi gregis,  
Tuae laudi sedulos  
Adsistentes famulos  
A peccati nexibus  
Tuis solve precibus.

Brev. ms. Ambianense saec. 13/14. Cod. Ambianen. 112. A. — Brev. ms. Ambianense saec. 15. Cod. Ambianen. 113. B. — Brev. Ambianense imp. Parisiis 1520. C.

In 1. Noct. **R** 1, 7 Quos A. — In 2. Noct. **A** 1, 1 ergo cinctus C. — Ad Bened. **A**, 1 Invidiis hostis C. — Verfasser des Officiums ist Richard de Gerberoi, Bischof von Amiens, der 1206 das Haupt des hl. Johannes in seine Kathedrale überführte. Vgl. Longueval, Histoire de l'église Gallicane XII, S. 403.

79. De sancto Mommo.

In 1. Vesperis.

- R. Ecce dies celebris  
renovat pia gaudia nobis,  
Quo fidei penna  
Mommolemus petit astra,
- V. Abluat ipse suo  
plebis contagia festo.

Ad Magnificat.

- A. Vir beatus Mommolemus  
ob amorem Domini  
Omnia, quae sunt in mundo,  
dignum ducens despici,  
Patrios fines reliquit  
serviturus postmodum  
Christo, qui vivit et regnat  
nunc et in perpetuum.

Ad Matutinum.

Invitatorium.

Exultans jubilet  
Domino simul orbis et aether,  
Mommoleme, tui  
decessus festa revolvens.

In 1. Nocturno.

Antiphonae.

1. Ore simul potuit  
cordis puer edere motus,  
Patre sub Eustachio  
monachali sorte locatur.
2. A quo percepit  
hilaris, quae more datoris  
Vitae verba docens  
amplum diffudit in orbem.
3. Augebatur ei  
semper scintillula mentis,  
Verus amor Christi  
simul et dilectio fratris.

In 2. Nocturno.

Antiphonae.

1. Corde sed et lingua  
te solum, Christe, gerebat,  
Instanter clamans,  
ut verba prophetica dictant.
2. Ergo sibi binos  
sociarat moribus aptos,  
Quos procul invidia  
cari vice patris alebat.
3. Ili te, summe Deus,  
uno velut ore fatentur,  
Tres trinum nomen  
numero venerantur eodem.

In 3. Nocturno.

Antiphonae.

1. Fama volans late  
regis vulgatur in aula,

Multa viri sancti  
perfert insignia coram.

2. Nec mora, consensu  
procerum regisque precatu  
Functo deligitur  
Noviomi praesule praesul.
3. Sancte Dei praesul,  
tota te mente precamur,  
Mommoleme, tuis  
deposce remedia servis.

In Laudibus.

Antiphonae.

1. Sex et bis denis  
urbem jam rexerat annis,  
Cum primum novit,  
sese super astra vocari.
2. Illico accitos  
famulos ut vidit adesse,  
Vitae praedixit  
finem metamque laboris.
3. Vos, ait, extinctos  
artus aptate sepulchro,  
Tuque in pace tuum,  
Deus optime, suscipe servum.
4. Hujus in excessu  
mare, tellus, aer et ignis,  
Quaeque creata manent,  
summo benedicite regi.
5. Christe, sacerdotum  
te laudat sedulus ordo,  
Mommolemus enim  
migravit ad astra sacerdos.

Ad Benedictus.

- A. Exsequias sancti  
tristes comitantur alumni,  
Plebs in lamentis,  
clerus proclamat in hymnis,  
Quo certe strepitu  
coeli devexa replentur.



In 2. Vesperis.

Ad Magnificat.

A. O pater et pastor,  
o praesul alme sacerdos,  
Mommoleme, preces  
Christo, quas reddimus, offer,  
Abluat ut culpas,  
detergat crimina nostra,  
Quod sibi post mortem  
vivamus jugiter. Amen.

Brev. Noviomense imp. Parisiis 1515.

80. De sancto Osmundo.

In 1. Vesperis.

Antiphonae.

1. Suscipe cum gaudio,  
Mater filiorum,  
In Osmundi jubilo  
Preces famulorum.
2. Confessoris Dominum  
Gens collaudet tota  
Et in sancti gloriam  
reddat pia vota.
3. Exit ejus spiritus  
terram miserorum  
Et intrat pro meritis  
regnum beatorum.
4. Iste domum Domini  
sacrans fabricavit  
Et dispersos clericos  
simul congregavit.
5. Lauda, Sion, Dominum  
magni confessoris,  
Lauda pium praesulem,  
ejus est laboris,  
Quidquid tuas januas  
bene confortavit,  
Quidquid tuos filios  
jam laetificavit.

Ad Magnificat.

- A. Confessor Domini,  
precibus succurrito plebi,  
Ut vitiis vacui  
valeant tibi consociari,

Et tua quos reperis  
solemnia praevenientes  
Tu populi ductor,  
fac, ut tecum comitentur.

Ad Matutinum.

Invitatorium.

Omnipotens Dominus  
laudetur trinus et unus,  
Qui dedit Osmundo  
coelestia regna beato.

In 1. Nocturno.

Antiphonae.

1. Natus mox renascitur  
Osmundus fonte lotus,  
A cunctis piaculis  
effectus mundus totus.
2. Adolescens proficit  
schola literali  
Et tirones superat  
arte militari.
3. Juventutis terminos  
prudens transigebat,  
Neque contra spiritum  
caro praevalebat.

Responsoria.

1. Praesulis Osmundi  
celebramus festa jucundi,  
Qui pius, prudens,  
humilis, sobriusque pudicus

Expletis curis  
intravit gaudia lucis.

V. Auxit per merita  
sibi tradita quinque talenta.

2. Ecce sacerdotem,  
cujus prudentia sanctum  
Suffulsit templum,  
Christi stabilivit et aedem,

V. In vita placuit  
Domino, plebem bene rexit,

3. O praesul noster,  
tecum decet ut gratulemur,  
Qui mundo moriens  
non desinis esse sacerdos,  
Coelesti vita  
frueris per saecula cuncta.

V. Jam cernis Christum  
patris a dextris residentem.

In 2. Nocturno.

Antiphonae.

1. Vir effectus prospere  
Venstriam regebat,  
Tandem partes Angliae  
potens defendebat.

2. Utrobique regia  
jura dilatavit  
Ac in pace solida  
cuncta reformavit.

3. Sed et domus Domini  
maximus zelator  
Pluris beneficii  
largus est fundator.

Responsoria.

1. Praeposito plebi  
magna virtute potenti  
Sacra manus Domini  
subveniebat ei,

V. Ut David est unctus,  
ut Aaron est ipse sacerdos.

2. In regum quondam  
conspectu magnificatus  
Nunc immortalem  
gaudet cepisse coronam,

V. Deservire Deo  
malens quam regna tenere.

3. Confessor Christi  
felix, feliciter audi  
Nos tibi devotos  
laudique tuae famulantes,  
Ast impetratam  
veniam pro crimine nostro,  
Quaesumus, ut nobis  
coelitus obtineas.

V. O pater Osmunde,  
clarum decus urbis et orbis,  
Servorum gemitus  
tristes tu suscipe clemens.

In 3. Nocturno.

Antiphonae.

1. Comes factus Sagiae  
cum successit patri,  
Cuncta dat ecclesiae  
bona sua matri.

2. Postremo Dorsetiae  
nactus comitatum  
Spreto mundo trahitur  
mox ad praesulatum.

3. Jam coelestem obtinens,  
pastor, praelaturam,  
Servis tuis impetres  
vitam permansuram.

Responsoria.

1. Ante Deum magnas  
virtutes est operatus  
Osmundus sanctus,  
cujus doctrina salubris  
Curans ecclesias  
illustrat in orbe fideles;

V. Mundum contempsit,  
jam coelica regna subintrat.

2. Infirmos curat,  
caecos et debilitatos  
Membris consolidat,  
partim genus omne doloris.  
Donat ei Dominus,  
ut remove queat,

V. An febris, an pestis,  
an sit pressura parentis.

3. Miles et alme pater,  
Osmunde, Dei gregis auctor,  
Christo funde preces,  
et nostras ablue culpas,  
V. Ut nos vitae sedem  
valeamus scandere celsam.

In Laudibus.

Antiphonae.

1. Hic Osmundus refugit  
regnantis honorem,  
Dei domus eligens  
praeferre decorem.  
2. Sanctus iste stabilis  
in confessione  
Mercedem promeruit  
coelestis coronae.  
3. Ob decus ecclesiae  
multum vigilavit,  
Deum solum sitiens  
carnem maceravit,  
4. Benedicta Venstria,  
talem fundans domum,  
O quam felix Anglia,  
hunc habens patronum.

Brev. sec. usum Sarum imp. Parisiis 1494. — In 1. Noct. A 2, 1  
Adolescens profuit. — In 2. Noct. B 2, 3 immortalis.

81. De sancto Oswaldo.

In 1. Vesperis.

Ad Magnificat.

- A. Glorioso rex Oswalde,  
Vota damus, tu attende,  
Tui sumus, recognosce,  
Mortem aufer, vitam posce.  
Ave, quondam rex Anglorum,  
Nunc cohaeres angelorum;  
Placa nobis regem tuum,  
Qui te fecit civem suum.

Ad Matutinum.

Invitatorium.

Spes quibus est vitae,  
Domino jubulare venite,  
Reddidit Oswaldo  
qui regna perennia sancto.

Dreves, Historiae rhythmicae. II.

5. Qui cum sanctis omnibus  
regnas nunc, Osmunde,  
Pro nobis orantibus  
preces Deo funde.

Ad Benedictus.

- A. Prudentem servum  
te constat et esse fidelem,  
Quem Deus in plebem  
praefecit jure regendam;  
Tunc tritico verbi  
vacuas animas satiasti,  
Nunc hominem totum  
ne cesses reddere sanum.

In 2. Vesperis.

Ad Magnificat.

- A. Salve, celeberrime  
Pater clericorum,  
Osmunde sanctissime,  
Lumen confessorum,  
Dele tuis precibus  
Perpetrata male,  
Memor in coelestibus  
Nostri semper vale.

In 1. Nocturno.

Antiphonae.

1. Oswaldum, puerum  
longo de sanguine regum,  
Christus adoptavit,  
Northumbria cum generavit.  
2. Nobiliter natum,  
nece mox patris exsiliatum,  
Scotia suscepit,  
ibi Christum discere coepit.  
3. Jamque puer purus,  
fidei petra firma futurus,  
Barbariem sprevit  
studiisque piis adolevit.

4. Omnibus exutus  
Domini mandata secutus  
Coelica plus quam se  
dilexit, cetera ceu se.
5. Jam tum virtutem  
quasi rex formatus ad omnem,  
Vestiit argentes  
et nutriit esurientes.
6. In Domino fidens,  
mundi ludibria ridens,  
Miles ut invictus  
inimicos repulit ictus.

Responsoria.

1. Igitur rex Oswaldus  
Ad gentis suae munimentum  
Et christianaefidei fundamentum  
Northumbriae gentilibus  
Est editus parentibus,  
V. Ut rosa de spinis  
pulcherrima surgit acutis.
2. Elifrido,  
patre ejus, mortuo  
In Scotiam  
dulcis transfertur pusio,  
V. Ut Christum discat  
et in ejus amore caleseat.
3. Instituitur docilis  
Adolescens solum Deum  
Sapere et pro terrenis  
Coelestibus anhelare  
V. Et cito lapsuram  
mundi reprobare figuram.
4. Interea proelio  
Eduwinus occubuit,  
Christus Oswaldum paterno  
Regno restituit,  
V. Tempora qui mutat,  
sub quo mare terraque nutat.

In 2. Nocturno.

Antiphonae.

1. Rex diadematus,  
in cunctis magnificatus,  
Fines tutatur  
cultumque Dei meditatur.

2. Cura sibi gentis  
erat haec sua signa sequentis  
Idola calcandi,  
templum tibi, Petre, locandi.
3. Ad fundamentum  
fidei sanae jaciendum  
Doctrina sanum  
vocat a Scotis Aidanum.
4. Praesule sub tali  
documento spirituali  
Gens fera mutatur,  
Domino nova turba dicatur.
5. Tunc actus socios  
rex alterat atque sacerdos,  
Hic docet, hic discit,  
hic disserit, excipit ille.
6. Hoc studio functi  
tam sancto foedere juncti  
In theatro mundi  
pia sunt spectacula facti.

Responsoria.

1. Cernens demum antiquus hostis  
tanto conatu se impeti  
Armaturam fraudis induit,  
arenam intrat, parat congregi,  
V. Lucra renascentis  
non passus crescere gentis.
2. Ad expugnandum pium regem  
Et abolendam Dei legem  
Excitat (quendam) ducem Bri-  
tonum  
Et commovet in proelium,  
V. Milibus armatum,  
belli feritate probatum.
3. Rex Oswaldus Deo fretus  
Paucos suos fide munit,  
Hoste caeso victor redit.
- V. Haec, Deus, haec tua sunt  
et adhuc, quaecunque super-  
sunt,
4. Gloriosus es, aeterne  
Rex, qui sicut tuum quondam  
Constantinum, sic per signum,  
Sanctae crucis Oswaldum  
Regem triumphare facis,



V. Qui cruce vicisti  
victorque, Deus, rediisti.

In 3. Nocturno.

Ad Cantica.

A. Complantatus aquis  
florens, Oswalde, virescis,  
Cui rosa martyrium,  
lilia dant lavacrum.

Responsoria.

1. Ad tactum crucis, in qua  
Rex Oswaldus triumphavit,  
Sola fides additur  
Et medela aegris redditur,
- V. Aut aqua potatur,  
et coelica vis dominatur.
2. Paschae die rex esurientibus  
Discum argenteum  
dividit pauperibus,  
Reddit Aidanus  
benedictionem,  
Quae permanet in hunc diem :
- V. Nunquam marcescat  
manus ista nec inveterescat.
3. Pontificante  
sancto papa Honorio  
Et adnitente  
Birino episcopo  
Rex Cynigilfus  
fidem Christi suscipit ;  
Oswaldus eum  
de lavacro excipit ;
- V. Christus adoratur,  
rex et sua turba novatur.

4. Athleta Dei Oswaldus,  
Sanguine suo laureandus,  
Ingravescente proelio  
Se suosque committit Domino ;  
Regnum mutat, non deponit  
Et in sinu aeterni regis  
Rex et martyr reclinato  
Capite obdormit.

V. Fessus et emeritus,  
felici fine potitus,  
Pax ubi vera datur,  
ad coelica regna vocatur.

Ad Laudes.

Antiphonae.

1. Cum prece rex migrat,  
qua se tellure reclinat,  
Larga salus manat  
et languida corpora sanat.
2. Miles miratur,  
equus ejus dum medicatur,  
Postulat, affertur  
paralytica, sana refertur.
3. Herbida terra viret,  
Brito de pulvere transfert,  
Flamma domum lambit,  
sacrum fugit ignis et ambit.
4. Suscipitur clara  
meritum testante columba,  
Pulsa fugit pestis,  
fremit hospes, pellitur hostis.
5. Aeger ut accedit,  
febris anhela recedit,  
Poscit opem moriens,  
Oswaldus adest sibi clemens.

Ad Benedictus.

A. Sol oriens nec deficiens  
de virgine, stella  
Luciflua, pietate sua  
te, sancte, coronat.  
Rex celebris, nos de tenebris  
absolve reatus,  
Luce cluis, lux esto tuis,  
Oswalde, rogatus.

In 2. Vesperis.

Ad Magnificat.

A. Te, Christe, rex coelorum,  
Magnificet vox angelorum,

Qui sanctum Oswaldum,  
Fide candidatum,  
Sanguine purpuratum,  
Agni comitatus  
Addidisti laureatum.  
Per hujus, Domine,  
Tui regis intercessionem  
Nos peccatores in aeternam  
Admitte reconciliationem.

Brev. ms. Wingartense saec. 13. Cod. Fulden. Aa 56. A. — Brev. ms. Wingartense saec. 15. Cod. Fulden. Aa. 123. B. — Brev. ms. Voraviense saec. 15. Cod. Voravien. 268. C. — Brev. ms. Voraviense saec. 15. Cod. Voravien. 220. D. — Brev. ms. Secoviense saec. 15. Cod. Graecen. 1548. E. — Brev. ms. Stirpinense saec. 15. Cod. Stirpinen. 35. F. — Brev. ms. Aquilegiense saec. 15. Cod. Semin. Brixinen. s. n. G. — Brev. ms. Ebersbergense saec. 15. Clm. Monacen. 5972. H. — Brev. ms. Pollingense saec. 15. Clm. Monacen. 11903. I.

Nicht-monastisch sind CDEG; ihnen fehlen die drei letzten **AA** der zweiten Nokturn und die **A** ad Cantica; nur E hat diese ad parvas horas. Von **RR** fehlen **R** 3 der 1. und 2, **R**. 1 der 3. Nokturn. — In 1. Noct. **A** 3, 3 Barbariem cepit B. — **R** 1, 6 spina B. — **R** 2, 1 Elyfrido B. — In 2. Noct. **R** 1, 3 induitur A. — **R** 2, 4 movet B. — In 3. Noct. **R** 2, 8 veterescat B. — **A** 3, 3 Kyrino episcopo B. — **R** 3, 4 rex Tyngalfus B. — In Laud. **A** 5, 3 Post opem moriens B; poseit ovem moriens C. — Unvollständig bei Morel 525. Augenseheinlich ist die monastische Form die ursprüngliche. Das Officium ist jedenfalls süddeutscher Herkunft, da es nur in dortigen Hss. auftritt.

## 82. In Translatione ss. Patricii, Columbae et Brigidae.

In 1. Vesperis.

Antiphonae.

1. Veneranda imminentis  
diei solemnia  
Felix et pia mater  
concelebrat ecclesia.
2. Quo beatorum Patricii,  
Columbae et Brigidae corpora  
Duno digne venerantur  
translata de pulvere.
3. Margaritae tres monstrantur  
Duni monasterio,  
Quis defunctis vitae dantur,  
caecis datur visio.
4. Diu latentes radii  
Duno tegebantur,  
Rivi mergentes aequore  
plebi demonstrantur.

5. Magna nobis gaudia

Hibernis nunc dantur,  
Patronorum nostrorum  
ossa elevantur.

Ad Magnificat.

- A. O trinae lampades,  
mirae claritatis,  
Ut sol in meridie  
diebus aestatis,  
Pastores Hiberniae,  
globi claritatis,  
Monstrantur reliquiae  
Vestrae vestris natis,  
Sequaces victoriae  
Vestrae probitatis  
Jungantur militiae  
Coeli cum beatis.

Ad Matutinum.

Invitatorium.

Christum regem adoremus  
omnes Sion filiae,  
Patronorum Hiberniae  
reliquiae sunt translatae.

In 1. Nocturno.

Antiphonae.

1. Patricius, Columba  
et Brigida fructus  
Donant ut crescentia  
ligna secus fluctus.
2. Reges, cleri, populi  
Duno convenerunt  
Et de fossa tumuli  
Patronos tulerunt.
3. Patronos dormientes,  
Diu soporatos,  
Laudat clerus gestiens  
Pulvere levatos.

Responsoria.

1. Clari et egregii  
olim Duno tumulati  
Milites beati,  
post tempora multa levati,  
V. Emendent status  
nostros tergendō reatus.
2. Jaspis, topasius,  
saphyrus, lumina tergens,  
Patronorum rivus,  
paradisi flumina mergens,  
V. Terram purgavit,  
populum baptismate lavit.
3. Mors, morbi, maria,  
pestis, praestigia vana,  
Carceris angaria,  
daemon, quaecunque profana  
V. Patronis cedunt,  
Christo gens perfida credunt.

In 2. Nocturno.

Antiphonae.

1. Pater patrum hodie  
Sepulchrum sacratum  
Reddidit ecclesiae  
Sibi commendatum.
2. Dominus patronos  
nostros jam glorificavit,  
E tumulo clerus  
dum pignora sacra levavit.
3. Ossa patronorum  
Hiberniae levata  
Nos a labe vitiorum  
Tergant prece grata.

Responsoria.

1. Hi tres lux patriae,  
Duno diu tecti sunt terra,  
Regulae justitiae  
latitantes saecula multa,  
V. Nunc demonstrantur  
et publicitus venerantur.
2. Vacate, gentes,  
patroni magnae probitatis,  
Gaudete flentes,  
patres immensae pietatis,  
V. Compedibus natos  
culparum solvite strictos.
3. Quisque patronorum  
Hiberniae semina sevit  
Terra Scotorum,  
quo fructus copia crevit,  
V. Nunc steriles mentes  
cibat undique reficientes.

In 3. Nocturno.

Antiphonae.

1. Innocentes manibus  
et corde hoc mundo  
Transferuntur canticis  
clero laetabundo.
2. Deus desideria  
Patris adimplevit,  
Per quem in Hibernia  
Fides inolevit.

3. Ossa quiescentia  
Trium transferuntur  
Ad patris praesidia  
Publice ponuntur.

Responsoria.

1. Horum membra lutum  
tenuit laxata labore  
Miro virtutum  
Duno venerantur honore,
- V. Aegra poli rore  
sament ut membra dolore.
2. Nunc tres in Duno  
tumulo tumulantur in uno,  
Brigida, Patricius  
atque Columba pius,  
Gemmae sacrandae,  
mundo toto venerandae
- V. De terra levantur  
nunc honorandaeque dantur.
3. Currite languentes,  
Duno piscina morborum,  
Corpora vel mentes  
aegrotas ipsa medetur;  
Felices gentes,  
quibus istud flumen habetur,
- V. Protulit haec fossa  
harum sacra trina ossa.

In Laudibus.

Antiphonae.

1. Levantur patroni,  
Pleni coeli rore,  
Hiberniae egregii,  
Induti decore.
2. Omnis terra jubilans  
Adoransque laetatur,  
Quia sidus rutilans  
Duno demonstratur.

3. Terra Duni dederat  
Jam speratos fructus,  
Quod olim receperat  
Hora leti luctus.
4. Patroni in Domino  
Deum benedicant,  
Quia coeli gaudio  
Sicut Phoebus micant.
5. Deus a cubilibus  
Exaltans mansuetos  
Facit de stabilibus  
Jucundos et laetos.

Ad Benedictus.

- A. Benedictus Dominus,  
qui translatione  
Sanctorum Hiberniae,  
Patricii primatis  
Et venerandi abbatis  
Columbae Brigidaeque,  
virginis almae,  
Hunc diem sacrat  
pariter et magnificavit.

In 2. Vesperis.

Ad Magnificat.

- A. O pontifex, magne pater,  
Patrici, Hiberniae apostole,  
O abbas praeclare,  
Columba mitis et pie,  
O Brigida benigna,  
virginum veneranda,  
Pocite vestris  
gaudentibus solemniis,  
Perfrui vobiscum  
sempiternis gaudiis.

Brev. ms. Dublinense saec. 15. Cod. Collegii SS. Trinitatis Dublinen.  
B 3. 13. A. — Colgan, Trias Thaumaturga, Blatt ohne Seitenzahl. B. —  
In 1. Vesp. A 2, 3 Duni B. — A 2, 4 De pulvere translata B. — A 4, 3  
Rivi emergentes B. — A 5, 2 Hiberniae B. — In 1. Noct. A 1, 2 Brigida  
suum fructum B. — A 1, 4 secus fluvium B. — A 2, 4 transtulerunt B. —  
R 2, 4 flumine B. — In 2. Noct. A 1, 3 Reddit AB. — R 1, 6 et veneranda  
dantur A. — In 3. Noct. R 3 fehlt B. — Ad Ben. A, 1 Benedictus fehlt B;  
S sq. sacravit et magnificavit pariter. B.



83. De sancta Pharahilde.

In 1. Vesperis.

Antiphonae.

1. Virgo clemens et benigna,  
Pharahildis, laude digna,  
Vitam duxit angelicam.
  2. Ordine miro subdita viro,  
Famula Christi, promeruisti  
Coelica regna.
  3. Tam in mensa quam in lecto  
Sub eodem eras tecto  
Cum marito servans florem  
Castitatis praeter morem.
  4. Ingens est miraculum,  
Quod in praesens saeculum  
Inter tot delicias  
Ad coelestes nuptias  
Adspiras tam avide.
  5. Post cursum hujus stadii  
Donum perennis bravii  
Inter choros virginum  
Tibi pater luminum  
Virgini constituit.
- R. Igne rubus inflammatur  
Nec flammis inuritur,  
Pharahildis sponso datur  
Nec sigillum frangitur  
Ejus pudicitiae;  
Per ter denos annos nupta  
Virgo mansit incorrupta  
Vacans Dei laudibus.

Ad Magnificat.

- A. Alma virgo, laude digna,  
Virgo prudens et benigna,  
Pharahildis, nos exaudi  
Famulantes tuae laudi.

Ad Matutinum.

Invitatorium.

Adoremus Christum regem,  
Cujus virgo tenens legem  
Pharahildis coronatur  
In coelesti curia.

In 1. Nocturno.

Antiphonae.

1. Virgo de genere  
Regali genita  
Divino munere  
Libens est subdita  
Christo Pharahildis.
2. Rex Lotharingiae  
[Inclitus] floruit  
Magnae potentiae,  
Quamdiu viguit,  
Theodoricus.
3. Conjugem habuit  
De stirpe nobili,  
Vixerunt pariter  
Vita laudabili  
Deo servientes.

Responsoria.

1. Immortali sponso juncta  
Pharahildis sprexit cuncta,  
Quae marcescunt tamquam  
foenum,  
Ut flos agri transeunt.
- V. Affluentes divitias  
Et regales delicias  
Sponsa Christi respuebat.
2. In aetate puerili  
Scholis datur, sed senili  
Mente Deum retractando  
Suspirans proferebat:  
V. *Concupivit anima mea desi-*  
*derare justificationes tuas in*  
*omni tempore.*
3. Deo, cui se subegit,  
Votum vovit nec infregit,  
Virginalem ei florem  
Praesentare studuit.
- V. *Adjuvabit eam Deus vultu*  
*suo, Deus in medio ejus, non*  
*commovebitur.*

In 2. Nocturno.

Antiphonae.

1. Juventutis suae florem  
Atterebat ob amorem  
Jesu Christi, quem tenere  
Videbatur diligere.
2. Asper erat ei lectus,  
Sacrum crebro tundens pectus  
Patrem superni luminis  
Mens exorabat virginis.
3. Cum annorum ter denorum  
Esset mater egenorum,  
Nolens a patre cogitur  
Sponsoque duci jungitur.

Responsoria.

1. Pharahildis fit ducissa  
Dei ductu non remissa,  
Sed affluens deliciis  
Domabat se jejuniis.
- V. *Annulo Christi subarrhata non  
terrenis opibus inhiabat.*
2. Mentem ejus  
cantus neque lyrae  
Nullo modo  
valent delenire,  
Mente secum  
tractat sollicita,  
Ut, quae novit,  
persolvat debita.
- V. *Time-te Dominum omnes sancti  
ejus, quoniam non est inopia  
timentibus cum.*
3. Clam introrsus est inclusa,  
Flectit genu prece fusa,  
Rogat Deum devoto gemitu,  
Ne virili turbetur coitu.
- V. *Exaudivit deprecationem ejus  
Dominus, Dominus orationem  
ejus suscepit.*

In 3. Nocturno.

Antiphonae.

1. In aetate jam nubili  
Duci juncta est nobili,  
Sed castitatis lilium  
Non perdit hoc conjugium.

2. Gratias in termino  
Virgo refert Domino,  
Dum intacta permanet.
3. Virgo facta liberior  
Vota persolvit libera  
Egenisque propensior  
Larga profudit munera.


Responsoria.

1. Sponsa duci foederata,  
Propter Christum poenis data,  
Quae vel quanta  
ferat, conquaeritur,
- V. Quocirca dux  
languore premitur.
2. In labentis vitae pargo  
Suscitasti ganzam, virgo,  
Caeco visum, gressum claudis  
Dans in signum tuae laudis.
- V. *In multitudine electorum ha-  
bebis laudem, quae per Chri-  
stum talia operaris.*
3. Pharahildis duci nupta  
Virgo mansit incorrupta  
Sex lustrorum spatio,  
Hinc ad Christum, quem amavit,  
Vitae suae transmigravit  
Anno nonagenario,
- V. *Ad sponsum suum Christum,  
in quem credidit, quem dilexit,  
quem semper optavit.*

In Laudibus.

Antiphonae.

1. Pharahildis frequens orat,  
Templa visat, dux explorat,  
Quo se vertat, quid agatur,  
Redit virgo, verberatur.
2. Flagellat ducem Dominus  
Propter commissum facinus,  
Nec ipse corrigitur.
3. Silvam causa spatiandi  
Dux perlustrat et venandi,  
Lora laxat, equus cadit,  
Fractis membris vix evadit.



4. Sanat cum parcens reo,  
Sed ignorat reus Deo  
Gratias impendere.

5. Pharhildem  
sex lustris tenuit,  
Sed cum ea  
nunquam rem habuit,  
Ter denos ter  
annos compleverat,  
Virgo mansit  
solvens, quod voverat.

Ad Benedictus.

A. Christi sequens vestigia,  
Sanctis exsculpta moribus,

Stirpe praececellis regia  
Velut luna sideribus.

In 2. Vesperis.

Ad Magnificat.

A. Virgo pia Pharahildis,  
Quae cum coeli civibus  
Haeres facta paradisi  
Gaudes in coelestibus,  
Nostri pie memor esto  
Et pro nobis supplicans  
Impetrato veniam  
Et vitam perpetuam.

Brev. S. Servatii Trajecten. imp. Coloniae 1503. — In 1. Noct. **R** 1, 4  
Et flos. — In 2. Noct. **R** 1, 2 ducatu. — In 3. Noct. **R** 2, 2 gammam. Vgl.  
Du Cange s. v. ganta, über die Märe Acta SS. Jan. I. 172. — In Laud. **A**  
3, 4 evasit. — Hymnus: Christi virgo egregia.

#### 84. De sancto Pontentino.

In 1. Vesperis.

Antiphonae.

1. Laudes regi omnium  
Nostra harmonia  
Pro virorum fortium  
Canat agonia.
2. Isti e vestigio  
Christum consecuti,  
Candidi martyrio  
Christum sunt induti.
3. Suum tingi sanguine  
Pedem gloriati,  
Martyrum se nomine  
Claros arbitrati.
4. Crucis ignominiam,  
Crucem bajulare  
Summam ducunt gloriam,  
Summum triumphare.
5. Ad instar carbunculi  
In rubentis populi  
Medio resplendet  
Potentinus, sociis  
Junctis in deliciis,  
Ad quos non ascendet,

Ipsam qui non sequitur;  
Qui pro Christo moritur,  
Christo nos commendet.

Ad Magnificat.

A. O martyr amabilis,  
Laudis ineffabilis,  
Dulcis et jucunde,  
Martyr venerabilis,  
Decore spectabilis,  
Candens, rubicunde;  
Tuae, pater, claritati,  
Congaudemus tui nati,  
Tuus grex et populus.  
Potentine, testis Christi  
Fieri qui meruisti  
Et Christi discipulus,  
Nos post has miseras  
Transfer ad delicias,  
Quas non vidit oculus.

Ad Matutinum.

Invitatorium.

Ad laudes regis omnium  
Laetis surgamus cordibus,  
Qui coeli junxit civibus  
Terreni regis filium.

In 1. Nocturno.

Antiphonae.

1. Iter fugit impiorum  
Potentinus gnaviter  
Et ad viam se justorum  
Contulit alacriter.
2. Contra sanctum adstiterunt  
Reges, patres impii,  
Innocentem ceciderunt  
Tenebrarum filii.
3. Ad salvantem se clamavit,  
Amator credentium  
Quem clamantem liberavit,  
Qui est salus omnium.

Responsoria.

1. Sanctus puer Potentinus,  
Proles regis Franciae,  
Summi regis se festinus  
Adstrinxit militiae,
- V. Vivens tamquam peregrinus  
In valle miseriae.
2. Mox ut illi naturalis  
Adfuit discretio,  
A cunctis arcens se malis  
Recessit a devio,
- V. In quo mire spiritalis  
Jam fraglavit unctio.
3. Jam tunc coepit confessores  
Fidei diligere  
Et ut dominis honores  
Devotos impendere,
- V. In sanctos cordis ardores  
Ostendit in opere.

In 2. Nocturno.

Antiphonae.

1. Tribulatus, dilatatus  
Sanctus tuus, Domine,  
Baptizatus est, signatus  
Vultus tui lumine.
2. Tunc magis abominatus  
Puer viros sanguinum,  
Ruri manens aula natus  
Contemplatur Dominum.

3. Vere nomen tuum, Christe,  
Multum admirabile,  
Quod laudavit puer iste,  
Vas ad psalmos habile.

Responsoria.

1. Parentes deorum vanis  
Subjugati cultibus  
Caedunt sanctum, Christianis  
Subditum doctoribus;
- V. Caecus furor quam immanis  
In humanis cordibus.
2. Baptizatus civitatem,  
Quam non intrat Dominus,  
Ne videret, vanitatem  
Dereliquit eminus,
- V. Universam pravitatem  
Vani mundi protinus.
3. Lucerna tanti luminis  
Praeclari facta nominis  
Nequivit latere,  
Qui latere voluit,  
Quamvis nolens patuit  
Plenae mundi sphaerae.  
Ad tam mirae sanctitatis  
Virum, verae probitatis,  
Multi convenere,
- V. Eminentem in doctrina  
Et coelesti medicina  
Cupidi videre.

In 3. Nocturno.

Antiphonae.

1. Arcu fracto peccatorum  
Pharetraque vacua  
Suum martyr intrat chorum  
Fide non ambigua.
2. Montem sanctum habitabit  
Sanctus sine macula  
Et aeterna triumphabit  
Intra tabernacula.
3. In virtute jam laetatur  
Dei martyr inclitus,  
Salvatorem contemplatur  
Amatum medullitus.



Exsulat et exaltatur,  
Fugit dolor, gemitus,  
Ubi suos consolatur  
Dei unigenitus.

Responsoria.

1. Tandem in diaconatus  
Promotus officio  
In pastorem est vocatus  
Urbi monasterio,  
V. Non elatus sed gravatus  
Tanto ministerio.
2. Procedentem insectatur  
Patruus cum sociis,  
A quo sanctus trucidatur  
Cum duobus nuntiis,  
V. Telis, ense consummatur  
Fortis in suppliciis.
3. O quam digne est colenda,  
Quam devote reverenda  
Martyrum memoria,  
Qui crucis Christi praecones  
Pertulere tot agones  
Summa cum victoria;  
Nunc complexa manu Dei  
Diadema speciei  
Deferunt in gloria,  
Vivum, novum, clarum mustum,  
Quod terrenum mutat gustum,  
Bibunt cum laetitia,  
V. De torrente qui biberunt,  
Qui fel crucis gustaverunt,  
Nunc in coeli regia.

In Laudibus.

Antiphonae.

1. Viri fortes et decori,  
In tormentis stabiles,  
Conregnant triumphatori  
Suo regi similes.
2. Domino, cui servierunt  
Cordis in laetitia,  
Ejus jam introierunt  
Cum hymnis in atria.

3. Deum, in quem sitiverunt  
Toto desiderio,  
Deum, post quem adhaeserunt,  
Vident nunc in gaudio.
4. Temptatoris et tortoris  
Superatis ignibus  
Benedicunt salvatoris  
Bonitatem laudibus.
5. Laudant Dominum de caelis  
Suis in cubilibus  
Liberati de querelis  
Et mortis doloribus,  
Cessit hostis jam crudelis,  
Gaudent cum gaudentibus.

Ad Benedictus.

- A. Deus noster benedictus,  
Quia non est derelictus  
Grege pusillus gratiae,  
Dum nos pie visitavit,  
Paterne haereditavit  
In valle miseriae,  
Dum hunc locum dicaverunt,  
Dum hunc locum ditaverunt  
Sanctorum reliquiae.  
De quorum praesentia  
In omni miseria  
Semper consolamur,  
Horum per suffragia  
Ad aeterna gaudia  
Laeti perducamur.

In 2. Vesperis.

Ad Magnificat.

- A. Dominum magnificemus,  
Jesu nostro exsultemus  
Totis cordis viribus,  
Qui nostram humilitatem  
Respexit per pietatem  
Suam de coelestibus,  
Dum Salvator salvatores  
Misit et propugnatores  
Fortes et propitios,  
Nostros adversarios  
Qui devincunt et elidunt  
Dividuntque et concidunt  
Et reddunt inglorios.

Surge, martyr Potentine,  
Et nos unitati trinae  
Commenda cum sociis,  
Ut vestris suffragiis  
Sanctorum conciliis  
Collaetemur sine fine.

Brev. ms. Steinveldense saec. 15. Cod. Bruxeilen. 2961. A. — Diurn.  
ms. Steinveldense saec. 15. Cod. Darmstadien. 1104. B. — In 1. Vesp. A  
3. 2 gloriare A. — Nach der A ad Bened. hat A eine andere (prosaische)  
A mit der Rubrik: Item alia Antiphona, quae dicenda est extra ecclesiam  
Steinveld.

### 85. De sanctis Puellis.

#### In 1. Vesperis.

##### Ad Magnificat.

- A. In puellis Christum magnifica,  
Coetus Mansi, cantus et duplica,  
Sepultura manet authentica,  
Hilarescit turba angelica  
In supernis.

##### Ad Matutinum.

##### Invitatorium.

*Regem puellarum Dominum  
venite adoremus.*

#### In 1. Nocturno.

##### Antiphonae.

1. Nomen Christi mirabile  
In puellis emicuit,  
Dum corporis dualitas  
et unitas apparuit.
2. Sponsus natus de virgine  
Amavit has puellas  
Et in poli cacumine  
Facit esse gemellas.
3. Hoc mirum monstrum affluens  
Sanctitate,  
Mundanum nomen vinciens  
Bonitate  
Fideles allexit.

#### Responsoria.

1. Arbor plantata Jericho  
Grossos produxit gratiae,  
Accrescens fructu coelico  
Umbram donavit gloriae;  
Sic fit cunctis miraculis  
V. Haec factio laudabilis,  
Crevit multis miraculis  
Medicamentum populis.
2. Alma seges tunc dogmatis  
Pullulavit in saeculo,  
Cum Saturnini monitis  
Puellae credunt clanculo,  
Per quem refulgent meritis,  
V. Sanctum infundit coelicum  
Angelorum viaticum  
Viatoris almificum.
3. Messores regiae  
agri dominici  
Cruorem colligunt  
athletae coelici,  
Pravorum rabie  
dum tauro trahitur,  
Hae regis filiae  
multum dolent.  
V. Videte, populi,  
certamen humile,  
Deplorant oculi  
pro morte praesulis.

In 2. Nocturno.

Antiphonae.

1. Verbum dulce eructavit  
Istud monstrum in patria,  
Actus suos gubernavit,  
Ut regnaret in gloria.
2. Deus in terra posuit  
Hujus sexus prodigia,  
Qui nos vitare docuit  
Inimici vestigia.
3. Super solis cacumine  
Laetatur stirps regia,  
Magna consistit germine,  
Demonstrant hoc judicia.

Responsoria.

1. Flagellantur  
puellae regiae,  
Dum abhorrent  
nefanda latriae,  
Linquunt Gotos,  
gentes dementiae,  
Mansus gaudet  
pro tali acie,  
Quia grata.
- V. Istae colunt  
regem justitiae  
Et exorant  
pro gente patriae.
2. In Christi solio  
Plantae justitiae  
Crescunt munditiae,  
Coelestis concio  
Laetatur hodie,  
Crescat devotio  
Hujus familiae  
Hic in via.
- V. Precibus, servuli,  
Laudate Dominum,  
Ut sitis acmuli  
Sanctarum virginum.
3. Plantula mirabilis,  
Ortu generosa  
Et vita laudabilis,  
Actu luminosa,

In poli cunabulis

Sedet gloriosa,  
Mansi defensibilis  
Ac imperiosa  
In excelsis.

- V. Ista stipes  
fulgens prosapia,  
Cedant Satan  
et carnis vitia.

In 3. Nocturno.

Antiphonae.

1. Nuntiate in populis  
Coronas harum virginum,  
Deprecentur ab insulis,  
Ut tollant fascēs criminum.
2. Quia regnavit super has  
Messias collaudetur,  
Gens Mansi pangat choreas,  
Choros ducens laetetur.
3. Cantate Domino  
cum novo cantico,  
Qui mirabilia  
fecit in populo,  
Sua potentia  
claret miraculo  
In puellis.

Responsoria.

1. Binas duxit  
ex se propaggines  
Stipes ista,  
fuerunt virgines  
Tamquam arbor  
obumbrans homines  
Danielis.
- V. Lignum salutiferum  
nobis est donatum,  
Juxta aquas gratiae  
Auxit transplantatum.
2. Duae consortes  
Sanctorum civium,  
Augete gentes  
Vos deprecantes,  
Ad coeli bravium  
Transferte mentes.

V. Prudentes virgines,  
Aptate lampades,  
Fideles debiles  
Facite lapides  
In coeli solio.

3. Generosa  
frutex prosapia,  
Gratiosa  
tua facundia,  
Gloriosa  
Habes sedilia,  
Luminosa  
Consistunt praemia  
In supernis.

V. Subarrhata  
Per Christum annulo  
Et ornata  
In coeli circulo  
Exaltaris.

In Laudibus.

Antiphonae.

1. Has puellas inclitas  
Christus decoravit  
Et gemellas editas  
Spiritus regnavit.

2. Gaudio mirabili  
Gentes jubilate,  
In coelo fulgibili  
Duplae sunt locatae.

3. Rex per istas laudabitur.  
Quia fulgent virtutibus,  
Naturaque mirabitur,  
Quantae sunt in coelestibus.

4. Benedictus  
in poli cardine  
Adstat Christus  
pro isto germine  
Salutari.

5. Deum cum virginibus,  
Populi, laudate,  
Cum sanctis agminibus  
Polo sunt locatae.

Ad Benedictus.

A. Christus nos reficiens  
Mundo benedixit  
Et ex alto oriens  
Vera lux illuxit,  
Dum monstrum mellifluens  
In nobis produxit.

In 2. Vesperis.

Ad Magnificat.

A. Magnificate Dominum,  
Qui monstrum prodidit  
Mentibus hominum  
Et dat terminum  
Vitae puellis luminum  
Sancta sede.

Brev. Tolosanum imp. Parisiis 1553. — In 1. Noct. **R** 1, 2 Gressus. — **R** 2, 4 calculo. — In 2. Noct. **R** 2, 8 viae. — In 3. Noct. **A** 2, 4 Cordas ducens laetitiae. — **R** 2, 5 n. 6 umgestellt. — In Land. **A** 1, 1 inclitus. — **A** 1, 3 gemellis editus. — **A** 4, 3 Adstat jam. — In 2. Vesp. ad Mag. **A**, 2 prodiit. — Hymnen cfr. Analecta XI, p. 221.

## 86. De sancto Raphaelae.

In 1. Vesperis.

Super Psalmos.

A. Cum rectos ex congruo  
deceat laudatio,  
Magis decet angelos  
in coeli palatio.

Ad Magnificat.

A. Celebremus in terris  
Raphaelis opera,  
Qui summi imperii  
adsistit ad latera,  
Unus ex principibus  
in patria coelesti,  
Arcens malos spiritus,  
qui nobis sunt infesti.



Ad Matutinum.

Invitatorium.

Trinum Deum collaudemus  
regnantem in caelis,  
Recolentes memoriam  
sancti Raphaelis.

In 1. Nocturno.

Antiphonae.

1. Coeli, qui sunt spiritus  
patriae coelestis,  
Enarrant Dei gloriam  
signis manifestis.
2. Mira res ostenditur,  
cum Tobias sanatur,  
Humanam effigiem  
Raphael imitatur.
3. Quanta justis moestis datur  
spes misericordiae,  
In viando  
Cum Tobiae mittitur  
Raphael consolando.

Responsoria.

1. Miserator Dominus  
et justus retributor  
Tobiae famulo suo  
factus est adjutor,  
Cum factus sit egenus.
- V. Furtivum abhorruit  
Et sua distribuit  
Pietate plenus.
2. Sanctus pater solus jacens  
Deo derelictus,  
De suo relevamine  
cogitat afflictus,  
De massa mutuata.
- V. Decem talenta tradidit  
Gabello, qui non reddidit  
Pecunia munerata.
3. Pater filium vocavit,  
Ignotam viam imperavit,  
De qua juvenis dubitavit;  
O Deus, qui tuos salvas,

V. Hic cum quaerit,  
Socium reperit  
Archangelum  
Succinctum ad valvas.

In 2. Nocturno.

Antiphonae.

1. Sicut puer egreditur  
Et canis insequitur,  
Mater flens conqueritur  
Prole non praesente.
2. Lumen, ait, oculorum  
a nobis misisti  
Et nostrae senectutis  
baculum transmisisti  
In filio absente.
3. Pater reversurum sperat,  
Gratum semper iter erat  
Angelo ducente.

Responsoria.

1. Difficultas itineris  
Prima intimatur,  
Per hostem nostri generis  
Ad Tigrim paratur  
Bellua marina,
- V. Puerum vorare voluit,  
Quem in siccum attrahit  
Gratia divina.
2. Benedictus Dominus,  
Qui angelum mandavit  
Et ministrum mortis  
In pastum paravit,  
Quem occidit juvenis  
et exenteravit;
- V. Angeli consilio  
Pro viae edulio  
Piscem reservavit.
3. Doctus tam medicus  
Nusquam auditur,  
Ut Raphael tam practicus,  
Qui lumen largitur  
Caeco veterato,
- V. Admirando opere  
Qui felle et jecore  
Fit sospes iterato.

In 3. Nocturno.

Antiphonae.

1. Felix iter peragit  
juvenis Tobias,  
Cujus viam dirigit  
magnus Azarias.
2. Nam nemo securius  
viam ducitur  
Sequente sanctum angelum  
immersum in Deo.
3. Ductu Raphaelis  
fit cognatus hospes  
Exsultansque pater  
pueri fit sospes.

Responsoria.

1. Sara stirpis Jacob nata,  
Miro modo reservata  
Multisque commaritata  
Mansit in opprobrio.
- V. Azarias prudens factor  
Fit Tobiae procurator  
Tractans de conjugio.
2. Tobias juxta legis  
procedentem morem  
Raguelis filiam  
petit in uxorem,  
Sed de praedecessorum  
expavit dira sorte.
- V. Angelus tunc consolatur,  
Jecur piscis reservatur,  
Ut servet se a morte.
3. Ad nuptias proceditur,  
Dos magna conceditur,  
Thalamum ingreditur  
Tobias cum uxore.
- V. Tunc insistunt precibus,  
Desistunt ab amplexibus,  
Salvantur a terrore.

In Laudibus.

Antiphonae.

1. Ingressi nupti thalamum  
se totos dant ad Dominum,  
Ut precibus et lacrimis  
fugetur daemonium.
2. Parentes sunt pavidī,  
ne novus conjugatus  
Per daemonem ut ceteri  
foret strangulatus.
3. In crastino consurgunt  
quam laeti parentes,  
Quod filium cum filia  
reperiunt viventes.
4. Decantant altithrono,  
qui adstant, omnes laudes,  
Qui daemonis per angelum  
superabat fraudes.
5. Cum sanctum matrimonium  
Tobias consummabat,  
Devotas Deo gratias  
Anna decantabat.

Ad Benedictus.

- A. Raphaelis sollemnia  
omnes Christiani  
Cum Tobia celebrent,  
ut sospites et sani  
A suis languoribus  
cito liberentur  
Et a malis omnibus  
semper conserventur.

In 2. Vesperis.

Ad Magnificat.

- A. Collaudemus Dominum  
regem saeculorum,  
Et jubilemus spiritu  
plausu laetabundo,  
Venerantes in genere  
chorum angelorum  
Et Raphaelis in specie  
festa corde mundo.

Brev. Herfordense imp. Rotomagi 1505. — In 2. Noct. **R** 1, 1 sq. Prima difficultas itineris. — **R** 3, 7 Quis felle. — In 3. Noct. **A** 2, 2 ergänze eo? — **R** 1, 3 que fehlt. — In 2. Vesp. **A**, 3 spiritui.

87. De sancta Rictrude.

In 1. Vesperis.

Ad Magnificat.

- A. Sanctissima Dei famula,  
Rictrudis, tuum poscimus  
auxilium,  
Ut pro debitis nostrorum  
criminum  
Impetrata delictorum  
venia,  
Una tecum mereamur  
Regnum possidere siderum.

Ad Matutinum.

Invitatorium.

Rictrudis sponso,  
sit laus et gloria Christo,  
Pro cujus merito  
jubilemus ei vigilando.

In 1. Nocturno.

Antiphonae.

1. Enitet ut viola  
redolens in vepribus orta  
Mundo  
Rictrudis, Dei famula.
2. Vasconiae genita  
generoso germine vita  
Claruit  
Rictrudis inter filias.
3. Femina virtutis  
data sponso nobilitatis  
Rictrudis  
Deseruit natale solum.
4. Juncta viro forti,  
quem Francia nobilitavit,  
Rictrudis  
Fructificavit Domino.
5. Prolis sacratae  
mater geniti genitaeque  
Facta est Rictrudis  
Mauronti et Eusebiae.

6. Hos peperit mundo  
coelis paritura secundo  
Rictrudis  
Genitore spiritu sancto.

Responsoria.

1. Inclita Vasconiae  
famosis finibus orta,  
Sanguine nobiliter,  
nobilius meritis  
Rictrudis emicuit
- V. Baptismique sacris  
mox sancta renascitur undis.
2. Haec femina laudabilis  
Meritisque honorabilis  
Rictrudis egregia  
Divina providentia  
Pervenit in Galliam
- V. Praeclaris orta natalibus,  
Honestis alta  
Et instituta moribus.
3. In meritis sanctae  
Rictrudis te veneramur,  
O rex omnipotens,  
qui fructum mirificasti,  
Quem protulit ipsa;
- V. Coelis ac terris  
est proles tota beata.
4. Nec caro nec mundus  
nec rex impellere possunt,  
Ut conjungatur  
denuo sancta viro  
Jam privata semel,
- V. Ardens mente Deum  
vitat inire thorum.

In 2. Nocturno.

Antiphonae.

1. Naturae merito  
carnis viduatur marito,  
Renuntiat  
Carnali thalamo.

2. Spreto carnali  
se sponso spirituali  
Confoederat  
Rictrudis inclita.
3. Turturis ad vocem  
fit turtur amore liquescens  
Rictrudis  
Ad sponsi sermonem.

4. Perspicuo vultu,  
vario circumdata cultu  
Nitens  
Complacuit sponso.
5. Vestis, a qua tegitur,  
est vernans purpura byssus,  
Byssus pudicitia,  
Crux signatur purpura.

6. O pia Rictrudis,  
quae gaudes incola caeli,  
Nos ope continua  
adjuves et foveas.

Responsoria.

1. Concivis et rege simul  
mirantibus actum  
Femina plena Deo  
contegit ipsa caput  
Velamine sacro;  
V. Hoc ipsi pridem  
sacraverat almus Amandus.
2. Spernens illecebras  
et pompas resque caducas  
Aeternis inhiat  
Jam fruitura Deo  
Rictrudis egregia,  
V. Ad sobrios habitus  
mores conformiter ornat.
3. Terrenas opibus  
mutavit provida coeli,  
Hic dum Rictrudis  
dulcia continuat  
Praeconia Christi;  
V. Sic, sua quae fuerant,  
melius sunt dum referuntur.

4. Laude demus Dominum  
in beata Rictrude,  
Cujus fructus permanet  
in aeternitate,  
De qua non est ortus, qui  
non sit Deo dicatus.  
V. Benedictus Deus, qui talem  
sibi elegit famulam.

In 3. Nocturno.

Ad Cantica.

- A. Ad sepulchrum sanctae  
delatus daemoniacus  
puer virtute divina  
et sanctae Rictrudis meritis  
protinus sanatus discessit.

Responsoria.

1. Dignum erat, ut quae genuerat  
Deo carnalem,  
Parturire prolem  
mereretur spiritualement;
- V. Praeficitur sanctae  
plebi, populo acquisitionis.
2. Actibus et verbis  
monstrans exempla salutis,  
Mores instituens,  
morum vestigia praebens,  
Pervigili cura  
prodesse gregi satagebat.
- V. Ipsa namque piissimo  
affectu diligebat  
sorores ut proprias filias.
3. Nec sumptas passim  
nec confers res alienas,  
Sed propriis refoves  
muneribus famulos,  
Reverenda Rictrudis,  
V. Ut, bene quod vivunt,  
in Christi laude tuum sit.
4. Gloriosa Dei  
Famula, Rictrudis,  
monilibus compta divinis,



Adstans ante tribunal  
Aeterni regis  
Hodie suscepit  
perpetuae dignitatis  
Gloriam psallens  
Ore almi fluo

- V. Deposito carnis onere  
Cum virtutum nectare  
Adsistens Christi famula  
Coram coelesti sponso.

In Laudibus.

Antiphonae.

1. Beata Dei famula,  
Rictrudis, adhuc posita  
In terris mente devota  
Christo haerebat in aethra.
2. In hac ergo die  
digne laetemur,  
Qua beata Dei famula  
carnis vinculo soluta  
justorum est choris sociata.
3. Jam conjuncta civibus  
angelicis,  
Nostri, petimus,  
ut memineris,  
Quatenus per orationem  
tui mereamur  
A nostrorum erratum  
nexibus absolvi.
4. Benedicimus te,  
Domine Deus noster,  
Cui omnis honor,

laus et benedictio  
debetur perenniter,  
Qui etiam hodie  
dilectam tibi famulam  
aeternam  
sublevasti ad gloriam.

5. Omnes Dominum  
laudant creaturae  
in beatae  
Rictrudis celebritate,  
Quae relicta  
hac die mortali gleba  
Justis est  
in gloria copulata.

Ad Benedictus.

- A. Erat benigno animo  
Et moribus conspicua,  
Prudens et pudica,  
Adspectu decora  
Et in sanctis actibus  
Fulgebat gloriosa.

In 2. Vesperis.

Ad Magnificat.

- A. O beata Rictrudis,  
gloriosa matrona,  
Servorum tuorum pia  
attende, quaesumus, obsequia  
Et coram Deo crimina  
nostra excusa  
Vitaeque perpetuae  
nobis obtine commoda.

Brev. ms. Marchianense saec. 12. Cod. Duacen. 134. A. — Brev. ms. Marchianense saec. 12. Cod. Duacen. 135. B. — Brev. ms. Marchianense saec. 13. Cod. Duacen. 139. C. — Brev. ms. Marchianense saec. 13. Cod. Duacen. 138. D. — Antiph. ms. Marchianense saec. 15. Cod. Duacen. 117. E. — Antiph. ms. Marchianense saec. 16. Cod. Duacen. 118. F.

Dies Officium mit den zugehörigen Hymnen (vgl. Analecta XI, p. 237 sq.) ist von Huebald. Vgl. J. Desilve, De Schola Elmonensi Sancti Amandi, Lovanii 1890. p. 107 sqq. not. 2; dazu Zeitschrift für kath. Theologie, 1891, S. 707 u. f. Es ist darum von besonderem Interesse und sind deshalb auch jene Teile beibehalten, die in Reimprosa geschrieben sind, um so mehr, als bei der eigentümlichen Mischung von ganzen und halben Versen mit Prosateilen und Teilchen oft schwer zu sagen ist, wo die gebundene Rede aufhört und die ungebundene anfängt.

Dasselbe Officium ward auch gebraucht in Elevatione sanctae Rictrudis, nur waren die Antiphonen der Laudes andere, welche nach A hier folgen mögen:

1. Haec claro satis exstitit oriunda germine Ernoldo nobili edita genitore.
2. Haec femina laudabilis meritisque honorabilis, Rictrudis egregia, divina providentia pervenit in Galliam.
3. Dei gratiam invenisti, Rictrudis sanctissima, nam manus tuae pauperibus semper erant largissimae: adesto nobis apud Dominum Jesum Christum.
4. Sancta Rictrudis, larga in pauperes miseransque pupillis, egenis et advenis prudenter dispensando virtute meritorum claruit in populis.
5. Miro affectu sororibus serviebat, pauperum curam gerens in omnibus, quapropter a cunctis diligebatur attentius.

## 88. De sancto Rumoldo.

### In 1. Vesperis.

#### Antiphonae.

1. Triumphanti concordando  
Militans ecclesia  
Laeta colit exultando  
Rumoldi sollemnia.
  2. Sidus ortum in Scotorum  
Regione nobile  
Lumen in Brabantinorum  
Terra dat mirabile.
  3. In Machlina lux virtute  
Refulsit praevalida,  
Ubi facta statione  
Liquefecit gelida.
  4. Sed ibidem lux eclypsim  
Passa sole clarius  
Relucescit non passura  
Defectum in amplius.
  5. Crebris namque per Rumoldum  
Signis floret populus,  
Sed et terra, quae patronum  
Recipit divinitus.
- R. O praeclarum sidus, rarum  
Nesciens, solatium  
Desperatis sospitatis  
Dans et vitae spatium,  
Caecis viam, harmoniam  
Surdis, moestis gaudium  
Et languorum diversorum  
Relevans supplicium.

### V. Coeli vernans in roseto

Divo madet rore,  
Contemplando vultu lacto  
Regem in decore.

#### Ad Magnificat.

- A. Gratuletur et laetetur,  
Quidquid orbis continetur  
In figura sphaerica,  
Laus Rumoldi praedicetur,  
Quem laudando veneretur  
Nobiscum plebs coelica.

### Ad Matutinum.

#### Invitatorium.

Exultando jubilemus  
Christo, rosae martyrum,  
Qui Rumoldum in rosarum  
Vexit hortum floridum.

### In 1. Nocturno.

#### Antiphonae.

1. Stirpe natus ex serena  
Rumoldus vir inclitus  
Ad coelorum peramoena  
Spirat medullitus.
2. Oriundus ex Scotorum  
Regali prosapia  
Honestate vitam morum  
Ornat ab infantia.

3. Sub tenella mox aetate  
Crescens sapientia,  
Vitae florens sanctitate  
Spernit transitoria.

Responsoria.

1. Plebs Rumoldum veneretur,  
Pia cujus moduletur  
Laudes pleno pectore,  
Vita cujus et doctrina  
Quondam floruit Machlina,  
Nunc dotata corpore.
- V. Erectus namque  
virtutum culmine,  
Ut sol emicuit  
plebis in agmine.
2. Ille est prudens et fidelis  
Jacob, formam ob Rachelis  
Parentes et patriam  
Derelinquens, ad aspectum  
Dei tendit per despectum  
Spernens ignominiam.
- V. Genus et delicias,  
Culmen praesulatus,  
Regales divitias  
Celat vir beatus.
3. Archipraesulatus  
functus officio,  
Honorem respuens  
non onus, solio  
Relicto gloriae  
latet exilio;
- V. Corpus domans  
calcat supplicia,  
Carnis in se  
trucidans vitia.

In 2. Nocturno.

Antiphonae.

1. Ortu clarus generoso,  
Virtute praeclior,  
In adspectu gratioso  
Cunctis amabilior.
2. In virtutem de virtute  
Tendens vir amabilis  
Sedem Deo concedente  
Scandit archipraesulis.

3. In honorem sublimatus  
Humilis in gloria,  
Rerum censu dilatatus  
Vivit in penuria.

Responsoria.

1. Juxta verbum viri Dei  
Novi velut Elisaei  
Fecundatur sterilis,  
Cujus natum sacro lavit  
Fonte, demum quem privavit  
Vita cursus fluminis.
- V. Parentum itaque  
sanctus solatium,  
Vitae restituit  
submersum filium.
2. Hostes tandem pietatis  
Contemptorem copiae,  
Amatorem veritatis  
Cultu sub inopiae  
Aestimantes paupertatis  
Virum mactant impie.
- V. Sic rubens rosula  
cruore proprio  
Coeli sublimia  
petit martyrio.
3. O mirandum, praedicandum  
Virum, cujus meritis  
Turba cedit et obedit  
Daemonum, quae militis  
Sitit vitam jam attritam  
Ab ipsa suppliciis.
- V. Mox a turba  
liber, qua premitur,  
Semivivus  
sospes efficitur.

In 3. Nocturno.

Antiphonae.

1. Solum Deum concupiscens  
Descendit de gloria,  
Loca tendens ad deserta  
Contemnit sublimia.
2. Tandem ductus in desertum  
Sacro duce spiritu,  
Ubi nunc Machlina sita,  
Quievit a strepitu.

3. Ubi Jesum praedicavit  
Vitae sanctae merito  
Sed et cursum consummavit  
Felici martyrio.

Responsoria.

1. Vetustate mulier  
doloris vexata  
Manum habens aridam  
sanitate grata  
Per Rumoldi merita  
gaudet impetrata.
- V. Christi servus  
Christi miraculum  
Vetus novum  
facit per meritum.
2. Frigoris incommoda  
Dum captiva quaerulatur,  
Mira res: et tegmina  
Tantum domi meditatur,  
Vestium solatia  
Sentit, quibus convelatur.
- V. Caritatis  
vestitus podere  
Pater pius  
succurrit miserac.
3. Vulpes gallum subito  
capiens astuta,  
Quo cavente mulier  
matutinas tuta  
Pulsans horologio  
cessat destituta;
- V. O precandi  
Rumoldi meritum,  
Reportat vivum  
vulpes galliculum.

Ad Laudes.

Antiphonae.

1. Deo nostro sit jucunda  
Decoraque laus, qui munda  
Corda replet gratia,  
Qui divisa maris unda  
Viam suis per profunda  
Pandit ad coelestia.

2. Corda jubilent et ora  
Decantando cum sonora  
Voce laudes martyris,  
Quem ad bona potiora  
Hac in die mortis hora  
Rex transvexit luminis.
3. Felix servus et beatus,  
Dignitate non elatus  
Nec parentum gloria,  
Ab indignis trucidatus  
Coelos scandit laureatus  
Adepta victoria.
4. Sit haec dies praesens lacta,  
Sit jucunda sine meta,  
Qua valle miseriae  
Relicta domoque spreta  
Aegypti Christi athleta  
Regem adit gloriae.
5. Quod sitivit, contemplatur,  
Contemplando delectatur.  
Delectando fruitur,  
Perfruendo satiatur,  
Satiatus non gravatur,  
Dum sitit, quo pascitur.

Ad Benedictus.

- A. Benedictus Dominus  
Deus Israelis,  
Qui degentem servulum  
Hic sine quaerelis  
Vexit ad palatium,  
Ubi demptis velis  
Videt absque nubilo  
Faciem in jubilo  
Regnantis in caelis.

In 2. Vesperis.

Ad Magnificat.

- A. O Rumolde, coeli rosa,  
Quae jam in tam speciosa  
Regis tabernacula  
Introisti cum decore,  
Quod sitisti, pleno ore  
Gustans, per te macula  
Peccatorum deleatur  
Et aeternae conferatur  
Vitae nobis gloria.



Brev. ms. Tungrense saec. 15. Cod. Semin. Leodien. 6 M 2. A. — Brev. ms. Tungrense saec. 15. Cod. Darmstadien. 394. B. — Diurn. ms. Mechliniense saec. 15. Cod. Archivii Gandaven. 100. C. — Brev. S. Gudilae Bruxellen. imp. Parisiis 1516. D.

In 1. Noct. **A** 3, 2 Crescens in D. — In 2. Noct. **A** 1, 1 Ortu carnis generoso D. — **R** 2, 3 paupertatis D. — In 3. Noct. **R** 1, 2 Dolor A. — Ad Laudes **A** 1, 4 diversa maris C. — **A** 4, 6 adiit D.

## 89. De sancto Severino.

### In 1. Vesperis.

Ad Magnificat.

- A. Justitiae cultor,  
Christi quoque semper amator  
Nunc olimque tua  
nos pietate juva,  
Exorans regem  
pro nobis cuncta regentem,  
Ut vita coeli  
det, Severine, frui.

### Ad Matutinum.

Invitatorium.

Adorabilem collaudemus  
Dominum, cujus gratia  
Scandens astra Severinus  
Decoravit aethera.

### In 1. Nocturno.

Antiphonae.

1. Sanctus Dei Severinus,  
Coelesti virtute auctus,  
Mundo fuit percelebris  
Virtutibus mirificis.
2. Hic longa pace nobilis  
Dum vita comes exstitit,  
Ecclesiae Coloniensis  
Eximius praesul fuit.
3. Nocte quadam intempesta  
Dum sopori dedit membra,  
Voce discit angelica:  
Exsul fies Burdigalam.

### Responsoria.

1. Sanctus pater Severinus,  
Coloniensis episcopus,  
Dum vita comes exstitit,  
Mundo fuit percelebris  
Virtutibus mirificis,  
V. Digne ministrans Domino  
In suo episcopio.
2. Post multos tandem labores,  
Quibus Christo digne placet,  
Nocte quadam intempesta  
Dum sopori dedit membra,  
Divinitus admonetur,  
Suam relinquat patriam  
Et adeat Burdigalam.  
V. Attentus bonus vernula  
Jussa stupet dominica  
Certusque suae remunerationis  
Paret voto divinae praeceptionis.
3. Festinus iter arripit  
Burdigalamque expetit,  
Ab episcopo Amando  
Suscipitur cum gaudio.  
V. Clerus occurrit jubilans  
Et populus congratulans,  
Dantur laudes in excelsis  
Pro adventu tanti patris.

### In 2. Nocturno.

Antiphonae.

1. Tandem pervenit ad urbem,  
Quam vocitant Burdigalam,  
Quam tunc regebat pontifex  
Amandus caro nomine.

2. Dulcia dantur famina  
Atque miscentur oscula,  
Gloriam Christo Domino  
Dat simul tota concio.
3. Dolet Amandus pontifex  
In sancti hujus funere,  
De quo gaudent coeli cives  
Nosque laetamur supplices.

Responsoria.

1. Florent altis virtutibus  
Amandus et Severinus  
In urbe Burdigalensi  
Nulli priorum secundi.
- V. Precibus coelum penetrant  
Et sui gregis  
Augmento tripudiant.
2. Devotae mentis animo  
Nobilis plebs Burdigalae  
Benedicat Christo Deo  
Et beati Severini  
Collaetetur solemnibus  
Ejus subnixae meritis.
- V. Exsultet laude condigna  
Sancti hujus praesentia.
3. Adest dies laetissima  
In tanti patris gloria,  
Qua spiritum reddidit Christo  
Cum angelorum gaudio.
- V. Exsultet plebs Burdigalae  
Pro tanti patris gloria.

In 3. Nocturno.

Antiphonae.

1. Salvatur plebs Burdigalae  
A Gotorum gravi turma,  
Quos subvertit sanctus iste  
Tristi confuso dolore.
2. Divina jubet pietas  
Imbribus rigari terras,  
Orat sanctus pro populo,  
Datur serenitas coelo.
3. Glorioso Christicola,  
Adstantem plebem roborat,  
Ut Christo Deo placeat  
In pace degens tempora.

Responsoria.

1. Dies versantur animo  
In sancti hujus jubilo,  
Cum Gotorum graves turmae  
Vallant muros Burdigalae,  
Quas subvertit digna prece  
Severinus Christo duce.
- V. Offendunt hostes amari  
Sanctum Domini servulum  
Hastasque vibrant rigidas  
In se suasque catervas.
2. Imbres funduntur tumidi  
Judicio summi Dei,  
Orat sanctus pro populo,  
Datur serenitas coelo.
- V. Supplices fundit gemitus  
Totus in unum populus,  
Ut adjuvet Severinus.
3. Sancte pater Severine,  
Nostris precibus intende  
Et pro nobis roga Deum,  
Qui te nobis constituit  
Doctorem atque patronum.
- V. Subleva nos  
tuis intercessionibus  
Ante pium  
Domini conspectum.

In Laudibus.

Antiphonae.

1. Vir virtute mirabilis,  
Severinus Coloniensis,  
Deo dilectus et hominibus,  
Coeli junctus est civibus.
2. Hujus nobis memoria  
In benedictionibus fiat,  
Quem in conspectu hominum  
Christus Deus magnificat.
3. Resplenduit prodigiis,  
Verbis monstra compescuit,  
Benedixit per omnia  
Dominum in via sua.
4. In augmento boni gregis  
Deo lucrum reportavit,  
Cujus crucem bajulando  
Gaudet coronatus lauro.

5. Sit semper adiutor pius  
Nec servulos spernat suos,  
A Christo nobis donatus  
Et in hac terra positus.

Ad Benedictus.

Sancte pater Severine,  
Nostris precibus intende  
Et pro nobis roga Deum,

Qui te nobis constituit  
Doctorem atque patronum.

Ad Matutinum.

Adsunt nobis celebria  
Severini solemnia,  
Ejus juvemur precibus,  
Quem prosequimur laudibus.

Brev. ms. S. Michaelis Burdigalen. saec. 15. Cod. Burdigalen. 86. A. — Brev. Burdigalense imp. 15 \* \* B. — Brev. Vasatense imp. Vasati 1530. C.

In 1. Noct. A 2, 1 Hinc longa A. — R 3, 1 arripuit A. — In 3. Noct. A 1, 3 Quas A. — C hat in der zweiten Vesper fünf AA: 1. Adsunt nobis celebria = 2. Vesp. ad Magn.; 2. Salvatur gens Burdigalae = 3. Noct. A 1; 3. Divina iubet pietas = 3. Noct. A 2; 4. Glorioso Christicola = 3. Noct. A 3; 5. Euntes ibant et flebant etc. Die Antiph. der 1. Vesp. ad Magn. steht in der zweiten, statt ihrer in der ersten eine prosaische.

## 90. De sancta Sunniva.

In 1. Vesperis.

Super Psalmos.

1. Gaude, felix Hibernia,  
Tuae reginae gloria,  
Mundi regnum spernentis,  
Qua patrona Norwegia  
Freta cum turma socia  
Nutu Dei viventis.
2. Ex Hibernis proscriberis,  
Dum pro fide catholica  
Tu cum tuis zelaris,  
Fac nos fermenti veteris  
Extorres, Deo supplica,  
Quae tot auxiliaris.
3. Cum sis profecta peregre  
Fide mereris patriam  
Repromissam renatis,  
Junge nos Deo integre  
Per vitae sanctimoniam  
Monte martyrizatis.
4. In hac sancta familia  
Tu princeps, virgo regia,  
Bergensium patrona,  
Quae domans in jejunio  
Carne, mundo, daemonio  
Victis fulges corona.

5. Spirituales nuptiae

Christi, martyrum hodie  
In coelis celebrantur,  
Licet nobis sint annuae,  
Tibi, Jesu, continuac,  
Duc nos, ubi laetantur.

Ad Magnificat.

- A. Adest dies immensi gaudii,  
Quo cum turma miri martyrii  
Reginarum decus et gloria  
Regum regis intrat palatia.

Ad Matutinum.

Invitatorium.

Ad Selincensium  
Sacra solemnia  
Plaudat fidelium  
Mater ecclesia.

In 1. Nocturno.

Antiphonae.

1. Secus decursus fluminum  
Plantat justorum vineam,  
Qui martyrum et virginum  
Aptat agoni lauream.

2. Sors felix hujus populi  
Migrantis monte Selio,  
Qui spreuit plausum saeculi,  
Plaudit in Dei filio.

3. Viperarum genimina  
Oderunt sanctos Dei,  
Quos dat virtus intermina  
Aeternae requiei.

Responsoria.

1. Manum virgo mittit ad fortia,  
Spernit opes, spernit imperia,  
Sed et thori spernit consortia  
Cum turma socia.

V. Pollens virtutibus  
Et pellens vitia  
Paternis urbibus  
Praefert exsilia.

2. Freta Dei consilio  
Cum suis virgo regia,  
Dum tristem locum Selio  
Post transitum per maria  
Intrat pro patris solio  
Sub vita solitaria;

V. Frigus, aestus, sitis, jejunia  
Sanctos probant in patientia.

3. O Sunnivae mira constantia,  
Quam non movet regnandi gloria,  
Nec horrenda frangunt exsilia,  
Spatiosa nec terrent maria,

V. Hanc immensa sequens familia  
Nulla flecti valet injuria.

In 2. Nocturno.

Antiphonae.

1. Ili orthodoxi latria  
Scuto benignitatis  
Fulgent, fidei gratia,  
Spei et caritatis.

2. Ili montibus sub insulae  
Sunt sancti comminuti,  
Sed supra montem speculae  
Congaudent constituti.

3. Cedunt in fine finibus  
Ut Abraham paternis,  
Pro mundanis affectibus  
Gratulantur aeternis.

Responsoria.

1. Hujus sacri palatii  
Patrona imploraris,  
Ad preces gregis anxii  
Libens sollicitaris,

Ne manus hostis impii  
Nos turbet, tucaris,

V. Nec reos nos judicii,  
Consilii, incendii,  
Sis via salutaris.

2. Olim vestita mollibus  
Sunniva cum familia,  
Post haec ciliciata,  
In quam jactis lapidibus  
Ex inaudita furia  
Gens saevit insensata.

V. Virgo degit sub rupibus  
In fame voluntaria  
Et carne macerata.

3. Innocentes devote vivere  
Captant, quaerunt desertum  
propere,

Quos infestant coloni temere,  
Credunt lupos sub agni vellere

V. Salvat verbum incarnatum  
Hos agentes coelibatum.

In 3. Nocturno.

Antiphonae.

1. Caput sub luce proditum  
Praeter vires naturae  
Prodit locum incognitum  
Sanctorum sepulturae.

2. His ex vivis palmitibus  
Dat fructus gratiosos  
Vitis tollens fidelibus  
Excessus scelerosos.



3. Te decet, rex, hymnidicis  
Laudibus adorari,  
Qui sanctos de te reficis  
Calice salutari.

Responsoria.

1. Turbare turbam virginum  
Comes Haquinus nititur,  
Feralia libidinum  
Edicta amplectitur,  
Membrum mortis, vir sanguinum  
Frustratus spe confunditur.  
V. Dum haec preces ad Dominum  
Fudit virgo, protegitur,  
Spe, fide sponso virginum  
Sponsa cum suis jungitur.  
2. Ne foedet furor gentium  
Concentum innocentium,  
Ad montem properatur,  
Subit ultro martyrium,  
Virgo sub mole montium  
Cum suis victimatur.  
V. Post cursum praesens stadium  
Coeleste per obsequium  
Sunniva laureatur.  
3. Hi sancti tabernaculum  
Sunt Dei cum hominibus,  
Quod Jesus consecravit,  
Per quod nobis piaculum  
Deletur debitoribus  
Et hostis exsulavit.  
V. O sublime spectaculum,  
Quam libenter in talibus  
Rex Jesus triumphavit.

Ad Laudes.

Antiphonae.

1. Per murum matris gremio  
Cadens exstinctus cernitur,  
Parenti puer Selio  
Per sanctos vivus redditur.  
2. In Sunnivae basilica  
Pernoctans caeca nata,  
Gaudens luce mirifica  
Virgo redit sanata.  
3. Vir turris cono corruit,  
Sancti salvant cadentem,  
Muro turbo reposuit  
Fenestras facientem.  
4. Matrona paralytica  
Ad hos sanctos accessit,  
Domum ope dominica  
Incolumis recessit.  
5. Charybdi navis laeditur,  
Sunniva imploratur,  
Onusta manat, mergitur  
Dum haec evacuatur.

Ad Benedictus.

- A. Ponte cadens virgo colliditur,  
Ut curetur, a sanctis petitur,  
Recidivat, dum votum frangitur,  
Voto sospes grato regreditur.

In 2. Vesperis.

Ad Magnificat.

- A. Ex Hibernis superna bonitas  
Sanctos misit per maris semitas,  
Unde nobis fidei veritas  
Crescit, cessat erroris caccitas.

Brev. Nidrosiense imp. Parisiis 1519. — In 1. Noct. A 3, 3 dat fehlt. — R 1, 2 sprexit imperia. — R 1, 3 sprexit consortia. — R 3, 1 O summe mira constantia gegen den Vers. — In 2. Noct. A 3, 2 Abraham de paternis. — In 3. Noct. R 1, 4 1: Edicta dum?

91. De sancto Suithuno.

In 1. Vesperis.

Ad Magnificat.

- A. Lactare, plebs Ventoniae,  
Gaude, gens Stanangariae,  
Dum refert solis orbita

Nostri patris sollemnia,  
Suithunus dictus nomine,  
Fide fortis et opere,  
Per bonae vitae merita  
Ascendit ad coelestia.

Ad Matutinum.

Invitatorium.

Exultare Deo  
nos concedet et jubilaré,  
Suithunum cui complacuit  
super astra vocare.

In 1. Nocturno.

Antiphonae.

1. Orthodoxis parentibus  
Suithunus puer editus,  
Legem servans dominicam  
Vitam ducit durissimam.
2. Servit Deo in timore  
Et exultat cum tremore,  
In sanctis vivens moribus  
Exemplum praebet omnibus.
3. Multis cum virtutibus  
Mirificavit Dominus,  
De clericatus ordine  
Sanctum parit justitiae.

Responsoria.

1. Sanctus Suithunus  
pastor paterque futurus,  
Ex orthodoxis  
clarisque parentibus ortus,  
V. A puero didicit  
ferre jugum Domini.
2. Traditur ingenuis  
studiis puer erudiendus  
Doctrinisque sacris  
et moribus instituendus,  
V. Ascendens gradibus  
presbyter efficitur.
3. Praesul Vintoniae  
vacuam moriendo reliquit  
Sedem, Suithunus  
Domino donante recepit;  
V. Hoc rex, hoc clerus  
annuit et populus.

In 2. Nocturno.

Antiphonae.

1. Deum amans fideliter  
Saceratur ille presbyter  
Sub Helmstano pontifice  
Civitatis Vintoniae.
2. Honoris illum gloria  
Coronat Dei gratia,  
Divina spargens semina  
Verbis et vita praedita.
3. Ales divini operis  
Transmigrat in montem Dei,  
Sancta illius anima  
Templi fit sancti machina.

Responsoria.

1. Ordine sublimis  
merito sublimior esse  
Coepit et intendit  
de sancto sanctior esse,  
V. Mundi hujus tenebras  
sprevit et illecebras.
2. Pauperibus miseris  
semper solitus misereri,  
Quae fuerant fracta,  
reparavit pauperis ova,  
V. Mirantes factum  
magnificent Dominum.
3. Vivendi metas  
adduxit labilis aetas,  
Exit ab hac vita,  
datur illi vita beata,  
Obviat angelica  
coeli cum rege caterva  
V. Et cum laetitia  
sede locat supera.

In 3. Nocturno.

Antiphonae.

1. Adesse cupit sedulo  
Coelesti tabernaculo,  
Ingressus sine macula  
Requiescit per saecula.

2. Aeterno regi paruit,  
Terreno et complacuit,  
Dum bonum dat consilium  
Et fidele obsequium.

3. Evoluto post tempore  
Et defuncto antistite  
Rege, plebe petentibus  
Fit pater et episcopus.

Responsoria.

1. Congeries gibbi  
miseranda gravabat egenum  
Jam fuerat juncta  
genibus junctura genarum,  
V. Invenit auxilium,  
dum venit ad tumulum.

2. Dives homo monstros  
furialibus exagitatus,  
Flatu pestifero,  
vultus horrore gravatus,  
V. Dum tumulum visit.  
laetitiam repetit.

3. Signorum virtute potens  
meritisque corruscans  
Et super afflictos  
omni pietate redundans  
Festicolis miserere tuis,  
Suithune, precamur,  
V. Coetibus angelicis  
per te jungi mereamur.

In Laudibus.

Antiphonae.

1. Praesul Suithunus,  
virtutum lampade clarus,  
Hanc linquens vitam  
scandit ad aetheream.

2. Subreptum sibi terra patrem  
languensque requirit,  
Quo concive polus  
gaudia festa facit.

3. Cum locus exiguum premeret,  
cum vile sepulchrum,  
Gloria virtutum  
magnificabat eum.

4. Omnibus infirmis  
factus medicina salubris  
Omnes curat eos  
pestibus a variis.

5. Laus tibi, summe Deus,  
tibi coeli concio profert  
Suithunusque pater:  
laus tibi, summe Deus.

Ad Benedictus.

A. Laetabunda dies  
anno currente revixit,  
Gaudia festa facit,  
solemnia laeta reduxit,  
Dum Domini servus  
Suithunus ad alta vocatur,  
Ad superas sedes  
mundi de valle levatur.

In 2. Vesperis.

Ad Magnificat.

A. Magne sator mundi,  
Suithunum magnificasti,  
Te quoque Suithunus  
gloria magnificat.  
Illum de terra  
magna virtute levasti,  
Quemque levas coelo,  
gloria magna tibi.

Brev. Nidrosiense imp. Parisiis 1519. — Inv., 3 ceu complacuit. — In 2. Noct. A 1, 3 Hylinstiano pontifice. — In 3. Noct. A 2, 2 et felicit. — R 1, 2 miseranda aggerat egesi.

92. De s. Thoma Cantuariensi.

In 1. Vesperis.

Ad Magnificat.

- A. Pastor caesus  
in gregis medio  
Pacem emit  
eruoere proprio;  
Laetus dolor  
in tristi gaudio,  
Grex respirat  
pastore mortuo;  
Plangens plaudit  
mater in filio,  
Quia vicit  
victor sub gladio.

Ad Matutinum.

Invitorium.

- Adsunt Thomae  
martyris sollemnia,  
Virgo mater  
jubilet ecclesia.

In 1. Nocturno.

Antiphonae.

1. Summo sacerdotio  
Thomas sublimatus  
Est in virum alium  
subito mutatus.
2. Monachus sub clerico,  
clam ciliciatus,  
Carnis carne fortior  
edomat reatus.
3. Cultor agri Domini  
tribulos evellit  
Et vulpes a vineis  
arceat et expellit.
4. Nec in agnos sustinet  
lupos deservire,  
Nec in hortum olerum  
vineam transire.

5. Exsulat vir optimus,  
sacer et insignis,  
Ne cedat ecclesiae  
dignitas indignis.

6. Exsulantis praedia  
praeda sunt malignis,  
Sed in igne positum  
non exurit ignis.

Responsoria.

1. Studens livor  
Thomae supplicio  
Thomae genus  
damnat exsilio,  
Tota simul  
exit cognatio,
- V. Ordo, sexus,  
aetas, conditio  
Nullo gaudet  
hic privilegio.
2. Thomas manum  
mittit ad fortia,  
Spernit damna,  
spernit opprobria,  
Nulla Thomam  
frangit injuria,
- V. Clamat cunctis  
Thomae constantia:  
Omne solum  
est forti patria.
3. Lapis iste  
sex annis tunditur,  
Sic politur,  
sic quadrus redditur,  
Minus cedens  
quo magis caeditur.
- V. Aurum fornax  
probat nec uritur,  
Domus firma  
ventis non quatitur.



4. Post sex annos  
redit vir stabilis,  
Dare terrae  
testae vas fragilis,  
Christo vasis  
thesaurum fictilis;
- V. Ne sit lupis  
praeda grex humilis,  
Se pro grege  
dat pastor nobilis.

In 2. Nocturno.  
Antiphonae.

1. Satanae satellites  
irrupentes templum  
Inauditum penetrant  
sceleris exemplum.
2. Strictis Thomas ensibus  
obviam procedit,  
Non minis, non gladiis  
sed nec morti cedit.
3. Hosti pandit ostium  
hostia futurus  
Et pro domo Domini  
stat in hostes murus.
4. Patrem nati perimunt  
in sinu materno,  
Rubet matris facies  
sanguine paterno.
5. Fusum spargunt cerebrum  
gladiis funestis,  
Et invicta perstitit  
victima coelestis.
6. Sol inclinans radios  
ad occasum tendit,  
Cum sol iste solium  
coelicum conscendit.

Responsoria.

1. Jacet granum  
oppressum palea,  
Justus caesus  
pravorum framea,  
Coelum domo  
commutans lutea.

- V. Cadit custos  
vitis in vinea,  
Dux in castris,  
cultor in area.
2. Ex summa  
rerum laetitia  
Fit summus  
planetus in ecclesia  
De tanti  
patroni absentia,  
Sed cum redeunt miracula,  
Redit populo laetitia;
- V. Concurrit  
turba languidorum,  
Consequitur  
gratiam beneficiorum.
3. Mundi florem  
a mundo conteri,  
Rachel plorans  
jam cessa conqueri,  
Thomas caesus  
dum datur funeri,  
Novus Abel  
succedit veteri;
- V. Vox cruoris,  
vox sparsi cerebri  
Coelum replet  
clamore celebri.
4. Christe Jesu,  
per Thomae vulnera,  
Quae nos ligant,  
relaxa scelera,  
Ne captivos  
ferant ad infera  
Hostis, mundus  
vel carnis opera;
- V. Per te, Thoma,  
post laevae munera  
Amplexetur  
nos Dei dextera.

In 3. Nocturno.  
Ad Cantica.

- A. Felix locus,  
felix ecclesia,  
In qua Thomae  
viget memoria,

Felix terra,  
 quae dedit praesulem,  
 Felix illa,  
 quae fovit exsulem;  
 Felix pater,  
 succurre miseris,  
 Ut felices  
 jungamur superis.

Domum, portam,  
 sepulchrum visita,  
 Et a trina  
 nos morte suscita;  
 V. Actu, mente  
 vel usu perdita  
 Pietate  
 restaura solita.

Responsoria.

1. Ferro pressos  
 Thomas exonerat,  
 Vincla solvit  
 et seras reserat,  
 Sanat aegros,  
 obsessos liberat,  
 V. Placat bella,  
 tyrannus imperat,  
 Sedat fluctus  
 et flammās temperat.
2. Thomae cedunt  
 et parent omnia,  
 Morbi, pestes,  
 mors et daemonia,  
 Ignis, aer,  
 tellus et maria;  
 V. Thomas mundum  
 replevit gloria,  
 Thomae mundus  
 praestat obsequia.
3. Novis fulget  
 Thomas miraculis,  
 Membris donat  
 castratos masculis,  
 Ornat visu  
 privatos oculis,  
 V. Mundat leprae  
 conspersos maculis,  
 Solvit mortis  
 ligatos vinculis.
4. Jesu bone,  
 per Thomae merita  
 Nostra nobis  
 dimitte debita,

In Laudibus.

Antiphonae.

1. Granum cadit, copiam  
 germinat frumenti,  
 Alabastrum frangitur,  
 fraglat vis unguenti.
2. Totus orbis martyris  
 certat in amorem,  
 Cujus signa singulos  
 agunt in stuporem.
3. Aqua Thomae quinquies  
 varians colorem  
 In lac semel transiit,  
 quater in cruorem.
4. Ad Thomae memoriam  
 quater lux descendit  
 Et in sancti gloriam  
 cereos accendit.
5. Tu per Thomae sanguinem,  
 quem pro te impendit,  
 Fac nos, Christe, scandere,  
 quo Thomas ascendit.

Ad Benedictus.

- A. Opem nobis,  
 o Thoma, porrige,  
 Rege stantes,  
 jacentes erige,  
 Mores, actus  
 et vitam corrige  
 Et in pacis  
 nos viam dirige.

In 2. Vesperis.

Ad Magnificat.

A. Salve, Thoma, virga justitiae,  
Mundi jubar, robur ecclesiae,  
Plebis amor, cleri deliciae,  
Salve, gregis tutor egregie,  
Salva tuae gaudentes gloriae.

Brev. ms. Hollandense saec. 13. Cod. Collegii Universit. Oxonien. 101. add. saec. 14. A. — Brev. ms. Eduense saec. 13. Cod. Belnen. 26. B. — Brev. ms. Bituricense saec. 14. Cod. Parisien. 745. C. — Cod. Londinen. Harl. 4093. saec. 14. fol. 93b sqq. D. — Brev. Sarisberiense saec. 15. Cod. Londinen. Harl. 1512. E. — Brev. ms. Sarisberiense anni 1434. Cod. Parisien. 17294. F. — Brev. ms. Wingartense saec. 15. Cod. Fulden. 116. G. — Brev. ms. S. Florini ad Confluentes saec. 15. Cod. Semin. Maguntin. s. n. H. — Brev. ms. Parisien. saec. 15. Cod. Parisien. 1263. I. — Cod. S. Petri Salisburgen. a VI 52. saec. 15. K. — Brev. ms. S. Floriani XI 429. saec. 15. L. — Brev. ms. S. Floriani XI 478. saec. 15. M. — Brev. ms. Laudunense saec. 15. Cod. Pianoren. M 91. N. — Brev. Herefordense imp. Rotomagi 1502. O. — Brev. Illerdense imp. Illerdae 1479. P. — Brev. Audomarense imp. Parisiis 1518. Q. — Brev. Grassense imp. s. l. et a. (1528.) R. — Brev. Agathense imp. Valentiae 1510. S. — Brev. Athanatense imp. in Coenobio Athanatensi 1520. T. — Brev. Masiliense imp. Lugduni 1530. U.

Einige Teile dieses Officiums stehen in Cod. Londinen. Add. 16964 (ol. Stabulen.) saec. 12, woraus die frühe Abfassungszeit des Officiums erhellt. Die Verehrung des Heiligen folgte seinem Martyrium unmittelbar. So ward in Salzburg nur acht Jahre nach seinem Tode eine Kapelle geweiht zu Ehren der hl. Gertrudis und Thomas von Canterbury.

Das Officium gehört wie zu den vollendetsten Reimofficien, die es giebt, so zu den verbreitetsten. Ebendeshalb bietet die Feststellung des Textes bedeutende Schwierigkeiten. Es kann keinem Zweifel unterliegen, daß die monastische Form dem Officium ursprünglich ist. Denn einmal bleiben, wenn die kürzere Form gewählt wird, zu viele offenbar genuine Teile übrig, und zweitens wird der historisch fortschreitende Gedankengang, der sich durch Antiphonen und Responsorien ununterbrochen hinzieht, stets gestört. Es behandelt nämlich die 1. Nokt. das Exil, die 2. das Martyrium, die 3. die Wunder. Auffallend ist in dem tadellos rhythmischen Officium das zweite Responsorium der zweiten Nokturn, das völlig abweichend gebaut ist und den ungenügenden Reim *miracula — laetitia* bietet. Es ist mir aber keine einzige Fassung des Officiums vorgekommen, in der dasselbe fehlte, auch keine der nicht-monastischen Breviere. Letztere lassen bald dieses, bald jenes fort; das Responsorium haben sie alle. Man wird sich also bescheiden und es an seiner Stelle lassen müssen. Andererseits bleibt auch bei Anwendung der monastischen Form eine augenscheinlich echte Antiphon übrig. L bietet dieselbe ad Nonam; das Brev. Arosiense (Basel 1513) als Ant. 3. Noct. 3; CI als Ant. 1. Noct. 3:

Fraglat virtus arboris Arbore praecisa,  
Matrem proles liberat Nequiter occisa,  
Plaudat mater filio Lite jam decisa,  
Regnum sacerdotio Cum sint indivisa.

Der Sarum use bietet in 1. Vesperis folgende Prosella, die man nicht für echt halten kann wegen des falsch betonten *Ut libera* im zweiten Verse, ob-  
schon sie sonst ganz den Stil des Officiums trifft:

Clangat pastor in tuba cornea,  
 Ut libera sit Christi vinea,  
 Quam assumpsit sub carnis trabea,  
 Liberavit cruce purpurea.  
 Adversatrix ovis erronea  
 Fit pastoris caede sanguinea,  
 Pavimenta Christi marmorea  
 Sacro madent cruore rosea.  
 Martyr vitae donatus laurea  
 Velut granum purgatum palea  
 In divina transfertur horrea.

In 1. Noct. ist in K **A. 3.** = **A. 4;** **A. 4** aber lautet:

O lux coelorum, Jesu, spes alma bonorum,  
 Nos pius exaudi meritis Thomae martyris sancti;  
 Te nunc laudantes, orantes, glorificantes  
 V. Respice de coelo, servos servas ut in aevum.

In 2. Noct. sind die **AA. 5** und **6** umgestellt in **A**, was aber der Aufeinanderfolge der Erzählung widerstreitet.

In 2. Noct. fehlt **B 1** in K; dafür folgt als **B 4** ein prosaisches; Justum deduxit etc. In 3. Noct. ad Cant steht ebenda die **A** ad Magn. aus der zweiten Vesper, in dieser die **A** Felix locus etc. Bei der guten Überlieferung des Textes nehme ich davon Abstand, die übrigen Varianten, meist Schreibfehler, aufzuführen. — Die Hymnen zum Officium aus **A** siehe *Analecta IX*, p. 247 sq., aus **K** siehe *Analecta IV*. p. 245.

### 93. De s. Thoma Cantuariensi.

#### In 1. Vesperis.

Ad Magnificat.

A. Martyr Thoma,  
 martyr Dei pretiose,  
 Qui lavisti stolam tuam  
 in agni Dei cruore,  
 Alleluja; filiorum  
 ad te clamantium  
 voces admitte,  
 Et quos honorasti  
 tua sancta passione,  
 Adjuva  
 pia intercessionem.

#### Ad Matutinum.

Invitatorium.

Summo victori Domino  
 Jubilemus corde pio,  
 Qui Thomam natali suo  
 Coronavit martyrio.

#### In 1. Nocturno.

Antiphonae.

1. Amore fervens divino  
 Thomas in pontificio  
 Sprevit viam peccantium  
 Legis Dei tenens statum.
2. Verbo potens et actibus,  
 Divinae legi deditus,  
 Praevaricantes increpat  
 Praecepta vitae intonans.
3. Dei praeventus gratia  
 Occultat vitae merita,  
 Thomas indutus clanculo  
 Cuculla cum cilicio.

Responsoria.

1. Sacrat Thomas primordia  
 Praesulatus cum gratia,  
 Carnem terit cilicio  
 Destinatum martyrio,  
 Vita et veste monachus  
 Mores informat artius.



- V. Extunc Christo vivere,  
Christo parere studuit  
Verbo, affectu et opere.
2. Vir invictae constantiae  
Deo disponens vivere,  
Se ipsum opponit murum  
Contra incursus hostium,  
Ne subvertant ecclesiam  
Dei, cujus agit causam,
- V. Qui nec frangi novit minis  
Nec molliri blanditiis.
3. Instabant modis variis,  
Ut jus ecclesiae regis  
Conferrent in arbitrium,  
Sed Thomas illudens dolum  
Adjecit Dei honorem  
Salvum et suum ordinem.
- V. O praedicanda saeculis,  
O miranda sacerdotis  
Confessio,  
Cujus praeifulget merito  
Martyrum in numero.

In 2. Nocturno.

Antiphonae.

1. Preces Thomae cum fletibus,  
Infusae Dei auribus,  
Reductum ab exsilio  
Dignum reddunt martyrio.
2. Lactentium proscriptio  
Patris Thomae martyrio  
Laudis adauxit titulum,  
Quo stravit adversarium.
3. Arcum tetendit impius  
Pium petendo fraudibus,  
Utrumque sed justissimus  
Interrogabat rex Deus.

Responsoria.

1. Thomas, martyr sanctissimus,  
Antistes, Cantuarius,  
Lundoniis oriundus  
Justis piis parentibus,  
A primi aevi tempore  
Donis ditatur gratiae;

- V. Erat forma decorus,  
Perspicax ingenio,  
Prudens, dulcis eloquio.
2. Testantur tria pro martyre,  
Spiritus, aqua cum sanguine,  
Nam sancto praestante flamine  
Thomae sanguis in potu aquae  
Mortuos restituit vitae.
- V. Excitae gentes undique  
Miraculorum fulgure  
Concurrunt afferentes  
Munera, vota, preces.
3. Ut constaret omnibus,  
Quod sit Thomas palma dignus,  
Ensis fractus in lapide  
Signum dedit victoriae;  
Christus, petra justitiae,  
Arma fregit malitiae.
- V. Ut staret libertas ecclesiae,  
Occurrit praesul gladiis,  
Sponte jus lapsum  
Redempturus sanguine.

In 3. Nocturno.

Antiphonae.

1. Thomae fides et actio  
Formam dedere proximo,  
Per quam malignum sternere  
Cristumque possit cernere.
2. Pro sancti Thomae meritis  
Caecus videt, surdus audit,  
Claudus currit, lepra fugit,  
Redduntur vitae mortui.
3. Montem virtutum scandere  
Thomam, fideles, cernite,  
Mentes manus attollite,  
Illum sequi contendite.

Responsoria.

1. Ad sedandam tyrannorum  
Superbiam  
Ostendit Thomas signorum  
Potentiam,  
Et statim fide firmata  
Pace gaudet ecclesia.

- V. Deus sanctum  
suum mirificavit,  
Quem victorem  
in coelis coronavit.
2. Patris dum crebrescunt prodigia,  
Nova prole gaudet ecclesia,  
Thomae preces funduntur et  
vota,  
Thomas sanat mentes et corpora.
- V. Dantur aegris certa remedia,  
Claudis gressus et caecis lumina.
3. Ex ejus aqua sanctissima  
Curatur pestis varia,  
Qua potati sanantur aegri,  
Mutis loquela redditur,  
Et debilis quisque  
Laetus revertitur.
- V. Alternatim ruunt languidi  
Consequi properantes,  
Quae martyr prestat, beneficia.

Prosula.

1. Potestate reddit laesos  
sanguinis effusio,  
Thomas nautis desolatis  
adstitit periculo.
2. Redonatur vita functis,  
leprae fugat laesio,  
Fantur muti, currunt claudi  
ejus patrocínio.
3. O quam probat sanctum Dei  
trium mutilatio  
Et eisdem resignata  
nova quaeque portio.
4. Ergo melos sancto Thomae  
plebis sonet concio,  
Nam qui pie petit illum  
pulso procul vitio,  
Laetus efficitur.

Ad Laudes.

Antiphonae.

1. O Thoma, martyr prepotens,  
Jam pace Christi perfruens,  
Ornas polum praesentia,  
Terris ades potentia.

2. Consummatus in gloria  
Planxisti morte invida,  
Solutus carnis vincula  
Ter vivis per miracula.
3. Digne conjunctus es  
martyrum Christi  
consortio,  
Qui hostia viva  
esse studuisti  
spontaneo martyrio.
4. Auxilio divino fortis  
Superasti principem mortis;  
Nos, pater, infirmos  
Adversus illum robora  
Et, ut vincamus, adjuva.
5. Portas mortis et inferni  
Nesciant tui servuli,  
Sed portas paradisi resera  
Potestate tibi tradita.

Ad Benedictus.

- A. O mira dispensatio  
Dei, qui affectu pio  
Cuncta justo judicio  
Disponit ab initio,  
Pios pie remunerans,  
Pravorum finem reprobans;  
Benedictus hinc Dominus,  
Pater, verbum et spiritus.

In 2. Vesperis.

- R. Praecisus cortex  
virtutum fudit odorem,  
Arborem excepit  
mutilare gloria florem,
- V. Arbor odorifera est  
Thomas, flos spiritus ejus.

Ad Magnificat.

- A. O martyr constantissime,  
Confessor invictissime,  
Thoma, gemma sacerdotum,  
Laus Francorum, laus Anglorum,  
Rege, pater, ecclesiam,  
Pro qua fudisti sanguinem  
Et pro salute omnium  
Funde preces ad Dominum.

Antiph. ms. Bellovacense saec. 14. in. Cod. S. Genovefae Parisien BBl.  
Fol. 26. A. — Antiph. ms. Cameracense saec. 14. Cod. Cameracen. 40. B. —  
Invit. laudet in B:

Exsultemus Domino, Summi regis filio,  
Qui sancto Thoma palmam Dedit et coronam.

In 1. Noct. A 1, 1 Ardore fervens B. — A 1, 2 ut pontificio B. — A  
3, 3 Thomas inclitus clanculo A. — R 1, 1 Sancte Thomas A. — R 2, 6  
Dei curas agit. — In 2. Noct. AA = A 2, A 3, A 1 Noct. 3. B. — A 1, 2  
Infunde Dei B. — R 1 = R 2 sec. Noct B. — R 3 laudet in B:

Ex summa rerum laetitia  
Summus fit planctus in ecclesia  
De tanti patroni absentia,  
Sed cum redeunt miracula,  
Redit populo laetitia;

V. Cucurrit turba languidorum  
Et consequitur gratiam beneficiorum.

In 3. Noct. A 1 = A 1 primi Noct. B. — R 2 ebenda:

Quam pulchra, quam sancta  
Sunt, beate, tua praeconia,  
Ignis accensus exstinguitur,  
Exstinctus accenditur,  
Terra, quos premit, non opprimit,  
Ventus quiescit, mare obedit.

V. Quoniam fideliter Subiecisti creatori  
Deo, mirabiliter Tibi servit creatura.

R 3 = R 3 sec. Noct. B. — Prosula fehlt B. — Ad Ben. A in B:

In paradiso ecclesiae Et virtutum dulcedine  
Flagrantiam coelestium Spirat Thomas aromatum.

In 2. Vesp. ad Magn. A prosaisch. B.

#### 94. In Translatione s. Thomae Cantuariensis.

In 1. Vesperis.

Ad Matutinum.

Super Psalmos.

Invitatorium.

A. Adest Thomae martyr  
Optata translatio,  
Qui divini numinis  
Fulget beneficio;  
Gaudeamus et psallamus  
Ad honorem praesulis,  
Ut virtutem et salutem  
Suis praestet famulis.

Adoremus Dominum,  
Qui Thomam egregium  
Magnifice mirificat  
Et miranter honorat.

In 1. Nocturno.

Ad Magnificat.

Antiphonae.

A. Ave, Thoma, vir insignis,  
Forma patientiae,  
Virtutum praefulgens signis,  
Defensor ecclesiae,  
Tuis impetra benignis  
Respiramen veniae,  
Quam benignus dat indignis  
Distributor gratiae.

1. Lignum odoriferum  
Flore est translatus,  
Quod floret uberius  
Redoletque dulcius  
Celsius locatum.  
2. Praedicavit hic praeceptum  
Domini viriliter,  
Est in ejus monte sancto  
victurus perenniter.

3. Insurgebant  
In Christum Domini  
Patenter plurimi,  
Obstabant potenter.

Responsoria.

1. Volens Deus populo  
Prosperere prospicere  
Pretiosum martyrem  
Curavit extollere,  
Cujus exaltatio  
Nobis sit remissio.
- V. *Anno quinquagesimo martyrii  
sui solemniter est translatus.*
2. Annus adest pacis,  
belli terrore remoto  
Crescit in orbe quies  
et rerum copia toto;
- V. Translato Thoma  
succedunt prospera cuncta.
3. Annus iste jubilaeus,  
Omni plenus gaudio,  
Quem providit esse Deus,  
Fiat relaxatio  
Debitorum et servorum  
Certa liberatio.
- V. Quod lex contulerat,  
data Thomae gratia donat.

In 2. Nocturno.

Antiphonae.

1. Exaudivit Dominus  
Thomam invocantem,  
Qui pro nobis audiat  
pie supplicantem.
2. Thomas coram Domino  
vixit in timore,  
Ideo cum Domino  
regnat cum decore.
3. Coronatur pontifex  
gloria decoris,  
Qui coronam perdidit  
ictu percussoris.

Responsoria.

1. Virtutum immensitas  
Ultra maris semitas  
Nomen Thomae deportavit,  
Qui multorum defraudavit  
Daemonum praestigia  
Et morborum denodavit  
Nexus et flagitia.
- V. Innovantur vetera  
Pietatis opera  
Et jugis in Thoma  
Manet Christi gratia.
2. O Thoma, prae ceteris  
Martyribus clare,  
Nobis posce miseris  
Donum salutare,  
Ut detur cum superis  
Nobis habitare;
- V. Annue, salvator,  
Thomae dilectus amator.
3. Ad Thomae memoriam  
Currant, qui gravantur,  
Poscant ejus gratiam,  
Orent, ut salventur,  
Ut misericordiam  
Dei consequantur;
- V. Crimina deplorent,  
cordis singultibus orent.

In 3. Nocturno.

Antiphonae.

1. Justus pro justitia  
Stare non vitavit,  
Acquitatem Dominus  
Ejus approbavit.
2. In excelsis pontifex  
Habitat securus,  
Qui pro domo Domini  
Firmus erat murus.
3. Thomae desiderium,  
Christe, tribuisti,  
Ad te per martyrium  
Sequi voluisti.



Responsoria.

1. Praesul Christi pretiosus,  
Ornatus virtutibus,  
Velut hortus speciosus  
Circumseptus floribus,  
Cujus rigant aromata  
Mundi diversa climata;  
V. Plenus erat rore,  
divino plenus odore.
2. Fons iste scaturiens  
Est a fonte prodiens,  
Qui nescit deficere,  
Cujus aquae saliant,  
Vivunt et reficiunt  
Fessos in itinere;  
V. Fons fugat ardorem,  
recreat redditque vigorem.
3. Summe Deus, quo fulcimur,  
Solve, quibus irretimur,  
Delictorum vincula,  
Repelle pericula,  
Quae meremur, quae veremur,  
Dimitte debita  
Martyris per merita.  
V. Corrige mores,  
Dirige gressus,  
Erige mentes.

In Laudibus.

Antiphonae.

1. Summa cum laetitia  
Thomas est translatus  
Et ad Christi gloriam  
Decenter locatus.
2. Tenebatur pontifex  
Loco prius humili,  
In sublimi positus  
loco jacet nobili.

3. Plebs devota veniat  
ad Thomae memoriam,  
Ut ejus suffragio  
consequatur veniam.
4. Confluant ad martyrem  
a diversis partibus,  
Ut salventur languidi  
variis languoribus.
5. Exuant, qui veniunt,  
vestem vetustatis,  
Vestem novam exigit  
festum novitatis.

Ad Benedictus.

- A. Celebremus venerandi  
Praesulis ac martyris  
Inclitam translationem,  
Ut per eum transferamur  
Ab hac vita fragili  
Ad aeternam mansionem.

In 2. Vesperis.

Ad Magnificat.

- A. Felix praesul,  
martyr egregie,  
Felix miles  
regis justitiae,  
Felix pastor,  
gregis suspiria  
Intuere  
mente propitia,  
Felix pater,  
exora Dominum,  
Ut nos salvet  
salvator omnium.

Brev. ms. Sarisberiense? saec. 14/15. Cod. Londinen. Sl. 1909. — In 1. Noct. A 1, 2 Foret est translatus. — In 2. Noct. A 3, 3 zum Verständnisse des Wortspieles sei bemerkt, daß corona hier an zweiter Stelle gleichbedeutend ist mit tonsura. — In 3. Noct. R 2, 8 recidat redditque.

95. De s. Thoma Herefordensi.

In 1. Vesperis.

Antiphonae.

1. In coelesti gloria,  
qua gaudent angeli  
Regnat Thomas, Dominum  
laudate pueri.
2. Omnes gentes, psallite  
in laudem Domini,  
Senes atque juvenes  
et omnes populi.
3. Justus laudet Dominum,  
qui justos diligit,  
Compeditos liberat,  
elisos erigit.
4. Non est speciosa  
laus in ore peccatoris,  
Justorum jucunda  
est laudatio decoris.
5. Sion, psalle jugiter  
Concentibus sonoris,  
Thomas cantat dulciter  
Cum angelorum choris.
- R. Homo mutus,  
qui lingua caruit,  
Vetri victum  
vi manus impulit,  
Thomam rogat,  
linguam obtinuit,  
Linguis loqui  
diversis meruit.
- V. Zachariae  
qui os aperuit,  
Muto linguam  
per Thomam tribuit.

Ad Magnificat.

- A. O pater pietatis,  
O gemma praesulum,  
Lucerna claritatis,  
Illustrans saeculum,  
Medela sanitatis  
Ad te currentium,

Nos purgans a peccatis  
Gaudere cum beatis  
Fac in perpetuum.

Ad Matutinum.

Invitatorium.

Adsunt Thomae praesulis  
festa laetitiae,  
Adoremus et laudemus  
regem gloriae.

In 1. Nocturno.

Antiphonae.

1. Thomas pestilentiae  
cathedra non sedit,  
Legem implens tempore  
fructum vitae dedit.
2. Hic praeceptum Domini  
praedicans timore,  
Non servi sed filii  
servivit amore.
3. Non timebat impios  
pius adversantes,  
Justos salvat Dominus  
in ipso sperantes.

Responsoria.

1. Pater pius,  
pastor prudentiae,  
Escis alit  
oves ecclesiae,  
Thomas thema  
fit temperantiae,  
Jaspis gestu,  
judex justitiae.
- V. Non infirmant  
fortem fallaciae,  
Dona, decus,  
damna, divitiae.
2. Erant Thomae  
mores: humilitas  
Corde, simul

in ore veritas,  
Actus simplex,  
fides, spes, caritas,  
V. Lectus, cibus,  
vestis asperitas  
Et mens munda  
carnis et castitas.

3. Nautae maris  
passi naufragia  
Thomae vovent,  
petunt suffragia,  
Lux de caelis  
descendit ignea,  
Cessant, cedunt  
cuncta contraria.

V. Tres candelae  
luce siderea  
Sunt accensae,  
mulcentur maria.

In 2. Nocturno.

Antiphonae.

1. Mundi spreuit gloriam,  
spreuit vanitatem,  
Non quaerit mendacium,  
quaerit veritatem.

2. Peribit vir sanguinum  
et spes impiorum,  
Erit exspectatio  
laetitia justorum.

3. Super coelos inclitus  
Thomas elevatus  
Honore et gloria  
regnat decoratus.

Responsoria.

1. Parens partus  
septies fecerat,  
Sed defunctos  
octavo tulerat,  
Abortivum  
hunc mensuraverat  
Servo Dei,  
quem sanctus suscitavit.

V. Ecce, Deus  
sanctum mirificat,  
Qui defunctum  
fatum vivificat.

2. Pastor hosti  
murum opposuit,  
Nec laborem  
nec mortem timuit,  
Vi praedonem  
praeda destituit,  
Domus Dei  
jura restituit.

V. Magnus magna  
fecit et docuit,  
Pia cunctis  
exempla praebeuit.

3. Praesul pascens  
gregem dominicum  
Ad mensuram  
partitur triticum,  
Duplum refert  
talentum traditum,  
Post laborem  
intrat in gaudium.

V. Omnes quidem  
currunt per stadium,  
Thomas currens  
accepit bravium.

In 3. Nocturno.

Antiphonae.

1. Malignus in nihilum  
huic justo deductus,  
Operum justitiae  
gloriosus fructus.

2. Posuisti capiti  
Thomae glorioso  
Coronam de lapide,  
Christe, pretioso.

3. Mundus, verax, innocens  
per dilectionem  
Accepit a Domino  
benedictionem.

Responsoria.

1. Mundi Thomas  
    furores temperat,  
    Famem pellit,  
    a peste liberat,  
    Firmat pacem,  
    salutem reparat,  
V. Terrae, mari  
    et ventis imperat,  
    Fugat mortem  
    et vitam comparat.
2. Clarus claris  
    signis ostenditur,  
    Caecus videt  
    et mutus loquitur,  
    Surdus audit  
    et claudus graditur,  
    Aeger quisque  
    sopes revertitur.
- V. Per te, Thoma,  
    captive solvitur,  
    Fugit daemon,  
    mors vita vincitur.
3. Princeps pacis,  
    precatu praesulis  
    Tui Thomae  
    aufer a famulis  
    Culpas cordis,  
    oris et operis,  
    Sede sancta  
    siste nos superis,
- V. Ubi plausus,  
    perpes pax pectoris,  
    Splendor summi  
    solis ac sideris.

Prosella.

Super coelos sublimaris,  
Gratis gratans gratularis,  
Felix fatim efficeris.  
Tuos, Thoma, tuearis,  
Motus mulce magni maris  
Tu, qui digne laudaris  
Superis.

Ad Laudibus.

Antiphonae.

1. Christo laus et gloria  
    detur cum honore,  
    Qui praecinxit famulum  
    virtutum decore.
2. Caeci vident, ambulant  
    claudi, muti fantur,  
    Surdi, daemoniaci,  
    leprosi curantur.
3. Corpora morticina,  
    membra dissoluta  
    Sunt saluti reddita,  
    vitae restituta.
4. Tristes, aegri, debiles  
    ad sanctum accedunt,  
    Justi voti compotes  
    gaudentes recedunt.
5. Multitudo confluit  
    et plebs copiosa  
    Admirantes opera  
    tanta gratiosa.

Ad Benedictus.

- A. Sancte Thoma,  
    succurrens omnibus,  
    Intus, extra  
    nos munda sordibus,  
    Caritatis  
    sic reple moribus,  
    Ut regnemus  
    tecum coelestibus.

In 2. Vesperis.

Ad Magnificat.

- A. Sicut fragrant horto florum  
    Candent, curant lilia,  
    Thomas per exempla morum  
    Fragrat in ecclesia;  
    Candet choro confessorum  
    Flos vitae munditia,  
    Culpas curat contritorum,  
    Poli praestat praemia.



Per Octavam ad Magnificat.

Antiphonae.

1. Salve, Thoma, pastor bone  
Christi gregis et patrone,  
O doctor ecclesiae,  
Opem, quaeso, fer aegrotis  
Atque mentibus devotis  
Confer lumen gratiae.
2. Puer mersus morti datus  
Tandem Thomae mensuratus  
Est apud Oxoniam,  
Qui statim resuscitatus  
Ut a somno excitatus  
Dei per potentiam,

Cum revixit,  
Clamans dixit:  
Eamus Herfordiam.

3. Lux fulget ex Anglia,  
Thomas, vir angelicus,  
Nobilis prosapia,  
Praesul apostolicus,  
Doctor veritatis.  
Dona nobis gratiae  
Christi patrocinium  
Et post hoc exsilium  
Ac felicem transitum  
Junge nos beatis.

Brev. Herefordense imp. Rotomagi 1505. — In 1. Vesp. A 5, 1 psallite.  
— In Laud. A 4, 4 decedunt. — Per Oct. A 2, 9 ad Herfordiam. — Für  
die Hymnen vgl. Analecta IX. p. 248 sq.

## 96. De sancto Trudone.

In 1. Vesperis.

Super Psalmos.

- A. Laeta dies, aeterna quies,  
Sol, filius astri,  
Emerito tibi pro merito  
sine nube resplendet,  
Sancte Dei; dant vota rei,  
tu suscipe, parce,  
Da, quod abest, remove, quod  
obest,  
quidquid premit, arce.
- R. O flos paradisi Domini,  
Altior cedris Libani,  
Cujus odore  
sanantur languidi  
Et reviviscunt mortui,  
Trudo, pater sanctissime,  
Succurre huic familiae.
- V. Plurima debemus  
et debita nostra timemus.

Ad Magnificat.

- A. Sancte pater, clare doctor,  
Dulce decus, noster amor,  
Funde preces tuo gregi,

Trudo sacer, recognosce,  
Tui sumus, Jesum posce,  
Ut solutos a peccatis  
Nos componat cum beatis.

Ad Matutinum.

Invitatorium.

Ad jubilos vitae  
Christo psallendo venite,  
Qui sibi Trudonem  
sociat post carnis agonem.

In 1. Nocturno.

Antiphonae.

1. Annua jucundo  
redeunt solemnia mundo,  
Quae recolenda bonis  
rutilant in honore Trudonis.
2. Huic natura parens,  
habuit quae maxima, tradens  
Exceptum statim  
levat ad bona cuncta gradatim.

3. Inelita praecipue  
sunt haec monimenta ju-  
ventae,

Vix poterat fari  
redditque diem mulieri.

4. Iste puer talis,  
jam totus spiritualis,  
Discere quaerebat  
id, quod scriptura tegebat.

5. Angelus ad votum  
noctu dat in ordine notum,  
Quo pergat, quid agat,  
sub quo doctore quiescat.

6. Sic post Remaclum  
Metis subeundo Glodulphum,  
Dum redit instructus,  
sanctos studet edere fructus.

Responsoria.

1. Exortum est in tenebris  
Praeclari lumen sideris,  
Cum edidit Hasbania  
Trudonem plenum gratia,
- V. Accrevit coelis gaudium  
Et terris patrocinium.
2. Hic puerili opere  
Instar jacit ecclesiae,  
Quod dum conculcat femina,  
Perdit, resumit lumina;
- V. Viva futurus hostia  
Haec Deo libat munera.
3. Florebant eo tempore  
Multi verbis et opere,  
Ad quorum Trudo studia  
Jugi tendit instantia,
- V. Spirabat hortus Domini  
Flores rosae et lilii.
4. Orabat quamvis dormiens  
Christumque semper sitiens,  
Cum edocet coelicola,  
Quid faciat Christicola;
- V. Remaclum, inquit, praesulem  
Tibi designo consulem.

In 2. Nocturno.

Antiphonae.

1. Impiger accepti  
diffundens lucra talenti,  
Quomodo vivebat,  
alios sic erudiebat.
2. Hos foveat, hos sanat,  
hos largo munere donat,  
Omnibus accedit,  
sine munere nemo recedit.
3. Nocte soporati  
meritum testata beati  
Lux caput atque pedes  
et totas ambiit aedes.
4. Elicuit fontem,  
monuit coelestia gentem,  
Eripuit furem,  
domuit post cetera verrem.
5. Aggregat hic tales  
vir sanctus coenobiales,  
Quorum vita mori,  
mors esset vivere Christi.
6. Ergo triumphantem,  
mortalia cuncta terentem  
Rex suus invitat  
et, quo solet, ordine ditat.

Responsoria.

1. Jam tunc plenus virtutibus  
Ipsisque par doctoribus  
Omne mandatum literae  
Pio complebat opere,
- V. Humilibus consentiens  
Et nihil altum sapiens.
2. Exutus ergo laicum  
Adolescit in clericum,  
Donec clectus rapitur  
Et sacerdos inungitur;
- V. Prudens, pudicus, sobrius,  
Qualem docet apostolus.
3. Communicato gaudio  
Praesul cum dulci filio  
Assumit eum socium  
In opus evangelicum,

V. Remaclus theoreticae,  
Ut instet Trudo practicae.

4. O virum laude, gratia  
Omniqne dignum gloria,  
Cui se duo lumina  
Infundunt noctu coelica,

V. Caput et pedes ambiunt  
Et soporato serviunt.

### In 3. Nocturno.

#### Ad Cantica.

A. Radix, flos, fructus,  
lignum, quod non tinet aestus,  
Testantur meritum,  
vir benedicte, tuum.

#### Responsoria.

1. Sacerdos ergo populis  
Diviso pane dogmatis  
De terra fontem elicit,  
Qui nunc usque non deficit;

V. Has erogat divitias  
Bonus pater familias.

2. Vir pietatis unicae,  
Nullius expers gratiae,  
Erudiebat homines,  
Ejiciebat daemones,

V. Imperitabat bestiis  
Et omnibus incommodis.

3. Applicabatur interim  
Hora transplantationis  
Ad radicem sanctissimae  
Arboris

Et cupientem dissolvi  
Et jam cum Christo esse

Discipulorum tamen  
Gemitus et quaerulosa

Ne se desereret

Supplicatio morabantur

V. Jamque recedentem,  
jam Christum respicientem.

4. Quod sperasti, ecce tenes,  
Quod amasti, Christum vides,  
Hic sepultus, ibi regnas,  
Hic rogaris, ibi praestas,

Nos commenda, sancte Trudo,  
Trino atque uni Deo.

V. *Memor esto plebis tuae,  
quam possedisti ab initio.*

#### Ad Laudes.

#### Super Psalmos.

A. Regnum, virtutem  
Deus induit atque decorem  
Et, quam firmavit,  
sedem tibi, Trudo, paravit.

#### Ad Benedictus.

A. Lux emergit, lux liquescit,  
Trudo sole plus candescit,  
Nive nova candidior,  
Auro vitroque purior;  
Coelos scandit, terras foveat,  
Mare totum laude replet;  
Ejus obtentu oriens  
Nos regat indeficiens.

#### Ad Horas.

#### Ad Primam.

A. Exsequias celebres  
summi comitantur odores  
Mixtaque caligo,  
lux, coelica cujus origo.

#### Ad Tertiam.

A. Janua pulsatur  
solaque fide reseratur,  
Credit et accedit  
caecus, cum luce recedit.

#### Ad Sextam.

A. Plectuntur fures,  
homicida reus perit alter,  
Ustus, contractus  
curam redit alter adeptus.

#### Ad Nonam.

A. Laude tua, Christe,  
pater est laudabilis iste  
Et, quoties petitur,  
animae carnique medetur.

In 2. Vesperis.

Ad Magnificat.

A. Magna te Deum cantica,  
Clara decent praeconia,

Cujus virtute dexteræ  
Trudo splendet in aethere,  
Ejus nos, Jesu, precibus  
Peccati solve nexibus.

Passionale ms. Trudonense saec. 15. et 16. Cod. Leodien. 278. A. — Antiph. ms. Trudonense anni 1600—1604. Cod. Leodien. 283. B. — A hat die dem Officium ursprüngliche monastische, B nichtmonastische Form. A und B haben in 1. Vesp. 5 A., nämlich A nach der obigen noch die 4 ersten der 1. Nokt.; B die der 1. Nokt. und die letzte der zweiten; In Laud. hat B. 5 Ant; es fügt nämlich die der kleinen Horen der ersten hinzu. In 1. Noct. A 2, 1 Hinc natura A. — R 2, 1 Hinc puerili AB. — In 2. Noct. R 3, 2 Et hora A. — In 2. Vesp. ad Magn. A, 4 in aethere A. — Die Hymnen siehe Analecta XII, 237 sq.

97. De sancto Tudgualo.

In 1. Vesperis.

R. Qui Tudgualum hodie  
Sedes ad supernas  
Duxisti magnifice  
Per vias aeternas,  
Pater, aures habeas,  
Quaesumus, paternas,  
In Tudguali titulum  
Clamantes ne spernas,  
V. O qui perpetua  
mundum ratione gubernas.

Prosella.

1a. Fons clementiae,  
Vena veniae,  
Via, veritas,  
Flumen gratiae,  
Plena caritas,  
1b. Trina deitas,  
Una bonitas,  
Rex justitiae,  
Poenas debitas  
Solvat hodie.  
2a. Deus, omnium  
Spes fidelium,  
Pacis princeps unice,  
2b. Super propriam  
Hanc familiam  
Pio vultu respice.

3a. Qui pupillo consulis,  
Parce famulis  
Tanti prece praesulis;

3b. Non attendens merita  
Tuos visita  
Pietate solita.

4a. O largitor munerum,  
O rex superum,  
Miserere pauperum;

4b. Pater, fili, spiritus,  
Veni coelitus,  
Clamantum gemitus ne

5. spernas.

Ad Magnificat.

A. O quem Tudgualum  
Trecoria, Roma Leonem  
Invocat, in Christi  
virtute repelle draconem.

Ad Matutinum.

Invitatorium.

Sit regnum stabile,  
sit ei decus imperiale,  
Qui tibi, Tudgualo,  
proprium comisit ovile.



In 1. Nocturno.

Antiphonae.

1. Beatus vir est Tudgualus,  
Per quem vita, per quem salus  
Est data Britanniae.
2. Hic est prudens architectus,  
Fecit enim suum pectus  
Domum sapientiae.
3. Fundamentum fidem jecit,  
Caritatem tectum fecit,  
Spem loco maceriae.

Responsoria.

1. Tudgualus, Christicola,  
zelo dei plenus,  
Dives erat aliis,  
sibimet egenus,  
Quamvis ortus regibus,  
animo serenus,
- V. Ingeminans animi  
nobilitate genus.
2. Dum vernaret igitur  
puerili flore,  
Jam coelestis gratiae  
delibutus rore  
Adhaerebat studiis  
avido fervore.
- V. Ingenium coeleste suis  
velocius annis  
Surgit et ignavae  
fert mala damna morae.
3. Factus autem juvenis  
fretus Dei donis  
Frenat carnis impetum  
freno rationis,  
Hanc solam sententiam  
observat Nasonis:
- V. Virtus est placidis  
abstinuisse bonis.

In 2. Nocturno.

Antiphonae.

1. Justus, fortis, temperatus,  
Prudens erat et ornatus,  
Evitavit vitia.

2. Hic nullius indigebat,  
Namque Deum possidebat  
Possidentem omnia.

3. Lac praebebat juniori  
Apponendo fortiori  
Solida cibaria.

Responsoria.

1. Parentum amplissimo  
derelecto fundo  
Transit ad Armoricos  
contempto profundo,  
Britanniam spiritu  
mundat ab immundo,
- V. Non sibi sed toti  
credebat vivere mundo.
2. Pastor fit Trecoriae,  
pastor inquam bonus,  
Praesul et praesidium,  
pastor et patronus,  
Ferre jugum Domini  
semper erat pronus,
- V. Semper enim leve fit,  
quod bene fertur onus.
3. Angelus ad praesulem  
precibus prostratum,  
Detulit libellulum  
talibus notatum:  
Romanam ecclesiam  
vade visitatum;
- V. Hic bonus et sapiens  
dignus se ait esse paratum.

In 3. Nocturno.

Antiphonae.

1. Vestem dabat spoliato,  
Sanitatem vulnerato  
Miscens vinum oleo.
2. Sitientes refovebat,  
Aguas vivas hauriebat  
De scripturae puteo.
3. Informabat imperitos,  
Subtrahebat irretitos  
Vitiorum laqueo.

Responsoria.

1. In papam eligitur  
nutu deitatis,  
Tudgualus efficitur  
rector Petri ratis,  
Claves coeli bajulat  
portis reseratis;  
V. Hic facit, ut pateant  
coelestia regna beatis.
2. Lamenta Britanniae  
tandem sunt soluta  
Tudguali praesentia  
sibi restituta,  
Adventum pontificis  
lingua canit muta,  
V. Flebile principium  
melior fortuna secuta.
3. Completo curriculo  
temporalis status  
Tudgualus de carcere  
carnis liberatus  
Ad coelestis gloriae  
regnum est translatus;  
V. Pro fidei meritis  
vocitatur jure beatus.

In Laudibus.

Antiphonae.

1. Nunc, Tudguale, vere gaudes  
Reddens Deo veras laudes  
In Dei praesentia.

Legenda ms. Trecorensis saec. 15. Cod. Parisien. 1148. — In 1. Vesp. R, 1 Tudgualum Hs. — In Laud. A 5, 2 humilitatem Hs.; es wird wohl die Menschheit Christi gemeint sein. — Die Hymnen vgl. Analecta XII, p. 239 sq.

98. De sancto Valarico.

In 1. Vesperis.

Ad Magnificat.

- A. Coelitus ostensis  
signis quam pluribus almis  
Hoc festum sancti  
celebremus jam Valarici,  
Ipsius ut meritis  
celebrando juvemur opimis.

2. Nunc in Deo praesens vides,  
Quod credebas, cessat fides,  
Succedit scientia.
3. Quid filium generari,  
Quid spiritum sit spirari,  
Spectas non per speculum.
4. Manifeste trinitatem  
In personis, unitatem  
Cernis in essentia.
5. Nunc visitas deitatem,  
Vides et humanitatem  
Oculo ad oculum.

Ad Benedictus.

- A. Non talentum tumulavit  
Tudguali solertia  
Sed lucrando reportavit  
Domino duplicia.

In 2. Vesperis.

Ad Magnificat.

- A. Magnificat Dominum  
coelestis curia trinum,  
Qui triplici gemma  
Tuguali ornat diadema.

Ad Matutinum.

Invitorium.

- Regem regem veneremur  
Mente devotissima,  
Qui beatum Valaricum  
illustravit gratia.

In 1. Nocturno.

Antiphonae.

1. Beatus vir Valaricus  
Adhuc aetate parvulus  
Ad literarum studia  
Sacrarum vovit pectora.
2. Pascens patris oviculas  
Ad scholas ibat properans  
Et capta lectiuncula  
Redibat ad custodiam.
3. Afflatus sancto spiritu  
Tam capax mentis redditur.  
Ut infra breve spatium  
Totum sciret psalterium.

In 2. Nocturno.

Antiphonae.

1. Nam fervore sacri zeli  
ad majus progreditur,  
Monachorum jam delegit  
sacram vitam ducere,  
Unde quondam nominatum  
appetit coenobium.
2. Pater ejus in moerore  
tunc conversus animi  
Perurgere coepit cum  
totis simul nisibus,  
Ne parantes sic relinquens  
fieret extraneus.
3. Sed nec pater neque abbas  
neque ejus monachi  
Ulla prece neque ullis  
comminationibus  
Amovere potuerunt  
a suo proposito.

Responsorium.

Hic vir sanctus Ambianis  
civitatis partibus  
Se tradebat, quendam reum  
cum suspensum prospicit,  
Huc cucurrit pietatis  
commotis visceribus,  
Probaturus, apud Deum  
cujus esset meriti.

- V. Ut cadaver jam defuncti  
Ad terram deposuit,  
Se prostrato super eum  
mox ad vitam rediit.

In 3. Nocturno.

Antiphonae.

1. Ferox judex hoc dedignans,  
quod reus revixerat,  
Rursus cum deputavit  
duci ad suspendia.
2. Servus Dei Valaricus  
tunc inquit ad judicem:  
Audi, judex, te non decet  
ultra istum perdere,  
Quem Deus resuscitavit  
suo sacro munere.
3. Jam tyrannus his devictus  
a crudeli animo  
Condonavit servo Dei  
suum, quem redimerat.

Responsoria.

1. Aeger quidam dissolutis  
membrorum compagibus  
Sancto Dei Valarico  
delatus adducitur,  
Qui a tactu viri Dei  
adsurrexit validus.
- V. Totus in se videbatur  
ita esse debilis,  
Quod a nulla parte sui  
se movebat corporis.
2. Alter rursus jam defertur  
captus a daemonio,  
Qui pro sua feritate  
sutus erat corio,  
Sed dum sanctus fudit preces,  
compunctus in animo  
Captivatus inimici  
caruit dominio.
- V. Adsit nobis apud Deum  
hic in adjutorio  
Ejus sacro interventu  
et potenti merito.

3. Iste sanctus venerandus  
est in multis laudibus,  
Tam multis miraculorum  
proditus prodigiis,  
Lapis vivus sic insertus  
Dei aedificio,  
Velut magnes ferrum trahens  
qui sic cunctos trahere  
Nitebatur ad se, ut hos  
Christo lucrificeret,  
V. Ut sol ille rutilabat  
virtutum per opera,  
Radiis doctrinae sacrae  
populos illuminans.

Ad Laudes.

Antiphonae.

1. Vir illustris Valaricus  
pio semper opere  
De virtute in virtutem  
studuit proficere.
2. Ut fidelis atque prudens,  
quem Deus statuerat,  
Monachorum rexit pater  
insignem familiam.
3. Tam honestum vitae cursum  
Egit, dum adviveret,  
Ut exemplum castitatis  
omnes in se caperent.
4. Semper Deum benedicens  
laborabat labiis

Brev. ms. Laudunense saec. 14. Cod. Laudunen. 257. A. — Brev. ms. Laudunense saec. 14. Cod. Laudunen. 259. B. — Brev. ms. Laudunense saec. 15. Cod. Laudunen. 258. C. — Brev. ms. Laudunense saec. 15. Cod. Pianoren. M 91. D. — In 1. Vesp. Ad Magn. **A**, 1 ostensus **A**. — In 1. Noct. sind alle **RR** prosaisch, in 2. Noct. alle bis auf eines. — In 2. Noct. **A** 1, 5 nominatim **A**. — In 3. Noct. **R** 2, 11 Cnjus **A**.

99. De s. Wilhelmo Eboracensi.

In 1. Vesperis.

Antiphonae.

1. In Wilhelmi laudibus  
Laxet clerus lora,  
Sit in hymnis, canticis  
concio decora.
2. Pius pater hodie  
de hac valle fletus

Neque somno acquiescens  
aut sumendis epulis.

5. Laudem Deo decantare  
ita regulariter  
Providebat, ut mens voci  
concordaret pariter.

Ad Benedictus.

- A. Alnum diem celebrantes  
viri tam sanctissimi  
Ipsum nobis invocemus,  
ut ejus suffragiis  
Mereamur absoluti  
culparum flagitiis  
Coelo frui, quo conjunctum  
supernorum civibus  
Exsultare eum facit  
benedictus Dominus.

In 2. Vesperis.

Ad Magnificat.

- A. O confessor gloriose,  
quem Deus magnificans  
Illustravit sub hac carne,  
diversis languoribus  
Ut oppressos expedires,  
obsessos daemoniis,  
Audi preces, qui te colunt,  
per te apud Dominum  
Ut impetrent, quod exposcunt,  
coeleste subsidium.

Ad supernum solium  
Sion transit laetus.

3. Quondam thesaurarius,  
jam thesaurus cleri,  
Dedit opes, medici  
nunc dat opem veri.
4. Coelum solum sitiens,  
gazas Christi miles,



Ne scandentem retrahant,  
calcat ut res viles.

5. In doctrina solidum  
cibum dat provecis  
Et lactis dulcedinem  
miscet imperfectis.

Ad Magnificat.

- A. Nostri patris  
in natalitio  
Laetas laudes  
dictet devotio,  
Coeli regem  
lactet oratio,  
Ut jungamur  
ejus consortio.

Ad Matutinum.

Invitatorium.

Jubilemus regum regi,  
Qui concedit nos hic regi  
Per Wilhelmi merita.

In 1. Nocturno.

Antiphonae.

1. Ortus clari germinis  
hunc nobilitavit  
Et mentis nobilitas  
genus geminavit.  
2. In agendis strenuus,  
fidus in commissis,  
Ad censuram rigidus,  
firmus in promissis.  
3. Mitis in consortiis,  
in loquela rarus,  
In responsis providus,  
in censu praeclarus.

Responsoria.

1. Voluntate, trutina  
non legis cassatus,  
Virum novum induit  
coelitus mutatus;  
V. Juventutis januas  
claudit cassatio,  
Sic malum saepius  
boni fit occasio.

2. Vir ad sui gloriam  
cedit inglorius,  
Ut unguenti vasculum  
mundet in melius,

- V. Lacrimarum lavaero  
purgatis personis  
Confertur divinitus  
munus unctionis.

3. Laceratum exsulem  
morsibus malignis  
Nec fax angit odii  
nec livoris ignis;

- V. Probat hunc exsilium  
sicut hiems laurum,  
In fornace ponitur,  
purum exit aurum.

In 2. Nocturno.

Antiphonae.

1. Ne Samsonem Dalila  
faciat perire,  
Hic carnem spiritui  
facit obedire.  
2. Agrum mentis seminat  
sementis virtutum  
Et mundi delicias  
spernit velut lutum.  
3. Ne recentes flosculi  
virtutum marcescant,  
Hos scripturae rivulis  
irrigat ut crescant.

Responsoria.

1. Factus Jacob vigilat  
extra super gregem,  
Nec minus interius  
regum sapit regem,  
V. Marthae ministerio  
copulat Mariam,  
Rachelis amplexibus  
fruitur post Liam.  
2. Fragrat odor praesulis  
Romam venientis,  
Occurrit fragrantiae  
plebs unius mentis,  
V. Ex longinquis veniunt  
nec sunt fatigati,

Longa via visa est  
curta caritati.

3. Plebs occurrit praesuli  
cedit pons dissutus,  
Sed a casu populus  
ruens redit tutus,

- V. Unda ruens populum  
recipit ruentem  
Et se pontem efficit  
per omnipotentem.

In 3. Nocturno.

Antiphonae.

1. Ne cursus ad superos  
animo claudatur,  
Mens Dei dulcedini  
tota copulatur.  
2. Servit elemosynis  
manus insopita,  
Quibus se dat penitus  
vir Israelita.  
3. In sublime levat ut  
palma comam spei,  
Est imputrescibilis  
sicut cedrus Dei.

Responsoria.

1. Fide fuit Phinees,  
ut Job mansuetus,  
Patiens ut Israel,  
ut Noe discretus,  
V. Fidelis ut Abraham,  
ut Loth hospitalis,  
Sagax ut Samuel, ut  
Joseph liberalis.  
2. Vivum Christus oleo  
tam large linivit,  
Quod adhuc in mortuo  
olei fons vivit;  
V. Ut sit nomen praesulis  
oleum effusum,  
Corpus fundit oleum  
ad aegrorum usum.  
3. Adit sancti tumulum  
languidorum coetus  
Et, qui plangens venerat,  
plaudens redit laetus;

- V. Praesulis antidotum  
praesens est egenis,  
Quo devotos liberat  
pluribus a poenis.

In Laudibus.

Antiphonae.

1. Claudii recti redeunt,  
furor effugatur,  
Epilensis passio  
sanitati datur.  
2. Purgantur hydropici,  
laudes fantur muti,  
Datur paralyticis  
suis membris uti.  
3. Leprae tergit maculas,  
membra dat castratis,  
Lumen donat pluribus  
sine luce natis.  
4. Rapitur a pugile  
lex et hostis lumen,  
Quod per sanctum reparat  
caeco coeli numen.  
5. Ab abyssi faucibus  
biduo submersum  
Mater natum recipit  
a morte reversum.

Ad Benedictus.

- A. O Wilhelme, pastor bone,  
Cleri pater et patrone,  
Mundi nobis in agone  
Confer opem et deponere  
Vitae sordes et coronae  
Coelestis da gaudia.

In 2. Vesperis.

Ad Magnificat.

- A. Jesu, nostra fiducia,  
Honor noster et gloria,  
Amor, virtus, laetitia,  
Vita, veritas et via,  
Justorum pax et patria,  
Tua nos elementia  
Wilhelmi per suffragia  
De mundi miseria  
Transfer ad palatia.

Brev. ms. Eboracense saec. 15. Cod. Collegii SS. Trinit. Dublinen. A. 3. 9. A. — Brev. ms. Eboracense saec. 15. Cod. Londinen. Add. 30511. B. — Brev. Eboracense imp. Parisiis 1533. C. — In 1. Vesp. ad Magn. A, 6 lactet habet ABC. — In 3. Noct. A 2, 1 Secvit elemosynis B. — Neben Willhelmus die Form Willermus.

# 100. In Translatione s. Zenobii.

## In 1. Vesperis.

### Antiphonae.

1. Zenobi, quisacerdosinaeternum  
Exsistis, tua nos translatione  
Psallentes cordis cum devotione  
Fac prece regnum scandere  
supernum.
2. Monstrantur magna opera do-  
minica,  
Qui diu terra lumen occulta-  
tum  
In lucem profert hodie trans-  
latum,  
Ex quo patenter pullulant  
mirifica.
3. Divitiis et gloria fulcitur  
Nunc domus cathedralis Flo-  
rentina,  
Ecclesia detractis Laurentina  
Zenobii dum membris redimi-  
tur.
4. Quis Deo laudes dare possit  
digne,  
Qui jam, quem cum principi-  
bus locavit,  
De terra patris corpus susci-  
tavit,  
Quod nobis elargitur tam be-  
nigne.
5. Antistes, clerus et religiosi,  
Florentiae potesta et priores,  
Laudate Deum, gentes et re-  
ctores,  
Pro membris latis patris gene-  
rosi.

### Ad Magnificat.

A. O bone pastor,  
prudens et fidelis,

Zenobi sancte,  
decus sacerdotum,  
Translationis  
tuaec nunc devotum  
Colentes festum  
protege de caelis,  
Ne baratri nos  
voret mors crudelis.

## Ad Matutinum.

### Invitatorium.

Zenobii pontificis  
Translatio colatur,  
In qua divina canticis  
Majestas attollatur.

## In 1. Nocturno.

### Antiphonae.

1. In suo suum tempore  
Dans fructum vir beatus,  
De terra tracto corpore  
Est hodie translatus.
2. Transfertur corpus praesulis,  
Qui Deum est secutus,  
Re praedicator utilis  
Ab eo constitutus.
3. In Deo praesul vigilat  
In terra soporatus,  
Mirandis signis rutilat  
Solemniter translatus.

### Responsoria.

1. Concurrat urbs Florentia  
Nunc ad secunda funera  
Sui dominatoris,  
Laudis Deo decentia  
In hoc det festo munera  
Zenobii pastoris.

- V. Translatus de ecclesia  
Levitae tunc in altera  
Quievit salvatoris.
2. Haeret premente populo  
Corpus portatum loculo  
Ulmo gelu siccato,  
In quolibet ramusculo  
Florescit arbor patulo  
Virore sibi dato,
- V. Quod mortuo corpuseculo  
Superno vivit saeculo  
Vir sanctus, demonstrato.
3. Templi secus introitum  
Sacratum corpus positum  
Inferre nequiverunt,  
Canonicos in numero  
Ut psallant bis senario,  
Zenobio voverunt,
- V. In humeris impositum  
Intrantes depositum  
Sepulchro tradiderunt.

In 2. Nocturno.

Antiphonae.

1. In pace sanctus dormiens  
De tumulo levatur,  
Quod bene rexit praesidens,  
In templo collocatur.
2. Ad te oramus, Domine,  
Intellige clamorem  
Translatique precamine  
Da nobis coeli rorem.
3. Sub cujus cuncta pedibus  
Terrena subjecisti,  
Translatum in his aedibus  
Hunc, Deus, posuisti.

Responsoria.

1. Adsit dulcoris  
Vis non moeroris,  
Cor jucundetur,  
Corpus pastoris  
Stipatum choris  
Cum transportetur,
- V. In Salvatoris  
Templo sonoris  
Hymnis locetur.

2. Tesauro gratum  
Terrae locatum,  
Plebs, reperisti,  
Nunc habes datum  
Hunc advocatum,  
Quem transtulisti,
- V. Tuum reatum  
Per hunc purgatum  
Sic comperisti.
3. Hac Florentinus  
Praesul et clerus  
Die laetatur,  
Noster patronus  
Pastorque verus  
Cum transferatur,
- V. Judex divinus,  
Reis severus,  
Per hunc placatur.

In 3. Nocturno.

Antiphonae.

1. In Dei tabernaculo  
Zenobius quiescit,  
Multiplici miraculo  
Translatus requiescit.
2. Praeventi jam dulcedinis  
In benedictione  
Cujuslibet plebs ordinis  
Psallat translatione.
3. Portas vestras attollite,  
Canonici Florentiae,  
Transfertur praesul optimus  
In vestra nunc Zenobius.

Responsoria.

1. Exsultet urbs Florentia,  
Laurentii nam filia  
Dat templo salvatoris  
Membra, quamvis arentia,  
Miraculis nobilia  
Magnifici pastoris.
- V. Cum summa reverentia  
Translata sunt haec lilia  
Mirifici candoris.



2. Qui tuum tabernaculum  
Ad nostrum domicilium  
Transferri voluisti,  
Zenobi, gubernaculum  
Sis nobis et auxilium  
Adstando throno Christi,  
V. Ne nobis retiaculum  
Sit daemoneis obstaculum  
In ista valle tristi.

In Laudibus.

Antiphonae.

1. Hanc domum tuam, Dòmine,  
Vocatam tuo nomine,  
Hic decet sanctitudo,  
Translatum tuo tegmine  
Nam servat hic testudo.  
2. Peccato nostrum exsule,  
Precante sancto praesule  
Translato celebrate  
Hoc festum, florens popule,  
Deoque jubilate.  
3. Laurenti, tua contulit,  
Quem suo ventre protulit,  
Nunc terra fructum suum,  
Hunc, o Salvator, transtulit  
Ad templum clerus tuum.  
4. Creata benedicite,  
Creanti laudes dicite,

Qui suum confessorem  
Transfert, quod dotat licite  
Ecclesiam majorem.

5. Tam bestiae, reptilia,  
Quam pisces, volatilia,  
Laudate creatorem,  
Qui fecit mirabilia,  
Nam transtulit pastorem.

Ad Benedictus.

- A. Florendo florens floribus,  
Florentia, floresce,  
Translatus nam florescit  
Zenobius miraculis virescit  
Hoc ulma sicca  
florens innotescit  
Plebs ergo florens,  
laude non quiesce.

In 2. Vesperis.

Ad Magnificat.

- A. O lux et flos Florentiae,  
Splendoris, redolentiae,  
Zenobi, pastor digne,  
Qui dono tis praesentiae,  
Condigno reverentiae,  
Sic dotas nos benigne,  
Divinae nos clementiae  
Commenda, ne sententiae  
Tradamur post condigne.

Brev. ms. Florentinum saec. 14. Cod. Mediceo-Laurent. Aedil. 117. add. saec. 15. A. — Offic. ms. Florentina saec. 16. Cod. Magliabech. XXXVI 75. B. — In 1. Vesp. A 4, 2 jam quem nunc cum AB, wodurch der Vers eine Silbe zuviel erhält. — A 4, 4 lies Quod elargitur nobis? — In 1. Noct. R 3, 4 in numerum AB. — A 3, 5 senarios AB. — R 3, 8 Intrantes tepositum AB; dem Verse fehlt eine Silbe. — Ad Bened. A, 7 innotesce AB. — Das Offizium ist offenbar auf die s. g. zweite Translation des Heiligen (1439) verfasst (vgl. Laud. A 1, 5), enthält aber auch Züge aus der s. g. ersten von 1330 (vgl. Noct. 1. R 2).

# Inhalts-Übersicht.

## I. Real-Index.

Nr.	Seite	Nr.	Seite
1. De saneto Achatio . . . . .	13	37. De saneto Dionysio . . . . .	103
2. De saneto Achatio . . . . .	16	38. In Translatione s. Dionysii . . . . .	105
3. De saneto Adalardo . . . . .	19	39. De saneto Dompnolo . . . . .	108
4. De saneta Adalberga . . . . .	20	40. De saneto Donato . . . . .	110
5. De saneto Agricio . . . . .	23	41. De saneto Donato . . . . .	112
6. De saneto Aichadro . . . . .	25	42. De saneta Ebba . . . . .	114
7. De saneto Albano . . . . .	27	43. De saneto Edmundo . . . . .	117
8. De saneto Altone . . . . .	30	44. De saneto Eleario . . . . .	119
9. De saneto Ammone . . . . .	32	45. De saneto Eleutherio . . . . .	122
10. De saneto Aniano . . . . .	35	46. De saneto Emano . . . . .	125
11. De saneto Annone . . . . .	38	47. De saneta Enimia . . . . .	127
12. De saneto Ansgario . . . . .	41	48. De ss. Epiphanio et Isidoro . . . . .	130
13. De saneto Ansuario . . . . .	43	49. De saneta Eusebia . . . . .	133
14. De saneto Armagilo . . . . .	46	50. De saneto Eutropio . . . . .	135
15. De saneto Arnulpho . . . . .	48	51. De saneto Finiano . . . . .	137
16. De saneto Autore . . . . .	50	52. De saneto Firmino . . . . .	140
17. De s. Augustino Cantuariensi . . . . .	53	53. De saneto Firmino . . . . .	142
18. De saneto Augustino . . . . .	56	54. In Inventione s. Firmini . . . . .	145
19. De saneto Baldo . . . . .	59	55. De saneto Folquino . . . . .	147
20. De saneto Barnardo . . . . .	62	56. De saneto Fusciano . . . . .	150
21. In Octava s. Barnardi . . . . .	64	57. De saneto Georgio . . . . .	152
22. In Translatione s. Barnardi . . . . .	66	58. De saneto Gisleno . . . . .	154
23. In Translatione s. Benedicti . . . . .	68	59. De saneto Goare . . . . .	156
24. De saneto Bertrando . . . . .	69	60. De saneta Godeberta . . . . .	159
25. De saneto Bertulpho . . . . .	72	61. De saneto Guillermo . . . . .	161
26. De saneta Billilde . . . . .	74	62. De saneto Hermelando . . . . .	163
27. De saneto Blaano . . . . .	77	63. De ss. Hermelando et Baldo . . . . .	164
28. De saneto Bonito . . . . .	80	64. De saneta Hermelinde . . . . .	165
29. De saneta Brigida . . . . .	82	65. De saneto Honorato . . . . .	168
30. De saneta Brigida . . . . .	85	66. De saneto Ivone . . . . .	170
31. De ss. Cantio, Cantiano, Can- tionilla . . . . .	88	67. De saneto Ivone . . . . .	173
32. De saneto Castore . . . . .	90	68. De saneto Ivone . . . . .	175
33. De saneto Cedda . . . . .	92	69. De saneto Ivone . . . . .	179
34. De saneto Colomanno . . . . .	95	70. De saneto Ketillo . . . . .	182
35. De saneto Columba . . . . .	98	71. De saneto Ludovico . . . . .	185
36. De saneto Cuthberto . . . . .	101	72. De saneto Ludovico . . . . .	188
		73. De saneto Ludovico . . . . .	192

Nr.	Seite	Nr.	Seite
74. De sancto Ludovico . . . . .	194	87. De sancta Rictrude . . . . .	227
75. In Translatione s. Ludovici .	197	88. De sancto Rumoldo . . . . .	228
76. In Translatione s. Mariae Magdalenae . . . . .	199	89. De sancto Severino . . . . .	231
77. De sancto Mauronto . . . . .	200	90. De sancta Sumniva . . . . .	233
78. In Decollatione s. Johannis B	203	91. De sancto Suithuno . . . . .	235
79. De sancto Mommolemo . . . .	205	92. De s. Thoma Cantuariensi .	238
80. De sancto Osmundo . . . . .	207	93. De s. Thoma Cantuariensi .	242
81. De sancto Oswaldo . . . . .	209	94. In Translatione s. Thomae Cantuariensis . . . . .	245
82. In Translatione ss. Patricii, Columbae et Brigidae . . . . .	212	95. De s. Thoma Herefordensi .	248
83. De sancta Pharahilde . . . . .	215	96. De sancto Trudone . . . . .	251
84. De sancto Potentino . . . . .	217	97. De sancto Tudgualo . . . . .	254
85. De sanctis Puellis . . . . .	220	98. De sancto Valarico . . . . .	256
86. De sancto Raphaelo . . . . .	222	99. De s. Wilhelmo Eboracensi	258
		100. In Translatione s. Zenobii .	261

## II. Verbal-Index.

	Seite		Seite
Adest dies celebris . . . . .	62	Gaudeat ecclesia . . . . .	32
Adesto pater gloriae . . . . .	43	Gaude Capadocum nobilis . . .	152
Adest Thomae martyr . . . . .	245	Gaude felix Hibernia . . . . .	233
Ad dextris sedet gloriae . . . .	119	Gaude Lugdunum praesulis . . .	64
Alma virgo sponsa Christi . . . .	159	Gaudent sancti de tegmine . . .	130
Alme confessor Domini . . . . .	101	Gaude terra Franciae . . . . .	175
Armagili meritis . . . . .	46	Germanorum quatuor . . . . .	92
Augustinus a beato . . . . .	53	Gloria sanctorum . . . . .	19
Ave gemma confessorum . . . . .	117	Gloriose rex Oswalde . . . . .	209
Ave gemma mulierum . . . . .	74	Gloriosi confessoris . . . . .	108
Ave jubar matutinum . . . . .	50	Herodis adulterium . . . . .	203
Ave pater eximie . . . . .	163	Hic patriarcha pius . . . . .	23
Ave sidus coelestis curiae . . . .	114	Impari qui gaudes . . . . .	88
Benedicta maris stella . . . . .	199	Inclita martyrii . . . . .	27
Bis quondam seni . . . . .	150	Inclitus Aichadrus . . . . .	25
Celsa sancti praesulis . . . . .	110	In coelesti gloria . . . . .	248
Coelitus ostensis . . . . .	256	In Columbae sacris solemniis .	98
Coelorum Domino . . . . .	142	In Dei patris dextera . . . . .	16
Confessor Domini . . . . .	80	In puellis Christum magnifica	220
Congaudeat ecclesia . . . . .	66	In sanctorum splendoribus . . .	59
Cum rectos ex congruo . . . . .	222	In Wilhelmi laudibus . . . . .	258
Cunctos presbyteros . . . . .	179	Jucundare felix Sistaricum . . .	112
Dilectus Dei Munulus . . . . .	68	Justitiae cultor . . . . .	231
Dulce festum sacrosancti . . . . .	20	Laeta dies aeterna quies . . . .	251
Dux Deus ex alto . . . . .	30	Laetare plebs Ventoniae . . . .	235
Ecce dies celebris . . . . .	205	Lactetur chorus Domini . . . . .	122
Eutropii festiva . . . . .	135	Lauda coelestis regio . . . . .	188
Exultemus Deo omnes . . . . .	147	Laudes regi omnium . . . . .	217
Exsultemus omnes . . . . .	197	Laudibus exsultet coelum . . . .	69
Festa pia Brigidae . . . . .	85	Laus tibi rex aeternae . . . . .	90
Fons et origo boni . . . . .	95	Ludovicus decus regnantium . . .	185
Francorum rex magnificus . . . .	192	Lux celebris micat . . . . .	168

	Seite		Seite
Magnificantes Dominum . . . . .	133	Resonet in patulo . . . . .	35
Martyris insignis . . . . .	145	Salve lux Midiae . . . . .	137
Martyr Thoma . . . . .	242	Sancte Goar Domini . . . . .	156
Nomen Domini invictum . . . . .	13	Sancti festa nunc Emani . . . . .	125
Nunc laudare Dominum . . . . .	194	Sanctissima Dei famula . . . . .	225
O beate Mauronte . . . . .	200	Supernorum regis sponsa . . . . .	127
O Bertulphe confessor . . . . .	72	Sursum corda suscitentur . . . . .	38
O Christo plebs dedita . . . . .	164	Suscipe cum gaudio . . . . .	207
O decus Britanniae . . . . .	161	Triumphanti concordando . . . . .	228
O decus ecclesiae . . . . .	56	Vapincensis laetatur . . . . .	48
O flos doctorum . . . . .	103	Veneranda imminentis . . . . .	212
O pater aeterna . . . . .	154	Veni pater Dionysi . . . . .	105
Pastor apostolice . . . . .	41	Vir Domini prudens . . . . .	182
Pastor caesus in gregis . . . . .	238	Virgo clemens et benigna . . . . .	215
Pro nobis miseris . . . . .	140	Virgo puellarum . . . . .	165
Psalmorum modulos . . . . .	77	Virgo sancta Brigida . . . . .	82
Qui potens est exaltans . . . . .	173	Virga virens virtutibus . . . . .	170
Qui Tudgualum hodie . . . . .	254	Zenobi qui sacerdos . . . . .	261

O. A. M. D. G.

### Druckfehler.

Seite 6 Zeile 16 von unten lies Fülle statt Fälle.  
 „ 51 „ 13 „ oben „ comederet statt commenderet.  
 „ 55 „ 7 „ unten „ Coldoniense statt Coloniense.  
 „ 223 „ 20 „ oben „ difficultas statt difcultas.









26-5-66

89-01-11

Rev.

一

10793.



